

132

600




John Carter Brown
Library
Brown University


The John Carter Brown Library

Brown University

Purchased from the

Louisa D. Sharpe Metcalf Fund





Ioannis Leonis

AFRICANI, DE TOTIVS

Africae descriptione, LIBRI. IX.

Quibus non solum Africae regionum, insularum, & oppidorum situs, locorumq; intervalla accuratè complexus est, sed Regum familias, bellorum causas & euentus, resq; in ea memorabiles, tam à seipso diligenti observatione indagatas, q̃ in veris Maurorum Annalib. memoriae traditas, copiose descripsit, recens in Latinam linguam conuersi Ioan. Floriano Interprete.



ANTVERPIÆ

Apud Ioan. Latium, M. D. LVI.

Cum Privilegio.

Priuilegij sententia.

NE quis in Brabantia Ducatu
præter Ioannem Latium, Descriptionem
Africae Ioannis Leonis Africani, recens à
Ioanne Floriano Latina lingua donatam
imprimat, vel alibi impressam inter pro-
mercales habeat, Serenissimi Philippi Re-
gis Priuilegio cautum est. Velut fulius pa-
tet in Diplomate illi concessio Bruxellæ
viij. Calend. April. M. D. LVI. Signatis
P. Lens.

MAGNIFICO DOMINO

D. Melchiori Scheto Coruino, The-
saurario præclaræ vrbis An-
tuerp. optimè merito,
Ioan. Florianus

S. D. P.



Et uetustissima consuetudi-
ne à multis retro seculis
obseruata, receptum est,
ornatissimè vir, vt qui
vel proprio Marte, in-
genijque fœlicitate libros
conscriptissint, vel alio-
rum scripta in aliam linguam transtulissint, suas
vigilias aut amicis, aut Magnatibus consecra-
rent, inscriberent atque nuncuparent. Hunc
morem mihi etiam atque etiam imitatu dignis-
simum iudicanti, tu mihi omnium primis occur-
rebas, qui quidem egregijs parentibus, & hone-
sta amplissimaque familia ortus, propter insignes
virtutes tuas animique dotes singulares nuper
ad Rempub. admotus, atque ærario publico non
sine summa laude atque gloria præfectus, dignis-
simus

finus esse videbare, cui ceu Patrono equissimo
hanc nostram qualemcunque opellam piis votis
dedicarem, idque cum propter innatum tuum er-
ga literatos candorem, tum quòd exterarum &
maxima ex parte nobis incognitarum regionum
descriptions, ei potissimum conuenire putaue-
rim, cuius nomen in exteris etiam regionibus,
utpote in Orbe nouo, notissimum esset. Cum an-
te menses aliquot in Ioannis Leonis Africae de-
scriptionum, rerumque in ea memorabilium li-
bras, non lectu modò, verùm & maxima laude
dignissimos incidissem, non potui non seriò homi-
nis summam hac in re mirari diligentiam. Imò
mibi ingentem thesaurum inuenisse persuadebã,
qui singulorum Regnorum, Regionum, Oppi-
dorum, Populorum, Montium, & Fluminum
exactissimam haberem delineationem. Nam si
Pythagoram aliquando propter vnã à se in-
uentam figuram Geometricam, centum boues diis
sacrificasse constat, quantò magis ego gaudere
debeo, qui de locis amplius sexcentis veteribus
incognitis, nactus sim integram cognitionem? Re-
peritur quidem Africa, Ptolemai tabulis Geo-
graphicis depicta, sed si quis cum hac conferre ve-
rit, maximam atque adeò potissimam partem, ut
qua

quæ per id tempus adhuc incognita esset, à Pto-
lemaeo cæterisq; silentio prætermittamur intelliget.
Neq; est quòd quisquam Authoris nostri vigilas
ceu somnia vel figmenta criminetur: hic siquidem
natione Granatensis, patria per Ferdinandum
& Elisabeth Hispaniarum Reges expugnata in
Barbariam profugiens, Fessæ literis Arabicis
operam dedit, quibus & libris à se editis clarus
euasit. Deinde variis iactatus profectionibus
præter Asiam & Europæ partem à se perlustra-
tam, Africæ Regiones, ac Prouincias, partim
animi causa, partim legationem Principum ge-
rens peragrauit, locorum distantias, nomina, si-
tus, naturam, incolarum mores, & quæ in iis me-
moranda occurrebant, sedulò annotans. Postre-
mò à piratis ad insulam Zerbi captus, Romamq;
perductus, Leoni Pontifici eius nominis Decimo
dono datus est: qui hominem Geographiæ peri-
tum, humanissimè excepit, & celebre opus de A-
fricæ Topographia conscripsisse atque circumfer-
re intelligens, amplissima pensione ditauit, tan-
demq; ad Christi fidem pertractum, imposito illi
in fonte Baptismatis nomine, Ioannem Leonem
appellauit. Post hæc Romæ aliquot annis re-
mansit, ubi Italicam linguam edoctus, conscri-

ptam Arabico idiomate opus, vertit: quod nunc
Latinè verſum ſub tui nominis auſpicio in lucem
emitto. Non quidem ea perſuaſione ſultus, vt ex
bac verſione vel dignitatis, vel ornamenti quic-
quam ad cumulum virtutum tuarum acceſſurum
putem: aut quòd hîc quippiam ſis reperturus,
quod non per te ex autographo Italico facillime
intelligere poſſes, ſed potius vt huic verſioni ex
nominis tui patrocinio aliquid gratiæ concilieretur.
Quod quidem de tua humanitate plurimum con-
fidens, attentare præſumpſi, facile me veniam con-
ſecuturum ſperans, ſi nonnulla tui nominis digni-
tati minus reſponderint. Quare ſic habeas ve-
lim, vt non munus exire ipſa æſtimes, ſed po-
tius offerentis affectum & voluntatem.

Bene vale integerrime Mæcenas,
tui Ordinis decus, & or-
namentum.

Antuerpiæ ex Muſæo noſtro

Idib. Martiis Anno
reſtitutæ ſalutis.

M.D.LVI.



INDEX IN IOANNIS

Leonis Africani descriptionem, in quo Africae
Regna, Prouinciæ, Ciuitates, Insulae, Deserta,
Populi, Sectæ, Familiae, atque adeò quicquid
in ea memorabile est, Alphabetico
ordine pertractatur.

a priorem folij paginam, *b* posteriorem designat.

B uginan castrum	238.b
Abulhusein pop.	11.b. 15.a
Abusaid mons	205.a
Accha castrum	234.a
Accipitris historia	299.a
Addad radix virulenta	301.b
Adendunum opp.	96.a
Adimain animal domesticum	293.a
Adinmei mons	68.a
Adiuratores vrbs Fessanæ	137.a
Ægyptus regio	258.a
Ægypti diuisio 258.b Temperies	260.a
Ægyptiorum genus & origo	259.a
Afri cognominati Soaua, eorumque ritus	22.a
Afri Sicularum mancipia qui	21.b
Afri agriculturæ dediti	30.b
Africa vnde dicta	1.a
Africa niuib. obnoxia	25.b
Africanorum encomia	33.b
Africae termini & diuisio	1.b
Habitationes 4.b Situs	25.a
	* iij Afro

I N D E X.

<i>Afrorum origo</i>	4.b
<i>Afrorum qui Libya deferta inhabitant mores</i>	
& ritus	16.a
<i>Agades ciuitas & regnum</i>	4.a. 252.b
<i>Agbal mons</i>	205.a
<i>Agla opp.</i>	154.b
<i>Agmettum Marocci opp.</i>	63.a
<i>Aguechet Regio</i>	247.a
<i>Alcairi maxima & admiranda vrbs luculenta descriptio</i>	266.a
<i>Alcairi ciuium ritus ac mores</i>	272.b
<i>Alcairum à quo condita</i>	7.b
<i>Alchymista in vrbe Fessana</i>	136.b
<i>Alexandria Egypti ciuitas</i>	261.a
<i>Algeria quæ Geseir</i>	201.b
<i>Alemdinum Hascora oppidum</i>	78.a
<i>Ambara piscis descriptio</i>	294.b
<i>Annulos ex auribus suspensos gestant Africanæ mulieres</i>	20.b
<i>Anfa Temesnes oppidum</i>	94.a
<i>Angadi desertum</i>	190.a
<i>Angera mons</i>	161.b
<i>Anthius ciuitas</i>	264.a
<i>Antimonium in Africa</i>	299.b
<i>Apologus de auicula & Rege auium</i>	37.a
<i>Aquila descriptio</i>	298.a
<i>Arabes ad Ismaëlem Abrabæ filium originem referentes qui</i>	15.b
<i>Arabes Africam incolentes</i>	7.b
<i>Arabes lubricæ fidei</i>	11.a
<i>Ara</i>	

I N D E X.

<i>Arabes quomodo Afris commixti</i>	7.b
<i>Arabes tentoria incolentes</i>	7.b
<i>Arabū Africam incolentium mores & ritus</i>	19.a
<i>Arabum Africam incolentium in plures partes diuisio</i>	11.b
<i>Arabum qui inter Barbariam & Ægyptum deserta tenent viuendi modus</i>	21.a
<i>Arabum mansiones & numerus</i>	12.a
<i>Argan fructus</i>	38.b
<i>Ariana oppidum</i>	221.a
<i>Arietis Africi descriptio</i>	293.a
<i>Aromatarij vrbis Fessanæ</i>	119.b
<i>Arriani Africa expulsī</i>	23.b
<i>Artifices vrbis Fessanæ</i>	114.a
<i>Arzilla ciuitas</i>	156.a
<i>Asgara regio</i>	3.a
<i>Aseis Fessæ regio</i>	149.b
<i>Affacus ciuitas</i>	213.a
<i>Asgegia populus</i>	11.b
<i>Situs</i>	13.a
<i>Asinus syluaticus</i>	292.b
<i>Asioth Ægypti ciuitas</i>	281.a
<i>Asna Ægypti ciuitas</i>	283.a
<i>Asuan Ægypti ciuitas</i>	283.a
<i>Atlantis montis situs</i>	25.b. 26.a
<i>Augela Insula</i>	3.a
<i>Augela regio</i>	246.a
<i>Auras mons</i>	229.b
<i>Azafi oppidum</i>	69.b
<i>Azamurum Duccalæ oppidum</i>	74.b
<i>Azgan mons</i>	183.a
	Az-

I N D E X.

<i>Azgangan mons</i>	174.b
<i>Azgara Fessa regio</i>	150.b
<i>Azoadi desertum</i>	3.b
B <i>Alneorum Fessa descriptio</i>	111.a
<i>Banibasilum Fessa oppidum</i>	105.b
<i>Bani Teude ciuitas</i>	153.b
<i>Barbam radere cœlibatus indicium</i>	39.b
<i>Barbanda Ægypti ciuitas</i>	282.b
<i>Barbar significatio</i>	4.b
<i>Barbaria Africa pars</i>	1.
<i>Barbariæ diuisio</i>	2.b
<i>Barca desertum</i>	232.b
<i>Bardeoa regio</i>	246.b
<i>Barnabal Ægypti ciuitas</i>	264.b
<i>Baron mons</i>	180.b
<i>Basra ciuitas</i>	155.b
<i>Bat fluius Africa</i>	285.a
<i>Batha Telensini oppidum</i>	197.a
<i>Beb Elloch Alcairi suburbium</i>	268.a
<i>Beb Zuaila Alcairi suburbium</i>	267.b
<i>Bedis oppidum</i>	163.a
<i>Beggia oppidum</i>	213.b
<i>Beni Achmet Fessa mons</i>	170.b
<i>Beni Bachlul oppidum</i>	184.a
<i>Beni Besseri regio</i>	239.a
<i>Beni Buxeibeth mons</i>	168.a
<i>Beni Chelit mons</i>	166.a
<i>Beni Chessen mons</i>	161.a
<i>Beni Fensicare mons</i>	160.a
<i>Beni Garir mons</i>	165.b
	<i>Beni</i>

I N D E X.

Beni Gebaramons	167.a
Benigomis oppidum	3.b
Beni Gualid mons	168.a
Beni Guamut mons	171.b
Beni Gnarid mons	231.a
Beni Guariten tractus	149.b
Beni Guazeual Fessæ mons	169.b
Beni Guedarfeth mons	162.a
Beni Gueriagel Fessæ mons	170.a
Beni Guertenage mons	181.a
Beni Gunni regio	238.b
Beni Guerened mons	205.a
Beni Haros mons	160.b
Benihemiri Arabes	11.b
Beni Iasga mons	182.b
Beni Iedir mons	169.a
Beni Ieginesen mons	171.a
Beni Ierso mons	167.b
Beni Iesneten mons	204.a
Beni Iesseten mons	181.b
Beni Ioseph mons	166.b
Beni Mansor mons	165.b 166.a
Beni Meraferz mons	186.b
Benimegher mons	75.b
Beni Mesgaldâ mons	171.a
Beni Rasid regio	195.b
Beni Rasin mons	166.b
Benisuaif Egypti ciuitas	280.a
Beni Tefren montes	230.b
Beni Teusin mons	174.b
Beni	

I N D E X.

Beni Zaid mons	174.a
Beni Zaruel mons	166.b
Berdeitæ Numidæ	3.b
Berdoæ populi desertum	245.b
Biledulgerid Afris quæ Latinis Numidia	1.b. 242.b
Birdeua Insula	3.b
Biserta oppidum	214.a
Bitos oppidum	4.a
Bochyris Ægypti ciuitas	263.b
Bona quæ olim Hippo	211.a
Bonæ montes	230.a
Berbunum oppidum	11.b
Borgi oppidum	241.b
Bornum regnum Nigritarum	4.a. 255.a
Bos marinus	295.a
Bos syluaticus	292.b
Boues Africa montium	292.b
Bosiri ciuitas Ægypti	261.a
Bresch oppidum Telenfini	199.b
Bucchuia mons	166.a
Bulachuan oppidum	73.b
Bugia regio	3.a
Bugiæ regni descriptio	206.a
Bugiæ montes	229.a
Bulacum Alcairi suburbium	269.a
Buragragus fluuius	285.a
Burbuni populus	14.a
Bzo Hascoræ oppidum	80.b
C Abalistici Fessanæ vrbi	135.b
Cabra oppidum	251.a
	Ca-

I N D E X.

<i>Cachini Arabes</i>	11.b
<i>Cæsarea vrbs Fessana pars</i>	119.a
<i>Cassa oppidum Numidiæ</i>	243.a
<i>Cair Hessin castrum</i>	231.a
<i>Cairoani oppidi descriptio</i>	223.a
<i>Cameleontis historia</i>	297.b
<i>Cameli historia 290.a Cammer oppidum</i>	221.a
<i>Cannis Metgara Fessa oppidum</i>	105.a
<i>Canos regnum Nigritarum</i>	4.a. 253.a
<i>Capes ciuitas</i>	225.a
<i>Capis fluuius Africæ</i>	287.b
<i>Capbesa oppidum</i>	3.b
<i>Carasa Alcairi suburbium</i>	269.b
<i>Carthago</i>	214.b
<i>Casair oppidum Numidiæ</i>	239.a
<i>Casar Elcabir, hoc est, Regium palatium</i>	151.b
<i>Casar Ezzaghir, hoc est, palatium minus</i>	158.a
<i>Casba oppidum</i>	214.a
<i>Casena regnum Nigritarum</i>	4.a. 253.b
<i>Castr castrum</i>	231.a
<i>Cassiam ferentis arboris descriptio</i>	300.b
<i>Centiputeus mons</i>	185.a
<i>Centum putei oppidum</i>	72.b
<i>Coruorum mons</i>	186.a
<i>Chalbis oppidum 3.b Chana Ægypti ciuitas</i>	282.b
<i>Chancha Ægypti ciuitas</i>	280.a
<i>Characteres Afrorum</i>	23.b
<i>Chasasa oppidum Gareti</i>	172.b
<i>Chaulan Fessa castrum</i>	146.b
<i>Chaus Fessa regio</i>	175.b
	Che-

I N D E X.

<i>Chebib arx</i>	160.b
<i>Cheneg regio</i>	235.b
<i>Chian Ægypti ciuitas</i>	282.b
<i>Chinana oppidum</i>	11.b 13.b
<i>Chollo oppidum</i>	208.b
<i>Choros castrum</i>	214.a
<i>Chusaini Arabes</i>	11.b
<i>Cibum capiendi apud Fessanos modus</i>	124.a
<i>Cithitheba oppidum</i>	89.a
<i>Ciuitas vetus, quæ Mifrulhetich Alcairi suburbium</i>	270.a
<i>Columbaria vrbis Fessanæ</i>	128.a
<i>Constantina regio</i>	3.a
<i>Constantinæ descriptio</i>	209.a
<i>Constantinæ montes</i>	229.b
<i>Conta oppidum</i>	72.a
<i>Corpus Iuris Afrorum idiomate conscriptum</i>	45.b
<i>Crocodili historia</i>	295.b
<i>Culeibat Elmuridin, arx Heæ</i>	46.a
<i>Cuniculi Africi</i>	294.b
D <i>Abuh animal lupi magnitudine</i>	294.a
<i>Dactylorum maior quam frumenti proventus</i>	31.b
<i>Dactylorum esus dentibus noxius</i>	32.a
<i>Dant fera siue Lant</i>	292.a
<i>Dara prouincia</i>	234.a
<i>Dara fluminis Numidiæ</i>	287.b
<i>Dare oppidum</i>	3.b
<i>Dau</i>	

I N D E X.

Dauma oppidum	4.a
Dedetis montis descriptio	91.b
Defesra oppidum	196.a
Delgumuba noua arx	56.a
Dellegi Arabes	11.b
Dehemruni populus	14.a
Demensera Heæ mons	49.a
Derottis Ægypti ciuitas	265.b
Desertorum inter Numidiam & Nigritas descriptio	3.b
Deuihensen populus	11.b. 13.b
Deuihubaidulla populus	11.b. 13.b
Deuimansor populus	11. 13. 14. 15.
Deuuadia populus	11.b
Deusis oppidum	3.b
Deusen oppidum	242.a
Draco	297.a
Duccala regio	2.b. 69.b
Dub animal	297.a
Dubdu oppidum	177.a
Dulein populus	11.b. 13.b
Dulipanum capitis tegmen	16.a
E Chebdeuon mons	174.a
Eddara desertum	15.a
Elabata Regio	3.a
Elborgium opp.	3.b
Elgiumuha Marocci opp.	55.a
Efza Tedletis opp.	88.b
Eitdeuetum Heæ oppidum	45.b
Eithiad Tedletis opp.	89.b
El-	

I N D E X.

Elcainus Califas	8.a	Elcaon regio	3.a
Elchairoe oppidum obsessum			10.a
Elcheritha pop.	11.b	Situs	13.a
Elephantis historia			289.b
Elgiumuba Hascora opp.			80.a
Elhasid cibus Heensium			39.a
Elhasis populus			11.13.b
Elmadi facinus			6.a
Elmadina Hascora opp.			77.a
Elmedina Duccala metropolis			72.b
Elmuntefigi Arabes			11.b
Eloacatus Africa vrbs			1.b
Eloachetum insul.			3.b
Enedria populus	11.b	Situs	13.a
Equitatio Afrorum ridicula			16.b
Equus Barbaricus			291.b
Equus syluaticus			292.a
Eraclia oppidum			221.b
Errifa Fessa Regio			162.a
Errifitis Regio			3.a
Essual fluuius			38.a
Esnoaihila castrum			237.b
Ethegi populi Arabum nobilissimi			11.b
Ettalches arboris descriptio			301.a
Euphorbij experientia medicis incognita			300.a
Excantatores Fessane vrbs			137.a
Exagemum Habatis opp.			153.b
Ezzaba Regio			3.a
Fanzara opp. Fessa			101.a
Farcala Regiuncula			238.b
			Fa-

INDEX.

Fatiloquorum in vrbe Fessana enumeratio	130.a
Fegigum opp.	3.b
Felis excrementum emittens	294.a
Fercale opp.	3.b
Fessa regnum	2.b
Eius perfectissima delineatio	92.b
Fessæ regionis tractus	99.b
Fessæ totius Mauritaniæ metropolis descri- ptio	105.b. 107.a
Fessæ nouæ descriptio	140.a
Festi Fessanorum dies	127.b
Fexzen regio.	244.a
Ficus Aegyptia, quæ Sycomorus	301.a
Fijum Aegypti ciuitas	280.b
Fizza Insula	3.b
Flumen quod Magnum dicitur in Africa	286.b
Fora vrbis Fessanæ	114.b
Fuoa Aegypti ciuitas	265.a
G Ademes regio	244.a
G Gademis Insula	3.b
Gago opp. & regnum	251.a
Ganzigates Numida	3.b
Gaoga regnum Nigritarum	2.a 4.a 256.a
Gar vicus	231.b
Garagi Arabes	11.b 15.a
Garet Fessæ regio	171.b
Gareti desertum	175.a
Garfa pop.	11.b
Garguessem arx	55.a
Gariani mons	230.b
*	Gar-

INDEX.

Garrion insula	3.b
Gaseluin opp.	15.a. 188.a
Garfis castrum	176.b
Gauara mons	180.a
Gebha opp.	164.b
Gedmeua mons	67.a
Gegel Bugia castrum	207.a
Gohoanite Arabes	15.b
Gehoar Eleani Calife prefectus Ægyptum et Syriam subigit	8.a. c. b
Geliuum insula quæ Lotophagitis	226.a
Gemeu Tailon Alcairi suburbium	268.a
Gemiba Elchmen Fessa opp.	105.a
Geoani Arabes	11.b
Georgia Christianorum in Ægypto mona- sterium	282.a
Gerbe insula	3.b
Geseir, quæ Algeria	201.b
Geseiri montes	205.b
Gesira insula	154.b
Geza Ægypti ciuitas	279.b
Gexirat Eddeheb hoc est insula aurea	265.a
Ginea Regnum Nigritarum	4.a
Ginea Regni descriptio	248.b
Gix Numidia fluius	288.a
Giraffe historia	289.b
Giunia Azgara opp.	151.a
Gogidema mons	84.a
Gorania	4.a
Goron fructus	29.a
	Goz

I N D E X.

Goz portus Taculetensum	41.b
Guachde Regio	239.a
Guadelhabit fluius	284.b
Guaden vicus	233.b
Guadenum Numidie opp.	3.b
Guadilbarbar Africa fluius	287.a
Guagida opp. Telenfni	190.b
Gualata Regnum Nigritarum	2.a. 4.a
Gualata Regni descriptio	248.a
Gualhasa mons	204.b
Gualilis Fessa opp.	148.a
Guangara Regnum Nigritarum	4.a. 254.a
Guanferis mons	205.b
Guaral animal	297.b
Guardan mons	175.a
Guargala Numidie ciuitas	141.a
Guarghela opp.	3.b
Guber Regnum	252.a
Gueblen mons	181.a
Gumeri populus	5.a
Guraigura Fessa mons	150.a
Guzula Regio.	2.b. 68.b
H Abat Fessa regio	153.a
H Habrum populus	11.b
Hacca oppidum	3.b
Haddaggia oppidum	177.b
Hadecchis Hea ciuitas	42.a
Hagustum mons	169.a
Hain Echallu Fessa opp.	96
Hain Lifuan opp.	184.a
	* ii
	Hain

I N D E X.

Hain Samit opp.		213. b
Haira desertum		3. b
Hammamet opp.		221. b
Hamina opp.		225. a
Hamra populus		11. b. 14. a
Hamroxus vicus		322. a
Hanchisa mons		54. a
Hangad desertum		115. b
Hannimeia oppidum		64. a
Hanteta mons		67. a
Haoari populus		5. a
Harais Azgara opp.		151. a
Haresgol Telenfimi opp.		192. b
Hascora Regio	2. b	Eius delineatio 77. a
Hassani Arabes		11. b
Hea Regio	2. b	Situs ac descriptio 38. a
Hedegi Arabes		11. b. 15. a
Hemrim populus		11. b. 14. b
Hydra serpens		297. a
Hilelli Arabes	11. b	Eorum situs 12. b
Hippo quæ nunc Bona		211. a
Hippopotamus belua		295. a
Homar ciuitas		155. b
Homar Seyef apostata, primò concionator, de- inde tyrannus		46. b
Hortorum Fessæ vrbs descriptio		139. b
Hospitiorum Fessæ descriptio.		113. a
Hubbed castrum		146. a
Hebbad Telenfimi opp.		196. a
Huchen populus	11. b	Situs 12. b
Hu-		

I N D E X.

Humeledegi castrum	237.b
Hunain Telensini opp.	192.a
Huroa populus	11.b
Husein populus	11.b
Hutmeni Arabes	11.b
I Adog fluuius	287.a
I Iaslien Regio	244.a
Ichmin Ægypti ciuitas	281.b
Ileuacal Hea populus	48.a
Idris familia	5.b
Ielles opp.	164.a
Ientaculum Afrorum	16.b
Ifran castrum	233.b
Ifrenum opp.	3.b
Igilingigilum Hea oppidum	47.a
Ignem pro deo Afri colunt	22.b
Ilalemus mons	54.b
Ileusugagen Hea oppidulum	43.a
Imegiagen arx	55.a
Imesna Fessa regio	93.a
Imixmizi ciuitas	56.b
Insula aurea, qua Gezirat Eddebeb	265.a
Ioannes Leo Africanus Granata oriundus	37.b
Regi Fessano meruit	50.a
Iosephus Ieffin Maroccenorum primus Rex	10.a
Itali Gothorum furorem exhorrentes in Africa profugi	23.a
Iudæi morbum Gallicum ex Hispania in Africam translulere	33.a
Iudæi baretici dicti Carraum	49.a
	121

I N D E X.

Izli castrum	190.b
L Anionis ad iurisperitum collatio	46.a
Lant siue Dant fera	292.a
Legis Machumeticæ superstitiones	132.b. 134.a
Lemta populi desertum	245.b
Leonis historia	293.b
Leopardi descriptio	293.b
Lepida ciuitas	227.a
Leutata Numida	3.b
Libya Africa pars	1.
Libya Regio plane deserta & arenosa	28.a
Libyæ desertum	244.a
Lingua Africana conformitas	6.b
Litera Afrorum	24.a
Literarum contemptus	17.a
Locusta in Africa	299.a
Lotophagitis insula quæ Geluium	226.a
Lucanus Fessa mons	169.b
Luccus fluuius	286.a
Ludi Fessanorum	128.b
Ludi literarij in Fessana vrbe	129.a
Luntuna familia	6.a
M Acarmeda Fessa oppidum	146.a
Machdia oppidum	184.b
Machili Arabes	11.b
Machres castrum	225.b
Mader Auuan Fessa opp.	98.b
Magilla Fessa opp.	149.a
Magistratus vrbs Fessana	122.b
Magistratus Egyptiorū Sultanorū tempore	278.b
Ma	

I N D E X.

Magrana mons	205.a
Magranus mons	91.a
Magroa familia	6.a
Machdia oppidum	222.b
Mahmora Fessæ opp.	101.b
Mahumetica sectæ principium	23.b
Manf Loth Ægypti ciuitas	281.a
Mansor Marocci Rex	10.b
Mansora opp.	95.a
Marocci Regnum	2.b
Marocci regionis situs	54.b
Marocci vrbs exacta descriptio	57.b
Maroccum à quibus condita	6.a
Marsa oppidum	221.a
Masalig castrum	238.b
Mastari Arabes 11.b Eorum situs	13.a
Matgara mons 180.a.	204.b
Matgara Numidicæ prouincia 14.b.	236.a
Matrimoniorum apud Fessanos ritus	125.a
Mazana opp.	201.a
Mechella Ægypti ciuitas	265.b
Mechellat Chais Ægypti ciuitas	265.b
Mecnasa familia	5.b
Mecnasæ ciuitatis descriptio	103.b
Medera	4.a
Medna oppidum	203.b
Megerada fluuius Africæ	287.a
Megesæ mons	180.b
Meggeum Gareti opp.	173.a
Meies mons	1.b

I N D E X.

<i>Mela oppidum</i>	211.a
<i>Melela Gareti oppidum</i>	172.a
<i>Meliana oppidum Telenfina</i>	200.b
<i>Mella regnum Nigritarum</i>	4.a 249.a
<i>Menebben oppidum 11.b Situs</i>	14.b
<i>Merameria oppidum</i>	75.a
<i>Mercatores arena ac siti suffocati</i>	28.b
<i>Mercatorum in Fessana vrbe statio</i>	118.b
<i>Mergo oppidum</i>	154.a
<i>Merniza mons</i>	168.b
<i>Mersalcabir oppidum Telenfina</i>	198.b
<i>Mesabia oppidum</i>	3.b
<i>Mesdaga oppidum</i>	183.b
<i>Mesellata prouincia</i>	232.a
<i>Messellata insula</i>	3.b
<i>Mesenne oppidum</i>	165.a
<i>Mesettaza mons</i>	187.a
<i>Mesila oppidum</i>	207.b
<i>Mestrata prouincia</i>	232.a
<i>Messa oppidum</i>	1.b
<i>Messa trium oppidorum nomen</i>	50.a
<i>Mestrata insula</i>	3.b
<i>Mesxad regio</i>	240.a
<i>Mexzagran oppidum Telenfina</i>	199.a
<i>Mina fluuius Africae</i>	286.b
<i>Mola vrbis Fessanae</i>	114.a
<i>Monaster oppidum</i>	222.a
<i>Mons ferreus, qui vulgò Sebelehbadich</i>	50.b
<i>Mons viridis</i>	75.b
<i>Montes Tuneto proximi</i>	230.b
<i>Mor-</i>	

I N D E X.

Morbus Gallicus Africa parti ignotus	33.a
Morborū genera quibus Africani afficiuntur	32.b
Mortuos lugendi apud Fessanos modus	127.b
Motus naturales in Africano aëre	29.a
Muachedim secta	10.b
Mubaisira Egypti ciuitas	280.a
Muhallaca Egypti ciuitas	279.b
Mulieres manus ac pectus fuco perlinunt	20.b
Mulua Africa fluius	286.a
Mulullus Africa fluius	286.a
Munia Egypti ciuitas	280.b
Munsia Egypti ciuitas	281.b
Musa fructus gustu suauis	300.b
Musnuda populus	5.a
Mussum oppidum	11.b Situs 12.b
Musluganin oppidum	199.a
N Arangia castrum	154.b
N Neapolis oppidum	220.b
Mecaus Bugia oppidum	208.a
Ned Roma Telenfini oppidum	181.a
Nesra oppidum	242.a
Nesreoa oppidum	3.b
Nessaoa castrum	242.b
Nest auis descriptio	198.b
Nesta oppidum	3.b
Nisfa mons	49.a 64.b
Niger fluius	2.a Eius fertilitas 31.b
Nigritarum terra Africa pars	1.b
Nigritarum in sua regna distributio	4.a.247.a
Nigritia a quo originem ducant	5.a
Nili	

I N D E X.

<i>Nili fluminis descriptio</i>	288.a
<i>Niuibus Africa obnoxia</i>	26.b
<i>Nubia regnum Nigritarum</i>	4.a. 257.a
<i>Nuchaila oppidum</i>	95.b
<i>Nufusæ montes</i>	230.b
<i>Numidia Africa pars</i>	1.b
<i>Numidia serpentibus abundat</i>	28.a
<i>Numidiæ partitio</i>	3.a
<i>Nummus quadratus in vsu</i>	41.a
<i>Nun regio</i>	245.b
O <i>Efficina vrbis Fessanæ</i>	114.a
<i>Oliuæ in Mauritania ingētis proceritatis</i>	29.b
<i>Ommirabih fluius</i>	284.b
<i>Orania oppidum maritimum</i>	198.a
<i>Ore aperto cibum sumere Afris indecorum</i>	17.b
P <i>Escara oppidum</i>	3.b. 241.b
<i>Petra rubra Fessæ oppidum</i>	148.b
<i>Pharaonis palatium Fessæ oppidum</i>	148.b
<i>Pharmacopola vrbis Fessanæ</i>	119.b
<i>Picis conficiendæ ratio in Africa</i>	300.a
<i>Planeta Afris coluntur</i>	22.b
<i>Poësis in precio apud Afros</i>	19.a. 20.a
<i>Poëta Afri</i>	128.b
<i>Præstigiatores in vrbe Fessana</i>	131.a
<i>Psittaci in Africa versicolores</i>	299.a
<i>Quadris mons</i>	161.b
R <i>Abati descriptio dilucida</i>	96.b
<i>Racmen oppidum</i>	11.b. 14.a
<i>Rahona mons</i>	160.a
<i>Religio Afrorum ac fides</i>	22.b
	Re-

I N D E X.

Retebbe Numidia: provincia	14.b
Retel regio	236.a
Riehi Arabes 11.b. Situs eorum	13.a
Rifa fluius	5.b
Rosetum quæ Rasid Egypti ciuitas	263.b
Rucheorum in bello agilitas	13.b
Ruchen oppidum	11.b
S Achbel Marga planicies maxima	184.b
Sahidi Arabes	11.b
Sal Africum	299.b
Sanbagij populus	5.a
Sarman vicus	232.b
Sarra Afris quæ Latinis Libya	2.a
Sessaia Africa fluius	286.b
Segelmessa provincia	235.a
Segelmessa Numidia: locus	3.a
Segelmessæ territorium	236.b
Segelmessa oppidum	237.a
Seggeme mons	90.a
Seu desertum	2.a
Sela Fessæ oppidum	100.a
Selef Africa fluius	286.b
Selelgus mons	182.a
Selim oppidum	11.b
Sella Fessæ oppidum	98.a
Semedem mons	65.a
Sepultura Fessanorum	139.a
Sepultura Regie	139.a
Septa maxima ciuitas	158.b
Seriphus Heæ regionis Princeps	43.b
Ser-	

I N D E X.

Sersel opp. Telenfani	220.a
Serte opp.	246.b
Seusaon mons	167.a
Seusaua mons	66.a
Simia historia	294.b
Soara opp.	227.a
Sofroi opp.	183.a
Sol pro Deo habetur apud Afros	22.b
Stefa Bugia opp.	207.b
Struthiocameli historia	298.a
Studia ab Afrorum principibus è medio sublata	33.b
Suaidia opp.	11.b
Situs	13.a
Subairi Arabes	11.b
Subeica castrum	231.a
Subita opp.	73.a
Subu fluuius	285.b
Suburbiorum Fessana urbis descriptio	137.b
Sucaicada portus	208.b
Sufieni Arabes	11.b
Sufmare fluuius	287.a
Sultanum creandi ritus, deque eius magistra- tuum ratione	275.b
Sultani militia.	278.a
Sumaita Arabes.	11.b
Surnag radix virginitati noxia	301.b
Sus fluuius	50.a. 287.b
Susa Regio	51.a
Susa opp.	221.b
Susa Regio	2.b. 50.a
Sycomorus quæ ficus Egyptia	301.a
Ta-	

I N D E X.

T Agauostum Susæ opp.	53.b
Tagtessa ciuitas Heæ	45.a
Tagia Tefmesnæ ciuitas	99.a
Tagiora vicus	232.a
Tagodastum Hascoræ opp.	79.a
Taolacca opp.	3.b
Targæ populorum desertum	245.a
Tarodantum Susæ opp.	52.b
Tartaruca testudo	295.a
Tauzarghentes radix	301.a
Tausor ciuitas	154.a
Tebecritum Telenfini opp.	191.b
Tebelbeltum vicus	238.a
Tebeffa opp.	212.b
Teculetum Heæ oppidum	41.b
Teddeles opp.	204.a
Tedletis Regionis descriptio	84.b
Tednesta Heæ ciuitas	40.b
Tedsi Susæ opp.	53.b
Tefa oppidum	212.a
Tefelfeltum	103.a
Tefetne Heæ portus & emporium	47.b
Tefne-fluuius	286.b
Tefza Tedletis opp.	84.b
Tegassa opp.	164.b
Tegaza Regio	246.a
Tegdemt opp.	203.a
Tegegetum opp.	96.a
Teggortum	3.b
Tegorarin Regio	239.b
Te-	

I N D E X.

Tegorarin regio	239. ^a
Tegoraris oppidum 3. ^b & desertum	12. ^b
Tegort oppidum	240. ^a
Tenentum Hea oppidum	44. ^a
Tenentum Susa oppidum	51. ^a
Telebi Arabes 11. ^b Situs	15. ^b
Telensin regio 3. ^a Eius descriptio	188. ^b
Telensini maxima opulentissimaque urbis descriptio 193. ^a Ritus	195. ^a
Temendfust oppidum	204. ^a
Temeracostum Duccala oppidum	73. ^a
Temesne regio	3. ^a
Temnella mons	67. ^a
Temporis apud Africanos partitio	30. ^a
Temzegzetum castrum Telensini	190. ^a
Tenessa mons	55. ^b
Tenex oppidum Telensini	200. ^b
Tensist flumen	248. ^a
Tensita mons	83. ^a
Tenuamia oppidum	4. ^a
Tenuues mons	81. ^a
Teoirraga Insula	3. ^b
Teolaca oppidum	242. ^a
Teosara oppidum	3. ^b
Teorregu regiuncula	243. ^b
Terfez radix	300. ^b
Terga Errifa oppid.	162. ^b
Terga oppidum	73. ^b
Tergates Numida	3. ^b
Tesebit regio	239. ^b
Te-	

INDEX.

Tesegdeltum Hea oppidum	44.b
Teserin regio	238.b
Teseuon mons	84.b
Teseuhin duo eiusdem nominis flumina	284.b
Tesrastum Marocci oppidum	57.a
Tessetum Numidia oppidum	233.a
Tetteguis ciuitas	159.b
Teurertum oppidum	176.a
Teusar oppidum	242.b
Teza ciuitas	178.b
Texarrin mons	167.b
Texzota oppidum	172.b
Tessela oppidum	196.b
Tezergba oppidum	186.b
Theba Egyptia	264.b
Thesaurorum in vrbe Fessana inuestigatores	136.a
Tingis que Tangiara Mauritanie ciuitas	157.a
Tit ciuitas	72.a
Tabulla oppidum	222.a
Todgatanum oppidum	3.b
Togata Fessa mons	150.a
Teguatum oppidum	3.b
Tolda regiuncula	238.b
Tombutum regnum	249.b
Trighig castrum	239.a
Tripolis regio	3.a
Tripolis antiqua	227.a
Tripolis Barbaria	22.b
Tsabita oppidum	3.b
Tumeglastum Marocci oppidum	57.a
Tu-	

I N D E X.

Tunetensis Regis aula, deque variis in ea ritibus ac ceremoniis	219.a
Tuneti descriptio	215.b
Tunetum ab Arabibus occupatum	11.a
V Erecundiae castrum	149.a
Vespertilioes Columbae magnitudinis	299.a
Vit. e Afrorum breuitas ac longitudo	32.a
Vmen Giunaibe oppidum	186.b
Vmmelbefen castrum	238.a
Vodein oppidum	11.b 23.b
Vrbs oppidum	213.a
X Xenodochiorum Fessae descriptio	111.a
Z A fluuius Africae	286.a
Zanegae Principis humanitas	18.a
Zanegates Numidae	3.b
Zanfara regnum Nigritarum	4.a 154.a
Zanhaga desertum	244.a
Zanzor vicus	231.b
Zarfa oppidum	99.b
Zaronius Fessae mons	147.b
Zaula Fessae oppidum	146.b
Zauiat vicus	231.b
Zeb regio Numidia	241.a
Zegzeg regnum Nigritarum	4.a 154.a
Zelag Fessae mons	147.a
Zeneti populus	5.a
Zis Fessae montes	187.a
Zis Numidia fluuius	288.a
Zuensigae populorum desertum	244.b

F I N I S.

Ioannis Leonis Africani

descriptionum Africae rerumq; in
ea memorabilium,

LIBER PRIMVS.

¶ AFRICA VNDE DICTA.



Icta est Africa lingua Arabica Iphrichia, à verbo faraca, quod eorum lingua idem sonat, quod Latinis diuido: cur autem sic dicatur, duæ sunt opinioniones, quarum prior hæc est: quòd ea terræ pars sit ab Europa mari Mediterraneo, ab Asia verò flumine Nilo separata. Altera, quòd hoc nomen ab Ifrico Arabiae felicitis Rege deductum arbitrentur, qui omnium primus hanc terram incoluisse fertur. Hic quum aduersus Assyriæ Regem bellum gereret, ab eodem tandem regno pulsus, cum toto exercitu Nilum transmisit, & Occidentem versus suas copias traducens, non prius quieuit, quàm in eam partem Carthagini vicinā peruentum est. Hinc est quòd Arabes solum Carthaginis regionem, & eam partem quæ Occidentem respicit, Africam esse opinentur.

¶ Africae termini.

Habet Africa suum initium (si modò illius gentis scriptorib. sit fides habenda, qui & literati, & Cosmographiæ peritissimi sunt) à fluminibus qui ex lacu Gaogæ deserti effluunt, idq; ex Meridie. Ad Orientem terminatur Nilo flumine: extendit se autem Septentrionem versus ad Ægypti fines, vbi Nilus septem ostiis in mare Mediterraneum prolabitur: inde ad Occidentem, Herculeis columnis, deinde Nuno extremo mariti-

A

riti-

DESCRIP. AFR. RERVVMq;

ritimoque Libyæ oppido clauditur. Ex Meridie verò, porrigit sese supra mare Oceanum, quod vsque ad deserta Goagæ, totam cingit atque complectitur Africam.

¶ *Africa diuisio.*

T Radunt nostri scriptores Africā in quatuor diuidi partes, Barbariam, Numidiam, Libyam, & Nigritarum terram. Barbaria initium sumit a monte Meiete, qui extremus punctus Atlantis est, distatq; ab Alexandria trecentis fere miliarib. Ex Aquilone, finit ad mare Mediterraneum, assumendo montis Meietis initium, diffunditque sese ad fretum vsque Herculeum. Ad Solis occasum, terminatur iam dicto freto, atque transiens mare Mediterraneum, finitur postremis Atlantis punctis: hoc est, ad id caput occidentale, illi oppido vicinum quod Mella appellatur. Ad Meridiem finitur ea Atlantis facie, quæ Mediterraneum mare respicit. Hæc est nobilissima totius Africæ regio, hanc homines subfusci coloris inhabitant, qui & ratione, & præscriptis quibusdam vtuntur legibus.

Secūda Africæ pars Latinis Numidia, Arabibus verò Biledulgerid nuncupatur: hæc ea regio est quæ dactylos producit. Habet suum ex Oriente principium ab Eloacato vrbe, quæ ab Ægypto centum distat miliaribus, extenditurq; Occidentem versus ad Nunum vsq; maris Mediterranei oppidum. In Septétrione Atlante clauditur, ea nempe môtis parte, quæ Austro exposita est. Ad Austrum verò, terminatur Libyæ deserto arenoso. Arabes eam vno nomine omnes terram appellant

da-

daſtyliſeram: eò quòd hæc ſola Africæ regio daſtylos habet.

Tertia pars quæ Libya Latinis, Arabica lingua non aliter quàm Sarra appellatur, quæ vox idem quod deſertum ſignificat, exorditur ad orientem Solem à Nilo, hoc eſt ab eo loco qui Eloacato oppido confinis eſt, extenditq; ſeſe in Occidentem ad mare Oceanum. Septentrio eam Numidia claudit, in Meridie Nigritarum regioni iungitur, ex Oriente Gaogæ regno inchoatur, diffunditq; ſeſe Occidentem verſus ad regnum vſque Gualatæ, quod mari Oceano adiacet.

Quarta Africæ pars, quam Nigritarum terram vocant, ex Oriente initium habet ad regnum Gao gæ, inde Occidentem verſus ad Gualatam vſque extenditur. Septentrio eam Libyæ deſerto claudit, terminaturq; ad Meridiem mari Oceano, locis nobis incognitis: verùm mercatores q̄ inde ad Tombutti regnū indies proficiſcuntur, ſatis nobis illius regionis ſitum deſcribunt. Habet hæc Nigritarum terra fluuium, qui à regione ſibi nomen aſſumens, Niger appellatur: ſumit ſuum ex quodam deſerto initium, quod Seu apud illos dicitur, atque hoc ex Oriente. Alij volunt hunc fluuium ſuam habere ex quodam lacu ſcaturiem, ſeſe q̄ue Occidentem verſus voluere, donec in mare Oceanū delabitur. Affirmant noſtri Coſmographi, Nigrum fluuium è Nilo deriuari, quē ſub terra ſeſe condere volunt, vnde tandem huiusmodi lacus naſci videtur. Sunt præterea qui dicant iam dictum fluuium in Occidente ex quodam monte ſcaturire, atq; Orientem verſus fluendo maximum tandem lacum illic effi

DESCRIP. AFR. RERV Mq;

cere: quod quidem verisimile non est, nam ex Oriente nauigatur à Tombutto Occidentem versus vsq; ad regnum Gineæ, aut etiam ad regnum vsq; Melli: quæ duo si Tombutum respicias, in Occidente sunt: neq; habet hæc Nigritarum terra vlla regna, quæ cū his loci amœnitate certare possint, quæ ad iam dictum fluuium sita sunt. Aduertendum autem est, quod (vt volunt nostri Cosmographi) ea Nigritarū regio, per quam Nilus fluere dicitur, hoc est pars Occidentalis illa, quæ ad Orientem vergit ad mare vsque Indicum, & quæ in Septentrione aliqua sua ex parte mari rubro confinis est, id est, ea regio quæ extra fretum Arabiæ fœlicis est, non sit Africæ pars dicenda, idq; multis rationibus, quæ in longo hoc opere latius explicatæ reperientur; Latini eam partem Æthiopiam vocant. Inde veniunt religiosi quidam fratres, qui faciem habēt igne signatam, videnturq; per totam ferè Europam, & Romæ potissimum. Habent illi Imperatorem quendam, quem Pretum Ioannem dicunt, atque maiorem illius regionis portionem Christiani incolunt. Est tamen & quidam Mahumeticus apud illos, qui multum etiam ditionis possidere dicitur.

¶ Quatuor iam dictarum Africæ partium diuisio.

Barbaria in quatuor distinguitur regna, quorum primum est regnum Marocci, quod rursum in septem diuiditur regiones, Heam, Susam, Guzulam, Marocci terrā, Duccalam, Hascorā, & Tedletem. Secundum regnum Fessa nuncupatur, quod sub se totidem regiones comprehendit,

Te-

Temefne, Feflam regionem, Azgaram, Elabatham, Errifitim, Garetum, Elcaon. Tertium regnum Teleufinū dicitur, quod & tres habet regiones, montes nempè, Teneté, & Elgefairam. Quartum Barbariæ regnum Tunetū appellatur, cui & aliæ quatuor fuppositæ sunt regiones, Bugia, Constantina, Tripolis Barbariæ, & Ezzaba, quæ bona Numidiæ pars eft. Bugia affiduo femper vexata eft bello, eò quòd aliquando fuerit fub rege Tuneti, nonnunquam etiam & fub rege Teleufini. Hoc certum, ad noſtra vſq; tempora regnum per fe fuiſſe, idq; donec à quodam Petro Nauarrieniſi, regis Hiſpaniarum Ferdinandi iuſſu, præcipua illius regionis vrbs capta fuit.

¶ *Numidiæ partitiō.*

HÆC totius Africæ ignobiliffima pars eft, hinc eft quòd noſtri Coſmographi illi regni nomen denegârunt, eò quòd huius habitationes longè admodum ab inuicem diſtent: quod ex eo facilè colliges. Teſſetum, Numidiæ vrbs domos habet circa quadringentas, eſtq; ab omni habitatione (propter Libyæ deſertum) trecentis ferè miliaribus ſemota, quare non regnum eſſe dicendum còplures ſunt opinati. Narrabimus quædam tamè de locis habitatis, ſunt enim quædam quæ reliquis cum regionib. conferri poſſunt, quemadmodum eſt Segelmefſa, qui locus in ea Numidiæ parte eſt, quæ Mauritanix reſpondet: ſitus item Zebi qui Bugiæ regnum reſpicit, & Biledulgerida regio, quæ ad Tuneti regnum extenditur. Seruatſis igitur multis in ſecundam huius operis partē, ſumemus exordium ab iis qui in Orientali

DESCRIP. AFR. RERV M^q;

plaga reperiuntur locis, quorū nomina hæc sunt: Telssetum, Guadenum, Itrenum, Hacca, Dare, Tebelbeltum, Todgatanum, Fercalc, Segellomessa, Benigomis, Fegigum, Teguatum, Tlabita, Tegoraris, Mesabia, Teggortum, & Guarghela. Zebum regio quinque cōtinet oppida, Pelicarā, Elborgium, Nestam, Taolaccam, & Deusin: totidem habet & Biledulgerida ciuitates, nempe Teozarā, Caphesam, Nefreoam, Elchamiden, & Chalbin: atque ab hac Orientem versus reperiuntur Insulæ Gerbe, Gariion, Messellata, Meltrata, Teoirraga, Gademis, Fizza, Augela, Birdeua, & Eloachetum. Hæc sunt nomina locorum famosorum totius Libyæ, à mari Oceano, ¶t antea dictum est, ex Occidente, & terminantur Nilo flumine.

¶ *Desertorum quæ inter Numidiam sunt
& Nigritarum solum descriptio.*

HÆC deserta nullum adhuc apud nos habent nomen, quanuis in quinque diuidantur partes, habeantq; omnes ab incolis suā denominationem, hoc est à Numidis, qui etiam in quinque partes distinguuntur, Zanegates, Ganzigates, Tergates, Leutatas, & Berdeitas. Sunt & quædam loca quæ ex soli bonitate aut malignitate particulare aliquod sunt nomen sortita, vt est Azoadi desertum, sic dictum propter illius loci sterilitatem atque ariditatem: sic & Haira, etsi desertum sit, tamen sic dicitur propter aeris temperiem atque bonitatem.

¶ *Terræ Nigritarum in sua regna
distributio.*

Diui

Dividitur & Nigritarū terra in multa regna, quæ quāvis bona ex parte nobis incognita longeque à nostro commercio remota sint, narrabimus de iis locis tamen, quæ inhabitauimus ipsi, & quæ longa rerum experientia nobis sunt admodum nota; de illis præterea vnde mercatores ad eas ciuitates venerunt, quas tum temporis ego incolebam, vnde etiam illorum ritus optime edoctus sum. Vidi ego quindecim Nigritarum regna, sunt tamē & multo plura, quæ ab illis satis perlustrata atque nota sunt, quæ ego non inuisi: eorū igitur nomina, sumendo ab Occidente principium atq; Orientem versus & Meridiem pergendo, sunt hæc: Gualata, Ginea, Melli, Tombutum, Gagos, Guberis, Agades, Canos, Cafena, Zegzega, Zanzara, Guangara, Burnum, Gaoga, Nube. Hæc sunt quindecim illa regna, quæ maxima ex parte ad Nigrū sita sunt, & per quæ mercatoribus ex Gualata ad Chairam proficiscentib. iter patet. Longa est admodum via, secuta tamen atque tuta. Sunt oīa hæc regna sibi inuicem adiacentia, decem autem ex his sunt aut aliquo deserto arenoso, aut Nigro flumine separata: habuitq; olim quodlibet suum regem, verum nunc temporis omnia tribus ferè regibus subiiciuntur: Regi Tombuti qui maximam partē obtinet, Regi Bornensi qui minimā occupat, reliquum Regi Goagæ paret: qui verò Ducalæ regnum possidet, exiguum admodum habet satellitium. Habent & hæc regna alia multa ad Meridiem confinia, vt sunt Bitos, Tenuamia, Dauri, Medera, & Gorania, quorum reges atque incolæ ditissimi & industrii, iusticiæ & æquitatis

DESCRIP. AFR. RERV Mq;

amantissimi, quidam tamē beluino more viuētes.

¶ *Africa habitationes, item huius vocis*

Barbar significatio.

Affirmant Cosmographi & Historici, Africam olim prorsus inhabitatam, præteream quæ nunc Nigritarum terra dicitur, plagâ: illudq; vcl certissimum habetur, Bârbariam atque Numidiam multis sæculis incolis nudas exstitisse. Huius subfusci coloris incolæ, appellati sunt nomine Barbar, à verbo Barbara, quod eorū idiomate idem sonat quod Latinis murmure: eò quòd Africanus sermo Arabibus non aliter sonet, quàm beluarum vox, quæ nullo accentu suas edunt vociferationes. Alii volunt Barbar nomen replicatū esse, eò quòd Bar lingua Arabica desertū denotet. Et dicunt quòd cū rex Iphricus ab Assyriis, siue ab Æthiopis regno pulsus Ægyptum peteret, sicq; ab hostibus se pressum videret, vt quid de se deq; suis ageretur incertus esset, suos rogasse quo modo quæue via salus querenda esset, atq; illi responsum fuisse Barbar, quod erat ad desertum ad desertum: hac voce indicare volentes, nullum tutius illi paterere refugium, quàm transinisso Nilo, ad Africæ desertum confugere. Videturque hæc ratio illis quadrare, qui Africanos ab Arabiæ felicitis populo ortos affirmant.

¶ *Afrorum origo.*

Circa Afrorum originē reperias nostros historicos multum admodum inter se dissentientes. Volunt enim quidam eos à Palaestinis deriuatos, eò quòd cū ab Assyriis fugarentur, in Africam tandem venisse, atque ibi propter
foli

soli fecunditatem, sedem fixisse asserunt. Sunt & alii qui illos à Sabæis Arabiæ felicis populo ortos putent (vti iam dictū est) antea quā ab Assyriis aut Æthiopis in fugam redigerentur. Alij, Africanos à quibusdam Asiæ incolis descendisse ferunt, vnde bello à quibusdam illis moto, in Græciam aufugisse scribūt, quæ tum temporis nullos adhuc habebat incolas. Verū insequentibus hostibus, coacti sunt mare Peloponesiacum traicere, atque vbi iam in Africam appulissent, illic sedem fixere: hostes verò in Græcia remanserunt. Quæ omnia de eorum duntaxat qui subfusci sunt coloris, hoc est de Numidarum & Barbarorum origine intelligi debent. Nam Nigritæ omnes ab origine Chusi dependent, q̄ patrem habuit Chamū filium Noë. Attamen quaecunq; habeant subfusci & Nigritæ inter se discrimē, certum est idem omnes habuisse principium. Nam hi ex Palæstinis, Palæstini autē ex Melraimo Chusi filio: illi verò ex Sabeis suum traxisse ortum volunt, Saba autem ex Rama Chusi filio progenitum cōpertum habetur. Sunt & aliæ circa hæc opiniones multæ, quæ quoniam nō vsq; adeò necessariæ videbantur, consultò omisimus.

¶ *Subfuscorum in plures populos diuisio.*

QVI subfusci sunt coloris in quinque populos partiti sunt, Sanhagios, Musmudas, Zenetos, Haoaros, & Gumeros. Musmudæ occidentalem Athlantis partē occupant, ab Heha ad flumen vsque Serui. Inhabitāt & eam montis partem, quæ Meridiem respicit, atque totam interiorem illius regionis planiciem. Hi sub se quatuor ha-

DESCRIP. AFR. RERVVMq;

habent prouincias, Heham, Sufam, Guzulā, & Marocci regnum. Gumeri in montibus Mauritaniz habitant, in ea parte quæ mari Mediterraneo opposita est, totumq; fluuium occupāt qui illis Rifa appellatur. Habet hic fluuius suum ex freto Herculeo principium, atque Orientem versus fluit ad regnum vsque Telenin, quod à Latinis Cæsarea nuncupatur.

Hi duo populi habent seorsim suas mansiones, reliqui promiscuè per totā dispersi sunt Africam: iis tamē dinoscūtur indiciis quibus extranei, atq; semper inter se belligerantur, præsertim illi qui Nuniidiam incolunt. Hi, inquam, sunt populi illi (vt à multis proditū est) qui non aliam habebant mansionem, quàm tentoria & rura: dicuntq; eos ante aliquot sæcula inter se acriter pugnasse, victosq; ad oppida missos, victores autem sibi rura camposq; seruasse, atque illic suas mansiones extruxisse. Videtur & illud satis ex eo probabile, quòd illi qui ciuitates incolunt, habent cum reliquis vnum idemq; prorsus idioma: Zeneti enim siue ciuitates, siue rura habeant, eodem omnino loquuntur modo: quod & de reliquis item intelligendum est. Zeneti, Haoari, & Sanhagij rura Temesnes incolunt: hi aliquādo in pace agunt, nonnunquam & prædictarū rixarum memores, acriter admodum inter se belligerātur. Sunt & ex his quidam, qui per totam Africā regnum possident, veluti Zeneti, qui olim eam familiam profligârūt quæ Idris dicebatur, vnde deriuatos volunt veri Duces Fessæ, atq; illius ciuitatis conditores: horū progenies dicta est Mecnasa. Venit postea & alia
Zene

Zenetorū familia ex Numidia, quę Magraoa dicta est, hæc Mecnasam cum omnib. ducibus regno pulsit. Non multum postea temporis expulsi sunt & hi à quibusdam qui ex Numidiæ deserto venerūt, ex progenie Sanariorū quæ Luntuna dicebatur.

Ab hac tandem vastata atque prorsus euerſa est Temesna, omnesq; trucidati, præterq̃ qui ex Luntunis reperti sunt, quibus Duccala tradita est inhabitanda, estq; ab his ea ciuitas condita quod Maroccum vulgò dicitur. Euenit postea fortunæ mutatione, quòd quidam Elmadus summus apud illos cōcionator, inito cum Hargijs consortio (erāt illi ex Musmudis oriundi) omnes Luntinos eiecit, sibiq; id regni vsurpauit. Post huius mortem successit in eius locū quidam ex illius discipulis nomine Habdul Mumen à Banigueriaghel ex Sanagiorum origine. Remansit regnum huic familiæ circa centum & viginti annis, fuitq; illi tota ferè Africa subiecta: tandem regno priuata à Banimarinis in fugam redacta fuit, qui ex Zenetorum origine prognati, postea circa centum & septuaginta annis rexisse dicuntur.

Gesserunt Banimarini assiduū bellum cum Banizeano Teleusini rege, qui ex Sanagiis & ex Magroa stirpe orti sunt: belligerantur & cum Tuneti regibus, qui ex origine Hantata & ex Musmudis venerunt. Videtis igitur quantū quinque illis populis semper fuerit negocij atque laboris in his regionibus.

Certum est neque Gumeros neque Haoaros nihil iam ditionis possidere, quanuis antea (vt in eorum Chronicis legitur) aliquam habuerint dominiij

DESCRIP. AFR. RERVM q;

minij portionem, idq; ante susceptā Mahometi-
cam legem. Ex quibus iam certissimò colligitur,
prædictos omnes populos in campis suas habuisse
mansiones atque tentoria: fauebat autem quisque
suae parti, habebantque omnes ad hominis vitam
labores inter se communes. Agrorum præfecti ar-
menta curabant: qui ciuitates incolebant, aliquo
opere manuali aut agriculturæ intenti erant. Di-
uisi sunt populi illi in sexcétas stirpes, vti in Afro-
rum genealogiis videre licet, cuius autor est quidā
Ibnu Rachu, quē & sæpissimè me legisse memini.
Habent multi historici regē Tombuti, regē Melli,
& regē Agudessè, suam habere ex populo Zanaga,
hoc est ex ijs qui desertum incolunt, originem.

¶ *Lingua Africana conformitas
atque diuersitas.*

Q Vinque illi populi, qui plusquam in cen-
tenas sunt progenies diuisi, quique innu-
meras habent habitationes, in vna omnes
cōueniunt lingua, quæ ab illis Aquel Amarig, hoc
est lingua nobilis nominatur: Arabes qui Africam
incolunt eam Barbaram linguam vocant, estque
hæc vera atq; genuina Afrorum lingua. à reliquis
tamen prorsus aliena, quanquā multa habeat vo-
cabula cum Arabibus communia, vnde aliqui col-
ligere voluerunt, Africanos ex Sabeorum Arabiæ
fœlicis populi, vt antea dictum est, origine proces-
sisse. Alii verò dicunt huiusmodi vocabula tum
demum inuenta, cum Arabes in Africam venerūt
eamq; possidere cœperunt, verum illi admodum
rudes hebetioriq; fuerunt ingenio, adeò quòd ni-
hil scripti reliquerūt, quod in hanc aut illam par-
tem

tem adduci possit. Est & inter illos alia quædam non prolationis modò, verùm & significatorum diuersitas: vti illi qui Arabibus viciniore sunt, quique cum illis plus habent commercii, illorum magis vtuntur idiomate. Quin & Gumeri ferè omnes & maxima Haoarorum pars, Arabicè loquuntur quanuis corruptè, id quod ex eo venisse puto, quod longa admodum fuerit illis cum Arabibus consuetudo.

Nigritæ diuersa inter se habent idiomata, inter hæc quoddam Sungai ab illis dicitur, seruitq; multis regionibus, veluti Gualatæ, Tombuto, Gineæ, Mellidi & Gagonti. Est & alia lingua quæ Guber ab illis appellatur, hæc apud Guberos, Canonentes, Chesenas, Perzegregos & Gangrates in vsu est. Habet & regnum Borni suum loquendi modum, illi omnino similem, qui apud Gaogam est. Seruatur & Nubæ regno sermo quidam, qui cum Arabica lingua, cum Chaldaica & Ægyptia magnam habet affinitatem. Omnes autem Africæ ciuitates maritimæ, à mari mediterraneo ad Atlantem vsq; montem, Arabico vtuntur sermone corrupto. Excepto tamen Marrocci regno, & Marocco oppido quod Barbara admodum vtitur lingua, etiam Numidæ mediterranei, hoc est ii qui Mauritanie & Cæsareæ viciniore sunt. Quare qui TUNETI regno & Tripolitano confines sunt, Arabicè loquuntur, sed corruptissimè.

¶ Arabes urbem Africam incolentes.

EX illo exercitu qui à Califa Otmeno tertio missus erat, anno hegiræ .400. venerunt in Africam tam nobiles quàm alii, circa octuaginta-

DESCRIP. AFR. RERV Mq;

ginta millia, qui post multas sibi deuictas prouincias, in Africam tandem appulerunt: remansitque ibi totius exercitus dux, qui Hucha Hibnu Nafich dicebatur. Hic iam magnam illam ciuitatem condiderat, quæ & apud nos Alcaira appellatur. Mauerat enim à Tuneti fluminis populis sibi insidias parari, verebaturque; ne accito ex Sicilia insula præsidio, bellum sibi ab illis moueretur. Quare cum omni quem sibi nactus fuerat thesauro, desertum terramque; solidam adiit, quæ à Carthagine circa centum & viginti miliaribus distat, illicque Alcairam tandem extruxisse fertur. Illos autem qui illi adhuc supererant milites, iussit loca tutiora atque defensionis aptiora seruire, & ubi nulla esset rupes, nullumque; munimentum, illic eos ædificare volebat. Quod ubi sic factum est, effecti Arabes Africæ incolæ, atque inter Afros misceri cœperunt, qui quoniam iam aliquot annis sub Italis egerant, illorum adhuc idioma seruauerant, hinc est quod sic paulatim corrupta est genuina illa Arabum lingua, quæ cum Africana magnam admodum habet affinitatem: sicque duo illi populi in vnum tandem coaluisse dicuntur. Solent tamen Arabes vel cantionibus quotidianis suum semper referre genus, quod & nobis & Barbaris etiam nū in usu est. Nullus enim quauis vel infimæ sit conditionis, qui non suo nomini adiungat suæ generis nomē: veluti Arabs aut Barbarus aut aliud simile.

¶ Arabes qui tentoria incolunt.

Semper vetarunt Mahumetani Pontifices, ne Arabes cum exercitu & tentoriis Nilū transmitterent. Sed anno Hegiræ. 400. id illis à quo-

quodam Califa scismatico permissum legitur: eò quòd quidam ex illius magnatibus se illi opposuerat, atque iam Alcairam cum tota ferè Barbaria occupauerat. Post huius mortem remansit ad aliquot annos suæ familiæ id regnum, atque, vt volunt Africanorum historiographi, in tantum illorum creuit ditio tempore Elcaini illius gentis & Califæ & Pontificis, quòd cum maximo exercitu ad illos missus fuerit quidam Gehoar, quem Califa Elcainus ex seruo sibi à cōsiliis fecerat. Hic suas copias occidentem versus traducens, totam recuperauit Numidiam, Barbariam, perrexitq; ad regionem vsque Susam, vbi census sibi atq; tributa largissima reddi iussit. Quibus omnibus absolutis, ad suum Califam redit, atq; quicquid hostibus ademptū erat, id illi totum summa cum fide reddit. Califa vbi fœlices huius successus vidit, iam de maioribus exequendis cogitare cœpit. Gehoar autem quemadmodum iam occidentale illud regnum domino recuperauerat, ita se mox armis totam orientalem plagam, hoc est Ægyptū, Sorian, & Arabiam recuperaturum firmissimè pollicetur, nihilque intentatum se relicturum promittit vel summo vitæ periculo, vt iniuriam illam vindicet quæ huius prædecessoribus à familia quæ Lhabus dicebatur, illata erat, vtque illum in suorum illustrißimorum auorum, proauorum, atque progenitorum sedem restituat. Califa vt huius animosam pollicitationē intelligit, mox exercitu octuaginta millium collecto, ingentē illi auri vim, cum omnibus iis quæ bello necessaria videbantur, tradi iubet. Sic tandem bello paratus strennuus ille &
cor-

cordatus exercitus dux, suos per deserta Ægypti & Barbariæ ducit, atque prius fugato Ægypti Vicecalifa (hic iam in Bagadedam ad Califam Eluir cōfugit) paucis diebus minimoq; negotio omnes Ægypti & Soriæ regiones sibi subegit. Non tamē potuit securo prorsus esse animo, verebatur enim ne Califa à Bagageda cū Asiatico exercitu sibi negotium facesseret, néve quos ille ad Barbariam tuendam reliquerat, cogerétur iam deviēctas provincias relinquere. Quare munimen aliquod exstruere decreuit, ad quod, si eo opus esset, se milites recipere, atq; hostium sustinere impetus possent. Condidit igitur ciuitatem, murisq; eam cingere iussit. Hic continuò vnū ex suis, cui maximē fidebat, cum bona sui exercitus parte reliquit: ciuitati autem nomen indidit Alchaira, quæ postea apud quosdam Chair dicta est. Hæc adeò indies creuisse fertur, cūm ædificiis tum incolis, vt vel toto orbe nō reperiatur quæ cū hac sit vllō modo conferenda. Cū iam Gehoar videret Califam Bagadedæ nihil belli apparatus habere, mox suo domino rescribit, omnes quas vicerat vrbes, sibi debitos honores exhibere, omniaq; in tuto esse atq; tranquilla: quare si videretur commodum, & ipse Ægyptum inuiseret, plus sua præsentia effecturū ad ea quæ adhuc recuperanda restabant, quàm vel quouis expeditissimo exercitu: sperabat em̄ fore, vt cūm Califa Bagadedæ huius aduentus certior fieret, ipse relicto & regno & pontificatu in fugā ageretur. Id vbi egregium lætumque nuncium ad Califam Elcāinum peruenit, mox huius felicioris fortunæ euētu, multò q̄ antea superbior redditus, neque

neque prius quid mali inde euenire posset præcogitans, numerosum sibi exercitum collegit, totiusq; Barbariæ gubernatorē reliquit quendam ex ea stirpe quæ Sanhagia antea dicta est, hunc illi nō ex animo amicum postea intelliges. Mox vbi iam Califa Alchairam appulisset, honorificè admodum à suo Gehoar exceptus, cœpit magni aliquid animo voluere, atque maximo vndique collecto exercitu, Califam Bagadedæ ad arma vocare parat. Interea qui Barbariæ dux summus relictus erat, inito cum Califa Bagadedæ fœdere, se totamq; sibi commissam Barbariam huic in manum dedit. Califa autem alacriori illum excepit animo, atq; totius Africæ Regē constituit. Quod vbi Califæ qui Alchairæ agebat nunciatum est, incredibile dictu quàm tum id sibi tristitiæ attulerit, partim quòd se regno expulsum videret, partim etiam quòd omne aurū quod secum allatum erat, consumpserat; adeò vt quid tandem aggrederetur, prorsus inscius esset, sepiissimeque illi mali quicquā ominabatur, cuius cōsilio regnum reliquerat. Erat illi à secretis vir quidā apprimè doctus, promptissimiq; ingenij, qui cū herum adeò mœstum videret, volens repētino casui, qui iam mox imminere videbatur, aliqua cōsiliij dextertate occurrere, in hunc illum solatur modum: Scit tua celsitudo, Califa inuictissime, fortunæ varias esse mutationes, neq; ob iam præteritos euentus, vllam virtutis tuorum diffidentiam esse habendam. Ego si fidum vnquam me tibi præstiti amicum, nunc quoq; bona fide consilium dabo, quo paucos intra dies omnia recuperes quæ tibi

B

per-

DESCRIPTIONIS AFRICÆ

perfidia adempta sunt, quoque (mihi crede) ad optata facillimè venias. Id autem vel nullo poteris efficere satellitio, quin multam ab eo exercitu auri vim polliceor, quem ego mox tibi congessero, si modo quod dicam exequi velis. Califa his verbis aliquantulum alacrior factus, rogat quónam id possit tandem fieri modo; ille verò sic pergit: Certum est, mi domine, Arabes iam ita creuisse, illorumq; tantum esse numerum, ut Arabia illos omnes capere non facile possit, vix redditus illorum armentis sufficere possunt, maxima afficiuntur inedia, magna est illis non habitationis modò, verùm & annonæ caritas atq; penuria. Quamobrem si id illis abs te concessum fuisset, iam dudum Africam intrassent. Quare si id illis nunc licitum fuerit, ingentem auri vim a te his te accepturum non est quod dubitem. Non potuit hoc consilium Califæ animum usq; adeò exhilarare: videbat enim fore, ut Arabes totam vastarent Africā, sicq; nec sibi id, nec hostibus profuturum sciebat. Tamē quoniam omnino de suo regno actum esse videbatur, iudicavit præstare se illos nūmos recipere, quos ille pollicebatur, sicq; de hoste supplicium sumere, q̄ simul & regnum & aurum perdere. Quare singulis Arabibus, qui ducatum illi pendere volebant, permissum est, liberè Arabiam ingredi, ea tamen lege atque sacramento, quòd perfido sese Barbariæ Regi hostes præberent atrocissimos. Quod ubi id illis permissum est, mox decem Arabum stirpes in Africam venisse dicuntur, quæ dimidia totius Arabiæ desertæ pars fuit, his sese adhuc quidam adiun-

iungunt Arabiae foelicis incolæ, sicque inter hos
 reperti sunt circa quinquaginta millia, qui iam
 armis apti erant: mulierum, puerorum, & pecu-
 dum tanta fuit multitudo, vt penè horum nu-
 merus infinitus sit habitus: quorû omnium me-
 minit diligentissimus ille rerum Africanarum hi-
 storiographus Ibnu Rachu, cuius & antea feci-
 mus mentionem. Mox igitur vbi Arabes id de-
 sertum transissent, quod iam inter Ægyptum &
 Barbariam esse diximus, primò Tripolim Barba-
 riæ oppidum obsidione cinxerunt, qua tandem
 deuicta, bona ciuium pars trucidata, reliqui fuga
 sibi salutē quæsierunt. Post hæc Cabino oppido
 arma paratur, quod ab iisdem captum atq; euer-
 sum est. Tandem & Elchairoë obsidetur, verum
 quia illis optimè prouisum erat, octo mensibus
 hostium impetus sustinuisse dicuntur: quibus iam
 transactis, oppidum obsidentib. patere coactum
 est: hic miserranda strages, crudelis vbique exspi-
 rantium vox, atq; horrenda vndique mortis ima-
 go. Hanc Arabes terram inter se diuiserunt, illicq;
 habitare cœperunt, magnos interim prouentus à
 sibi subditis oppidis atque prouinciis exigentes.
 Sic totius Africae circuitum sibi seruarunt, donec
 successerit in Marocci regnum quidam Iosephus
 Ieffin filius, hic primus Marocci Rex fuit, atque
 omnibus viribus conatus est iam defuncti Afri-
 cæ regis amicos ad regnum prouehere, nec prius
 quieuit, quàm Arabes Elchairoën deserere coe-
 git. Arabes tamen loca viciniora occuparunt, atq;
 quod potuerunt, se rapinæ & furtis dediderunt: de-
 functi verò amici diuersis tantum locis imperare

DESCRIPTIONIS AFRICÆ

potuerunt. Succēssit postea Marocci regno quidam Mansor, hic quartus fuit Rex & Pontifex eius sectæ, quæ Muoachedim dicta est. Ille quem admodum aui atque proai semper iam dicti defuncti amicis fauerant, illosq; pristino statui reddiderant, sic huic prorsus in animo fuit se illis hostem præbere, sibiq; illorum ditionem vsurpare. Falsò igitur cum illis pace sancita, Arabes in hos mouisse, atque vel minimo negotio illum superiorem euasisse legitur. Mansor posthæc maximam Arabum partem secum in Occidentale regnum adduxit, horum nobiliorib. Duccalam & Azgaram habitandam dedit, iis verò qui inferioris erant conditionis, Numidia donauit. Successu autem temporis, qui Numidarû serui erāt, libertati reddi iussit, sic inuitis illis, eos in ea Numidiæ parte quam illis dederat, habitare voluit; hi verò indies suam magis atque magis locupletarunt ditionē. Qui verò Azgaræ & in aliis quibusdam Mauritaniæ locis habitabant, ad vnum omnes in seruitutē redegit. Quia Arabes si extra deserta habitent, non aliter sese habent ac pisces sine aqua: sæpissimè iam deserta adire tentaauerant, sed oberat illis mons Atlas, qui tum temporis à Barbaris tenebatur. Neque per planiciem patebat illis transitus, quia reliqua illorum pars, illic suas habebant colonias; quare posita superbia, se agriculturæ dederunt, neque quicq; præter casas, tuguria, atque tentoria habebant. Accedit & horum miseriæ, quòd insuper & regi Mauritaniæ singulis quoque annis largissimos census soluere cogantur. Qui Ducculam incolebāt, quia
mul

multitudine pollebant, se facile ab omni tributo liberarunt. Bona Arabū pars Tuneti remanserat, eo quod Mansor hos secū adducere recusauerat: hi mortuo Mansore Tunetum sibi occuparunt, remansitque illis id dominiij, donec tandem quibusdam ex populo q̄ Abu Haf dictus est, ea lege regnū relegarunt, vt illi dimidium censuum atq; prouentuum totius regni ferrent: quod & in nostrum adhuc remansit æuum. Verū quia Arabum tantus tamq; copiosus est numerus, vt annuus totius regni non illis sufficiat prouētus, Tuneti rex quibusdam ex his optime debitum reddit, vt illi mercatoribus transitum tutum atque securum reddant, quod & præstant, non enim cuiquam nocent. Alij verò qui huiusmodi emolumentis priuantur, rapinæ, cædibus, furtis, & huiusmodi se nequissimis dedunt facinorib. Hi ferè semper in nemoribus latēt, atq; vbi mercatorem aliquem sibi aduentare sciunt, continuo erumpunt, illumq; bonis omnib. exutum interficiunt: adeò vt iam mercatores illac ad Tuneti regnum transire non audeant, nisi adhibito conductitio aliquo satellitio. Sic tandem transitur, non sine maximo interim mercatorum incommodo. Coguntur enim iam dictis Arabibus, à Tuneti rege prouisis, ingentem pecuniæ vim extolueret: tum illis periculum est, ne (quod sæpenumero fit) viribus superati, à prædonibus & bonis & vita spoliarentur.

¶ *Arabum qui Africam incolunt, quique Barbari appellantur, in plures partes diuisio.*

B iij

Qui

DESCRIPTIONIS AFRICÆ

Qui Africam inhabitant Arabes, tribus distribuuntur populis. Horum enim quidam Cachini, alij Hilelli, reliqui vero Machili nuncupantur. Cachini in tres diuiduntur populos, Ethegos, Sumaitas, & Sahidos. Ethegi rursum tribus diuisi sunt partibus, Dellegis, Elmuntefigis & Subairis: occupantq; li innumeras ferè regiones. Hilelli quatuor item sub se populos habent, Beniheimiros, Richos, Sufienos, & Chusainos. Benihemir partitur in Huroam, Hucben, Habrum, Muslimum. Rieh verò in Deuudiam, Suaidiam, Asgegiâ, Elcherithâ, Enedriam, & Garfam, quæ quidè partes infinitas occupant ditiones. Machili tres sub se habent populos, Mastaros, Hutmenos, & Hassanos. Mastari partiri volunt in Ruchen & Selim. Hutmen in totidem Elhasin & Chinanam. Hassan autem diuidunt, Deuihessen, Deuimansor, & Deuihubaidulla. Deuihessen distinguunt in Dulein, Berbunum, Vodein, Racmen, & Hamram. Deuimansor in Hemrun, Menebben, Husein, & Abulhusein. Deuihubaidulla denique in Garagos, Hedegos, Telebos, & Geoanos. Quæ omnes innumeras possident regiones, quarum enumeratio non difficilis modò, verùm & impossibilis planè videtur.

¶ Prædictorum Arabum mansiones & numerus.

Arabum omnium nobilissimi fuerunt Ethegi, quibusque Almanfor Duccalæ regionem atque Tedles solum inhabitandum dedit. Hi in nostrum vsque diem cum à Lusitaniæ Rege, tum à Rege Fessæ, miris vndiq; afficiuntur modis. Si quando belligerandum est, milites

lites habent armis aptos centum millia, horumq; bonam partē equites. Sumaitæ Libyæ desertum occupant, respondentq; Tripolitano deserto. Sæpenumero ab his incursiones patitur Barbaria: nullus enim illis in ea locus datur, sed perpetuò vnà cum camelis deserta tenēt loca. Horum numerus octoginta millia militiæ accōmodi, pedites ferè omnes. Sahidi quoq; Libyæ desertum inhabitant, illisq; maxima semper fuit cum Gargalæ Rege consuetudo.

Adeò huic genti copiosum pecus, vt ad omnes illius regionis ciuitates abundè inde carniū deuehatur, idque æstiuo præcipuè tempore, hyeme enim nunquam deserta exeunt. Accreuit horum numerus ad millia plus minus centum & quinquaginta, atqui non admodum multos inter hos reperias equites. Dellegi diuersas habent mansiones, horum maximam partem Cæsaria habet. Nonnulli & fines Bugiæ regni occupant, qui & annum stipendium ab eorum vicinis accipere dicuntur. minima verò pars Acdeseni campos incolunt, vnà cum Mauritaniæ fines ac montē Atlanteni, hi Regi Fessæ subijciuntur. Elmuntefigi Afsari solum inhabitant, suntque à neotericis Elchaluth appellati. Enumerant & hi Regi Fessæ annum quendam censum, pollentq; equitibus apparatusi bellico aptissimis ad numerum ferè octomillium. Sobairi propemodum regno Gezeir confines sunt, sub Rege Telensini stipendia merent, ac bonam Numidiæ partē occupare dicuntur. Equites habēt rei militaris peritissimos numero plus minus trium milium. Maxima est

DESCRIPTIONIS AFRICÆ

illis camelorū copia, quare hyeme desertum habent. Reliqua horū pars planiciem occupat quæ inter Salam ac Mecnesen sita est. Copiolū habent armentorū numerum, agricultura sese exercent, cogunturque singulis quoque annis Regi Fessæ aliquid census exsoluere. Horum equites quos bello planè natos dicas, numerum reddunt quatuor millium.

¶ *Hilel populus, eorumque situs.*

Hilelli qui & Benihamiri appellantur, Regno Telenfino & Oranico vicini habentur. Illi per Tegorarin desertum discurrunt, sub Telenfini Rege stipendiantur, maximè & viribus & diuitiis pollent, & si in quenquam mouēda sunt arma, mox illis sex millia equitum in promptu est. Hurua fines tantū Mustuganim sibi occupant, Hi syluestres sunt, furtis atque rapinis sese dedunt, nec admodum illis ad arma animus est. Nunquā à deserto discedunt, nullus enim illis locus, nullæ prorsus mansiones, nec stipendium vllum à Barbaris datur: equites habēt plus minus duo millia. Hucbani Melianæ regionis confines sunt, hi nonnihil stipendij merent à Rege Tenetis, rudes sunt, agrestes, atque vt semel dicam, omnis humanitatis alienissimi: equites illis numero circiter mille & quingentos esse volunt. Habru eam regionē occupant quæ est inter Orania & Mustuganim, hi agriculturā exercent, Regi Telenfini annum censum exoluunt, vixque centesimus illis eques reperiri potest.

Muslimi ea Massiliæ deserta incolunt, quæ ad Bugiæ regnum extenduntur. Sunt & hi furtis tan-

tantum & rapinis apti, tributa accipiunt tum à Mullimis, tum etiam ab aliis sibi regionibus vicinis. Riehi ea Libyæ deserta inhabitat quæ Constantinis confinia sunt, Amplissimam habent in Numidia ditionem, suntq; sex iam in partes diuisi. Gens ea & nobilissima & rei militari aptissima, stipendia meret sub Tuneti Rege, equitum illis numerus quinque millium. Suaidi id desertum habent quod ad Tenetis regnū extenditur. Latum admodum his patet imperium, à Telenfini Rege stipendia accipiunt, miraque illis cum in bello tum in omni vitæ genere animi dexteritas. Asgegi non vno loco habitant: horū enim pars quædam Garitum inhabitat, inter eum populum cui Hemram nomē est: reliqui verò, eam Duccalæ partem habent, quæ Azafi vicina est. Elcheritæ id Helini solum habēt, quod in Saidimæ planicie situm est, sibi que Heha populum tributarium habent. Rude admodum atq; incultum hominum genus. Enedri in Heæ planicie sedes occupant: perficit autem Hea numerū ferè quatuor millium equitū: atqui exigua illis in armis præstantia. Garfæ diuersas habent mansiones, nullus illis neq; Rex neq; Dux est. Cæteris populis & præsertim Mannebbæ & Hemram commiscuntur. Deuehunt illi è Segelmesa dactylos ad regnum Fessæ, indeq; rursus ea conuehunt, quæ Segelmesæ necessaria videntur.

¶ *Mabchil populus.*

R Vche populus qui à Mastaro originē duxisse creditur, id desertū sibi habet quod Dedeti atq; Farcælæ proximum adiacet.

Exi

DESCRIPTIONIS AFRICÆ

Exiguas admodum habent ditiones, quare nec diuites habentur, sunt tamē bellis gerendis aptissimi, cursuque velocissimi, adeò vt turpissimum illis habeatur, si quis pedes à duobus equitibus superetur. Neque inter hos vix quenquam reperias, qui non cursu quemlibet etiam equū quantumuis velocem anteuertat, sit quauis longum peragendum iter. Equites habent circiter quingentos, pedites verò militiæ aptissimos octo milia. Selimi ad Daræ fluuium sibi mansiones delegerunt, discurrunt & hi per deserta, multas habent diuitias, singulis quoque annis merces ad Tombuti regnum deuehunt, atq; illis Tombuti Rex maxime fauere creditur. Est his in Derha multum sanè ditionis, copiosusque camelorum numerus: tum si quis belli tumultus exoriri videatur, mox illis tria millia equitū in promptu reperiuntur. Elhasimi id Oceani littus incolūt, quod Messæ adiacet. Equites armatos numerant plus minus quingentos. gens est bello planè rudis atque ignara. Eorum pars quædam Asgaram inhabitat: quos Messa habet, liberi habentur, sed qui in Asgar morantur, Regi Fessæ subijciuntur. Chinanitæ inter eos moram trahunt, quos antea Elchalutas diximus, suntq; & hi Regi Fessæ subditi. Bello plurimum valent, numerantque circa bis mille equitum. Deuihessemi in Duleimos, Burbunos, Vodeos, Deuimansores, & Deuihubei dullas diuidūtur. Duleini moras gerūt in Libyæ deserto, cū populo illo Africano, cui Zanaga nomen est. Neque imperium, neq; stipendium ullum obtinent, quare nec diuitiis pollent, furtis

ad.

admodū valent, Daras frequenter inuisunt, cum quibus armentis dactylorum commutationem ineunt. Omnis illis negligitur ornatus atque decor: estque horum numerus decies mille hominum, equites circiter quatuor millia, reliqui pedites. Burbuni populus eam Libyæ desertæ plagam obtinet, quæ regioni Susæ contigua est. Horum magnus admodum numerus, neq; vllas habent diuitias præter camelos. Illis subiecta est Tesseta, quæ sola non illis sufficit equis alendis, etsi exiguo illis tamē sint numero. Vodæi id desertum habent quod inter Guadenum ac Gualatam situm est. Hi Guadenitis imperant, certumque censum annuum à Gualatæ Duce accipiunt, ac in infinitum ferè numerū accreuerunt. Dicuntur enim producere sexaginta ferè millia hominum bello peritissimorum, verū illis magna est equorum inopia. Racmeni id desertum tenent quod Hacchæ proximum adiicitur. Copiosas habent possessiones, solentq; Vernis quibusque temporibus in Tessetum proficisci: nam eo tempore cum huius regionis incolis nōnihil illis negocij incedit. Milites armisque adulti numerū ferè duodecim millium perficiunt, at per paucos proferūt equites. Hamrus populus, Taga noti deserta inhabitant, à Taganoti incolis nōnihil tributi accipiūt, ac crebris indies per id deserti incursionibus Nuno populo molestias inferunt. Milites supputant ad numerū ferè octo milium.

¶ *Deuimanfor.*

DEhemruni qui à Deuimanfore genus traxisse dicuntur, id desertum occupant qd
Se-

DESCRIPTIONIS AFRICÆ

Segelmessæ opponitur, ac quotidie p Libyæ deserta ad Igidam vsque discurrunt. Horum tributarij sunt Segelmesseni, Todgitæ, Tebelbetti, atq; Daræ: tanta illis dactylorū copia, vt annuus prouentus vitæ necessitati facile sufficeret, etsi nihil lucri accederet: hi apud reliquas nationes maximi sunt nominis, numerantque equites circiter tria millia. Habitāt & inter hos abiectiores quidam Arabes, equorū tamen ac omnium generū pecudum maxima illis copia est, qui eorum lingua Garfa Esgeh sunt appellati. Est & huius populi Hemrun pars quædam, quæ multum apud Numidas ditionis obtinet, vnde & vberimus illis annuus prouentus reportatur: ab his frequēs fit ad desertum vsque Fighig discursus. Æstiuo tempore per totam Garitæ prouinciam disperguntur, eamq; Mauritaniæ partem occupāt, quæ ad orientē Solem vergit. Nobiles sunt, viri probi, atque omnis humanitatis amantiissimi, adeo vt reges Fessæ solent ferè oēs ex his sibi vxores deligere, quare & maxima eos amicitia atq; consuetudo cōiungat oportet. Menebbe populus idem ferè desertū inhabitant, duasq; sub se habent Numidiæ prouincias, Matgaram & Retebben. Sunt & hi validissimi, stipendia merent sub Segelmessenis, annumerantque equites duo ferè millia. Huseini qui & à Deuimanfore ortum habere creduntur, Atlanti subiiciuntur. Spaciosam habent in montibus illis ditionem, multa passim castra, multas denique vrbes opulentissimas, quas sibi olim à Marini Viceregibus datas opinantur: qui enim id regni primū adepti fuissent, maximā illis

illis Huseinitæ opem tulerunt. Est & horum regnum regibus Fessæ atq; Segelmeffæ subiectum. Ducem habent qui fere semper eam urbem inhabitat, quam Garseluinum vulgò appellitant. Per id deserti ferè semper vagatur, quod eorum lingua Eddara nuncupatur. Opulentissimi atque probissimi habentur, equitum adnumerant plus minus sex millia, sæpenumero inter hos & quosdam Arabes reperiās, verum illos tantum pro servis habent. Abulhusein populus, partim iam dictum Eddara desertum incolunt, atqui minimū illic ditionis possident: maxima verò horum pars ad tantam miseriam redacta, vt nec victus illis in tentorijs syluestribus suppetat. Verum quidem est eos in Libyæ deserto quasdam sibi mansiones exstruxisse, sed tamen & fame & summa rerum omnium inopia premuntur: quin & (ne nō sint omni ex parte miserrimi) affinibus & parētibus annuos exsoluere census coguntur,

• *Deuihubaidulla.*

Est hui⁹ populi Deuihubaidulla pars quædam, quæ Gharragi nominatur: hi Benegomi atque Fighig deserta occupant, latamque in Numidia possessionem obtinent. Stipendia merent sub Telenfini rege, qui & sedulo in hoc incumbit, vt eos in pacem vitæque tranquillitatem redigat: sunt enim & latrociniiis & furtis addictissimi. Æstate solent se Telenfinum cōferre, vbi & per id tempus sedes figere creduntur: equites illis quater millesimū complent numerum, quos omnes & Marte dignissimos dicas. Hedegi quoddam desertum Telenfini vicinū habent

DESCRIPTIONIS AFRICÆ

bent, quod illis Hangad nuncupatur. Nullum prorsus stipendium merent, nihil omnino ditio nis possident, rapina tantum illis atque præda cordi sedet, his duntaxat & sibi & familiæ prouidetur, numerantque equites ferè quingentos. Tehlebi Elgezairæ planiciem incolunt, sitque ab his frequens admodum per deserta ad Tegdeatû discursus. Illis Elgezair atq; Teddelles vrbes maximè insignes subijciebantur: verum nostro hoc tempore à Barbarossa illis ademptæ sunt, quod & eorû regem pessimè habere facile quis conijcere poterit. Quin & tum temporis eum deletû populum perhibet qui apud illos Tehleb dictus erat: hos quidem neque virium neque rei militaris præstantia cuiquam populo cedere dixisses, equites numerabant plus minus tria millia. Gehoanitæ non vno loco habitant, horû enim pars quædam vnà cum Guaragis, reliqua verò inter Hedegos reperias, suntque illis non aliter quàm seruorum vice, quod & animo tamen æquissimo tolerant perferuntque. Illud autem hoc loco notandum, priores illos duos populos, quos Schachinos atque Hileillos appellauimus, Arabes esse Arabiæ desertæ, qui & originè ab Ismaële Abrahami filio se traxisse opinantur. Quos autem nomine Machil antea notauimus, hos Arabiam fœlicem habere, ortumque ducere à Saba. Hos Mahumetici iis posthabitos volunt, qui ab Ismaële Ismaelitæ sunt appellati. Et quia maxima semper inter eos fuit disceptatio, ytra pars nobilitatis primas partes obtineret, hinc factû est quòd vtrinque multa fuerint conscripta colloquia atq;

epigrammata, quibus quisque suæ gentis encomia, mores atque ritus decantare solitus est. Veteres illi Arabes, qui ante Ismaëlitas fuere, ab historiographis Africanis Arabi Araba, hoc est Arabes Arabici (vt sic dicatur) vocitari solent. qui ab Ismaële genus duxisse dicuntur, Arabi Mustah-raba, id est, Arabes (vt ita loquar) inarabati, vel Arabes per accidens nominatur, eò quòd non sint Arabes natiui. Quæ ex eo tempore in Africam demigrarunt, eorum idiomate Arabi Mustehge-me (quod latine Arabes barbari sonat) sunt appellati, quòd extraneis sese adiunxerunt, adeò vt non solum habeant sermonem, verum & mores corruptissimos, sintq; moribus prorsus barbari. Hæc sunt, amice lector, quæ potuit memoria de Africanorum atq; Arabum origine ac diuisione, hoc toto decennio seruare, quo neque me legisse neq; vidisse vllam de ea gente historiam memin- ni. Si quis plura videre velit, cum Hibnu consulat oportet, quem antea nominauimus.

¶ *Africanorum qui Libya deserta inha-
bitant mores atque ritus.*

Q Vinque illi iam antea enumerati populi Zenagates, Guanfigates, Tergates, Leuta-tæ, & Bardeitæ, à Latinis Numidæ dicun- tur, estq; omnibus vnus idemq; viuendi modus, absque vllis legibus aut rationis vsu. Horū vestis panniculus est admodum angustus atque rudis, quo vix eorum pars dimidia tegi potest. Quo- rundam caput tela quædam nigra ad fasciæ mo- dum reuoluta cingit, cuiusmodi ferme Turcas yti videmus, Dulipanum Itali vocant. Qui ceu
ma-

DESCRIPTIONIS AFRICÆ

magnates inter ceteros dinofci volunt, subuculā ex gossipio cæruleo confectam, latis manicis circunferunt. Gossipium autem illis à quibusdam mercatoribus è Nigritarum solo aduehitur. Nul- lum habent equitationi aptum animal, præter camelum, cui natura inter eum gibbum quem in posteriori dorsi parte gerit & collum, ephip- pium dedit. Res sanè risu digna si quis hos equi- tantes aspiciat. Nonnunqua enim tibiam tibiæ innixam in ipso cameli collo habent: interdum verò stapedis vice, restis est camelo ex humeris dependens, nulla staffæ habita cognitione. Pro calcaribus, bacillo vnus cubiti longitudine vtun- tur, qui cuspide altero ferreum habet pugionem, quo humeros tantum camelorum pungere so- lent. Qui equitatu parantur cameli, nares ferè omnes perforatas habent, annulusque coreaceus illis aptatur, quo ceu freno quodam & domari & duci facilius possint, quemadmodū & apud Ita- los bubalos videre licet. Lecti vice, stibadiis seu storeis ex iunco consitis vtuntur. Tentoria ferè ex vndulato, aut ex aspera quadam lana confici- untur, quæ intra dactylorū racemos reperiri so- let. Quod ad victum attinet, non dictu facile, q̃ sit ea gens famis inediaq; patientissima. Neque pane vescuntur, neque cibo aliquo vel quocunq; modo cocto, solo camelorum lacte contenti, nil præterea deliciarum ambiunt. Pro ientaculo in- gentem lactis tepentis cyathum epotant, in cœ- nam nonnullæ carnes siccæ lacte ac butyro con- diti solent, ex his suam quisque portionem arri- pit, ac sic è manu vorat. Et ne quid in stomacho
fitus

fitus contrahat cibus, id iuris quoque sorbent, quod carnes antea condiderat: qua in re caua manu cochlearis vice vtuntur, tanquam naturæ instrumento ad id peragendum aptissimo. Exinde rursum lactis patera exhauritur, estq; hic totius cœnæ colophon. Dum illis adhuc lactis aliqua datur copia, aquam prorsus negligunt, quod fere in Vere accidit, quo toto tempore quosdam inter hos reperias, qui nec manus nec faciem semel abluerunt. Quod hac de causa euenire credibile est, nam vt antea diximus, dum illis lac durat, ea loca non adeunt, quibus aqua inueniri posset: adde, quod illorum camœli, dum herbis pascuntur, aquam non bibunt. Omnis eorum vita venationibus ac rapinis transigitur, in hoc enim totis brachiis incumbunt, vt hostium camœlos abigant, nec vltra triduum eundem locū occupant, nō enim diutius possent pascua eorum sufficere camœlis. Et quanuis, vt iam dictum est, nullam habeant ciuilitatis rationem, nullumque vitæ institutum præscriptum, illis tamen dux quidam siue princeps præsidet, cui ceu regi & obediunt & debitos honores tribuunt. Non literarū modò ac disciplinarū rudissimi perhibentur, verū etiam & virtutum apud illos summus est neglectus: adeò vt vnum vix in toto illo populo reperias, qui aut consilio polleat aut iudicio. Quin & si quisquam iniuria affectus velit aduersarium inius vocare, huic totos quinque aut sex dies equitandum, priusquā iudicis cuiusquam tentorium pertingere queat. Tanta huic genti artium atque bonarum disciplinarum despectus, vt ne deserta

VI DESCRIPTIONIS AFRICÆ

studij ergò exire dignentur : neque si quis eruditus fuerit, eorum amare commercium potest, propter mores tum incultos, tum omnibus modis detestandos. At si quis tamē iudex reperiatur, qui illorum mores utcunque ferens, cum illis manere velit, largissima huic in annum stipendia numerantur. Sunt enim qui mille ducatos annuē, sunt qui plus, sunt qui minus suo iudici exsoluant, idq; pro eorū iudicio atq; arbitrio. Qui nobiliores videri volunt, pannum, ut dixi, nigrum in capite gerunt, cuius pars quædam totam faciem oculis tantum exceptis tegit, estq; hic eorum habitus quotidianus. Quoties autem cibum in os ingerunt, pannum auferūt, ac mox singulis moribus retegunt: huiusq; talem afferunt rationem: Quemadmodum, inquiūt, indecorum est, si quis cibum euomat, aut ex ore in terram deiiciat, ita nec honestum videri poterit, aperto ore cibum sumere. Huius populi fœminæ crassiores sunt atque carnosæ, cæterum non vsque adeo albæ. Maxima illis pinguedinis portio circa pectus ac mamillas, sed ea parte quam cingulum premit, graciliores sunt. Ciuitatem summè colunt, cum interloquendum, tum & in porrigēdis manibus: patiuntur & interdum se osculo excipi, verum si quis propius accedere conetur, vitę periculo sese exponit. Eā nāq; ob causam multos se mutuò indies interficere videas, idq; beluino prorsus more, nulla adhibita hac in re misericordia. Videnturq; hac in parte plus sapere, quàm nostratium plerique, cum nec caprarū mariti se effici vllō modo velint. Maius semper illis fuit liberalitatis studium,

dium,quàm quis facilè exprimere queat.Quàdo
 vtcunque licet per eius loci siccitatem aliam in-
 cedere viam, nemo est qui per eorum castra vel
 tentoria transitum sibi quærat,neque illi etiam
 communem illam adire viam volunt. Et si qua
 populi frequentia illorum deserta transire velit,
 tenentur huius populi principi quiddam persol-
 uere census,nempe pro cuiuslibet cameli sarcina
 pannicellum, (vt vocât) quod nostra moneta du-
 cato æquiualeat dicitur. Memini me quodam die
 cum quibusdam mercatorib. in eam planiciem
 descēdisse,quæ Araoan illis nūcupari solet,nosq;
 illic Zanagæ principē inuenisse obuium, qui de-
 bitum sibi tributū exegit, pōst, vniuersam illam
 mercatorum multitudinem rogauit, vt sua secū
 adire castra velit, illicq; conquiescendi gratia in-
 triduum aut quadriduum manere. At quia illius
 castra nimium erāt à via nostra semota, fuissetq;
 diutius nobis ac voluissēmus errandum, consul-
 tius ducentes rectam semper seruare semitam,
 gratias egimus illius humanitati maximas. Ve-
 rùm ille cū nec precibus finē imponeret,iussit
 camelos recta præcedere,mercatores autem secū
 manere voluit,ac tandem in suo hospitio magni-
 ficè excepit. Quò vbi deuentum est,mox bonus
 ille vir multos iubet mactare omnium generum
 camelos ac strutiones,quos in itinere illo venat⁹
 fuerat. Nos verò,ne cameli mactarentur assidue
 rogabamus,illud & præterea affirmantes,nos nō
 præsentibus aliis huiusmodi animantium car-
 nibus vesci solitos. Hic ille responsum dedit,nō
 ciuilitè se facturum,si tam magnificis ac nunq̃

DESCRIPTIONIS AFRICÆ

antea visis hospitib. parua tantum animalia præponat. Quare nobis quæ in promptu erant, edenda fuerunt. Maximam hinc vidisses carniū assarum ac elixarum copiam: strutiones assi vasis vimineis variis herbis multoq; conditi aromate apponebatur. Panis ex millio ac panico confectus, subtilissimi ac gratissimi erat saporis; tandem & dactylorum luxuriem, vasaq; lacte referta afferebant. Quin & insignis ille princeps, quod nos sibi gratissimos hospites re ipsa comprobaret, nostro conuiuio, vna cum omnibus suæ regis aulicis, interesse voluit: nos tamē separatim prandebamus. Tum & religiosos quosdam doctissimosq; viros nostro conuiuio accersi iussit, neque panem toto eo tempore quod apud illum epulabamur illorum quisquam tangebat, sed solis carnibus ac lacte vescabantur. Quamobrē nobis plus satis attonitis, humanioribus occurrit princeps ille verbis, seq; omnes iis locis natos affirmat, vbi nulla frumēti species nasceretur: esse tamen semper magnā penes se frumentorum vim, vt esset quo exteri excipiantur. Proinde nos bono esse animo ac securo hortatus est, se autem iis duntaxat vesciturū quæ id solum ferebat: illud insuper addens, diebus pasce atque aliis quibusdam quibus sacrificabatur, panē apud illos in vsu remansisse. Hunc in modum apud illum totū biduum moras traximus, quo dictu incredibile quā opulētis ac miris nos exceperint modis. Tertio autē die nobis discedere volentibus, princeps ad eum vsque locum comitatur, vbi præcedentem illam turbam consequuti sumus. Illud autem vel sanctissimē

assir

affirmare ausim, nos decies plus apud principem consumpsisse, quàm antea tributum exsolueramus. Illud hoc loco subnectere libuit, ut quàm sit ea gens humana atque liberalis, ut cunque docerem. Neque princeps ille nostrum, neque nos principis poteramus intelligere idioma, sed quicquid dicebatur aut respōdebatur, interprete id fiebat. Quod iam de vno hoc populo diximus, de reliquis quatuor intelligendum est, qui per cætera Numidiæ deserta disperguntur.

¶ *Arabum qui Africam incolunt
mores atque ritus.*

Quemadmodum Arabum variæ sunt mansiones atque situs, sic & aliam habent atque aliam viuendi normam. Qui inter Numidiam atque Libyam habitant, vitam agunt miserissimam atque calamitosam, multumque hac in re ab iis differunt Africanis, quos Libyam habere iam diximus. Sunt tamen illis longè animosiores: mercaturam camelorum apud Nigritas exercent, estque illis copiosus admodum equorum grex, quos in Europa vulgò Barbaros appellitant. Illis venatio admodum placet, ceruos, onagros, strutiones, atque id generis animalia insectantur. Neque id interim omittendum, maiorem Arabum partem qui Numidiam inhabitant, maximam habere in describendis versibus leporem atque elegantiam, quibus suos quisque amores, venatus, prælia, resque præclare gestas decantare solet, idque fit rithmis ad Italorum ferè morem compositis. Liberalitatis cum sint amantissimi, nullum per facultates eius specimē ædere licet, quotidie enim

DESCRIPTIONIS AFRICÆ

supra modum innumeris vexantur incōmodis. Hi omnino ad Numidarū vestiuntur vsum, nisi quòd eorum mulieres nonnihil à Numidiæ fœminis variant. Quæ iam illi habent deserta, olim ab Africanis occupari sunt solita: sed cū eorum exercitus eam Africę regionem inuasit, Numidis bello pulsis, sibi Arabes hi ea deserta seruarunt quæ dactylorū solo adiacet: Numidæ verò, tum id deserti inhabitare cœperūt, quod Nigritarum regioni vicinum est. Qui intra Africæ fines inhabitant Arabes, inter Atlantein ac mare mediterraneum, iam antea nominatis ditiores atque copiosiores habētur, cū vestibis sumptuosioribus, tum & equorum pabulo, ac tentoriorum amplitudine atque magnificentia. Horum equi multò habitiores sunt, at non vsq; adeò veloces, ac illi quos iam dictum desertum alit. Agriculturam exercent, prouenitque illis copiosus admodum grani cumulus. Pecorum atque armentorum innumeris illis ferè grex est, quare non vno loco habitare possunt, non enim omnibus pascua sufficerent. Aliquantulo barbariores ac vi-
 liores iis sunt, qui in desertis degunt, quanuis aliquam habeant liberalitatis portionem: estque illorum quędam pars (nempe qui Fessæ habitant) Fessæ Regi subiecta. Qui in Maroeco atq; Ducala moratur, longo temporis interuallo liberi fuerunt ab omni grauedine ac tributo: sed cū primum Lusitanie Rex Azafitis atque Azemoribus imperare cœpit, inter eos subortæ lites bellaque ciuilia. Quamobrem cū à Fessæ, tum à Lusitanie rege, maximaq; illius anni rerum omnium

inopia ac caritate domiti, ad id miseræ redacti sunt, vt etiam vltro se Lusitanis mancipia obtulerunt, & se cuilibet astrinxerunt, qui Saguntinā illorum famem sedare volebat: hoc pacto eorum vix quisquam in Ducala remansit. Porro illi qui in desertis Telenfino atque Tuneto confinibus morantur, omnes ferè nobiles atque magnates dici possent. Horum enim principes maximum quotannis à Rege prouentum recipiunt, quem postea inter suos quisque ciues distribuunt, ne quid discordiarū obrepat: hac arte omnis procul dissentio pellitur, seruaturque pax inter ciues integra. Mira illis venustas cū in componendis tentoriis tum in equis educandis. Solent æstiuo quoque tempore Tuneti quædam loca viciniora inuiscere, vt sibi quisq; abunde prouideat, hic panes, arma, ac quicquid vsui futurum arbitrantur, auferunt: atq; hoc modo deserta repetentes, tota illic latitant hyeme. Veris temporibus se venationi dedunt, nullaque reperiri potest fera, quæ non ab his insidietur. Aliàs me eorum tentoria inuiscisse memini, nec id meo quidem incōmodo, vbi & maiorem panni, æris, ferri atq; aurichalci copiam inueni, quàm quis apud ditissimos quarundam vrbium ciues se inuenturū credat. Non tamen illis fidendum est, sunt enim vbi locus datur, fures admodum peritissimi: etsi nonnihil ciuilitatis præ se ferre videantur. Poësis summè ab his amplectitur, versus describūt elegantissimos, quum eorum lingua nunc sit castigatissima atq; ornatissima. Si quis alicuius momenti poeta inter eos reperiatur, hic ab illius regionis magnatibus

DESCRIPTIONIS AFRICÆ

tibus summo excipitur honore atq; munificentia, nec quenq̃ facile credere puto, quantus insit illorum carminibus lepor atq; venustas. Horum mulieres ad illius loci modum ornatissimo vtuntur vestitu, linea circumferunt indusia nigra manicis latissimis, insuper & eiusdē coloris, aut cæruleum aliquando gestant linteamē, sic vt argentum quoddam spinter affabrè admodum confectum, linteaminis angulos in humeris connectat. Annulos ex auribus suspensos habent, qui ferè ex argento fabricantur: quin & digitos quoq; multis solent onerare annulis. solent itē & crura atq; calcanea fasciis & annulis Afrorum more circumdare. Facies illis panniculis quibusdam cooperitur, qui ad oculi locum foramen habent quo ceu perspicillo quodam vtuntur. Quod si quisquam illis occurrit obuiam, cōtinuò faciem abscondunt, ac mutæ prætereunt, nisi forsā is ex cognatione sit aut consanguineus, nam inter hos habēt semper faciem apertam, nullusq; tunc est iam dicti panniculi vsus. Si quando est illis aliquò migrandum (quod sæpenumero fit) fœminas camelis vimineis quibusdam sellis ad id apprimè compositis (cistulas esse dicas) imponunt, neq; latiores sunt, quàm quæ soli fœminæ sufficere possint. Quum ad bellum proficiscuntur, suam quisque vxorem comitem ducit, quæ maritū consoletur atque timorem excutiat. Solent innuptæ omnes ferè puellæ, fūco quodam faciem, pectus, brachia, manus ac digitos depingere: quæ res apud illas honestissima videtur. Manavit autem id moris ab Arabibus illis quos Africānos

canos antea nominauimus, cū primū eam inhabitare regionem cœperunt: nunquam enim antea fuco vīæ fuerāt aut colore aliquo ascititio. Quæ Barbariam incolunt mulieres, nullum habent fuci fictive coloris vsum, natiuo tantū colore contentæ, nihil præterea asciscunt. Conficiunt tamen aliquando ex gallę fumo atq; croco quendā colorem quo dimidia illis genarū pars, orbiculari figura ad vnius aurei magnitudinem depingitur. Inter supercilia quendam triangulū describunt, similiter mento nescio quid appingitur, quod oliuæ folium non dissimile videtur. quædam etiam tota depingunt supercilia: estq; hic mos à poëtis Arabicis, atq; ab illius regionis nobilibus summo loco habitus. At non vltra bidduum aut triduum ita ornatę incedunt: quandiu enim adhuc iam dicti videntur colores, nulli amicorum, præterquam filiis aut marito videri possunt, quod ea res ad libidinē plus satis allicere videatur, dum hoc modo multo formosiores atque elegantiores se effectas arbitrentur.

¶ *Arabum qui inter Barbariam & Ægyptum deserta tenent, viuendi modus.*

Horum vita miseriis atque calamitatibus abundat: sunt enim ea quæ inhabitant loca sterilia atque aspera. Est illis camelorum atque pecudum sic satis copiosus numerus: verū quoniam tanta est pabuli inopia, non admodum feliciter succedere quēunt. Neque si totam illam regionē peragraueris, vix vllum ferendis frugibus aptum locum inuenias. Quod si quæ reperiantur in eo deserto tuguriola, aut qui agri-

DESCRIPTIONIS AFRICÆ

agriculturam exercere conentur, id tam cum ex
 iguo fit frugum fœnore, ut nihil supra, nisi quod
 dactyli aliquantò illis vberius proueniant: Ca-
 melos ac reliquas pecudes frugibus atq; dactylis
 commutant: sicq; miseris illis agricolis vtcunque
 labores pensantur: sed quid hoc famelicę illi mul-
 titudini satisfacere posset? Eam ergo ob causam
 multos indies inuenias horum filios apud Sicu-
 los, qui pignore illic relinquuntur. Si quando
 enim nihil ad manus est, quod frumento cõmu-
 tetur, filiis obsidibus de pecunia cauendum est.
 Tum si non statim ad præscriptum numeretur
 diem, pueros sibi mancipiorum loco seruât. Quo
 die elapso, si quis parens suum redimere filium
 velit, ter aut quater debitam summam exsoluat
 oportet: quò sit ut nulli reperiantur neque furtis
 neque rapinis intentiores. Si quisquâ extraneus
 in illorum manus incidat, rebus omnibus exutus
 mox ab his in Siciliam deuehitur, atque illic aut
 venditur aut frugibus commutatur. Neque pu-
 tem ab hinc centum annis aliquam mercatorum
 societatem ea maritima loca introgrei ausam,
 quibus iam dictorum desertum cingitur. Quum
 fortè ob mercaturam, aut aliud quiduis serij, est
 prætereundum, illorum regio ad quingenta aut
 eò plus miliaria deuitatur. Memini me quon-
 dam, quò tutior esset transitus, minusque ab his
 periculi immineret, quibusdam mercatorib. ad-
 iunctum fuisse, tribusq; nauibus illos præterna-
 uigasse. Cumq; ab his videremur, mox ad littus
 accurrunt, ac indicio nescio quo significant se
 velle nobiscum inire mercaturam, quam nobis
 maxi

maximè profuturam pollicebantur. Sed quia nō adeò fidem illis habebamus, nullus nauem exire audebat, quin prius quosdam nobis obfides tradidissent. Quod vbi præstitissent, ab his aliquot eunuchos bonamque butyri copiam emimus.

Ac mox solutis anchoris inde fugā occepimus, metuentes ne à Siculis ac Rhodienlib. piratis obruti, non bonis modò, sed & libertate spoliaremur. Sunt ergo hi rudes admodum, squalidi, paniosi, macilenti, fame fracti, deos omnes perpetuò illis infensos dicas, à quibus tot quotidie plagis afficiuntur.

¶ Soana, hoc est, qui pecudum atque armentorum curam gerunt, quiq̃e cūm Africani sint, mores tamen Arabum imitantur.

M Vltos admodum inter Afros reperiās, qui nihil aliud quàm pastores agunt, habitantq̃e ad montis Atlantis initium, atque variè in illo monte disperguntur. Semper aut Regi illius regionis, aut Arabibus tributa exsoluere coguntur, iis tantummodo demptis, qui Temesnam incolunt, sunt enim liberi atque potentissimi. Idioma habent cum cæteris Africę populis commune, nisi quòd illi qui cum Urbis (hæc ciuitas Tuneto vicina est) incolis versantur, Arabicè loquuntur. Est & quidam præterea populus, qui id solum occupat, quod regionem dactyliferam à Tuneto dirimit. Solent hi sæpenumero in regem mouere arma, vt annis his iam proximè elapsis videre licuit, quibus dicti regis filius cūm à Constantina ad hos proficisceretur, quò debitum sibi censum exigeret, infelicitè

DESCRIPTIONIS AFRICÆ

citer admodum pugnavit. Mox enim ubi de regij filij aduentu certiores facti sunt, cum duobus equitum millibus obuiam eunt, ac tandem nihil tale cogitantem bello superant atque interficiunt, omnemque quam secum adduxerat suppellectilem secum abducunt. Id autem accidit anno Hegiræ. 915. Ab eo tempore maximi fuerunt apud omnes nominis. Multi etiam qui sub Turneti rege erant, à rege ad hos desciverunt, adeò ut horum princeps tantus euasit, ut non habeat in tota Africa, qui cū eo ullo conferri modo possit.

Priscorum Afrorum fides atque religio.

F Verunt Africani illi antiqui idololatriæ dediti, quemadmodum & in hunc diem adhuc sunt Persæ, qui alij solem alij ignem seu Deos colunt. Habuerunt iam dicti Africani magnifica atque amplissima templa, cum in Solis, tum in ignis honorē exstructa. In his noctes atque dies accensus fouebatur ignis, accurateque cauebatur, ne quid extingueretur, uti & apud Vestales Romanas factitatum legimus: quæ omnia fusius atque copiosius videre licebit apud Persarum ac Africanorum Chronographos. Qui Numidiam & qui Libyam incolebant Africani, planetam quendam quisque adorabat, cui & sacrificia atque vota fiebant. Quidam ex illis quos antea Nigri vocabulo notauimus, Guighimo, hoc est Cœli Dominum venerabantur, fuitque illis sanior hæc mens, non à propheta quodam aut doctore, sed quasi diuinitus introducta. Inde Iudæam tandem sibi assumpserunt legem, in qua & multis annis stetisse dicuntur. Postea & Christia

næ fidei assertores, in ea tempora Christiani re-
 manserunt, quibus suborta Mahumetanorū su-
 perstitio est, quod euenit anno Hegiræ. 208. Eo
 tempore quidam ex Mahumetis discipulis apud
 hos tanta facundia, tantaque linguæ fallacia ha-
 buere conciones, vt infirmos adhuc animos in
 suam pertraxerunt sententiam, adeo quod om-
 nia illa Nigritarum regna quæ Libyæ adiacent,
 Mahumetis sibi fidem assumpserint: vixque vlla
 illic reperiri poterit regio, quæ Christianos in
 hunc vsq; diem habeat. Qui tum aut Iudæi, aut
 Christiani, aut Afri inueniebantur, statim inter-
 fekti sunt atq; omnino deleti. Illi verò qui mari
 Oceano viciniore sunt, idololatriæ cum primis
 incumbunt omnes. Maxima his fuit eistque & in
 hunc vsq; diem cum Lusitanis consuetudo. Bar-
 barix incolæ in permultis annis idolorum cul-
 tores remanserunt, verum annis ante natum Ma-
 humetem plus minus ducentis & quinquaginta,
 fidem Christianam assumpsisse dicuntur: id eam
 ob causam factum putant, quod ea pars quæ Tu-
 netum atq; Tripolitanum continet regnū, olim
 duces habuit Apulienses ac Siculos, Cæsariæ ve-
 rò & Mauritaniæ tractus, Gothis paruisse credi-
 tur. Quo etiā tempore permulti Christiani Go-
 thorum furorem atque rabiem fugientes, dulcia
 liquerunt Italiæ arua, & ad ea loca tandem vene-
 runt, quæ Carthagini viciniora sunt: vbi postquā
 aliquandiu sedes fixissent, eius regionis dominiū
 sibi vsurpauere. Qui tamen Barbariam inhabi-
 tabant Christiani, nihil Romanæ ecclesiæ ritus
 curantes, illorum viuendi formam atque religio-
 nem

DESCRIPTIONIS AFRICÆ

nem sequebantur, qui Arriani dicti erant: in horum numero fuit eximiae ille pietatis atque eruditionis vir Diuus Augustinus. Cum ergo Arabes ad sibi subigendā Barbariam venissent, Christianos iam adiacētis regionis principes effectos inuenerūt, quare & acriter vtrunque pugnatum, victoria tamen tandem penes Arabes remansisse dicunt. Arriani ergo rebus omnibus atque dominio destituti, partim Italiam, partim Hispaniam adierunt. Post Mahumetem mortuum annis circiter ducentis, tota ferè Barbaria Mahumetis fidem atque normam assumpsit. Postea verò frequentioribus inter hos dissidiis obortis, Mahumetis fide neglecta, omnes eius sacerdotes atque regionis duces necauere. Quæ res mox ubi ad Pontifices deuenisset, copioso admodum exercitu in rebellātes Barbaros, id est in eos qui à Bagadedæ Pontifice defecerāt, atrociter animaduersum est. Ex eo tempore iactū est Mahumeticæ legis perniciosissimum fundamentū, remanserunt tamen & in hunc vsque diem multæ inter eos hæreses. De Mahumeticæ fidei assertoribus, deque religionis inter Afros atque Asiaticos discrimine, latius deo fauente alio volumine scribemus, hæc hoc loco annotasse lectori modò satifficiat.

¶ *Literæ atque Characteres Afrorum.*

QVI Arabum res gestas atq; historias describunt, in ea omnes stant sententia, ut Africanos literis tantum Latinis vsos fuisse credant. Idque quoque firmissimè scribunt, Arabes cum Africam, ac potissimum Barbariam (quæ Africanorum sedes erat) inuaderent, nullas ibi

ibi literas præter Latinas inuenisse. Neq; negant Afros peculiarem quendam atque proprium sermonem, sed easdem prorsus habere literas, quas in Europa Tusci, constanter affirmant. Nullam habent Arabes de rebus Africanis historiam, quæ non prius fuerit Latinè descripta. Auctores habent antiquos quosdam, qui partim Arianorum temporibus scripserunt, partim etiam qui ante ea tempora fuerunt, quorum omnium nomina memoriæ exciderunt. Illorum autè volumina permultos continere libros credibile est: cum enim horum interpretes nobis quid persuadere vellent, id septuagesimo haberi libro ex illis me audisse memini. Neq; in vertendis iam dictis voluminibus, auctoris ordinē per omnia sunt secuti, sed sumpta cuiusdā Principis historia, tempora illa cum Persarum Regum aut Assiriorum, aut Chaldeorum, aut Israelitarum temporibus connexa maluerunt. Eo autem tempore quo (vt iam dictum est) à Bagadedā Pontifice deficientes rerum in Africa potirentur, omnes Afrorum libros igni committi iusserunt. Sic enim persuasum habebant, quādiu penes Africæ incolæ esset aliqua naturalis scientiæ aut bonarum disciplinarum cognitio, fore vt superbia eos indies ad tumultū atq; ad Mahumeticæ legis contemptum magis ac magis prouocaret. Contrā, non desunt apud nos historiographi, qui Africanos proprias habuisse literas dicāt, verum ab eo tempore quo Itali primū Barbariam inhabitare, quoque Christiani ex Italia Gothorum fugientes impetum, has sibi prouincias subigere

DESCRIPTIONIS AFRICÆ

coeperūt, sublatas esse atque deletas. Victos enim
 victorum ritum atque characteres assumere de-
 bere quis neget? Nonne idem & Persis dum ad-
 huc Arabum staret imperium accidisse legitur?
 Certissimū constat hos quoque literas quas tum
 sibi peculiare habuere, amisisse: omnesque illo-
 rum libros Pontificum, Mahumetanorum iussu
 igne consumptos, ne quid rerum phisicarum co-
 gnitio aut idolorum leges, Mahumeticæ detra-
 herent dignitati. Idem & Barbaris euenisse antea
 indicauimus, cum Romanos atque Gothos eam
 sibi terram vsurpassē scripsimus: quod hoc loco
 lectori sufficere videtur. Certissimum est atque
 compertum, omnes Barbariæ tam maritimas q̃
 non maritimas ciuitates, Latinis tantum vti cha-
 racteribus, cum aut epitaphia, aut aliud quippiā
 posteritati committere volunt. Quæ omnia tam
 mihi persuaferunt argumenta, vt Africanos suas
 habuisse literarum notas proprias crediderim,
 quibus & suas descripsisse res gestas non dubita-
 uerim. Verisimile enim est, Romanos cum eam
 occupassent, puinciam, omnes eorum literas (vt
 semper fieri solet) atque memoriam abstulisse,
 suasque literas intulisse, vt sola Romani populi
 illic staret memoria atque dignitas: quod & co-
 natos fuisse Gothos in Romana ædificia, item &
 Arabes in Persarum monumēta, omnibus abun-
 dē notum est. Id quoq; à Turcis quotidie facti-
 tatum videmus, qui vbi Christianis locum ali-
 quem ademerunt, mox diuorum omnium ima-
 gines inde eiiciūt. Et vt hæc omnia omittamus,
 cum obsecro nostris hisce temporibus Romæ
quo

quotidie accidere videmus, vt ædificia quātum-
 uis magnifica atque sumptuosa, ob præmatu-
 ram mortem vnius Pontificis imperfecta, à suc-
 cedente fonditus extirpari, atque propter noui-
 tatem nescio quam destrui? num statim nouus
 ille Pontifex præcedentis deleri arma, & sua in-
 sculpi iubet? aut certè si minus arrogans videri
 velit, relictis prioris monumētis, sua multò sum-
 ptuosiora atque eminentiora erecta curat? Non
 igitur mirum, si Africanis longus ille rerum suc-
 cessus literas ademit. De .900. illis annis, quibus
 Afri Arabum vsi sunt literis, Ibnu Rachich Afri-
 canarū rerum scriptor diligentissimus, suo Chro-
 nicorū libro copiosissimè disserit, fuerit ne Afri-
 s peculiaris scribendi modus nec ne. Cōcludit aut̃
 tandem partem affirmatiuā: nam si quis, inquit,
 id neget, & eos proprium habuisse idioma neget
 necesse est. Nam fieri nequit, vt aliquis populus
 habeat proprium loquēdi modum, literis autem
 vtatur ab aliis mutuatis, atque à suo idiomate
 prorsus alienis.

¶ *Africae situs.*

Quemadmodū Africae quatuor sunt par-
 tes, ita non vnus est eius situs. Ea pars
 quæ mare Mediterraneum spectat, hoc
 est, à stricto Zibeltar ad confinia vsque Ægypto
 loca, montibus occupata est. Ad Meridiem qui-
 busdam locis ad centum circiter miliaria disten-
 ditur, quibusdam locis latior ac quibusdam stric-
 tior. Ab his montibus vsque ad Atlantem pla-
 niciem habent spaciosam, & quosdam item col-
 liculos. Maxima est huic regioni fontium copia,

D qui

DESCRIPTIONIS AFRICÆ

qui in vnum tandem confluentes, riuulos reddunt perspicuos, visuq; amœnissimos. Inter iam dictos montes & planiciem situs est mons Atlas, qui à mari Oceano ex Occidente oritur, extenditq; sese Orientē versus ad confinia Ægypti loca. Ab Atlante ea videtur Numidiæ regio, quæ dactylos producit, omni ex parte propemodum arenosa. Inter Numidiam & regionem Nigritarum, Libyæ desertū est arenosum, quod & multos continet montes, verū nō illac mercatores iter faciunt, cū facilius atque multò tutius per alias perficisci licet. A Libyæ deserto initium habet Nigritarum regio, cuius omnia loca sunt arenosa, præter ea quæ flumini Nigro cōfinia sunt, item & agri omnes qui fluuio aliquo aut flumine alluuntur.

¶ *Africa loca fera atque ninosa.*

Omnis Barbariæ tractus, atque qui in ea reperiuntur montes, frigiditatis maiorem habent portionem quàm caloris, vix enim vlla illis pertransit aura, quæ non niuem secum adferat. His omnibus montibus fruges proueniunt atque fructus, at non frumenti vsq; magna copia. Horum incolæ maxima anni parte pane vescuntur hordeaceo. Qui ex illis montibus scaturiunt fontes, natiui soli saporem præse ferunt, turbidiores sunt, iisq; præsertim locis, qui Mauritaniæ confines sunt. Sunt & iam dicti montes nemorosi atque excelsis admodum arboribus confiti, omnium generum animalibus feracissimi. At colles atque planicies quæ inter iam dictos montes & Atlanta reperiuntur, multò præ-

stant.

stantiores frugumque vbertate feliciores sunt. Undique fluuiis irrigantur ab Atlante manantibus, qui & tandem in mare Mediterraneum prolantur. Rariora hic reperiuntur nemora, estque hæc multo fecundior planities, quam ea quæ inter Atlantem & Oceanum inuenitur. ut sunt regiones Marocci, Duccalæ, Tedles, Temesnes, Agara, & id solum quod ad Zibeltaram usque distenditur. Mons Atlas & frigidissimus est & sterilis, minimam fert frugum portionem, omniq; ex parte nemorosus, omnia ferè totius Africæ flumina procreat. Fontes huius motis summo æstu frigidissimi, adeo ut si quis manum aliquandiu huic aquæ immersam teneret, nulli dubium quin eam prorsus perderet. Non tamen ubique æquè magna est frigiditas: quædã enim loca adeo temperata, ut commodissime inhabitare liceat: quin & bona horum pars incolas habet, uti secunda huius libri parte copiosius dicetur. Quæ habitatoribus destituuntur loca, aut admodum frigida, ut sunt ea quæ Mauritaniam spectat: aut aspera, qualia sunt quæ Temesnæ regioni ex aduerso respondent. Æstate quidem licet greges pecusque cogere, cæterum hyeme nullo modo. Mox enim simul cum niue tam incrudescit Boreas, ut omnes pecudes quæ in pascuis inueniuntur, nec non & bonam hominum partem interficiat: quare temporibus illis quisque sibi aliquod proficiscens, iter inter Mauritaniam atq; Numidiam deligit. Qui dactylos è Numidia ad alias nationes deuehant mercatores, solent se circa finem mensis Octobris itineri committere, & tamen sæpenu-

DESCRIPTIONIS AFRICÆ

merò tam subita niue opprimuntur, vt vix eorū quisquam ex tempestatū periculis aufugere possit. Quū enim noctu ningere incipit, mox ante exortum diem non currus modò ac homines, verum etiam & arbores niue adeò obrutæ, vt ne harum quidem vel vllum vestigium videre licet. Mortuorum tum demum corpora inueniuntur, cum Solis accessu nix est liquefacta. Ego quoque his Dei Opt. Max. beneficio maximū aufugi periculum niuosum, idq; quopactò euenerit, si non molestum est, paucis accipite. Quodam die iam dicto mense cum magna mercatorum frequentia ad montem Atlantem veneramus, vbi circa Solis occasum frigidissima quadam niuosaq; grandine salutabamur. Hic ego vndecim aut duodecim equitum copiam (Arabes putabam esse) inueni, qui currus deferere atque secum ire hortati, bonum securumque hospitium polliciti sunt. Ego ne inciuis viderer, non audebam commodè recusare, & tamen ab his metuebam mihi, ne quid mali inferrent. Quamobrè de relinquenda quadam aureorum summa, quæ tum penes me erat, cogitare cœpi. At quoniam iam omnes ad equitatum accincti nihil ocij condendi nummos ab his mihi dabatur, finxi me debere exonerare alium. Inde me paululum ab illis subduco, ac sub arbore quadam, quam sedulò quodam noto indicio, pecunias inter saxa atq; arborem recondo. Postea in mediam vsque noctem taciti equitauimus. Tum horum vni satis diu expectatū fortasse videbatur, id demum prodere incipit, quod in animo erat. Rogat num quid nummorum penes

nes me habeam. Hic ego, me meas pecunias cui-
dam ex illis commisisse dico, qui currus comita-
bantur, nihilque prorsus ad manus esse. Id verò
quoniam nō satis illis persuaferat, vestes omnes
exuere iubent, nulla interim habita frigoris ra-
tione. Cū nec tum quidem quicq̃ pecuniarum
reperire potuerunt, ridendo atque iocando fin-
gunt id eam ob causam factum, vt viderēt, num
fortis essem, & num possem frigus atque tempe-
statum sēuitiam ferre. Deinde quantum potui-
mus in ea cū obscure noctis tum temporis in-
iuria atq; incommoditate viam equitando con-
sequuti sumus, ac tandem multarum ouium ba-
latu percepto, nos non procul ab hominum con-
tuentu abesse intelleximus. Quare ē vestigio illac
nobis equitatio dirigebatur: equos cū per den-
sum nemus tum per altissimas rupes diducere
maximo iterū cum vitæ periculo cœpimus. Ac
tandem post multos labores in quodā antro pa-
stores inuenimus: qui postquam oves omnes nō
sinē magno negotio introduxissent, luculentum
sibi construxerāt focum, quem & assidue ob fri-
gus ambiabant. Qui vbi nos Arabes esse intelle-
xissent, primo exterriti ac veriti ne quid sibi mali
à nobis inferretur, postremo aure sēuitia persuasi
ac paulò securiores redditi, hospitalitatē produnt
erga nos maximam. Panem, carnes atq; caseum
nobis apponunt, quibus statim ac cœnam absol-
uissēmus, quisque se ad ignem somno dedit. In-
gens adhuc omnes frigus habebat, meque præfer-
tim, qui maximo cū tremore paulò antea ve-
stibus omnibus fuerā exutus. Sic totum biduum

DESCRIPTIONIS AFRICÆ

apud hos remansimus: nam non antea propter
cōtinuas niues exitus patebat. Tertio autem die
vbi iam niuem nō amplius cadere vident, sum-
mo labore eas quas pro antri ostio niues habe-
bant, amouere occipiunt. Quo peractō, nos eō
diducūt vbi equos nostros optimē de fœno pro-
uisos reperimus, idq; in alio quodam erat antro.
Postquam iam equis insedimus, pastores nobis
ad aliquot passus comitantur, viam monstrant,
qua non vsque adeō altam esse niuem sciebant,
equorum tamen adhuc pectora contingebat. Eo
die vsi sumus cœlo sereno, sol ferē totam præce-
dentis diei frigiditatem abstulit. Tandem quod-
dam rus ingressi quod Fessæ vicinum erat, intel-
leximus prætereuntes currus niuium ruina op-
pressos. Tum Arabes, cū viderent nihil spei su-
peresse, quæ actorum laborum pensationem ali-
quam polliceri videretur (currus enim à latronū
atque prædonum insultu securos seruauant) Iu-
dæum quendam, qui in nostro erat numero (hic
magnam propter niues daëtylorū copiam ami-
serat) captiuum in eorum tentoria abducunt, eo
animo, vt tam diu detineretur, quoad pro omni-
bus satisfecisset. Mihi verò equum ademerunt, ac
ventis atque fortunæ cōmendarunt. Inde mulo
quodā vectus, tertio die Fessam appuli, quo iam
triste nuncium allatum inueni de amissis inter
niues mercibus atq; mercatoribus. Quin & me
quoque cum cæteris oppressum opinati fuerāt,
verū aliter fati visum est benignitati. Nunc fi-
nita rerum mearū prolixa enumeratione, ad id
redeamus vnde digressi sumus. Ultra Atlantem
repe-

reperiuntur quædam loca calida simul atq; arida, quę paucis admodum, iisdemque ex Atlante manantibus fluuiis irrigantur, quorum nōnulli ad Libyę deserta deriuantes, in arena disperguntur, quidam lacum tandem efficiunt. Neq; multos hīc reperiās frugibus serendis aptos agros, & si dactylorum maximam habeant copiam. Inueniuntur & hīc alię quædam arbores fructiferę, verū adeò rarę, vt nihil ferè inde detrahēre liceat. Habes & in iis Numidię locis quę Libyę confinia sunt, asperos quosdam arboribusq; nudos montes, ad cuius radices spinosę quædam atq; infrugiferę proueniunt arbusculę. Nullos inter hos montes riuos aut fontes inuenias, nullamque prorsus aquam, nisi puteis quibusdam illius regionis incolis ferè incognitis. Habet & Numidia infinitam scorpionum atq; serpentū copiam, quorū morfib. venenosis multi quottannis interfecti inueniuntur. Est & Libya regio deserta planè, arida atque arenosa, quę nec fontes, nec riuos, nec vllam habet aquā, præter eam quę salsa vt plurimū rarioribus quibusdam continetur puteis. Adde quòd sex interdum aut septem dierum itinere ne gutta quidem aquę inueniatur, nisi à mercatorib. vtribus camelis impositis fuerit illis aduecta. quod iis præsertim locis euenit, quā è regno Fessę Tombutum, item quā à Telenfino Agadim itur. Est & periculosa satis profectio, quę à recentioribus per Libyę deserta Fessa Chairam iter facientibus, nuper est inuenta, nisi quòd maximus illic reperiatur lacus, cuius accolę sunt Sinitę & Gorranitę. Ea

DESCRIPTIONIS AFRICÆ

autem via quæ è Fessâ Tombutum ducit, quos-
dam habet puteos aut camelorum pellibus aut
ossibus circumseptos. Neq; paruo mercatorum
vitæ periculo illac æstate transitur: tum enim sæ-
pissimè euenire aiunt, vt Austro incrudescente,
putei omnes arena suffocentur. Mercatores verò
cùm nec puteos ipsos, nec indicium aliquod pu-
teorum reperire queant, extrema intereant siti
oportet: horumq; corpora postea hic atque illic
Sole ac æstu tosta offenduntur. Vnum hac in re
idque inauditum prorsus illis remedium: cùm
enim tam ingenti discruciantur siti, vnum è ca-
melis mactât, è cuius intestinis aquam premūt,
hanc potant, hanc circumferunt, donec aut pu-
teum quendam inueniunt, aut certè nimia siti
animam expirent. In eo deserto quod Azaoad
illis nuncupatur, duo adhuc extant monumēta
marmore nescio quo exstructa, estq; epitaphiū
marmoris insculptū, quod alterum ditissimum
fuisse mercatorē, alterum verò mercium vectore
significat. Ditissimum autem ab alio aquæ cia-
thum decem millibus ducatorum enisse, nec ta-
men potuisse aquam neque huic, neque illi suf-
ficere, quin vtrunque sitis ingens suffocauerit.
Continet & iam dictum desertū multa omnium
generū animalia, de quibus in quarta huius libri
parte, vbi de Libya, deque Africæ animalibus co-
piofior fiet enumeratio, sumus dicturi. Plura scri-
pturus eram de iis rebus quæ nobis obuenerunt,
cùm per Libyæ deserta Gualatā nobis iter erat.
Interdū enim nobis impense sitientib⁹, ne gutta
quidem aquę reperiri poterat, partim quoniam
dux

dux noster iam à recta aberrarat via, partim quia hostes puteorum aquæductus atque venas obstruxerant. Adeo ut paululum illud quod inueneramus aquæ, parcè admodum seruandum fuit, quæque vix ad quintum sufficere potuisset diem, totis decem diebus sufficere necessum erat. Verum si omnia scriptis persequi vellem, quæ memoratu dignissima sunt, vix totus hic annus satis esse posset. Nigritarum regio calidissima est, habetque humiditatis quoque aliquam portionem, idque propter Nigri fluij continuam irrigationem. Omnes autem qui Nigro vicini sunt agri, foelicissimi sunt, pecorum frugumque feracissimi. Nullas hic arbores præterquam magnas quasdam vidi, quæ fructum castaneæ similem eundemque non nihil amarum producant, Goron eorum lingua appellat. Prouenit & in hisce regionibus cocci, cucumeris, coepæ, atque id genus holerum maxima copia. Nullos neque Niger, neque Libya montes continent: crebre vbi que paludes & lacus inueniuntur, qui ex Nigri inundationibus remansisse dicuntur. Neque desunt huius regionis nemoribus elephantes, atque id genus animalium, de quibus & suo dicetur loco.

¶ *Quos habeat Africa aer motus naturales, quidque inde producat.*

PER totam ferè Barbariam medio Octobri transacto occipiunt imbres atque frigus incrudescere. Decembri autem atque Ianuario (quod vbi que ferè accidit) frigus intentius aliquantulum percipitur, verum hoc manè duntaxat, idque adeo remissè ut nemo ignem magnoperè curet.

DESCRIPTIONIS AFRICÆ

ret. Februarius hyemi bonam frigoris partē ad-
mit, sed inconstans adeò, vt quinquies interdum
aut sexies vno die incidat auræ mutatio. Martio
mense summo impetu flant Boreas atq; Zephiri,
efficiuntq; vt totæ arbores floribus vestiantur.
Aprilis omnibus propemodum fructib. dat for-
mam, ita vt Maij initium ac Aprilis exitus ma-
tura solent dare cerasa. Medio Maio ficus ex ar-
bore colligunt: medioq; Iunio vuas quibusdam
locis maturas inuenire licet. Pira quoque chry-
somelæ atque pruna Iunio atque Iulio mēsis
ad maturitatem pertingunt. Autumni ficus Au-
gusto maturi decerpuntur, nulla tamen maior
ficuum atque malorum persicorum copia, quàm
in Septembri. Dimidio iam Augusto peracto,
vuas Sole desiccare curant. Quòd si id in Septem-
bri per cœli serenitatem perfici non possit, è re-
lictis adhuc in palmitibus vuis, vinū sibi conficiunt
atque mustum, idque præsertim in Rifa prouin-
cia, vti & suo dicitur loco. Medio Octobris mel
colligunt, item mala punica atque cotonea. No-
uembri autem oliuas, non scalis, quemadmodum
fit in Europa, ac manibus detrahūt, eò quòd tam
excelsæ sunt Mauritanix atq; Cæsariæ arbores,
vt ad fructum scala quantumuis longa pertin-
gere non posset. Quas autem Tuneti regnum o-
liuas cōtinet, eiusdem cum Europæ oliuis dicas
esse altitudinis. Cùm ergo oliuas maturitatē per-
tigisse vident, arbores ipsas ascendunt, ac proce-
rioribus quibusdā perticis ramos pulsant, quibus
autem id maximo arborum incōmodo fieri sci-
ant. Est interdum Africæ satis copiosus oliuæ
pro-

prouentus, interdum verò harum summa est pe-
 nuria. Maiores hîc quædam oliuæ inueniuntur,
 quæ oleo cùm non adeò conducât, maturæ illius
 regionis incolis eduntur. Nulla illis tanta anni
 intemperies, quin tres illos Veris menses semper
 temperatos habeant. Veris autem initium ad de-
 cimumquintum Februarij diem constituunt, fi-
 nem verò decimo octauo Maij annumerât: quo
 toto tempore aura illis ppetuò gratissima. Quòd
 si à vigesimoquinto Aprilis vsque ad quintum
 Maij nulla illis obtingat pluuia, sinistri quippiâ
 ominis exinde colligere volunt. Iam dicti verò
 temporis pluuialem aquam, aquam Naifan, hoc
 est, à Deo benedictam vocant. Plerique hanc vr-
 ceolis quibusdam inclusam, ceu rem sacram, re-
 ligiosissimè seruant. Æstatem computant ad de-
 cimumsextum vsq; Augusti, quo tempore cælo
 vtuntur calidissimo atque serenissimo. Nisi fortè
 Iulij atque Augusti temporibus pluuia incidat,
 quæ totum aërem velut infectum reddat, hinc
 statim pestilentissima illis febris oboritur, qua
 quisquis inficitur, ægrè aut nullo modo inde cõ-
 ualescere datur. Autumnû à decima septima Au-
 gusti, vsque in decimumsextû Nouembris diem
 collocant: habentq; duobus illis mensibus, Au-
 gusto videlicet atque Septembri, æstui nò tam
 ingentem. Id tamen tempus quod inter decimû
 quintum Augusti ac decimumquintû Septem-
 bris includitur, ab antiquis totius anni furnum
 appellitari cõsuevit, eò quòd ficus, mala cotonea,
 atque id generis fructus ad maturitatem perdu-
 cere solet. A decimoquinto Nouembris die prin-
 ci-

DESCRIPTIONIS AFRICÆ

cipium hyemis numerant, quam in decimūquar-
 tum Februarij diem protrahi volunt. Ad huius
 initium eam arare terram incipiunt, quæ in pla-
 nicie est: in montibus verò, Octobri mense agri-
 culturā exercent. Certissimū sibi Africani per-
 suasum habent, annum quadraginta dies habere
 calidissimos, quos à duodecimo Iunij initium su-
 inere volunt: contraq; totidem & frigidissimos,
 quos à duodecimo Decembris die inchoare di-
 cunt. Equinoctia ad decimum sextum Martij, si-
 militer & ad decimum sextum Septemb. Solsti-
 tia verò ad decimum sextum Iunij atque ad de-
 cimum sextum Decembris diem constituunt.
 Hanc regulam accuratissimè seruāt, cum in agri-
 cultura atq; nauigatione, tum & in planetarum
 domos atq; situs inuestigando: hæc q; atque simi-
 lia ad ipsam rem cōducentia, mox pueris ab ipsis
 æui rudimentis edocta curant atque instillata.
 Multi sunt Africani rustici, qui cum nunquā ne
 literas quidem noriunt, disertissimè tamen de re-
 bus Astrologicis disputant, rationibusq; validis-
 simis argumenta comprobant. Quicquid hac in
 re cognitionis habent, id ad illos è Latinis manā-
 uit fontibus: menses quoq; ad eum, quo Latini,
 appellant modum. Existat & penes hos ingens
 quoddam in tres diuisum partes volumen, The-
 saurum agriculturæ vocant. Hic iis temporibus
 è Latino in eorum linguam versus est, cum Man-
 sor apud Granatas rerum potiretur. In hoc the-
 sauro omnia reperiuntur, quæ ad agrorum cul-
 turam pertinere videntur: veluti temporum va-
 rietas, serendi modus, multa q; id genus similia,
quæ

quæ nec hodie Latinus sermo, ex quo desumpta sunt hæc, continere puto. Quicquid vel Africani vel Mahumetani habent, quod ad illorum vel legem vel fidem pertinere videtur, id omnino ad Lunæ cursum computatur. Illis annus in trecentis & quinquaginta quatuor diuiditur dies: sex enim menses triginta, reliqui viginti tantum & nouem dies continent: quos si in vnâ collegere summâ, iam dictus inde excrescet numerus: quare illorum annus à Latinorum vndecim differt diebus. Horum dies festus atque ieiunia diuersis accidunt temporibus. Autumni finis, tota hyës, bonâq; Veris pars, impetuosâ plena ventis, quin & grâdinib. fulgurib. fulminib. q; horridis discruciantur: neq; deest multis Barbariæ locis nix copiosa. Qui ex Oriente aut ex Austro, aut ex Euroaustro flant venti, Maio atq; Iunio mensibus maxime nocent: tum enim & segetes perdunt, & arborum fructus ad maturitatem peruenire non sinunt. Maxime quoque infestantur segetes à niue, idq; præsertim si nix interdiu cadere incipiat, cum seges floribus ornatur. In Atlante diuidunt annum tantum in duas partes: nã ab Octobri vsq; ad Aprilem continua illis hyems est: & ab Aprili rursus in Octobrem, Æstatem id tempus nominant: nullus verò datur dies, quo non montium summitates multa niue niteant. In Numidia velocissime fluunt anni partes. Maio enim mense frumentum colligunt, Octobri datylos: à medio autem Septembri frigus ingens in Ianuarium vsque durat. Quod si September pluuiam secum adducat, actum est de maxima
da-

DESCRIPTIONIS AFRICÆ

daetylorum parte. Omnes Numidiæ agri irrigationem propter semina exigūt, at si Atlas nullas habuerit pluuias, & Numidię ferē fluuij aqua destituuntur, quò sit vt nec agri irrigentur. Octobri à pluuiis abstinente, omnis agricolę ferendi spes adimitur: idē euenit, si Aprilis pluuialem secum nō adferat aquam. Contrā verò daetyli siccitate gaudēt, estq; multò potior apud Numidas daetylorum, q̄ frumenti collectio. Quauis enim vberimū habeant frumēti prouentū, vix illis ad medium potest sufficere annū. Atqui si foelix fuerit daetylōrū redditus, fieri nō potest quin habeant & satis copiosam frumēti affluentia, quæ illis ab Arabibus frumento cōmutatur. Si in Libyæ deserto incidat circa mediū Octobris auræ immutatio, & si pluuia per totum Decembrē, Ianuariū, ac aliquā Februarij partē duret, dictu incredibile quantam adferāt pascuis atq; lacti fœcunditatē: multi tum passim lacus, frequentesq; inuenias in Libya paludes, quare his temporib. per Nigritarum regionē mercatoribus Barbaris proficiscendum est. Hic oīa multò maturius proueniunt, si pluuia circa Iulij exitum inchoatur, at non vsq; adeò copiosa. Porro ea est pluuiæ apud Nigritas natura, vt nec profit quicquam, nec damnum adferat. Tanta à Nigro flumine fertilitas ad illorum agros (quibusdam tantū montibus exceptis) reportatur, vt nihil illis fructuosius excogitari potest: nam quod Nilus Ægypto, id Niger est Nigritarum solo: crescit enim ad Nili instar à decimo quinto Iunij die p totos quadraginta dies, ac per totidem decrescit. Incrementū aut sumente Nigro,

gro, cymbā per totam Nigritarum regionē deducere licet, cum oīa inundatione Nigri sint plena, quanq̃ id nō sine maximo nauium fiat periculo, vt in quarta huius libri parte copiosius dicetur.

¶ *De huius populi vitæ breuitate atq; longitudine.*

Vniuersus ille de quo locuti sumus Barbariæ populus ad annū. 65. aut. 70. pertingit, pauci verò hunc numerū excedunt. Nili quod in illis montibus quosdam vidi qui. 100. attigerant annū, nonnullos etiam qui & eum se egressum dicebāt, illis senectus erat vegetatiss. atq; florentissima. Quin & quosdā hīc inuenias octogenarios qui agris arandis, vineis amputandis, ac bellis gerendis validissimi sunt, ita vt etiā sēpissimē iuniores illis dare palmā coguntur. In Numidia, hoc est in regione illa daētilifera, longissimē sunt ætatis, sed maturius illis dentes excidunt, ac mirū in modum oculorū acies rumpitur. Quod eam ob causam euenire credibile est, quia assiduò daētylis vescūtur, quorū dulcedo atq; vis natiua dentes sensim euellit: tū quòd puluis atq; arena sub solano vento in aërem redacta, oculos intret, ac tandem visum miserè deprauet. Qui Libyam incolūt aliquantulò breuioris sunt vitæ, robustiores tamen ac validissimi ad annum perueniunt. 60. quanuis corpore sint graciliores atq; macilētiore. Nigritę his omnib. breuiorē degunt vitā, at maximus illis semper vigor, maximaq; dentium omniū firmitas ad extremū vsq; vitæ diem; sed nulla gens his ad luxuriam procliuior, quo vicio & Libyæ atq; Numidiæ incolæ maximè inficiuntur. Barbari verò his omnibus imbecilliores sunt.

¶ *Mor-*

DESCRIPTIONIS AFRICÆ

¶ *Morborum, quibus afficiuntur Africani, genera.*

H Vius regionis puelli, nonnunquā & pro-
uectioris ætatis mulieres, alopecias pati-
untur, qui morbus ægrè admodum ab
his diuelli potest. Frequēs illis dolor capitis, qui
nullo etiam febris accessu eis accidere solet. Nō
paucos dentium quoque dolor offendit, quem
inde contractum opinantur, quod immediate
sumpto iure calido, aquā bibant frigidam. Cru-
ciantur & interdum maxima stomachi ægritu-
dine, quam ob imperitiā, cordis dolorem vo-
cant. Vexantur item indies totius corporis in-
terno quodam cruciatu, idq; propter cōtinuum
aquæ potum. Neque defunt his frequentes ar-
ticulares morbi atque podagræ, quæ ex eo nasci
creduntur, quod plus æquo humi sedeāt, quodq;
nunquam pedibus calceos adiungant. Quidam
magnates sibi podagram ex nimio vino, cibisq;
delicioribus contraxerunt. Nonnulli ex oli-
uis, nucibus, & huiusmodi cibis crassioribus ac
vilioribus scabiem sibi cōciliauere. Qui natura
sunt sanguinei, ex eo sibi magnam tussim parāt,
quod Vernis temporib. plus satis humi sedeāt.
Nec me mediocriter oblectauit, quod diebus Ve-
neris non semel ab illis factitatum vidi. Hoc die
concionis causa copiosus solet in eorū templis
confluere hominum numerus. Iam si cuiquam
dum concio habetur incidat sternutatio, id oēs
vno ore vnoq; impetu sequūtur, fitq; tantus in-
ter illos obstrepitus, qui non nisi vnā cum con-
cione finitur, vt vix quisquam fructū aliquem

ex

ex concione illa domum reportare possit. Si quis apud Barbaros eo morbo inficiatur, qui gallicus vulgò dici solet, raro aut nunquam pristinae red-
ditur sanitati, quin mors tandem inde consequatur. Solet autem hic morbus quodam dolore ac
tumore primum prorepere, ac tandem in vlcera
verti. Paucis admodum toto Atlante, tota Numi-
dia, totaq; Libya hoc notum est contagium. Quod
si quisquâ fuerit qui se eo infectum sentiat, mox
in Numidiam aut in Nigritarum regionem pro-
ficiscitur, cuius tanta est aëris temperies, vt opti-
mè sanitati restitutus inde in patriâ redeat: quod
quidem multis accidisse ipse meis vidi oculis, qui
nullo adhibito neque pharmaco neque medico,
præter saluberrimum iam dictum aërem, reua-
luerant. Huius mali ne nomen quidem ipsis A-
fricanis antea ea tempora notum fuit, quam Hi-
spaniarum Rex Ferdinandus Iudæos omnes ex
Hispania profligasset, qui vbi iam in patriam re-
diissent, cœperunt miseri quidam ac sceleratissimi
Æthiopes cum illorum mulieribus habere com-
mercium, ac sic tandem velut per manus pestis
hæc per totam se sparsit regionem: ita vt vix sit
familia, quæ ab hoc malo remansit libera. Id aut
sibi firmissimè atq; indubitatè persuaferunt, ex
Hispania ad illos transmigrasse, quâobrem & illi
morbo ab Hispania, malum Hispanicum (ne no-
mine destitueretur) indiderunt. Tuneti verò, quæ-
admodum & per totâ Italiam, morbus Gallicus
dicitur. Idem nomen illi in Ægypto atque Syria
ascribitur, vnde malè imprecantis prouerbi-
um: Te morbus malè perdat Gallicus. Apud Barba-
ros

DESCRIPTIONIS AFRICÆ

ros rarum id malum est, quod Latinis Hernia appellatur, Ægyptiis verò aliquantò notius. Nonnullis interdum adeò turgent testiculi, ut nò facile quis exprimere possit: morbum autè ex eo natum coniiciunt, quòd plus æ quo gummi, salisq; vescantur caseo. Morbus caducus pueris plerisq; obtingit, verùm vbi paulò grandiusculi euadunt, à morbo illo liberantur. Hoc malum ad multas fœminas Barbaras atq; Nigritas deuenit, atqui ut paulò honestius illis sonet, spiritosæ dici malunt. Pestis apud Barbaros, ad decimum, decimū quintum, aut vigesimum quintum semper recurrit annum, maximamq; hominū turbam è medio tollit: siquidem nullum nouerunt huic addere remedium, nisi quòd forte glandem vnguento quodam ex Armeniaca terra confecto, vngāt. In Numidia pestis vix anno percipi potest centesimo. Nigritæ autem quid sibi hic morbus velit prorsus ignorant: quandoquidem nunquam experti sunt.

¶ *Africanorum encomia.*

QVI in Barbaria ac in maris Mediterranei tractu habitant Arabes, maxime trahuntur ad scientiæ studium atque cupiditatem: habentque apud illos locum primum, ea quæ ad illorum fidem atque religionem spectant. Fuerunt olim & Mathematicarum disciplinarum, Philosophiæ, atq; Astrologiæ studiosissimi: sed ab hinc annis ferè quadringentis, ea studia (ut iam dictum est) ab illorum principibus, atque fidei professoribus è medio fuerunt sublata. Ciuitatum incolæ, ea quæ ad religionem spectant,

stant, religiosissimè seruant atq; reuerètur: quin
& doctores atque sacerdotes, vnde legis notitiam
accipiunt, ceu semideos quosdam venerantur.
Continuò templa adeunt, vt præscriptas quasdā
illic absoluant preces: miraq; superstitione
sibi persuaferunt, non debere eo quo orant die,
quædam corporis membra ablui, cum aliās & to-
tum corpus lauent. De his, Deo fauente, secundo
libro copiosius dicitur, vbi de Mahumetis fide
atque lege incidet mentio. Sunt & hi qui Barba-
riæ ciuitates incolunt in Architectura atque in-
uentione mathematica mirè dexteri, quod faciliè
ex eorum structuris artificiosis colligere quis po-
terit. Probissimi sunt viri, nullus illis fucus: sim-
plicitatem omnem atque veritatem non ample-
ctentes modò, verum & re ipsa comprobantes:
quanquā longè aliter Latini quidam scriptores,
qui de iis regionibus scripserunt, sentire videan-
tur. Validissimi sunt atque robustissimi, & inter
hos præcipuè illi, qui montes incolunt. Fidei
omnis obseruantissimi, citiusq; illis vitā adimas,
quàm non quicquid polliciti sint, præstent.
Nulla gens magis vexatur zelotypia, adeò vt vel
mori malint, quàm ex vxoris parte aliquā ferre
contumeliam. Diuitiarum atque honoris adeò
auidi, vt nullis quidem cedere sibi videantur. Per
vniuersum ferè orbem mercatū proficiscuntur.
Perpetuò enim videntur apud Ægyptios, Æthi-
opes, Arabes, Persas, Indos, atq; Turcas: quoquò
autem sese conferant, summo honore excipiun-
tur: nemo enim inter illos est, qui non eam cui
operam impendit artem, exactissimè sciat. Illis

DESCRIPTIONIS AFRICÆ

semper ciuilitas omnis atque pudor maximè ar-
riferunt: idq; inter eos religio est maxima, si quis
in publicum scurrile quoddam proferat verbū.
Vbiq; illud in animo est, quod scripsit quidam:
Maiori cede. Si quis filius corā patre, patruo, aut
quodā consanguineo de amorib. aut canat aut lo-
quatur, id illis summo habetur supplicio dignū.
Quod si fortè quis puer aut iuuenis eò incidat,
vbi de amorib. fit mentio, mox se inde subducit,
vbi qd dicatur intellexerit. Hæc sunt quæ de Bar-
barorū ciuilitate, humanitate, atq; morū integri-
tate relatu dignissima arbitrati sumus: nunc ad
alia. Qui tentoria inhabitant Arabes, hoc est, qui
pecorum curam gerunt, liberaliori sunt ingenio
præditi: pij, animosi, patientissimi, comes, œco-
nomi, vitæq; integritatis amātissimi, si quiquam
alij. Fidei atq; promissi seruatores accuratissimi:
suorum morū ceu æmulos habent, quos in mon-
tibus illis degere antea indicauimus. Hos tamen
cū eruditione, tum virtutis atq; religionis stu-
dio antecedere videntur Numidæ, quanq̃ philice
philosophiæ nullam aut paruam habeant cogni-
tionem. Rei militaris peritissimi, animosi, atque
humanitatis omnis ardentissimi perhibentur.
Libyæ incolæ Afri atq; Arabes liberalioris quoq;
sunt ingenij, synceri, non fucati, exteris fauen-
tissimi, simplicitatis quoque amantissimi. Quos
subnigros aut fuscōs antea nominauimus, fidem
in amicitia quā arctissimam seruant: externa-
rum quoque nationū æstimatores candidissimi:
in hoc totis incumbunt viribus, vt vitam quā
letissimam atque hilarissimam transigant. Bo-
narum

narum artiū fautores, eruditissimos quoq; alunt viros, religioniq; addictissimos. Neque vllos habet vel tota Africa populos, qui feliciorē aut splendidiorē degant vitam.

¶ Iam dictorum Afrorum vicia.

NVlla vnquā gens tam virtutibus prædita fuit, quin sua habuerit & cōtraria vicia, sed videamus nūc, num horum vicia virtutibus sint maiora nec ne. Quos iamiam Barbariæ ciuitatum incolas appellauimus, egeni sunt, superbia multa tumidi, iracundi vt nihil supra, adeo vt vel minimā iniuriā durissimo (vt aiūt) insculpant marmore, ne aliquo temporis interuallo excidat. Tam illis rusticitas omnis atque morum ruditas animo sedet, vt vix exteris quispian illorum sibi conciliare amicitiam potest. Simplicioris sunt ingenij, plus satis creduli, etiā si quis impossibilia apud illos referat. Phisicæ philosophiæ tam sunt ignari, vt omnes naturæ actus atq; operationes pro diuinis habent. Nulla illis neq; vitæ neq; legis aliqua methodus seruatur. Cholerica bile plus satis infecti, nunquā nisi iracundē, stentoreaq; voce (quod aiunt) loquuntur. Neq; multas interdum inuenias plateas, quibus non bini aut terni sint qui se mutuis pugnis lacessant. Naturā viliores sunt, neq; apud suos duces multo maiori in præcio, q̄ si canes essent. neq; oratores habent neq; causidicos, quorū aut consilio, aut prudentia regantur. Nec minus mercaturæ ignari, neq; trapezitas habent, neque pecuniarum campsores: quamobrē mercator absens nihil quicquam efficere potest, at cogitur quocunq;

DESCRIPTIONIS AFRICÆ

cunq; sequi, quò merces deuehantur. Nihil excogitari potest auarius hoc populo: nec multos hic reperiri posse puto, qui aut ciuilitatis, aut humanitatis, aut etià religionis ergò, exterù quendam ignotum suo dignentur hospitio. Iniuriarù memores, beneficioru autem planè immemores semper fuerunt. Animus illis perpetuò turbarù atque dissidiorum plenus, sic vt nunquã aut rarò admodum aures cuiquam benignas prèbere velint, idque inde factum volunt, quòd impensè lucro intenti vilissimo, nunquam aut humanitatè, aut ciuilitatem aliquam discere potuerunt. Pastores illius regionis, miseram, laboriosam, calamitosam atque inopem viuunt vitam, rudiores sunt, furtis, perfidiæ atque brutis moribus planè natos dicas. Adolescentibus omnibus licet & amica & amore frui vario, donec ex omnibus vnam sibi in matrimoniũ delegerint. Quin & pater filiæ procum benignissimè excipit, vt vix credam quenquam quanuis magnatem, ex his sibi virginem in vxorem ducere: quanquã hanc viro coniunctam nemo præterea ambiat aut inuiset, sed novos sibi quisq; aliunde parat amores.

Horum maxima pars neq; Mahumetani, neq; Iudæi sunt, neq; Christiani, vixq; in his vel fidei alicuius scintillulã quis inuenire poterit. Nulla habent templa, nullas omnino orationes, sed ab omni planè pietate alienissimi, vitam agunt beluinam: & si cui fortasse melior mens afflauerit, cum neq; legillatorem habeat, neq; syncerioris fidei institutorem, aliorum vitam atq; mores sequatur necessum est. Numidæ omnes rerum o-

Innium cum naturalium tum domesticarum ac politicarum imperitissimi, prodicionibus, insidiis, cædibus, furtis atq; rapinis addictissimi. Ea gens cum sit vilissima, nullum apud Barbaros tam vile aut abiectum reperiri munus potest, quod non vel lubentissime obire velit. Inter illos plerique latrinas euacuant, alij culinariam curant, alij stabularios agunt, alij id genus similia exercent. Qui Libyam incolunt, beluino etiam viuunt more, literarum bonarumq; artium negligentissimi atque ignari, furtis se prorsus atque rapinis dedunt. Nulla illis religio, nullæ leges, nulla deniq; vitæ regula, sed fuit ac erit semper vita illis miserissima atq; infelicitissima. Nulla tam horrenda excogitari proditio potest, quam illi lucri causa perpetrare non ausint. Totam vitam aut nequissimis negociis, aut venationibus, aut bellis transigunt, neque calceos gestant, neque vestes. Nigritarum regionis incolæ beluino etiam viuunt more, à rationis usu, ab ingenij dexteritate atq; ab omni arte alienissimi, nihil omnino meliorem vitam ducunt, quam si nunquam inter feras aliud quicquam præter sylvas vidissent. His numerosus satis meretricum grex est, unde & quam vitam degant, facile quis colligere poterit, nisi fortasse aliquantò se melius habeant, qui famosiores vrbes inhabitant: hos enim paulò propius ad humanitatem accedere, credibile videtur. Nec me latet quam meipsum dehonestem, quum talia de Africa scribam, cui & vitæ initium & educationis meæ bonam partem debeo: verum hac in re nullam omnino purgationem quaero, præter

DESCRIPTIONIS AFRICÆ

vnum illud historiographi officium, seriam v-
 bique in scribendo veritatem, quæ si cuiquam
 adulari videatur, in viciū vertitur. Ea me res
 omnes vti sunt enarrare cogit, nullo prorsus fu-
 co adhibito: quare hoc in loco lectorem roga-
 tum velim, hunc nostrum laborem ne lato qui-
 dem digito à vero discedentem, (quanuis nul-
 lus reperiatur ornatus verborum, nullaque arti-
 ficij elegantia) ceu noua quædam benigno ex-
 cipiatur animo, ac quàm fuerit illis æquitatis stu-
 dium animusque prorsus infractus, ex iis faci-
 le ediscere poteris, quæ tribus verbis narraturus
 sum. Ferunt nostratem quendam iuuenem sce-
 lestum ac moribus corruptissimū propter quod-
 dam facinus fustuario adiudicatum. Postridie
 verò, vbi se negotio parauit carnifex, cognouit
 nebulo se ante aliquot annos carnifici amicum
 fuisse atque familiarē: quæ res non mediocrem
 spem addidit, fore, vt aliquantò mitius secum
 ageretur, quàm cum aliis non notis. Sed egre-
 giè sua spe frustratus, nihilo melius à carnifice
 acceptus, quàm si nunquā nouisset. Quare ini-
 tio miser ille de carnifice conquerens, Au mi
 germane, exclamat, quæ te iam crudelis agit fu-
 ria, vt non veterem agnoscas sodalitatem? Hic
 carnifex multo quàm antea atrocius fustigans:
 Amice, inquit, ego semper officij memor, nullū
 hac in re soleo misericordiæ dare locum: ac sic
 continuò fustigans, non prius ab officio quie-
 uit, quàm iudicis sententiæ satisfactū fuit. Ma-
 gnum æquitatis argumentum, cum in punien-
 do nullus omnino fuerit præcedentis amicitia
ref-

respectus. Hæc ego eam ob causam hoc loco inferere volui, ne illorum tantum vitia describēs, his adulari videar, quibus cum nunc mihi negocium est, aut præstantiam Afrorum solummodo enumerans, illorum in futurum mihi gratiam venari dicar, unde iam meapte sponte descui, vt aliquando tutior ad eos pateret recursus. Huius etiam argumenti & hanc quoq; accipite apologiam: Auicula elegantissima atque naturæ tam insigni dote prædita, vt tam in mari inter pisces, quam in aëre inter aues degeret, *ἀντιπρίστου* dicere potuisses, cum quodam die apud auium regem in ius vocaretur, vt annum solueret censum, mox de mutando elemento, deq; Rege illudendo cogitare cœpit, ac vnico volatu se ex aëris regione demittens, Oceano immerfit. Quod vbi pisces miraculū animaduertunt, continuo gregatim omnes accurrunt, aduenam salutant, ac quid causæ huc venerit, sedulo inquirunt. Mox auicula: An nō scitis, inquit, pisces boni, sic prorsum inuersum rerum ordinem, vt vix quis in aëris parte amplius degere securè possit? Noster si diis placet imperator iniquissimus, rabie nescio qua impulsus, membratim me lacerare iusserat, cum tamen nullam vnquā haberet sua aula auem, quæ adeo atq; ego regiis per omnia fauerit commoditatib. Quam postquam iniquissimam intellexi conspiracyem, huc ad vos transmigraui. Quare vel angustus vsquam mihi hic apud vos concedatur angulus, quò me plus fidei atque benevolentix apud exteros, q̄ apud conciuēs inuenisse affirmare queam. Hæc

DESCRIPTIONIS AFRICÆ

oratione piscibus persuasit, ac apud eos totum annum transegit, nemini vel obulum numerare coactus est. Quo peracto, Rex piscium sua quoque tributa exigere cœpit, ac tandem ad auiculam peruentum est. Auis porro æquitatis eam esse regulam affirmat, vt unicuique quod suum est reddatur, seque omnia facturam, quæ fidiſſimo conueniunt subdito. Hæc dum loquitur, expansis alis subito se in altum tollit, atque ad superos redit. Sicque quotannis auicula vbi se regiis exactionibus grauatum iri videt, elementum mutat. Nihil ex hoc Apologo inferre nunc velim, quàm homines omnes eam maximè regionem appetere, quæ minimum adfert damni atque incommoditatis. Quod si Afros apud quosdam malè audire sensero, ego me ex Granata ortum affirmabo: sin autè Granatenses aliquo vicio notatos percepero, Afrum me profitebor. In hoc autem aliquantò Africanis magis adblandiar, quòd illorum tantùm vicia magis nota atq; præcipua enumerabo, iis omnino neglectis quæ leuia videbuntur atque minutioniora.

Ioannis Leonis Africani

descriptionum Africae rerumq; in
ea memorabilium.

LIBER SECVNDVS.



Numeratis prima huius operis parte Africae ciuitatibus, terminis, diuisionibus, iisq; maximè rebus quæ memoria dignæ videbâtur; secunda hac parte multò vberius, propius, copiosius atq; distinctius varias describemus prouincias, oppida, montes, situs, leges, ritus atque mores. Adeoq; nihil non tactum relinquemus, quod ad huius instituti intelligētiam vtcunq; facere videbitur. Sumpto igitur ab occidentali parte exordio, enar rationem eo vsque extendemus, dum ad Ægypti terminos peruentum fuerit. Partiemur autem hunc nostrum laborem in septem libros, quibus diis fauentibus & octauum annexemus, qui flumina, animalium genera, arbores, plâtas, fructus, stirpes, aliaque id genus lectu iucundissima complectetur.

¶ *Hea regio occidentalis.*

H Ea Marocci regio ex Occidenti atq; Septentrione mari Oceano alluitur, ex meridie Atlante terminatur, atque ex oriente flumine quod illi Essualo appellât, clauditur. Nascitur autem is fluuius ex iam dicto monte, tandemque delabitur in Tentistim fluuium, atque Heam à proximè sibi adiacente regione diuidit.

¶ *Hea situs atque descriptio.*

Est

DESCRIPTIONIS AFRICÆ

Est hæc terra admodum aspera, saxosis montibus, umbrosis nemoribus & riuulis undique scaturientibus plena, inhabitatoribus tam copiosa atque opulenta, ut vix credere quis posset. Maximus illis caprarum atque asinorum numerus, verum non adeo magna ouium, bouum aut equorum copia est. Ingens his est fructuum inopia, non quod solum sit infrugiferum, sed hac in parte tam sunt rudes atque ignari, ut perpauca illic reperiantur, qui arborum culturam nouerunt. Quod ex eo facile mihi persuaferim: memini enim me apud quosdam rei hortensis peritiores satis bonam inuenisse fructuum copiam. Frumentum non tam illis copiosum est, quam sunt hordeum, millium, & panicum. Magna apud hos mellis affluentia est, quo ceu vulgariore cibo vescuntur, & quoniam quid cera valeat prorsus ignorant, eam eiiciunt ac negligunt. Reperiuntur & hic spinosæ quædam arbores, quæ fructum crassum, siliquæ similem, iis oliuis similem, qui nobis ex Hispania afferuntur: hunc illi eorum idiomate Argan appellat. Oleum inde conficiunt quod grauioris est odoris, tamen eo cibos condire, lychnoque pensili infundere solent.

Huius populi cibus atque victus.

Hi ferè semper pane vescuntur hordeaceo non fermentato, quem libum dicas citius quam panem: coquitur autem in huiusmodi sartagine testacea, qualis est apud Italos ea quæ placentas tegere solet: neque adeo multos inuenias, qui pane vescantur furnaceo. Reperitur & apud hos insipidus quidam vilisq; cibus, qui eorum

eorum idiomate Elhasid dici solet, atq; in hunc fere modum cõponitur: Farinam hordei in bullientem aquam iniiciunt, quam assiduò quodam bacillo circumuoluunt miscentq; idq; tantisper dum iam abundè coctam vident. Deinde huic pultri mentæ appositæ oleum quod apud illos nascitur infundunt, omnes illius familiæ ipsum catinum circumstando, non cochlearibus sed manibus ac digitis exedunt. Veris autem atq; æstatis temporibus iam dictam farinam lacte commiscent, & olei vice, butyrum iniiciunt: sumiturq; apud illos hic cibus non nisi inter cœnandum. Nam ientaculo hyemali, panis ac mel satisfaciunt: æstiuo autem tempore lac atque butyrum pani addunt. Solent præterea & carne elixa vesci, cui quidam cœpe, quidam fabas, nonnulli etiam cõdimentum quoddam quod apud illos Cuscusu dicitur, addere solent. Nullus inter hos est mēsarum aut mapparum vsus, sed matam quandam rotundam humi sternunt, quæ & mēsxæ & mappæ vicem apud rudem hanc gentem obtinere consuevit.

¶ Iam dictorū vestitus atq; ritus.

HOrum maxima pars panno vestitur, qui ex lana ad straguli modum confici solet, eorum idiomate Elchise nuncupatur, lo-dices esse dicas, quibus Itali lectos supersternere consueuerunt. His inquā pannis sese inuoluunt, deinde nō medium, sed nates laneo quodam cingulo circundant. Est & apud hos pannicellum quoddam palmorum longitudine decem, latitudine verò duorum in vsu, quo solent caput ornare:

DESCRIPTIONIS AFRICÆ

nare: hoc ferè ex iuglandium radicū succo tingitur, aptaturq; capiti in hunc modum, vt superior pars semper nuda remaneat. Pileum nemo gestat nisi sit senex aut vir doctus, si q; tamè reperiatur docti: estq; hic pileus duplicatus atq; rotundus, eius propemodū figuræ, qualis est quorundam in Italia Medicorū. Rarò admodum in his regionib. subuculas inuenias, quod eā ob rē faciliè euenire crediderim, quòd aut linū nō illis pueniat, aut si prouenit, nō est qui texendi telam artem calleat. Illorū sedilia nihil aliud q̃ storeæ quædā pilis iunctisq; intertextæ. Lecti vice culcitra quandam habent pilosam, quarū quædam decē vlnas longitudine, quædam etiā plus, quædam minus occupāt, quin & quædam viginti vlnarum reperiās, nunq̃ verò longiores: harum pars vna lectus est, reliqua verò linteaminis atq; straguli loco vtūtur. Verno semper tempore parte quæ pilosa est corpus tegunt, aliquantò enim plus caloris adfert: ætate verò villosa illa parte reiecta, atq; culcitra inuersa, alterā malunt. Puluinaria ferè ex huiusmodi tela vili atq; aspera cōficiunt: qualis ea est quæ nobis ex Albania aut Turcia equis tegēdis adterri solet. Illorū mulieres vt plurimū facie denudata incedunt, hævasculis ligneis tornatilib. vtūtur; catini verò ceteraq; culinævasa, vt plurimū fictilia sunt. Hoc indicio faciliè internoscas quis vxorē duxerit, & qui non: quòd qui nō duxit, barbam radere solet, quā post matrimonium initum prolixiorem gerunt. Habet hæc regio non multos admodum equos, verū eos adeò agiles, vt nō felis his velocius mōtes illos transuolare possit. Nulli
illis

illis adhibentur calces, solentq; huius regiones coloni equis tantum atq; asinis arare. Magnam hinc inuenias ceruorum, capreolorum, atq; leporum copiam: at nulla illis venatio placet. quæ res, credo, facit, vt multo copiosiori numero reperiantur. Id autem omnino mirum videri potest, quod quum multi hinc ubiq; reperiantur riuuli, rariori tamen numero sunt molæ: verum id ex eo sequi credibile est, quod quælibet fere domus suam habeat molam ligneam, quam eorum mulieres manibus agere consueuerunt. Hinc neq; artes neq; literæ locum aliquem habent; nisi forte aliquot reperiantur, qui aliquam sibi legis notitiam polliceantur, cum præterea virtutis ne umbra quidem inter hos reperiri posset. Nullus apud illos medicus, nullus omnino chirurgus alicuius eruditionis aut gratiæ. Quod si quando aut morbus aliquis, aut aliqua vrget necessitas, mox illi hominibus, perinde atq; Itali equis cauteria addunt. Chirurgi tamen aliquot apud illos inueniuntur, qui circumcidendorum puerorum curam tantum gerunt. Non conficitur apud illos sapo, sed eius loco cineres vsui sunt lotricibus. Perpetuum apud illos est bellum, sed intestinum, adeo vt nullos præterea populos bello laceessant. Quod si cuiquam peregre proficiscendum est, hic alterius partis vel scortum, vel vxorem, vel religiosum aliquem suæ viæ comitem assumere cogitur. Iustitiæ nullus plane inter eos cultus, idq; præsertim ijs in motibus, qui principe ac duce omnino destituti sunt: quin & huius regionis nobiliores, qui intra ciuitatis alicuius muros habitant, vix populo aliquod ius, aut regulam aliquam præscribere audent, tanta est horum ubiq; insolentia.

Horum

DESCRIPTIONIS AFRICÆ

Horum ciuitates exiguo sunt numero, at multos habent pagos, vicos, atq; castra munitissima, de quibus postea suo loco copiosius atque vberius, Deo fauente; dicemus.

De Tednesta Hea ciuitate.

TEdnestam ciuitatem antiquissimam condiderunt Africani in planicie amoenissima atque amplissima, quam altissimo muro ex lateribus atque creta circumdederunt. Est & riulus qui ex vrbe defluens huius fossæ aquam prebet. Aliquot hîc reperias mercatores, qui pannum venalem habent, ex quo huius incolæ vestes sibi conficere consueuerunt. Venit & apud hos quoddam telæ genus, quod illuc ex Lusitania aduehitur: cæterû artifices nullos admittunt, præter sutores, sartores, fabros, atq; aurifices quosdam Iudæos. Nullum habet hoc oppidum diuersorium, nullumque hypocaustum, aut ænopolium: quod si quis mercator huc appulerit, ad notum aliquem se cōferat necesse est: si verò huiusmodi nō occurrat, fortiuntur inter se nobiles, quisnam ignotum hunc mercatorem hospitio excipiat: adeo vt nemini quamuis Barbaro hospitium desit aut humanitas, quin & externos splendide atq; honorificè semper accipere solent. Qui autem hospitio exceptus fuit, in digressu suo hospiti munus aliquod in gratitudinis signum dare cōsuevit, quò grator illi in posterum pateat reditus. Si verò huiusmodi aduena non fuerit mercator, huic fas est quam velit ipse eligere magnatis domum, nulli astrictus dono aut hospitij pensitationi. Quod si denique

men-

mendicus aliquis illac transeat peregrinus, huic mox apparatur cœna in quodam Xenodochio, quod pauperibus tantum exstructum, publico fouetur ære. Urbis medio vetustum templum visitur sumptuosum & inusitatæ magnitudinis, iis temporibus erectum putant, quo Marocci Rex apud eos rerum potitus est. Habet porro templum medio sui loco ingentem quandam cisternam, multos præterea sacerdotes, atque id genus homines, qui eius curam habent, ac rebus necessariis prouident. Reperiuntur hic passim & alia permulta templa, quæ etsi angusta, nitidissima tamen sunt, atque optimè exculta. Iudæi in hac urbe ædeis plus minus centenas possident, quæ nullum prorsus annum exsoluunt tributum, nisi quod nobilibus quibusdam, quos sibi quisque maximè fauere intelligit, munusculum subinde mittit, quod amicitiam foueat, augeatque: estque maxima urbis pars Iudæis referta. Horum sunt monetariæ ædes, nummumque cudunt argenteum, cuius Asperi (sic enim illi vocant) centum ac septuaginta, vnciam vnā pendent, ei monetæ persimiles, quæ apud Hungaros in usu est, nisi quod hæc quadrata cuditur, Hungarorum autem non ita. Illorum incolæ ab omni tributo annuoque censu liberi sunt: si quibus tamen in publicum aliquod ædificium aut alium quemuis sumptum pecuniis opus fuerit, mox conuocatur populus, ac quod cuiusque vires ferunt, id illis in promptu numerandum est. Ruinam passa hæc ciuitas anno Mahumetes, 1918. Quo tempore illorum ciues omnes ad montes confugere, indeque Maroccum se contulerunt. Huius

F

autem

DESCRIPTIONIS AFRICÆ

autem rei hanc rationem enūmerant: Audierant incolæ vicinos Arabes cum Lusitanæ Ducibus (qui tum temporis Azafam occupant) fœdus iniisse, pollicitosq; se oppidum in Christianorū ditionem tradituros, quæ res inhabitatores adeo deterruisse dicitur, vt illi protinus fuga salutem quæsierint. Memini quoque me hanc ciuitatem omnino euersam vidisse, muros solo æquatos, ædificia deserta, nihilque in iis præter cornicum aliarumve auium nidos tum temporis videri potuit. Fuit hoc anno, 920.

¶ *Teculetum Hæa oppidum.*

Habet Tednesta vicinum sibi ex Oriente oppidum, quod octodecim ab ea miliarium spacio, ad cuiusdam montis radices situm est, Teculetū illis appellari consuevit, domosque circa mille obtinet. Huic contiguus est quidam riuulus, qui ex vtraq; parte hortos amœnissimos, omnisq; generis arbores habet. Multi intra huius urbis muros putei reperiuntur, e quibus aquam limpidissimam atq; dulcissimam hauriunt. Egregium hic eminentissimūq; templum conspicitur: quatuor item pauperū Xenodochia, atque vnum religiosorum monasterium. Incolæ multò ditiores habentur, q̄ qui Tednestam inhabitant: quod facile ex eo quis colligere poterit, nam portum celeberrimum habent ad mare Oceanum, mercatoribus Goz vulgò appellatum. Magna reperitur apud illos frugum atque leguminum copia, quæ ex fertilissimis illis circumiacentibusq; agris proueniunt. Solent & hi ceram mittere in Lusitaniā: magnaq; illis est in vestitu
&

& equorum apparatu cura. Quo tempore apud illos agebam, repperi nobilem quendam qui in eorum Conciliis primum obtinebat locū: huius officium erat, cum de tributo, quod singulis annis Arabibus exsoluebatur, tum etiam de pace inter Arabes atque suos ciues curare, si qua esset inter eos orta dissensio. Ingentes sibi hic collegerat diuitias, quas amicis parādis potius q̄ scriniis augendis collocari maluit: in pauperes munificentissimus, in omnes suos ciues largissimus, atq; fautor cādidissimus, adeo vt nō immerito illum omnes ceu patrem atque tutorem optimum venerarentur. Cuius etiam rei ipse ego periculum feci: qui non vulgariter, sed miris admodum ab illo exceptus modis, aliquandiu apud eum commoratus sum, variasq; in illius ædibus de Afrorū rebus gestis historias legi. Cecidit vir ille probus vnā cum filio in quodam prælio, quod cum Lusitanis gessit: idq; anno secundum nostram computationē. 923. Christi verò anno. 1514. Post hæc, ciuitatem euersam, populi partem in fugam reductam, partem captiuam, ac reliquā ab hostibus interfectam intelleximus, quæ omnia multo copiosius enumerauimus in eo libello, qui de Africanis rebus, nunc recenter excusus, in lucem editus est.

¶ *De Hadeccite Hæ oppido.*

H Adeccis ciuitas in planicie sita, octo miliaribus ad Meridiem à Teculetho distat: focos numerat septingētos: huius murus ex viuo lapide, ac ex eodē constructa totius vrbis templa atque domus. Vrbis medio amplissimus

DESCRIPTIONIS AFRICÆ

est fluuius, qui vtrique multas vites atque per-
gulas habet. Multos reperias artifices Iudæos.
vestitus illis sic satis decorus: equi habiles: mer-
caturam vt plurimum exercent: nummum cu-
dunt, suntque apud illos singulis quoque annis
nundinæ, ad quas vicinæ nationes conuenire so-
lent. Magnam apud hos inuenias armentorum,
lanæ, butyri, olei, ferri, & panni copiam: durantq;
illis nundinæ dies quindecim. Mulieres forma
præcellentes, candidæ, obesulæ, venustæ, atq; im-
primis elegâtes. At viri beluino prorsus sunt ani-
mo, adeoq; zelotypia laborant, vt si quem cum
vxore confabulantem reperiant, cōfessim inter-
ficiant. Nullus apud hos qui ius dicat, nullus eru-
ditus qui inter ciues Magistratus pro dignitate
distribuat: solus is suo arbitratu regit, qui diui-
tiis cæteros antecellit. In his quæ ad religionem
pertinēt, sacerdotes habent administratos. Neque
tributum aliquod, neq; annum exsoluunt cen-
sum, quemadmodum nec illi, de quibus iamiam
diximus. Hic à quodam sacerdote, ingenio mirè
liberali, hospitio exceptus sum, qui & carminib.
Arabicis admodum sese oblectabat. Quâobrem
splendide ab eo exceptus, prælegi illi de eadem
re opusculum: quæ res fecit, vt non nisi amplif-
simis onustum munerib. à se discedere sit passus.
Maroccum hinc me contuli. Post hæc audiui &
hoc oppidum similiter à Lusitanis excisum, o-
mnesque incolas ad proximos montes confu-
gisse, Anno . 922 . hoc est, eodem quo patriam,
visendi studio, reliqui, Anno qui erat à Christo
nato . M. D. XIII.

¶ Ilenfugaghen Hæ oppidulum.

AB Hædecchite Meridiem versus octo distat miliaribus, in iugo excelsi cuiusdam montis situm: focos numerat circa quadringentos: infimū collem alluit paruus amnis. Nusquam hortus reperitur, nulla omnino arbor à qua fructum aliquem expectent: cuius hæc, ni fallor, ratio est, quòd horum incolæ adeò sunt ignaui atque inertes, vt nihil præter hordeum & oleum curent. Omnibus anni temporib⁹ nudis incedunt pedibus, ditiores calceos ex camelino aut bubulo corio gestare solent. Continuum cum vicinis bellum gerunt, idque tanta cum sanguinis effusione ac hominum strage, vt canes magis quam homines appellados dicas. Nullum apud hos iudicium, nullus sacerdos, nullusq; legis peritus, qui aliquem vitæ modum, quive reimpub. inter eos cõstituat: quare nec iustitiæ nec probitatis vllus eis est cultus. Nihil omnino fructuum producant montes illi: magnam habent mellis copiam, quo omnes incolæ vesci, finitimisq; nationibus diuendere solent. Et quia ceræ nullum nouerunt vsu, eam cum reliquis mellis excrementis eiiciunt. Habet hoc oppidulum angustū sacellum, centum vix hominū capax, quo tamen ita infrequentes cõueniunt vt ampliore illic nō sit opus, tantus est his religionis atque pietatis neglectus. Quocunq; foris se conferant, pugionem, quidam etiam hastam gestant: neque raro audias apud illos ciuem aliquem interfectum. Nihil his excogitari potest sceleratius, nihil prodicionis atque omnis nequitiae amantius.

DESCRIPTIONIS AFRICÆ

Memini me quondam cum Serifo iter illuc fecisse, qui & Hæx sibi vendicat imperium, idque quod dissidium inter eos componeremus: dictum enim incredibile, quàm acere illic cum ob homicidas tum ob latrocinia atq; furta, bellum exortum erat. At quia Serifus nullos secum adduxerat Legisperitos, nullos item qui dissidia componerent iudices, voluit me pro virili id munus suscipere. Mox gregatim accurrunt oppiduli ciues: hic vicinum octo ex sua cognatione interfecisse docet, ille cōtrā ex suis decem necatos queritur, atque ob id factum aliquot pro veteri consuetudine aureos sibi numerari cupit. Hic sibi aureos exolui debere asseuerat, quod decem sint ex sua familia interfecti, cum ille ex alterius octo tantum cæde affecerit. Ad quod, iure id factum respondetur, eo quod fundum quendam patrum, sibiq; ex hæreditario iure debitum, vi atq; iniuria eripere studuerāt, verum suos inuitis legibus & æquitate solum vindictæ cupiditate obtruncatos. Eiusmodi nugis trāfigitur totus dies, neq; ullus dabatur interim dissidia finiendi modus. Circa medium noctis vidimus magnam in foro turbam concurrentē, tantaq; sanguinis effusione atq; strage dimicantē, vt neminem tam atrocem putem, qui non serio exhorrescat. Quamobrem sibi metuens Serifus, ne quid prodicionis aut cōspirationis lateret inter scelestissimos nebulones, mox satius illinc migrare existimans quàm huius actus finem exspectare, hinc Aghilinghilum profecti sumus.

¶ Teijentum.

Teij-

TEiuentum item oppidulū in planicie ab
 Ileusugagheno Occidētem versūs decem
 distat miliaribus: familias numerat plus
 minus trecentas. Murum habet ac domus late-
 ritias: incolæ agrorum curam gerunt: solum hor-
 deo fecundissimum, vix aliud semen recipit.
 Hortos amœnos & spaciosos habent, vitibus, fi-
 cubus, & persicis cōlitos: Capras innumeras pos-
 sident. Multi hīc passim leones, à quibus non
 mediocri afficiuntur incommodo: sequunt enim
 indies cū in capras, tum & in cæteras eius re-
 gionis pecudes. Nos cū in hanc terram inci-
 dissemus, ob hospitij inopiam ad quandam do-
 munculam diuertimus, quæ vetustate ruinā mi-
 nabatur: equis de pabulo abūdē prospectis, fores
 lignis & spinis quā fieri potuit curiosissimæ,
 occlusimus: Quæ dum à nobis geruntur, mensis
 erat Aprilis, quo tempore ingens illis est æstus.
 Quare nos in summū domunculæ ascendimus
 locum, quò magis aëri inter dormiendum ex-
 positi essemus. Circa medium noctis, sensimus
 duos insignis magnitudinis leones, q̄ huc equo-
 rum odore allekti, ientaculum illud munimentū
 ab ostio submouere conabantur. Equi verò ter-
 rore commoti, talem hinnitum atque strepitum
 edebant, vt omnino vereremur ne inualida ca-
 sula corruente, nos leonibus ientaculo futuri es-
 semus. Post hæc vbi iam auroram sensimus, mox
 equos sternimus, atque inde ad eum locum nos
 contulimus, vbi principem cum exercitu adesse
 sciebamus. Non longo post hæc tempore sub-
 sequutum est oppiduli excidium. Bona ciuium

DESCRIPTIONIS AFRICÆ

pars occisa, reliqui à Lusitanis capti, in Portugalliam abducti sunt. Hæc autem Anno. 920. gesta, à Christo nato .1513.

¶ *Tesegdeltum Hæc oppidum.*

Tesegdeltum sic satis amplum familias habet plures octingentas, in summitate excelsi cuiusdam môtis situm, altissima rupe ceu nativo muro cingitur: distat aut à Teijeuto meridiem versus, miliarib. duodecim, habetq; sub se fluvium, cuius nomen memoriæ excidit. Horti apud illos amœnissimi, omnisque generis arboribus feracissimi, iuglandibus consiti. Incolæ ditissimi, equorum magna illis affluentia, nullumq; Arabibus tributum exolvere coguntur. Continuum his cum Arabibus bellum, nò sine maxima vtrunque sanguinis effusione atque hominum strage. Solent viciniore pagi & vici eò quicquid grani habent deferre, ne ab hostibus quotidie incursiones facientibus, spolientur. Cives humanitatis atque ciuilitatis amantiissimi, à nullis se neq; liberalitate, neq; erga externos munificentia superari sinunt. Habet quælibet vrbs porta suos custodes, qui ingredienti humanissimè excipiunt, atque num quem habent illic amicum aut notum sciscitantur. Quòd si nemo sit, in egregiũ aliquod hospitium deducunt, atq; pro dignitate acceptũ dimitunt: quicquid sumptus fuerit, non ex hospitis sed ex publica penatur pecunia. Laborant & hi quidem zelotypia, sed fidei atque promissi obseruantissimi. Est in ciuitatis medio templum elegantissimum & ornatissimum, quod suos habet sacerdotes atque mi-

ministros. Et quò apud illos ius summa æquitate administretur, iudicem habent apprimè doctum, qui omnium totius Reipub. rerum (criminalibus tantummodo exceptis) curam gerit. Campi in quos sementem iacere solent, per montem sunt dispositi. Ad hos quoque vna cum Serifo profectus sum Anno. 919. qui Christi fuit millesimus quingentesimus decimus.

¶ Tagessæ ciuitatis descriptio.

TAgessa antiquissima ciuitas figura rotunda, in summitate montis sita: cuius cliuus flexuosos gradus habet, ipsi montis saxo incisos. Distat à Tesegdelto miliaribus plus minus quatuordecim. Ad huius montis radices præterfluit fluuius, ex quo Tagessanæ fœminæ aquam hauriunt, neq; alium habent incolæ potum: tametsi à Tagessa sex ferè miliarib. distat, tamen si quis è ciuitate prospiciat, sesquimiliare vix abesse videtur. Est porrò via angusta quæ ab vrbe gradibus rupi incisis ad eum ducit fluuium. Huius ciues direptionibus, furtis, rapinis, & perpetuo cù vicinis bello gaudent. Nullus illis ager, nullum pecus, præterquam in hoc monte: aprorum maxima illis copia: equorù verò tanta inopia, vt vix vnum in hac ciuitate quis reperire posset. Adeò difficile per eorum regionem patet iter, vt neminem transire sinant, nisi fide publica exhibita. Ego cùm apud eos agerem, magna regionem illam inuaserat locustarum copia, quas in tantum creuisse affirmare ausim, vt spicas, quæ tum temporis maturitatem attigerant, multis partibus excederent; adeò vt ipsa soli super-

DESCRIPTIONIS AFRICÆ

perficies locustis planè tegetetur. Idque Anno
919. qui Christi fuit. 1510.

Eitdeuetum.

A Tagtessa Meridiem versus miliaribus cir-
citer quindecim distat & aliud oppidū,
Eitdeuetum vocant, loco eminentiori,
in planicie tamē exstructum. Familias numerat
plus minus septingentas: habetq; sui medio for-
tes limpidiſsimos atque frigidissimos. Cingitur
oppidum rupibus vndiquaq; & nemoribus va-
stissimis. Omnis generis artifices Iudæos hīc re-
perias: neque defunt qui primos huius incolās
ex Davide prognatos asserant: verū ubi eam
regionem Mahometes occupasset, etiam populi
fidem iisdem temporibus immutatam dicunt.
Multos hīc videre licet Iuris peritissimos, qui le-
gum ac decretorum summam ad vnguem tenēt:
memini enim me quendam apud illos proue-
ctissimæ ætatis hominem vidisse, qui magnum
eorum idiomate conscriptum volumen prom-
ptissimè recitabat, Elmudeuana vocabant, hoc
est, totius Iuris corpus. Diuiditur id volumen in
tres tomos, in quibus quæ difficiliores sunt quæ-
stiones explicātur: tum etiam cuiusdam autoris
(Melic appellant) in easdem consilia. Forū dicas
iudiciale, in quo quicquid inter ciues atque vici-
nas ciuitates dissidij exoriri potest, continuò de-
ciditur ac sedatur. Neq; solū ea attingunt, quæ
ad Remp. attinent, verū etiam quæ ad religio-
nem & fidem spectant: quanquam in crimina-
libus non admodum illis à populo fides habeat-
tur, neque etiam hac in re magni sit eorum eru-
ditio.

ditio. Cùm apud hos agerem, diuersabar apud quendam cauldicum, virum eruditissimum, qui vt suum hospitem lautius exciperet, multos secum ad cœnam suæ farinæ doctores conuocari iusserat. A cœna verò, multæ (vt fit) in medium allatæ sunt quæstiones: ac inter cæteras rogatum est, Num vendere quis eum posset, qui à quoquam populi cōmodo nutritur. Erat inter eos senex quidam barba vultuque verendus, cui omnes multum tribuebāt honoris, hunc eorum lingua Hegazzare vocitabant. Quod nomen vbi iam ter quatérve audiuissem, ex cōuiuis illius nominis veram etymologiam mihi dari cupio. Illi Lanionem significare affirmant: nam, inquiunt, quemadmodum lanio singularum partium anatomiam probè nouit, sic senex ille nodos omnes difficilesq; Iuris quæstiones optimè soluit explicatq;. Horum vita miseriis atque calamitatibus obuoluta, cibus illis panis hordeaceus, oleum arganicū & carnes caprinæ. Nullum nouerunt frumenti vsum: fœminas habēt forma præcellentes, coloris non aspernandi: viri validi atq; robustiores, pectus fere omnes pilosum habent, insignis liberalitatis, at zelotypiæ morbo addictissimi.

¶ *Culeibat Elmuridm, quod Latinis
rupem discipulorum sonat.*

EST arx in iugo excelsi cuiusdam montis exstructa, habetq; vtrinq; & alios eiusdem ferè altitudinis montes, qui rupibus ac vastissimis syluis cinguntur. Nullus ad arcem accessus, præter angustam quandam semitam ex altero montis latere. Ab altera parte rupes altera
verò

DESCRIPTIONIS AFRICÆ

verò Tesegdelti promōtorium ad sesquimiliare
 vicinum habet, distatq; ab Eitdeueto miliaribus
 fermè octo & decē. Nostris temporib. à quodam
 Apostata (Homar Seijef vocabant) exstructa est:
 qui primū populo à concionibus, nescio quid
 nouæ legis innumeris, quos in suam sententiam
 traxerat, discipulis pponere conatus est. Hic vbi
 se tantū apud suos profecisse vidisset, vt ab his
 pro semideo propemodum haberetur, ex cōcio-
 natore versus est in atrocissimum tyrannū, ste-
 titq; eius imperium annis duodecim. Hic qdem
 ruine totius eius puinciæ causam dedit. Tandem
 ab vxore interfectus, quod cum filia, quā ex alio
 marito susceperat, rem habere conuictus esset.
 Tum demum apud omnes illius detecta est per-
 uerfitas & nequitia: nullam enim nec legum, nec
 probitatis cognitionem habuisse perhibetur.
 Quare non multis ab huius obitu diebus, omnes
 regionis incolæ collecto vndique satellitio, cun-
 ctos ipsius discipulos, falsæq; fidei sectatores in-
 terfecerunt. Relictus tamen est Apostatæ nepos,
 qui postea in hac arce conspiratorū vim totum
 annum pertulit atque repulsi, adeo vt illis ab
 incepto desistendum fuerit. Idem & in hunc vsq;
 diem Heam & viciniore incolas perpetuo vexat
 bello, ex rapto furtoq; viuunt, quare & aliquot secū
 habet equites, qui viatores obseruēt, & infestent,
 quiq; nunc armenta, nunc homines captiuos ab-
 ducant. Nec illi sclopettarij desunt, qui viatores
 quamuis longinquos (distat enim ab eo loco via
 publica integro ferè miliari) non parum timoris
 incutiant. Verū tam acri eum persequuntur
omnes

omnes odio, vt ne latum quidem pedem extra montem seminare aut dominari possit. Hic aui sui corpus in eadem arce honorificè sepeliri curauit, eumq; ceu Diuum quendam à suis adorari patitur. Parū abfuit cū quodam die illuc præterirem, quin sclopi ictu interfectus fuero. Huius auunculi vitam, fidem, atque mores, ex quodam illius discipulo probe didici, ac in quodam de rebus Mahumeticis compendio copiosissimè depinxi.

¶ *Igilingigilum Hæa oppidum.*

EST præterea & oppidulum in mōte ante aliquot sæcula ab Africanis extructū, Igilingigil incolæ nominant : distat ab Eitdeueto Meridiem versus circiter sex miliaribus, familias habet ferè quadringentas. Multos hīc inuenias artifices, rebus tantū necessariis vacantes, vt sumptū sibi inde comparent. Horum ager hordeo fertilissimus, mellis atq; olei arganici magna apud hos copia. Angustissima ad hanc urbē ducit via, idq; ex vna tantummodo mōtis parte. Est porro adeò ardua atque difficilis, vt non nisi maximo labore illac ascendere equi possint. Incolæ omnes validissimi, armisq; exercitatissimi, perpetuum cum Arabibus bellum gerūt, verūm faustissimo vt plurimū Marte, idque propter locum natura situque munitissimum. Hac gente liberaliores inueniri vix vlli possent. Vasis fictilibus conficiendis pariter se omnes exercent, quæ nusquam finitimis in locis formari existimo.

¶ *Tefethne Hæa portus atque emporium nobilissimum.*

Ad-

DESCRIPTIONIS AFRICÆ

A Diacet mari Oceano vrbs, quæ & situ & opere munitissima est, Tefethne vulgò nominant: distat ab Igilingigilo miliaribus circiter quadraginta Occidentem versus. Hanc à quibusdam Africanis exstructâ volunt, atq; focos numerare sex centos aut eo amplius. Hic naues mediocres satis tutas habet stationes, solent autem illuc Lusitani cõfluere mercatores, qui ceram pellesque caprinas inde auhunt. Nihil illi agrorum præter quosdam hordeo feracissimos montes obtinent. Habet hoc oppidum vicinum quendam riuulum, in quem se naues aduersa tempestate tuto recipiunt. Huius murus ex candido elaboratoque lapide & lateribus constructus est, annumeratur & apud hos annuus census: verum quicquid redditus est aut emolumenti, id in solidum ciuibus ex æquo distribunt, nempe qui armis apti inueniuntur. Neque hic sacerdotes neq; iudices desiderabis, atqui ad illos nihil de homicidiis aut huiusmodi criminibus inquirere quicquam pertinet. Quod si interfecti aut vulnere affecti affinis quispiam illi occurrat qui vel interfecit vel vulnus intulit, illico ad talionis penam, nullis adhibitis iudicibus vocatur: quod si id nõ fiat, ab illorum consortio per septem continuos annos segregatur: quibus transactis, reus defuncti affinibus aureis exolutis, in gratiam recipitur & inter ciues annumeratur. Huius loci omnes incolæ candidissimi, amicitie atq; adeo humanitatis studiosissimi, plus exteris quam conciuibus fauent, Amplissimum atq; ditissimum habent xenodochium, tametsi qui

qui isthic agunt, vt plurimum in ciuium ædibus diuersentur. Viximus & nos apud eam gentem cum Seripho principe tribus diebus, qui quidem totidem mihi annis constare visi sunt, cum propter pulicum incredibilem multitudinem, tum propter vrinæ atque caprorum stercoreis fetorem nulli ferendum. Habet enim quilibet ferè ciuis copiosum caprarū gregem, quas interdum ad pascua adigunt, noctu aut per totam domum, imò & ad cubiculi ostium ferunt.

Ideuacal populus qui Atlantis montis priorem occupat partem.

E Numeratis hætenus omnibus Hææ ciuitatibus quæ memoratu dignæ videbatur, visum est & hoc loco montes omnes annectere, ne quid huic nostro labori deesse videatur, quod lectorem oblectare posset. Maxima igitur huius populi portio montes occupat, atque inter hos nonnulli Ideuacal (sic enim nominantur) eam Atlantis partem inhabitant, quæ ab Oceano Orientem versus ad Igilingigilum vsque extenditur, hæc Heam à Susa dirimit. Huius montis latitudo trium dierū itinere constat. Tefetne enim, inde hic mons in Septentrione initium habet, tantum à Messa (quod oppidum montem in Meridie terminat) distat, quantum ego equitando tribus potui conficere diebus.

Qui regionem hanc æquè atque ego nouerit, mihi facile testis erit, quàm nō sit incolis destituta, & quàm multa passim reperiantur rura. vescuntur carnibus caprinis, hordeo atq; melle.

Ne-

DESCRIPTIONIS AFRICÆ

Neq; subuculas gerunt, neq; alias vestes sutiles, eò quòd nemo inter eos sit, qui aut acum, aut eius aliquè nouerit vsum: quicquid verò vestium habent, id nodo quodam ex humeris dependet. Horum mulieres annulos argenteos auribus addunt, quædam tres, nonnullæ plures. Fibulas habent argenteas tantæ magnitudinis, vt vnciam vnâ quælibet pendeat, his vestes in humeris cōiungunt, ne decidant. Gestant & digitis atque tibiis annulos argenteos nobiles atque diuites, qui verò tenuioris sunt fortunæ, ferreos duntaxat aut ex aurichalco cōfectos. Habet & hæc regio equos aliquot, eosque tam pusillos tantæque velocitatis, vt nō immeritò quis eos miretur. Innumeros hîc reperias capreolos, lepores atque ceruos, nec tamen illorum quisquam est, qui venationi studeat. Innumeri hîc fontes, innumeræ vbiq; arbores, ac inter eas iuglandes numero excedunt. Maxima illorū pars Arabum viuît more locumq; subinde mutant. Pugionibus vtuntur latis & incuruis: enses vero crassitudinis falcium, quibus fœnum demetimus. Si quando illis est belligerandum. 3. aut. 4. gestant venabula. Nullus toto hoc monte, neq; iudex, neq; sacerdos: nullumque templum reperitur. Eruditio tam illis incognita, vt neminè habeant qui eam colat aut amplectatur. Omnes nequissimi, sceleratissimi, atque omnibus flagitiorū generibus deditissimi. Seripho me præsentē nunciatū est, hanc montis plagam viginti millia armatorum, si quando res postulat, annumerare posse.

¶ *Mons Demensera.*

EST

EST & hic mons Atlantis pars quædam à prædicto monte exordium sumens, distenditq; sese ad orientem Solem per miliaria plus minus quinquaginta, ad montem vsq; Nisifam, in Maroccenorum regione. Diuidit autem bonam Hæ partem ab ea regione quam antea nomine Sus appellauimus. Non procul hinc ad Susam itur. Incolis abundat, verum barbaris, moribusque planè beluinis. Equorum magna hîc est copia: frequens gerunt cum vicinis cæterisq; Arabibus bellum, e quibus neminem intra sui regni fines ingredi patiuntur. Nulla hîc neq; oppida, neq; arces: multos habent pagos & tuguria, quò se ditiores recipere solent. Nobilium magnus vbique numerus, quibus & reliqui optimè parent. Ager hordeo atq; milio fœcundissimus. Fontium magna hîc passim reperitur copia, qui per totâ eam prouinciam sparsi, in eum tandem fluuium prolabûtur, qui eorû lingua Siffaia nuncupatur. Vestitus, sic satis cultus: ferri item maxima copia, quod inde in cæteras exportatur nationes, estque gens ea ad rem plus satis attenta. Innumeri hîc reperiuntur Iudæi, qui sub Principe aliquo stipendia merent, suntque continuo in armis: hi à cæteris Iudæis Africanis hæretici reputantur, dictiq; sunt eorum lingua Carraim. Excelsas habent buxos atque lentilcos, præterea & iuglandes proceras. Nuces argano (sic fructum vocant) addere solent, atque ex hac commistione oleum plus satis amarum exprimunt, quod illi quibusdam eduliis, lychnoque pensili infundere solent. Ex multis huius regionis magnatibus in-

G

tellexi

DESCRIPTIONIS AFRICÆ

tellexi, posse apud hos aptissimorū militum reperiri ad viginti quinque millia. Mihi ē Susa redeunti, propter quasdam à Seripho principe traditas literas, maximos exhibuerūt honores: nec me (quò suum erga Seriphum animum declararent) nō nisi amplissimis donis atq; muneribus dimiserunt. Id accidit Anno. 920. qui à Christo nato fuit M. D. XI.

¶ *Mons ferreus, qui & Gebelehadih
vulgò appellatur.*

NON est hic mons Atlantis pars dicendus, initiū enim habet ex Septentrione ab Oceano: distendit sese Meridiem versus ad fluvium vique Tensitum: Heam autem à Duccala atq; Maroeco diuidit. Incolæ Regraga dicuntur. Vasta hīc vbique solitudo, fontes limpidissimi, mellis atque olei arganici vbertas magna, frumenti leguminumq; penuria, nisi id sibi ex Duccala adferri curarent. Rari hīc diuites, sed omnes religionis obseruatissimi, verāq; pietatis cultores studiosissimi. In huius montis iugo multos reperias heremitas, qui fructib. tantummodò quarundam arborum & aqua vescuntur. Est ea gens fidissima pacisq; amantissima. Si quis in furto, aut alio quouis maleficio deprehensus fuerit, per aliquot cōfestim annos in exilium mittitur. Mira inter eos simplicitas, adeò vt quicquid ab heremitis factitatū viderint, ceu miraculū quoddam admirentur. A vicinis Arabibus crebris infestantur incursionibus, quare gens pacis studiosissima, annum numerare censum, q̄ bellum gerere mauult. In hos Fessæ Rex Mahumetes castra mouit

mouit, adeò vt hi relicta patria ad montes fugere coacti sint. Monticolæ verò, Mahumetis adiuti copiis, Arabes fuderunt, adeò vt interfectoꝝ tria millia & octuaginta equi ad Mahumetē deducti sint. Monticolæ ex eo tempore propter bellum feliciter gestum, ab omni tributo liberi remansere. Hæc cum ita gererentur, regi stipendium merebam. Id autem Anno .921. hoc est à Christo nato, M. D. XII. Solent vbi bellum aliquod suscipiendum est, duodecim millium armatorum exercitum educere.

¶ *Susa.*

Nunc se mihi regio Susa offert Meridiem versus, vltra Atlantē regni Hæc è diuerso posita, hoc est in extrema totius Africæ parte. Ex Occidente initium habet à mari Mediterraneo, in Meridie deserto arenoso clauditur, ex Septentrione Atlante atque extremo Hæc opido terminatur. Occidens verò eam regionem magno illo fluuio, qui à regione nomen accepit, cōcludit atq; finit. Sumpto igitur ab Occidente exordio, eas omnes ciuitates, eaq; loca enumerabimus, quæ memoratu digna videbuntur.

¶ *Messa.*

Tria nō procul à mari Oceano ab antiquis Africanis condita sunt oppidula, ad mille passus ab inuicē distantia, eodem ipso loco quo Atlas initium habet: his omnibus idem nomen Messa indiderūt, estq; illis ex lapide candido murus. Fluit inter eas latus quidam fluuius, quē Sus illorum lingua appellauēre: hic æstate tam aquis destituitur, vt nullo periculo facile quis eū

DESCRIPTIONIS AFRICÆ

pedes permeare liceat, Verno tempore non item. Habent tum quidem nauiculas quasdam, verum non huic flumini aptas. Situs autem harum urbium locus est palmis fecundissimus, neq; alias ferè habent diuitias, quanquam dactyli illi non magni admodum sint valoris, non enim in annum vnum seruari possunt. Incolæ omnes agriculturam exercent, idq; mensibus præsertim Septembri atque Aprili: illis augetur fluuius. Maio verò mense fata maturitatem pertingunt. Quòd si duobus illis mensibus flumen solito more non excreuerit, actum est de satione illius anni. Pecudum his summa est penuria. Non procul à maris littore templum habent, cui religiosissimè fauèt. Ex quo eum Prophetam venturum scribunt historiographi, de quo vaticinatus est magnus ille Mahumetes. Neque defunt qui Vatem illum Iohannam à pisce in Messæ solum eiectum affirmant, cum ad Niniuitas prædicationis causa missus esset. Huius templi tigni ex balænarum costis sunt: nec rarò illis viu venit, vt mare balænas visendæ magnitudinis in littus mortuas eiiciat, quæ propter molem atq; miram deformitatem, terrorem aspicientib. incutiant. Vulgus omnes balænas morti addictas putat, quæ illud templum præternatât, idq; propter arcanam quandam vim huic templo à Deo cœlitus infusam: quæ res mihi aliquo modo persuasisset, & tû præsertim, cum quodam die illuc iter faciens, ipse maximam quandam in ripâ eiectam vidissem: nisi postea quidam mihi Iudeus non id mirum esse dixisset, cum vtrinque magni ad duo miliaria reperiantur scopuli, ac cômoto

moto mari solent se quoque balænæ cōmouere: quòd si illis fortè contingat, vt scopulo aliquo illidantur, facile ex vulnere intereant, adeo vt in proximum littus eiciantur. Hæc mihi ratio magis quàm vulgi opinio persuasit. Memini & me in his regionibus iis temporibus fuisse, quibus Seriphus rerum potitus est, atque à quodam nobili inuitatum, & in hortum deductum suburbanum: vbi balænæ costam quandam tam admirandæ magnitudinis ostendit, vt in arcum reflexa, portam referebat, cuius summitatem neq; ille neq; ego camelis insidentes vel capite contingere potuimus: hanc ille plusquam centum annis eo loco positam fuisse affirmabat, eamque ceu miraculum quoddam asseruari. Reperias in maris littorè magnā electri copiam, quod inde à quibusdam Lusitanis atq; Fessæ mercatoribus auchi solet, idque vel vilissimo precio: vix enim illi aureum vnum pro electri selectissimi vncia exsoluunt. Nonnulli electrum è balænæ stercore, alij verò è spermate deriuari volunt, quod tandem à mari induratum in proximum proijcitur solum.

Teijentum Susæ antiquum oppidum.

Teiuentum à priscis, vt illi dicunt, Africanis amœnissimo exstructum loco, in tres partitur partes, quarum vnaquæque per integrum ferè miliare ab alia distat, redduntq; inter se figuram triangularè: familias numerant quatuor millia, neque procul à Susa absunt flumine. Solum frumèto, hordeo, omnibusq; leguminib. feracissimū. Prouenit & apud hos saccarum satis

DESCRIPTIONIS AFRICÆ

copiosè: verùm quoniam illud neque coquere, neque parare nouerunt, nō aliter quàm nigrum atq; insipidum habent: quare mercatoribus Fessæ, Marocci, & Nigritis diuendunt, quicquid fac cari illis superesse potest. Daçtyloru item bona illis prouenit copia, neque aliqua illis in vsu est pecunia, præterquā aurum suo natiuo solo euulsum. Mulieres vnus aurei panniculum in capite gerunt. Nihil illis est argenti præterquam quod feminæ pro ornamento habent. Minima apud hos moneta ferrea est vnus ferè vncia. Nihil fructuum apud hos luxuriat, præter ficus, vuas, persica male, atque daçtulos. Non oliuas hīc inuenias, neque oleum, nisi ex quibusdam Marocci montib. sit aduectum. Olei cantarus Susæ quindecim venit aureis: Cantarus autem centum & quinquaginta libris Italicis æquiualeat. Horum aurei, quia nullam habēt monetam, eius semper sunt ponderis, vt septem cum parte tertia vnus aurei vnciam vnā pendant. Vncia illis eadem est, qualis est Italis: verùm libra octo & decem capit vncias, vocaturq; eorum lingua Rethl, centū verò Rethl Cantarum vnum efficiunt. In deueniendis huc atque illuc mercibus, illud ferè obseruāt, vt pro cameli sarcina, id est, pro. 700. libris Italicis, tres aureos adnumerēt, Verno præsertim tempore: nam Æstiuo nunc quinque, nunc sex aureos pro temporis exigentia persoluunt. Hīc egregium illud corium paratur, quod vulgò Maroccenum dicunt, horū duodecim sex coronatis diuenduntur, quū totidem coria, Fessæ octo veneant coronatis. Ea parte qua Atlantem spectat, multa

multa habet hæc regio rura, multos item vicos atq; pagos: sed ea quæ Meridiē respicit, omnino est incolis nuda, vicinis enim Arabibus subiacer. Huius vrbs medio egregium est visendæq; amplitudinis templum, quod illi maximum summumq; appellant, ac per illius medium iamdicti fluminis partem aliquam deducunt. Incolæ horridi, intestinis perpetuò bellis vexati, vix vllum vnquā viderunt pacis diem. Habet quælibet vrbs pars suum ducem atque rectorem, qui simul totius Reipub. curam gerunt: sed nunquam nisi tribus imperant mensibus, quibus transactis, succedunt & alij tres. Vestitu eos ferè referunt qui Heam incolunt: nisi quòd quidā inter eos vestes, subuculam, omniaq; corporis ornamenta ex tela candida conficiunt. Huius regionis canna (quæ vlnas duas facit) panni vilioris sesquiaureo venditur, tela quæ vel ex Lusitania, vel e Germania inferiori illuc deuehitur, mediocris gracilitatis, si vlnas cõtineat vigintiquatuor, quatuor ad minimum aureis vendi solet. Sunt & hîc iudices ac sacerdotes cõplures, sed religioni tantum curam gerunt: in rebus civilibus, qui plures habet amicos, huic maximè semper fauent. Si quando contingat, vt quis ab alio quopiâ interficiatur, mox interfecti cognati in eiusdem oēs mortem conspirant, qui amicum interfecit. Quòd si id perficere nequeât, reus toto septennio ciuitatis exul proclamatur, nisi malit inuitis omnibus, semperq; ad arma paratus, remanere. Qui ab exilio redeunt ante tempus sibi præfixum, talis indicitur poena, qualis pòst suo loco describetur. Post totum

DESCRIPTIONIS AFRICÆ

septennium ab exilio rediens, ciuitatis magnates atq; procures ad conuiuium vocat, ac sic pristine restituitur libertati. Multi hic habitant Iudæi, insignesq; artifices, qui neque censum annuum neque tributum aliquod exsoluere coguntur: nisi quod vrbs primoribus vel vltro munusculum aliquod offerant.

¶ *Tarodantum Susæ oppidum.*

Tarodantū oppidum satis amplum ab antiquis Africanis cōditum, domorū numerat circiter tria millia. Ab Atlante Meridiem versus distat miliarib. quatuor, à Teijeuto verò Orientem versus triginta quinque. Huic eadem est soli vbertas, ijdem prorsus mores, quales sunt qui Teijeutum incolunt, nisi quod hæc aliquantō minor, moribusq; vtcunq; ciuiliorib. prædita sit. Cū enim Marinorū familia Fessæ ageret, huius quoque pars quædam Susam inhabitabat, eratq; Susa tum temporis illius sedes, qui Regis vicem gerebat. Visitur & in hūc vsq; diem rupes quædam humi prostrata, quæ à iam dicto Rege exstructa fuit. Deficiente verò ea familia, incolæ ad pristinum rediere statum. Horum vestes partim tela, partim panno conficiuntur, habentq; omnis generis artifices quamplurimos. Omnium rerum potestas penes nobiles est, qui semper quaterni sex tantum mensibus imperāt. Pacis admodum amantissimi: nemini vnquam vicinorum nocuisse leguntur. Ab hoc oppido Atlantem versus multi sunt pagi, multaq; vbiq; rura: ea aut pars quæ Meridiem spectat, ager est Arabicus. Oppidani magnū quotannis censum

enu

enumerant, vt iter mercatoribus huc atque illuc proficiscentib. tutum atq; securū semper seruetur. Hoc oppidum nostris temporib. Arabibus bellum indixit : quod vt felicius illis gereretur, Seripho principi sese dediderunt, Anno. 920. hoc est Christi M. D. XI.

¶ *Guarguessem.*

GArguessem arx est in ipso Atlantis iugo loco munitissimo exstructa, eamque Oceani plagam respicit, quæ Susæ flumini initium præbet : agrum habet felicissimum atq; vberimum. Hunc Lusitani locum abhinc annis viginti occupauerunt, quæ res ilico Heæ atque Susæ incolæ ad arma vocauit, vt arcem vi captâ, vî quoque reciperent. Innumero igitur exercitu tam exterorum q̃ incolarum collecto, ducem sibi elegerunt Seriphum quendam, hominem ex Mahumetis familia oriundum: ac arcem obsidione circundederunt. Verum res infausto Marte tentata est, nam qui obsidium tenuerant, vbi viderēt se nihil proficere, multa suorū strage, relicta arce in patriam redierunt. Nisi quod nonnulli apud Seriphum remanserunt, eo animo vt bellum in Christianos ad extremum vsque vitæ diem continuarent. Qui Susæ habitabant, cum non essent vsque adeo bellandi auidi, Seripho pecunias enumerarunt quibus quingentos aleret equites. Qui postquam innumeros sibi nummis adiunxisset milites, omnibusque illius regionis incolis innotuisset, ipse sibi id ditionis vsurpauit. Illud mihi certissimum constat, Seriphum eo tempore quom̃c ab illius aula subduxi, equites habuisse plus
3000.

DESCRIPTIONIS AFRICÆ

3000. Peditum verò atque pecuniarum tantam vim, vt non facile quis enumerare queat.

¶ *Tedsi Susæ oppidum.*

TEdsi magnū admodum est oppidum ab Africanis ante aliquot sæcula loco amœnissimo atque fertilissimo exstructum, familias habet aliquantò plures q̄ quatuor millia: distat à Tarodanto Orientem versus, miliaribus triginta, à mari Oceano sexaginta, ab Atlâte verò viginti. Magna hîc prouenit frugum, saccari, atq; glasti syluestris copia. Multos in hac vrbe reperias mercatores, qui huc è Nigritarū regione ad mercatum veniunt. Ciues omnes pacis atq; ciuitatis omnis amâtissimi: egregia apud hos Resp. totius ciuitatis moderatio semper penes sex est, qui ad id muneris sorte creantur: illorum autem regimen sedecim tantū est mensium. Susa fluius tribus hinc abest passuum millib. Multi hîc habitāt Iudæi aurifabri, fabri, & id genus artifices peritissimi. Templum habent egregium, sacerdotes legisque doctores quamplurimos, qui publico aluntur stipēdio. Singulis quibusq; diebus Lunæ, solent huc ad mercatum innumeri confluere Arabes, rustici atq; monticolę. Anno. 920. se vltro in Seriphi deditionem coniecerūt: estq; huc totius regionis collatū publicum cōcilium.

¶ *Taganostum.*

NVllam habet Susa urbem quæ cum ea pugnare possit, quam Taganostum vulgari nomine appellare solet: domos em̄ numerat plusquam octies mille: huius murus ex crudo lapide: ab Oceano miliaribus plus minus sexa-

sexaginta, ab Atlante verò Meridiem versus circiter quinquaginta distat: vrbis autē conditores Afros fuisse volunt. Hinc ad miliaria ferè decem illis est fluuius Susa: ingens hīc artificum atque officinarum multitudo: populus in tres diuīsus est partes. Bellum illis perpetuò intestinum geritur, habetque semper pars altera Arabes secum, qui pro stipendij præstantia nunc huic nunc illi fauent parti. Magna hīc frugum pecudumq; copia, magna item lanæ vilitas. Conficiuntur apud hos vestium quædam genera, quæ postea Tombutum atq; Gualatā apud Nigritas deferri consueuerunt, idq; semel in anno. Mercatus illis bis qualibet celebratur septimana: vestitu vtuntur sic satis culto atque honesto: horum mulieres forma præcellentes: virorū bona pars subfusca, ex nigro nempe atq; candida prognata. Summa illic rerum potestas penes eos est, qui & ditissimi & potentissimi habentur. Nos quoque per tredecim apud hos cum Seriphi cancellario primario egimus dies, qui in hoc venerat, vt suo principi aliquot seruos emeret: id autem anno .919. hoc est, a nato Christo M. D. X.

¶ *Hanchisā mons.*

SVmit hic mons suum ab Atlante ex Occidente initium, extenditque sese Orientem versus ad miliaria ferè quadraginta. Ad huius radices, sita est Messa cum reliqua totius Susæ parte. Huius incolæ pedites valentissimi, adeò vt vnus nō dubitet duobus sese opponere equitibus. Nihil frumenti hīc neq; frugum nascitur præter hordeum, mellis quoque maxima illis est afflu-

DESCRIPTIONIS AFRICÆ

affluentia. Nullum ferè datur tempus, quo non multa niue vexentur: verùm quàm sint frigoris patientissimi, ex eo facile quis colligere poterit, quòd quatuor anni temporibus vnici tantùm vestibus vti consueuerunt. Hos sæpè conatus est Seriphus princeps in suam redigere ditione, sed rem illi nondum feliciter cessisse intelleximus.

¶ *Mons Ilalemus.*

H Abet hic mōs ex Occidente suum à iam dicto monte exordium, ex Oriente Guzula regione terminatur, atq; ex Meridie ipsa Susæ planicie clauditur. Incolæ validi atque nobiles, magnam habent equorum copiam. Perpetuum illi inter se propter quasdā in hoc mōte fodinas, bellum gerunt: qui superiores euadunt, argenti quantum possunt effodiunt, ac inter se diuidunt, donec ab aliis rursus illis adimatur effodiendi potestas.

¶ *Marocci regionis situs atque habitus.*

H Abet hæc regio suum Occidentē versus à monte Nisifa principiū, tendit in Orientem ad montem vsque Hadimeum, diducitur ad Septentrionem in eum vsque locum, vbi Tensiftum & Asifinual, notissimi fluij coniunguntur, hoc est, vbi ad Orientale latus Hea inchoat. Figuræ propemodum triangularis hæc regio est, omnino amœnissima, multiugis armētorum, pecudum, atq; ferarum generibus abundans: vbiq; herbida, rerum omnium quæ ad vitum conueniunt, quæ naribus adblandiuntur, quæ oculos pascunt, feracissima. Perpetua penè planicies, Longobardię nō admodum dissimilis.

Mon-

Montes si quos habet, frigidissimi atque sterilissimi sunt, adeò vt nihil aliud quàm hordeum producant. Sumpto igitur à parte Occidentali initio, reliqua omnia, eo vt hactenus cœpinus ordine, peritringemus.

¶ *Elgibumuha Marocci oppidum.*

EST in planicie ea quæ ab Atlante miliaribus fere septem distat, nec procul à flumine Sesseua oppidulum quoddam, Elgibumuha appellant incolæ, ab Africanis vt illi arbitrantur constructû. Postea in quorundam Arabum redactum ditionē est, iis ipsis temporib. quibus ea familia quæ Muachidin dicta est, à regno deficere cœpit. Nunc perexigua raraq; huius oppiduli tantùm vestigia cernere licet. Qui nunc eo loco habitant Arabes, tantum duntaxat seminis terræ ingerût, quantum vitæ necessitati satis esse putant, reliquum agrorum incultum atque ociosum relinquentes. Eo autem tempore quo adhuc incolumis illorum stabat Respub. annuus inde prouentus aureorû centum milliû ad principem redibat: familias supputabant sex millia, aut eo plus. Ego cum illac iter facerem, humanissime à quodam Arabe exceptus, huius populi liberalitatem maxime persensî: nisi quòd perfidos, proditoresque scelestissimos à quibusdam eos esse intelleximus.

¶ *Imegiagen.*

IMegiagen propugnaculû est in vertice quodam Atlantis extructum, loci natura adeò munitum, vt nullum prorsus murum nec habeat, nec adeò indigere videatur. Dissidet ab Elgihu-

DESCRIPTIONIS AFRICÆ

gihumuha Meridiem versus miliaribus ni fallor, viginti quinque. Imperium quondam penes illius regionis nobiles fuit, atq; postea à quodam Homar Essuef Apostata occupatū est, vti postea dicemus: hic maximam eo loco exercuit tyrannidem, ita vt neq; pueri, neq; mulieres quamuis grauidæ, huius effugere crudelitatem potuerint, quin aperto matris vtero, infantulos nondū natos (horribile dictu) interficere iusserit. id factū est anno .900. remansitque locus ille habitatoribus vacuus. Anno .920. incēpit aliqua huius regionis pars novos recipere incolas: sed potest nunc montis tantummodo dorsum alterum excoli, planicies enim huic loco subiecta, tam non est tuta, vt nec illac quisquam iter facere audeat, cūm propter Arabes tum propter Lusitanos eam regionem quotidianis incurfionib. diuexantes.

¶ *Tenessa.*

EST & Atlantis mons quidam Ghedmina dictus, in hoc situm est ab antiquis (vt volunt) Africanis exstructū oppidum, quod Tenessa appellauere, fortissimum atq; munitissimum, à flumine Asifinual Orientem versus circiter octo distidet miliaribus. Huic subiacet egregia quædā planicies, quæ nisi à perditissimis quibusdam impediretur Arabibus, nullum haberet solum, quod cum hoc frugū vbertate certare posset. Et quoniam huius vrbs coloni insigni hoc priuantur bono, eam duntaxat terram exercent, quæ in montis dorso, quæq; inter ipsum flumen atq; ciuitatem est. Neq; id gratis illis concessum est, tertiam enim frugum portionem Arabibus

vectigalis loco quotannis pendunt.

¶ *Delgumuba noua.*

MAximum munitissimumque in vertice excelsi cuiusdam montis exstructū est nostro æuo propugnaculum, frequentibus vndiq; cinctum montibus, Delgumubam nouā incolę vocant: ad huius mōtis radices principium sumit Asifinual, quod Africę Rumoris fluius interpretatur, quod nimirum per montem maximo strepitu perrumpens, gurgitē reddat profundissimum, illi persimilem, quem Romani infernum Tyburtinū appellauere. Habet hic locus familias ferē mille. Aliquandiu sub quodam tyranno egit, qui ex familia Marocci Regis huc venerat. Numerosum hīc reperias equitatum atq; peditatum, colligunt singulis annis à confinib. Atlantis partibus vectigal ad minimum decem millium aureorū. Arētissima illis cum Arabibus semper fuit familiaritas, mutuis illi inter se donis inuicem salutare ac resalutare consueuerunt: quo nomine etiam Marocci principes maximē sibi infensos non semel reddiderunt. Ciuitatis apud hos summum semper fuit studium, vestitus nitidus atque decorus, nullus in tota vrbe est angulus, qui non frequentissima sit hominum turba oppletus: artificum hīc nullum genus desideres, cum à Marocco quinquaginta tantū miliaribus distet. Spaciosi in hoc monte reperiuntur horti, vnde & magna ad illos fructuum copia quotannis redire solet. Hordeum, linum, atq; cannabim cōferunt, estq; apud hos infinitus propemodum caprarum numerus.

Et

DESCRIPTIONIS AFRICÆ

Et sacerdotes habent & iudices complures, cæterum quòd ad ingeniũ attinet, rudes sunt, agrestes atque zelotypiæ addictissimi. In hac vrbe apud quendam mihi affinem per aliquot dies cõmoratus sum, qui dum adhuc Fessæ habitaret, immodico alchimisticę studio exhaustus, coact⁹ fuit in hunc locum migrare, vbi successu temporis loci primario à secretis factus est.

¶ *Imizmizi.*

EST & in quadam Atlantis parte ciuitas sic satis ampla, quam Imizmizi dixerunt. Occidentē versus à iamdicta miliarib. circiter quatuordecim distat: huius conditores feruntur Arabes fuisse. Huic subiacet via illa publica quæ in transuersum Atlantis ad Gufulano-
rum regionem ducit, appellaturq; vulgò Burris, hoc est via plumis strata: eò quòd frequētes illic admodum cadāt niues, quas plumas quis potius quàm niuem iudicaret. Subiecta est & huic oppido egregia amplaq; planicies, quæ per triginta continua miliaria ad Marocci vsque regnum extenditur. Solum felicissimum tam insigni producit frumentum, vt non putem me vnquā tale vidisse. Nisi quòd Arabes & Marocci milites multis eos agros semper vexent incommodis, ita vt potior pars incolis nuda sit, quin & quāplurimos ciues ciuitatem deferere audiui: satius esse existimantes migrare, quàm tot indies incommodis diuexari. Exigua his pecuniæ summa, verum id maxima cū agrorum tum frugum abundantia pensatur. Ego cū ad hos venissem, ad quendam heremitam me cõtuli, quem illi Sidicanon appellabant:

labant, non facile dixerim, quàm me vir ille illustris magniq; nominis, humanè exceperit.

¶ *Tumeglastum.*

TRia sunt in planicie oppidula hoc nomine appellata, à Marocco triginta distantia miliaribus, ab Atlante verò Septentrionè versus quatuordecim, palmis, vineis, omnisque generis fructiferis arboribus circuncincta. Campos habet spaciosos atq; sationi aptissimos, nisi multa Arabum indies vastarentur iniuria. Incolarum tanta hic est paucitas, vt non putem vltra quindecim familias in iis reperiri posse, quæ omnes iam dicto heremite affinitate cõiunctæ sunt: quæ res facit vt aliquam illius planicie partem exercere detur, nullo interim numerato Arabibus tributo. Nisi quòd Arabes illac aliquò iter facientes, hospitio excipere tenentur. Calulas illas humiles minimeque commodas, porcilia potius dicas, quàm hominum receptacula: hinc fit quòd pulcibus, cimicibus, aliisque id genus insectis perpetuò vexentur. Horum aqua mirè falsa. Nos hanc quoq; visimus cum Sidi Iehie amico nõ vulgari prouinciam, qui huc venerat, quò regis Portugalliæ nomine tributa illius regionis reciperet, hic totius tractus qui Azafi apud illos appellatur præfectus constitutus fuit.

¶ *Tefrastum oppidulum.*

SItum est in ripa fluminis Asifelinel. à Marocco Occidentè versus quatuordecim distat miliaribus, ab Atlante verò circiter viginti. Multos passim habent hortos dactyliferos frugibusque maximè commodos, maxima inco-

H larum

DESCRIPTIONIS AFRICÆ

larum pars studio hortensi sibi victum parat. Id interim interdum illis euenit, vt flumen in eum excreseat modum, quòd hortos omnes frugesq; submergat. Accedit & horum calamitati, quòd Arabes æstiuis quibusq; temporibus totam eam regionem occupent, omniaq; vorent, quæ miseri sibi coloni maximo studio atq; labore collegere. Tantum ego temporis apud hos cõmoratus sum, quantum equo sumendi pabuli sufficere poterat; parũ tamen abfuit quin ab Arabibus quibusdam prædonib. & vita & bonis omnib. exutus fuero.

¶ *Magna illius insignisq; vrbs, quam Maroccum vocant, exactissima descriptio.*

INTER maximas totius mundi vrbes, ea adnumerari solet, quæ in Africa nõ obscuro nomine Maroccum appellari consuevit. In spaciõssimo est exstructa campo, ab Atlante miliaribus circiter quatuordecim distat. Conditorem ferunt quendam Iosephum, qui patrem habuit Tefsinum, populi Lontunenlis regẽ, iisq; ipsis temporibus conditam, quibus ille suas in hanc regionem copias adduxit, sedemq; fixit nõ procul à via illa publica, quæ ab Agmeto ultra Atlantem ad ea deserta ducit, quæ à iamdicto populo occupari consueuerũt. Miram hĩc reperiās architecturam: tanta omnia arte ingeniq; dexterritate sunt exstructa, vt nõ facile quis depingere posset. Amplissimum hoc atq; inauditæ magnitudinis oppidum, eo tempore quo adhuc principem habuit Hali Iosephi regis filium, domos numerabat plusquã centies mille. Portas in am-
bitu

bitu. 24. habebat: murus maximæ crassitudinis ex candido lapide atq; calce viua exstructus est. Distat ab hac vrbe Tensistum flumen sex ferè passuum millibus. Non hic templorum, nò collegiorum, hypocauistorum, neque hospitiorum copiam desiderabis: omniaque secundum illius regionis normam atq; consuetudinem. Quædam templa à Lontunorū rege, quædam item ab huius successore Elmuachidino exstructa sunt: sed nullo artificiosius neque magnificentius, q̃ quod medio vrbis, ab Hali Iosephi illius filio, primo Marocci rege, ædificatum est, vulgò templum Hali-ben Iosephi nominant. In huius tamen locum successit quidam Abdul Mumen, q̃ vt prius illud nomen deleret, suumque apud posteros notum redderet, maximū hoc totius Marocci templum extinguere, atque aliquantò quàm antea magnificentius reformare curauit. verū non oleum modò, sed sumptum omnem atq; operam perdidit: vulgus enim & in hunc vsque diem templum antiquo illo nomine appellant. Est & in hac ciuitate non procul à rupe templū ab eodem exstructum, qui secundus id sibi regnum vi occupauit: ac post huius mortem illius nepos Mansor, templum hoc quinquaginta cubitorum amplitudine ex qualibet parte auctū reliquit, multisq; columnis, quas ex Hispania huc conuehere iussit, opulentiùs reddidit. Cisternā sub hoc templo eius magnitudinis confecit, cuius totum est templum: tectū templo addidit plumbeum: singulis angulis canales dedit, qui pluuialem aquā in cisternam subiectā mittant. Turris ex lapide

DESCRIPTIONIS AFRICÆ

durissimo atque elaborato, quale Romanū illud est Vespasiani amphiteatrum, vlnas in ambitu plus centum continet, altitudine turrim ipsam Bononiensem superat. Gradus quibus ad hanc turrim ascenditur, habēt singuli nouem palmos latitudinis: exterius verò muri latus decem, turris autē crassitudo quinque. Septem habet hęc turris mansiones, ad quas gradibus viaq; satis lucida ascenditur: innumeræ enim ferè sunt fenestrx, quæ quò plus luminis adferant, interius latiores sunt quàm exterius. Huic turri superstruxta est & alia turricula, quæ in acus modum asurgit, capitq; in ambitu. 25. vlnas, altitudine verò paulò plus q̃ duas hastas superans, tres alteram alterę superpositas habet mansiones, fitq; ab vna ad aliam lignea quadam scala ascensus. Habet & hęc turricula in summa parte ferrum quoddam luna ornatū aurea, tres item sphæras aureas, quæ ferro sic sunt insertæ, vt maxima inferiorem, minima superiorem locū occupet. Si quis à summo turris loco oculos in terram defigat, non potest quin multa laboret vertigine, adeò vt illi homines, quamuis procerioris stature, non aliter ac pueri appareant vnus tantum anni. Hinc commodissimè Azafi promontoriū, quod tamē indecentum & triginta distat miliarib. videri potest. Quòd si montes vel procul distantes propter magnitudinē facile perspici posse dicas, iam & illud addam, quòd inde etiam ad quinquaginta miliaria in planicie facillimè sereno cœlo videatur. Interior huius templi pars nō vsque adeo ornata est. Tectum habet summa elegancia laqueatum, alle

afferibus affabrè admodum cōpositis, ita vt ple-
raque Italiae templa non elegantiora vidisse me-
minerim. Sed quāuis maius vix reperiatur tem-
plum, etiam si vniuersum orbem pererraueris,
locus tamen ferè omnino desertus est, nunquam
enim præterq̃ diebus Veneris huc populus con-
fluere consuevit. Quin & bona vr̃bis pars habi-
tationibus est destituta, idque vel maximè circa
iam dictum templum, adeò vt maximo labore
illud adire liceat, propter ruinam multarum do-
morum accessum impredientem. Sub huius tem-
pli porticu centum ferè librorum officinas, to-
tidemque è regione quondam fuisse dicunt: ve-
rùm non puto vel vnum modò reperiri posse in
tota hac vr̃be bibliopolam. Vix tertia oppidi
portio incolas habet. Hic intra muros vineæ,
palmi, horti spaciosi, agrique frumentis fœcun-
dissimi: nam extra muros terram exercere, fre-
quens Arabum illos vetat incurfio. Hoc vnum
certissimum habetote, hanc vr̃bem intempestiue
sibi senium cōtraxisse: vix enim quingenti & sex
sunt anni, quòd illa primū ædificari cœpit, quan-
doquidem temporibus Iosephi, qui Tefsin filius
fuit, anno .424. Hegire, prima illius sunt iacta
fundamenta. Verùm ego non aliam ob causam
id euenisse existimo, quàm belli quotidie ingru-
entis iniuria, ac frequētes Magistratus atq; Reip.
mutationes. Iosepho patri successit filius Hali,
post quem illius filius princeps creatus, Reipub.
præfuit. Huius tempore exorta est cuiusdam cō-
cionatoris Elmaheli, hominis in hoc monte &
nati & educati, factio: hic multa vndiq; collecta

DESCRIPTIONIS AFRICÆ

militum copia, bellum in suum principē Abrahāmū mouit. Rex verò educto in hunc exercitu, infelici pugnavit Marte: interruptū illi fuit iter quo ad urbem rediret, quare Orientem versus cū aliquot militibus, qui à pugna adhuc supererāt, ad Atlantem vsq; confugiendum fuit. Elmaheli verò, cui suum principem regno expulsum necdum sufficere poterat, cuidam è suis (Abdul Mumen vocabant) cum sui exercitus parte dimidia negotium iniungit, vt regem profugum quantū posset, insequeretur: ac quod reliquum fuit militum Elmaheli remansit, quo Marocum obsidione cingeret. Rex verò cum iis qui illum comitabantur tandem Oraniam peruenit, sperās fore vt ibi nouas sibi reciperet copias. Sed subito accedente Abdul Mumen cum ingenti exercitu, ciues regi denūciant, se nihil periculi illius causa subire velle. Quare miser ille rex omnino sibi desperās, noctu equo insedit, sumpta secum quam habebat vxore, atque in equo sibi à tergo locata, urbem reliquit. Ast vbi se ab hoste notum animaduertit, mox ad rupem quandam, quæ Oceanum respiciebat, confugit: hic equo eum in modum calcar addit, vt se cū coniuge charissima, cumq; equo præcipitē dederit: ac paulò post inter rupes atq; saxa interfectus, ab incolis vicinis repertus sit. Abdul Mumen victoria exultans, Marocum repetit, vbi iam dictus ille Elmaheli vitā finierat, in cuius locum rex electus est atq; pontifex quadraginta discipulorū, habuitq; decem viros sibi à secretis, quod nouum quiddam fuit in lege Mahumetis. Hic igitur postquam totum

annum

annum id oppidum obsidione vexasset, superavit tandem: ac Isaac qui Abrahami relictus erat filius vnicus, propria manu interfecto, oēs quoq; qui id loci seruarant milites, nec non & bonam ciuium partem interficere iussit. Regnavit huius posteritas ab Anno quingentesimo decimosexto Hegiræ, vsque ad annum sexcentesium sexagesimum octauum, fuitq; tandem regno pulsus à quodam Marinorum rege. Nunc varias mihi hîc fortunæ vices atque mutationes quæso animaduerte. Marini huic regno post huius mortē præfuerunt ad annum vsq; Hegiræ. 785. Tandem indies decrescēte magis ac magis Marocci imperio, reges habuit qui huc ex monte proximo venerant. Verū nullo habuit Maroccum duces, à quibus tanta fuerit cōtumelia affectum, quàm à Marinorū familia. Hæc Fessæ suam habuit curiam præcipuā, Marocci verò quendam qui imperatoris vicē suppleret: adeo vt Fessæ perpetuò totius Mauritaniæ atque totius Orientalis regni caput fuerit: vti copiosius à nobis, Deo fauente, eo cōpendio dicetur, quo Mahumeticas leges describemus. Sed plus satis hæcenus à nobis cessatū est, nunc ad id quod cœptum erat redeamus. Est in hac vrbe arx quædam munitissima, quæ si amplitudinem, si muros, si turres, si denique portas ex Tyburtino marmore exstructas videris, oppidum iure censeas. Templum habet altissima turri ornatissimum, in cuius fastigio luna, atque sub hac tres inæqualis magnitudinis sphaeras aureas, quæ omnes. 130. mille aureos pendent. Non defuerunt reges huic ciuitati, qui precio auri al-

DESCRIPTIONIS AFRICÆ

lecti, sphæras loco amouere conati sint: sed mirū illis semper obtigit infortunium, quod conatum impediuit: adeo vt omen maxime sinistrū vulgō opinentur, si quis eas manu cōrectare studuerit. Quidam tali planetarū influentia ibi positas affirmant, vt nullo artificio inde distrahi queant. Alij dæmonem quendam arte magica ad id coactum asserunt, vt contra omnes omnium impetus sphæras loco seruet. Nostro hoc æuo factum est, quod Marocci princeps vulgi opinionem negligens, sphæras auferre voluit, quō se contra Lulitanorum vim, qui tum in illum arma parabāt, tutum redderet: verū non id permisērūt ipsius aulæ purpurati, totius Marocci præcipua monumenta existimātes. Memini me apud quendam historiographum legisse, Mansoris vxorem condito à marito templo, quo & suum nomē apud posteros notissimum redderet, sphæras illas ex mūdo muliebri, quem à marito sumptuosissimū acceperat conflatas, dedisse. Habet & hæc arx nobilissimum quoddam collegium, cui triginta insunt aulæ. Huius medio visendæ amplitudinis quædam est, in qua publicè maximoq; apparatu prælegere solebant, dum adhuc apud illos literaria floreret Respub. Qui in hoc collegio recipiebantur, his victus dabatur atq; vestitus. Professorum alius centum, alius ducentos quotannis pro lectionis qualitate aureos accipiebat: neque quenquam prælectioni admittebant, qui nō exactissimè calleret, quæ ad eam artem quam profitebatur, pertinere putabāt. Locus ornatissimus, parietes habet opere vermiculato elegantissimos,

eacq;

eaq; præsertim aula, in qua publicè semper prælegere solent. Omnes porticus, omnesque adeò conuexitates ex lapide depicto vitreoque compositi sunt, apud illos Ezzulleia dici solet, cuiusmodi adhuc apud Hispanos in vsu est. Huius structuræ medio egregius limpidusq; admodum est fons, cuius murus ex marmore candido atq; elaborato, quamuis humilis, quales ferè sunt qui in Africa inueniuntur. Audiui frequentem quondam hîc fuisse discipulorum numerum, verùm meo tempore non plures quinque inueni: prælectorem nunc habent stupidissimum, atque ab omni humanitate alienissimum.

Ego cùm Marocci agerè, magna mihi erat cum quodam Iudæo, homine ditissimo atq; historiographo peritissimo, licet iurisperito frigidissimo, familiaritas atque notitia. Hic propter egregia quædam in suum principè collata officia, sensit in se quoque regis liberalitatem atq; munificentiam. Reliqui omnes, qui publico hic funguntur munere, ingenio quantū conijcere possum, infeliciori sunt atque obtuso. Habet præterea & ea arx vndecim, ni fallor, aut duodecim atria, maxima industria summaq; artis acuitate à quodam Mansore ædificata. Primum quosdam Christianos balistarios, numero ferè quingētos habebat, qui semper Regem quocunq; iret præcedebant. Huic illud proximum est, in quo se totidem sagittarij regij continere solent. Non procul hinc Cancellarij ædes sunt, illorumque qui principi sunt a secretis, quæ domus apud illos negotiorū locus appellari consuevit. Tertium victoriæ atrium

DESCRIPTIONIS AFRICÆ

trium nuncupatur: in hoc totius vr̄bis arma atq; munimenta recondi solent. Quartum is occupabat, qui equorum omnium curam gerebat. huic contigua tria sunt equorum stabula, quorum vnumquodque ducentis sufficere poterat equis. Sunt & præterea equilia duo, quorum hoc mulos, illud vero regios duntaxat centum ad minimum caperet equos. Stabulis adiuncta erant horrea duo, duobus à se inuicem distinctis locis. in inferiori stramen, in superiori hordeum reponebatur. Est præterea & alius recondendis frumētis locus spaciosissimus, adeò vt illorum quilibet modia trecenta capiat, aut eo plus. Huius tectum foramen habet, ad quod certis quibusdā ascenditur gradibus lapideis. Vbi iam iumenta frumentis onerata ad dictum peruenerunt foramen, diuensum illud per id foramen iniiciunt. Quòd si rursus ab eo loco quid auferre velint, nihil aliud quàm inferiora quædam aperiunt foramina, per quæ quantum satis est frumenti, effluere sinunt, idq; nullo prorsus negotio aut labore. Est præterea & alia quædā aula, in qua regis filio cæterisque omnibus purpuratis prælegitū est. Reperias deinde egregium quoddam cōclauē quadrangulare, quibusdā circa ambulacris vitreis circumductū fenestris, in quibus variae summo artificio sunt historiæ depictæ: armaria hīc visuntur multo auro micantia. Post hoc atrium est stipatorū quorundam, deinde & illud in quo de regni negociis, deq; Reipub. statu agebatur: cui adiunctum est & aliud, in quo legati consilium conferebant cū iis qui principi erant
à se

à secretis. Habent & regis amicæ, cæteræq; principes fœminæ, suum quoque locum non aspernandum : huic contiguæ sunt & ædes, in quas regis filij sese recipere solent. Ea autē arcis parte quæ campos respicit, non procul à muro, spaciosissimum reperias hortum, in quo vllum vix arboris genus desiderare posses. Est præterea & porticus sumptuosa atque superba, ex marmore plusquam Tyburtino atque quadrato exstructa: cuius medio columna est quæ leonem marmoreum summo artificio exsculptum habet, è cuius ore aqua fluit limpidissima, quam ipsa porticus quodam receptaculo excipit : habet & quilibet huius porticus angulus ex marmore candido cõfectum leopardum, maculis à natura distinctum rotundis: huius marmoris genus nusquã præter in quodã Atlantis loco reperiri potest, qui à Marocco miliaribus circiter centũ & quinquaginta situs est. Non procul ab horto sylua est, muris vndiquaque circumsepta : in hac nullum animalium aut ferarum genus deesse puto : hic enim elephâtes, leones, ceruos, capreolos, atq; id genus alia reperias: leones autem interstitio quodam à cæteris feris sunt discreti, vocaturq; is locus & in hunc vsq; diem, leonum mansiones. Quæ igitur Marocco relicta sunt antiquitatis monumenta, etsi numero exigua sint, fidẽ tamen facient, qualis ea Mansoris tempore ciuitas fuerit. Omnia hoc sæculo vacua sunt atria illa, iam antea à nobis depicta : nisi quod fortasse principis muliones, quiq; equorum curam gerunt, atrium illud occupent, quod iamiam balistarios atque sagitta-

DESCRIPTIONIS AFRICÆ

rios habuisse diximus: reliqua omnia auib; tan-
 tummodo relicta sunt. Hortus ille, quem antea
 paradifum dixiffes, nunc locus est in quo totius
 vrbis sordes colliguntur. Vbi quondam copiofa
 illa fuit bibliotheca, nunc tantum gallinæ, co-
 lumbæ, cæteræque id genus aues habitant, ibiq;
 nidos conftituunt. Certum est, illum de quo iam
 fæpè locuti fumus Mansorem, fuiffe potentiffi-
 mum principem: nam conftat eum à Meffa vſq;
 ad Tripolitanum Barbariæ regnū imperaſſe, quæ
 nobiliſſima & præſtantiſſima eſt totius Africæ
 regio, adeo lata atque ampla, vt quis huius longi-
 tudinem nonaginta vix diebus itinere conficere
 poſſit: latitudo autem itineris quindecim admi-
 nimum eſt dierum. Imperauit olim ille Manſor
 huic Hiſpaniæ regioni quæ Granata dicitur. itē
 habuit quæ à Tariffa ad Arragoniam extendun-
 tur, cū bona Caſtellæ atq; Portugalliæ portione.
 Neque ſolū hic, ſed & ipſius auus Abdul Mu-
 men, pater Joſephus, hic Iacobus q Manſor fuit,
 tum & huius filius Mahumetes Enaſir, qui victus
 in ea regione quā Venalza appellant, milites ami-
 ſit tam equites quā pedites ad ſexaginta millia
 hominum: ipſe tamen ſaluus euafit, ac Maroccū
 reuerſus eſt. Chriſtiani hac victoria ſuperbi, non
 prius à bello deſtiterunt, q̄ triginta annorum ſpa-
 cio hæc omnia oppida ſuis regnis adiecerint, Va-
 lentiā, Deniam, Alicantū, Murciam, Carthagenā,
 Cordubā, Hiſpalim, Iāen, & Vbedā. Infaſtū hoc
 illis geſtum bellum, mox ſubſecuta eſt Marocci
 regni ruina. Reliquit Mahumetes ab obitu decē
 iam puectæ ætatis filios, inter quos variè de regni
im

imperio certatum. Hinc factum est, dum nihil inter fratres conuenire potuit, dumq; illi se mutuis infestarent bellis, cœpit Marinorū populus Fessæ, cæterarumq; regionum adiacentium sibi id imperium vsurpare. Populus qui illis Habdul uad appellatur rerum Telenfinarum potitus est, Tuneti verò principe ab hoc populo expulso, illi pro arbitrio alium instituerunt. Habes iam illorum exitum, qui Mansori relictī sunt successores. Deuolutum igitur est regnum ad quendam Iacobum Habdulach filium, qui primus fuit Marinorum rex. Tandem autē insigne illud oppidum ad summam deuenit calamitatem, perpetuis Arabum iniuriis obnoxiiū: tanta est rerum omnium vicissitudo. Quæ hic de Marocco scripsimus, partim vidimus ipsi, partim cū ex historia cuiusdam Ibnu Abdul Malich, rerū Maroccenarum historiographi accuratissimi, tum ex eo quod de rebus Mahumeticis compendio conscripsimus, desumpta sunt.

¶ *Agmettum oppidum.*

D Istat à Marocco Agmettum miliaribus plus minus vigintiquatuor, ante aliquot sæcula ab Afris ædificatum oppidum in cuiusdam montis dorso, qui ab Atlante ferè principium habet. Familias quondā plus sexies mille numerabat, dum principē habuit Muachidinū: populus erat sic satis ciuilis, tantaq; his erat omnium rerum affluentia atq; magnificētia, vt eam Marocco æqualem dicere quamplurimi non dubitauerint. Amoenissimos vtrinque habuit hortos, nec nō & vitium magnam copiam, quarum

nō-

DESCRIPTIONIS AFRICÆ

nōnulla in ipso monte, reliquæ in planicie erāt. Huic subterfluit flumen satis amplum, quod ex Atlante nascēs, tandem in Tensiftum delabitur. Qui flumini adiacet ager, tantæ est fertilitatis vt satōrum quinquagecuplum quotānis proferre dicatur. huius aqua perpetuò alba, quanquam si quis flumē aspiciat, Narniæ solum, aut etiam Nigrum Vmbriæ fluuium colore non malè referre videatur. Nec desunt qui id flumen Maroccum vsque fluere affirmant, idq; subterraneis quibusdam ductibus, vt nusquā sese prodāt nisi in loco quodam Marocco proximo, vbi tandē erumpere dicitur. Complures olim principes fuere, qui abscōditi fluminis viam cognoscere studētes, quosdam per eos ductus intromisere, qui vt facilius viam reperirent, faces atque lucernas circumferrebant. Hi vbi aliquātò processissent, ventorum tantam sensere procellam, quæ lumen extinxit, quæque illos non sine maximo vitæ periculo repulsi, vt nunquam se tale quid sensisse affirmarent. Tum & hoc addunt, quòd flumen crebris scopulis interruptum, quos aqua nunc hac nūc illac pulsāt, item quòd & scrobes atque gurgites non infrequentes transitū impediāt. Remansit igitur in hunc vsq; diem res illa incognita, neq; iam quisquam reperiri potest, qui tantum discrimen amplius aggredi audeat. Illud me apud quosdam historiographos legisse memini, quòd is qui Maroccum condidit, cuiusdam Astrologi vaticinio edoctus, fore vt ea regio perpetuo vexaretur bello, arte magica effecisse, vt id flumen omnibus semper remaneret incognitum: ne si
quis

quis in posterum hostis lādere vellet, non posset huius cursum adimere ciuitati. Huic flumini vicina est via illa publica, quæ vltra Atlantē ad Guzulam Marocci regionem ducit. Verùm hæc ciuitas cuius iam descriptionem habuistis, nullos omnino præter lupos, vulpes, ceruos, & id genus animātia, incolas habet. Nisi quòd cū illac fortè iter facerem, heremitam quendam inueni, qui centum secum ducebat suæ vitæ sectatores: hi omnes equos habebant maximè habiles, studebantq; imperiū exercere, verū non illis suppetebat facultas. Apud hūc decem, ni fallor, diebus cōmoratus sum, inueniq; inter huius discipulos quendam, quo cum ab ipsa adolescētia maxima fuerat familiaritas: nos enim aliquot annos Fessē vnā studueramus, & cū eiusdem ferè essemus eruditionis, eum Theologiæ librum audiuius, qui Epistola Nensesi illis nuncupari solet.

¶ *Hannimeæ oppidum.*

EST in eo Atlantis dorso quod planiciem respicit, oppidulum quoddam, quod Hannimeæ illis appellatur, à Marocco circiter quadraginta distat passuum millib⁹ Orientē versus: hac ex eā Atlantis parte Fessam proficiscentibus iter patet. Hoc oppidum Agmet fluius ad miliaria ferè quindecim præterfluit: ager autem inter eum fluuium & ipsum oppidulum feracissimus, quemadmodum & ille quem Agmeto adiacere modò scripsimus. Ea regio quæ inter Maroccū & fluuium hunc continetur, Marocci principi paret: à fluuio autem ad Hannimeam, sub ditione Hannimeorū est. Habuit hoc oppidum

egre-

DESCRIPTIONIS AFRICÆ

egregium quendam Duce[m] ætate iuuenili, qui continuum gerebat cum Marocci principe, interdum etiam & cum Arabibus bellum. Amplissimam habuit & in Atlante ditionem, ingenium illi liberale atque strenuum: vix decimum sextum egressus annū, auunculum interfecit, sibiq; illius imperium vsurpauit. Mox ubi id Arabes rescuerunt, numero suo exercitui trecentos equites Christianos, qui è Lusitania venerāt, adiungunt: ac ex improviso ad portam vsque ciuitatis exercitum educunt. Princeps verò cum suo exercitu, cui vix centum intererant equites, pedes pauci, hostib. occurrit, ac eo animo pugnavit, vt Arabum bonam partem interfecerit: Christianos item in hunc modum fudit, vt nō putem ex iis quenquā in Portugalliam rediisse, quod eam ob causam illis euenisse volunt, quòd Christiani neque regionem, neque illorum bellandi nouerant modum. hæc gesta sunt Anno 920. Christi verò .1511. Posthæc & à Feslæ rege bello fatigatus (hic sibi ab Hannimeis tributum exsolui volebat) bombardæ ictu cecidit: quare & oppidulum regi Feslæ tributarium remansit. Quin & defuncti principis vxor regi aliquot nobiles captiuos in manum dedit. Rex verò postq[ue] ducem quēdam instituisset, qui suas vices apud Hannimeos gereret, urbem reliquit Anno. 921. à Christo autem nato M. D. XII.

¶ *Mons Nisfa.*

E Numeratis hætenus omnibus Marocci ciuitatibus, superest nunc, vt & montium nomino quod fieri poterit compendio, sitū atq;

atq; naturam explicemus. Exordium igitur sum-
 memus à monte Niffa, vnde ex Occidente prin-
 cipium sumit Maroccorum regio, quiq; Maroc-
 cum ab Hea diuidit. Incolarum hic maxima est
 copia: huius môtis iugum etsi perpetuas habeat
 niues, hordei tamen maximâ producit quotan-
 nis affluentiam. Agrestissimum hoc hominum
 genus tam ab omni humanitate atque morum
 ciuilitate est alienum, vt non exteros modò, ve-
 rùm & exterorum vestitum maximè mirentur.
 Ego biduo tantùm apud hos mansi, quo omnes
 totius oppidi ciues ad me confluxere, neque po-
 terant satis vestem mirari, quæ candida erat,
 vti solent ferè nostrates incedere, qui literas pro-
 fitentur, eam quisq; manibus contrectare gestie-
 bat, adeò vt quæ antea cãdida erat, intra biduum
 atra sit facta atq; sordidissima. Hic ciuem quen-
 dam inueni, qui rei nouitate allectus, non prius
 à rogâdo quieuit, quàm illi enseu meum, quem
 Fessæ sesquiaureo emeram, illius equo commu-
 tassẽ, quem plusquã decem emptum affirma-
 bat. Id ex eo facile euenire existimarim, quòd
 nunquam neque Fessam, neque alias adeant ciui-
 tates. Neque si maximè velint, non auderent ta-
 men se publicæ cõmittere viæ, propter prædonũ
 atq; latronum frequentes impetus. Maxima illis
 mellis, caprarum, atq; olei arganici copia est: nam
 ab hac regione illud oleum in vsu esse incipit.

¶ *Semedẽ mons.*

A Niffæ terminis initium habet & alius
 quidam mós, qui illis Semede appellari
 solet: hos duos diuidit fluuius Sessana:

DESCRIPTIONIS AFRICÆ

extendit sese Semede ad orientem Solem per vi-
 ginti fere miliaria. huius incolæ vilioris sunt cō-
 ditionis, ingenijque hebetissimi. Magna hīc fon-
 tium vbiq; copia est, perpetua nix, nulla lex, nul-
 lusq; prorsus ciuitatis aut probitatis cultus, nisi
 fortasse aduenæ cuiusdam sequantur consilium,
 si viderint aliquam præferre modestiam. Hīc
 ego à quodam illius gentis religioso (is plurimi
 inter suos habebatur) exceptus, iisdem cibus ve-
 scendum fuit, quibus solent illi, hoc est, hordei fa-
 rina calida commixta aqua, tum & additæ erant
 caprinæ carnes, quæ duricie ipsa magnam præfe-
 ferebant ætatem. A cœna, nullus omnino datus
 est lectus, præter nudam terrā. Postridie vbi iam
 equitationi summo mane me paraueram, me
 isthinc discedere volenti circuncingunt plusquā
 quinquaginta incolæ: horum mox quilibet suas
 causas enumerare cœpit, non aliter ac solent corā
 iudice nostrates. Quibus ego me illius regionis
 mores nunq̃ neq; sciuisse neq; audiuisse, respōdi.
 Mox se nobilis quidam magnique nominis vir
 obtulit, qui apud eos id esse moris affirmavit, vt
 nullum à se exterum discedere patiantur, quin
 prius omnes incolarū lites & audierit & optimè
 diffinierit, vix ille hæc dixerat, cū mihi equum
 adeptū vidi: quare per nouem dies totidemq;
 noctes, illius regionis penuriam, ne dicam mise-
 riam, mihi ferendum fuit. Accessit hoc & mea
 molestia, quòd in tanta tamq; varia negociorum
 turba, nullus fuit qui vel verbum scribere, aut
 adnotare nouerat: quare mihi & iudicis & scribe
 fuit obeundum munus. Vbi iam octauus dies
 nobis

nobis fuit transactus, egregium oēs imposterum munus polliciti sunt. Ea nox totus visus est mihi annus: sperabam me postridie ingentem aureorū summam à montanis recepturum. Postquā iam dies sequēs illucescere cœpisset, sub quadam templi porticu me cōstituunt: hīc finita quadam de more oratiuncula, quilibet suum munus summa cum reuerentia attulit. Hic gallum dono adferebat, ille nuces aut cœpas, nonnulli & alij manipulum offerebant. Qui nobiliores videri cupiebant, hircum adducebant: atqui cū nullas habeat hic mons pecunias, nemo fuit qui pro muneribus vel obulum numerare posset: quare hæc omnia meo hospiti pro egregio reliqui hospitio. Hæc insignis illa fuit tantorum laborum remuneratio: quibus omnibus peractis, quinquaginta mihi inde proficiscenti adiungunt milites, qui viam alioqui periculofam, securam reddiderunt, atque à latronum insidiis tutam.

¶ Mons Semeda.
SVmit hic mons à Semede initium, producitq; de se riuulum, qui à monte ceu à pro- genitore sibi nomen accepisse creditur. Nunquam huic niues deesse quisquam vidit. Incolæ beluino prorsus viuūt more: perpetuum illis cum vicinis geritur bellum: qua in re neque gladiis, neque hastis, neque aliis omnino instrumentis, præterquam funda vtuntur, qua lapides mirum in modum emittere solent. Horū victus hordeum & mel, quibus insuper carnes addunt caprinas. Innumeri in hoc monte reperiuntur Iudæi, qui artem exercent fabrilem, conficiunt

DESCRIPTIONIS AFRICÆ

& hī sapam, falces, & calces equinos. Multi item hīc inueniuntur cementarij. Non ex alia materia, quā ex crudo lapide atque creta muri apud hos construi solent, quibus tandem culmen ex palea addi consuevit: neque aliud habent calcis aut laterum genus. Ex huiusmodi materia ædificatæ sunt domus omnes, quas iam dicti mōtes habent. Magna hīc doctissimōrum & legisperitorum copia, quorum semper vtuntur consilio. Inter hos nonnullos repperi, qui mihi in studiis literariis Fessē commilitones aliquando fuerant: quique propter veterem illam inter nos amicitiam, magnificē me exceperunt: & quō tutior essem à latronum iniuria, bonam itineris partem comitati sunt.

¶ *Secunda mons.*

Nihil fere in hoc monte altissimo atque frigidissimo, præter syluas niuēsque perpetuas reperiri potest. Incolæ pileos candidos gestare solent: estque maxima illis fontium copia. Ab hoc scaturiginē habet fluius ille, qui Afisinual à nobis antea dictus est. Altissima hīc passim inueniuntur antra, quibus illi per totos tres mēses, Nouembrē, Decembrē, & Ianuariū pecūs introcludere solent, pabulumque quantum sufficere putant, scenum, ac frondes quarundam arborum apponūt. Victus illis ex proximis aduehitur montibus, cum nihil frugum id solum gignat: nisi fortē Veris & Æstatis temporibus, lactis, casei recentis, & butyri bonam habeant affluentiam. Senectus illis in annū nonagesimū, aut etiam centesimū, nonnunquā vegetissima
atque

atque robustissima agitur. Pecus ad extremum
vsque vitæ diem cogunt, neq; unquam aut raro
exteros vident. Nullos omnino calceos, præter
soleas quasdam, quò pedis planta tueatur, gerūt:
tum & cruribus pannum quendam seu fasciam
crurulem addunt, vt à niuis iniuria aliquantò
sint tutiores.

Temnella.

ALtissimus simul & frigidissimus hic mōs,
incolas vndique permultos habet: huius
vertex oppidum habet, quod à monte no-
men accepit. ciuium item maxima hīc copia:
egregium quoque atque amplissimū templum
visitur. Riuulum habent amœnissimum atque
limpidissimū. Est illud oppidum Elmahdi con-
cionatoris quondam disertissimi, nec non & hu-
ius discipuli Abdul Mumen monumētis nobile,
Incolæ etiā ab omnib. pro hæreticis habeantur,
nulla tamen eruditio, quam sibi nō arrogare au-
deant: idque eò fortasse, quòd Elmahdi scripta
(qui tamē & hæreticorum dux fuit) ad vnguem
teneant: adeò vt si quem ad se exterum venisse
sciant, mox hunc ad literarium certamen prouo-
cent. Pannosi admodum incedunt, idq; eam ob
causam, quòd nullos apud se habeant vestiarios.
Respublica beluino illis regitur modo, quanquā
sacerdotem habent, qui hanc restituere suo con-
silio maxime studet. Horum victus panis hor-
deaceus & oleum oliuarū: magna item illis nucū
atque pinorum copia est.

Mons Gedmeua.

Gedmeua à monte Semmeda ad Occiden-
tale latus principium habet, p̄trahiturq;
I iij Ori-

DESCRIPTIONIS AFRICÆ

Orientē versus per miliaria ferè viginti & quinque, adeò vt regioni Mizmizi contiguus sit. Incolæ omnes rustici, miseri, inedia vexati, Arabibus subditi, eò quòd iis campis vicini sint, q ex Meridie mōti Tenmellæ opponitur. In huius dorso innumeræ proueniunt oliuæ, ager hordeo fertilissimus, spaciōsa in montis iugo nemora, fontes item producunt quamplurimos.

¶ *Hanteta mons.*

N Usquam me, quòd sciam, excelsiorē vidisse puto montē, quàm eum qui Hanteta illis appellari consuevit. Ex Occidente principium sumit à Gedineua, extenditq; sese Orientē versus per quadraginta quinque ferè miliaria, ad eum vsq; montem, quem Adimmei antea diximus. Huius accolæ validi, ditissimi, & equorum numero copiosissimi. Est & hic arx quædam munitissima, quæ à quodam nunc nobili possidetur, quem Marocci principi affinitate iunctum volunt: perpetuum tamen inter hos geritur bellum, idq; propter quosdam agros inter horum ditiones sitos. Multi hîc Iudæi habitant, quorum quilibet suam exercet artem. numerantq; huius montis principi ingentem quotannis auri vim. Quod ad fidem attinet, eorum potissimum sententiam sequuntur, qui Carrain sunt nuncupati. Perpetua in huius summitate nix est. ego cū primū hunc montem vidi, nubes propter incredibilem altitudinem arbitratus sum. huius costæ herbis atque arboribus planè destitutę, loca habet complurima vnde marmor egregie candidum effodere possent, nisi illorum cū

cum ignauia, tum & poliendi ac effodiendi inscitia in causa esset. Innumerae hic columnae atque epistylia, quae summo artificio confecta curauerunt praepotentes illi principes, quorum antea non vno loco nomina scripsimus: decreuerat autem iis in construendis fontibus uti, ni belli iniuria institutum interrupisset. Vidi & apud horum memorabilium maximam copiam, quorum nulla hoc loco fiet repetitio, partim quod memoria exciderint, partim etiam quod ab huiusmodi minutulis ad seriora progredi statuerimus, ne quid lectori simus plus satis molesti.

¶ *Adimmei mons.*

AB Hanteta ex Occidente initium habet & alius quidam mirandae magnitudinis atque altitudinis mons, quem illi Adimmei vocitare solent, porrigitque sese Orientem versus ad fluuium vsque Teseutum. In hoc sita est ea ciuitas, cuius principem in praelio cum Fesse Rege inito, cecidisse diximus: Maximus huic monti incolarum numerus, syluae frequentissimae, quae iuglandes, oliuas atque mala cotonea producant. hic homines inhabitant validissimi, animalia omnium generum possident, est enim mira illius aeris temperies, maximaque agri foecunditas. Innumeri ferè fontes, item & duo flumina ex hoc monte scaturiunt, quorum copiosior fiet suo loco descriptio. Enumeratis igitur omnibus Marocci ciuitatibus ac montibus, hoc est iis locis quae Atlantici ex Meridie adiacent, nunc montem traiciamus, eamque regionem describamus oportet, quae ultra Atlanta Marocco e regione sita est,

DESCRIPTIONIS AFRICÆ

Guzzulam vulgò dicunt:

Guzzula Regio.

EST regiò hæc incolis ditissima, ex Occidente Ildæ Susæ monti confinis: ex Septentrione Atlanti contigua, ad orientem verò Solem Heæ vicina est regioni. Incolæ feri, pecuniarû egentissimi, pecudum verò atq; hordei copiosissimi. Maxima hic effoditur æris atq; ferri copia, conficiunturq; apud illos ænea vasa, quæ ad alias solent deuehi nationes: hæc panno, telæ, equis aliisq; id genus mercimoniis illorum regioni necessariis, comutant. Nullum hic neq; oppidum, neq; castrum inuenitur, quod aliquo sit muro cinctum: pagos habent latissimos atq; ditissimos, quorû multi familias plus mille enumerant. Nullus illis rex est neque dux, qui leges præscribat: sibi hic quisque dux est atque imperator, hinc fit quòd perpetuum inter illos sit bellum, neque vnquam diutius illis sunt induciæ, quàm tribus qualibet septimana diebus, quibus liberè ac tutò illis licet vel cum hoste mercaturâ exercere, atque quocunq; velint locorum proficisci. Verùm his transactis, ingentē quotidie stragem inter scelestissimos huius regionis nebulones reperias. Induciās illis quidam heremita instituit, quem illi ceu numen quoddam venerabantur. hunc ego monoculum vidi, fidum tamē, syncerum, humanum, atq; modis omnibus liberalem. Vestitus illis subucula est ex lana confecta, strictissima & sine manicis. Pugiones circumferunt incuruos, latos atq; ancipites: gladij verò iis persimiles, quales illi qui in Hea inueniuntur.

Sc-

Semel in anno apud hos sunt nūdinæ, q̄ duobus
durant mensibus: hoc tempore omnib⁹ victum
gratis præbent, qui apud illos aut merces attule-
runt, aut illuc merces euehendi causa venerunt;
quantumuis etiam magnum habeant mercato-
rum numerum educandum. Vbi illis nundinarū
appetit tempus, mox inducias ineunt, ac subito
quælibet pars suum creat ducem, qui cum centū
peditibus nundinarū fidem ab omni nebulonū
incurfione atq; iniuria sanctam tueatur. Si quid
peccatur, mox in reum à ducibus animaduerti-
tur: quòd si quisquā fuerit furto deprehensus,
ille continuò non aliter ac si brutum esset inter-
ficitur: interfecti verò furis cadauer canibus ac fe-
ris dilaniandum relinquunt. Celebrantur nun-
dinæ in quadam planicie, quæ inter montes sita
est: merces omnes intra tentoria continentur, &
in tuguriolis ex frondibus cōpositis, sic vt quod
libet mercaturæ genus suum habeat ab aliis se-
cretum locum, qui armenta habent venalia, pro-
cul à tentoriis sunt semoti. Habet & quodlibet
tentorium suum ex frondibus compositum tu-
guriolum, in quo se magnates atque nobiles reci-
pere solent. Hic exteris mercatoribus mensa ster-
nitur, victus vt iam diximus gratis ministratur.
Sunt & quidam inter eos, qui eduliorum curam
gerunt, quiq; aduenis optimè de cibis prouidere
solent. Et quāuis ingens hac in causa infumatur
pecunia, id tamen multo cum scēnore ad illos re-
dit: illuc enim omnes illius regionis mercatores
ad mercatū confluere solent, tum & è Nigritarū
regione huc proficiscuntur nō pauci, qui copio-
sis-

DESCRIPTIONIS AFRICÆ

fissimos secum adferunt omnium mercium cumulos. Et quanuis crassissimū illis sit ingenium, mira tamen in conseruandis nundinis industria est: quarū initium est, eodem ipso die quo natus fuit magnus ille Mahumetes, hoc est. 12. die mensis Rabil, qui tertius est anni Haraba, vt illi numerāt. Interfuimus & nos vna cum Seripho his nundinis p. 15. dies anno. 920. hoc est Christi. 1511.

¶ Duccalæ regionis succincta descriptio.

SVmit hæc regio suum ex Occidente à Tensisto principium, terminatur ad Septentrionem mari Oceano, ex Meridie flumine Hammirabili finitur. Huius longitudo iter est trium dierum, latitudo verò plus minus duorū. Incolis hæc est frequentissima: populum habet admodum rudem, ciuilitatis atque humanitatis plus satis ignarum. Paucas habet ciuitates muris cinctas, de quibus omnibus suo dicetur loco, neque quicquam quod memoria dignum videbitur, diis fauentibus, omitemus.

¶ Azasi oppidum.

IN eodem Oceani littore ab Afris exstructum, familias numerat quater mille: incolarū maxima frequentia: ciuilitatis autem atque humanitatis mira illis raritas est. Quamplurimos olim habuit Iudæos, qui & varias exercebant artes. Ager illis supra modum fertilis, sed tanta est ingenij ruditas atque ignauia, vt neque colendi, neque ferendi, neque vites plantandi artem calleant: nisi forsan qui ingeniosiores videri volunt, hortulis nescio quid olerum inserant. Postquam

Ma-

Marocci reges huius reliquerūt imperium, cœpit ea ciuitas à quibusdam occupari, qui ex Farchon originem traxisse dicebantur. Nostri aut tempore hæc imperio cuiusdam principis paruit, qui Hebdurrahmā dictus fuit. Hic regnandi auiditate adactus, auiculum interfecerat: post cuius mortem aliquot annis oppido imperauit. Filiam habuit formā præcellentē, quæ amore cuiusdam aulici capta (Hali vocabāt, eratq; cuiusdam Gnesimeni filius) opera matris ac ancillæ sæpenu-merò cum amatore rem habuit. Pater ubi rem rescieuit, uxorem obiurgauit, ac mortem ni filiæ mores corrigeret, minatus est: postea verò furorem dissimulauit. At quoniam mater probè mariti animum nouerat, filiæ amatori nunciauit, q non esset regi fidendum, proinde sibi cauendum esse. Hali verò metuens ne quid sibi mali inferri posset, ipse de interficiendo rege cogitare cœpit, ac suæ coniurationis sibi socium adiungit, quem à pueris & fidum & maximè familiarē habuerat, eratq; & ille quorundam peditum dux. Vbi iam utriq; idem esset erga suum regem animus, nihil illi aliud quàm suæ conspirationis locum atque opportunitatem exspectabant. Rex contra, sui instituti quantum poterat ansam quærens, Hali quodam festo die renunciari iussit, se finita concione cum eo deambulare velle: ac locum indicat in quo collecto satellitio eum interficere statuerat: posthæc templum adiit. Hali porrò non nihil mali suspicans, consodali indicat iam tempus adesse, quo, quicquid illis in animo erat, peragendum esset. Id mox & aliis decem familiarib.

DESCRIPTIONIS AFRICÆ

exponunt, quod animo conceperant: ac ut res omnino secura atque rata euaderet, ingentē mox colligunt peditum copiam, quam postridie se in Asamurum missuros fingebant, ut si fugiendum esset, mox haberent in promptu, unde auxilium peterent. Postquam iam quisque probè armis instructus esset, ea ipsa hora templum adeunt, quare rex vix intrauerat cum suis, ac se concionatori quē proximè iunxerat. Templum auditoribus plenum, rex circū se suam habebat custodiam, quæ quoniam sciebant hos iuuenes principi admodum notos atque familiares, noluerūt accessum illis impedire, nihil enim mali suspicabantur. Iuuenem igitur alter quasi salutaturus regem, à fronte sese obtulit: Hali verò, à tergo se ingerit, ac pugione transsodit: alter eodem momēto gladio quoque regem transfixit, adeò miser ille animam cum multo sanguine exspirauit. Regij milites coniuratos apprehendere conati sunt, sed ab aliis viribus superati, tum etiam eam esse populi coniurationem suspicati, fuga salutem sibi quaesierunt. Id quoque & alij omnes sequuti, ita ut soli remanserunt, qui huius coniurationis fuerāt autores. Hi etiam mox in publicum prodierūt, ac populo multis verbis persuaferunt, eam ob causam regem interfectum, quòd & sibi, & vniuerso populo exitium fuerat machinatus. Ciues plus satis creduli, hos duos in regnu admiserunt: verum non diu inter illos de regni imperio conuenire potuit, quin mox variè huc atque illuc, nunc ab hoc, nunc ab illo coacta fuit illorum Respub. Quare mercatores Lusitani, quorū maxima semper

per in ea ciuitate erat còpia, suo regi rescripserūt,
 vt exercitum mox ad eam vrbeim mitteret: nam
 illi fore sperabant, vt facillimè minimòq; nego-
 cio eam in suam redigeret deditionem. Rex verò
 nihil hoc nuncio commotus, nullas omnino col-
 ligere copias voluit, quàm prius à mercatoribus
 audiisset, interfecto ciuitatis rege, multa esse in-
 ter coniuratos dissidia. Tum etiam quòd huius-
 modi pactum cum quodam alterius partis duce
 inierant, vt nihil fere in deuincendo oppido la-
 boris infumendum esset. Illis enim arx quædam
 munitissima in ipso maris littore erat exstructa;
 qua in tuto illorum seruarentur mercimonia.
 Persuaserant nanq; Lusitani, quòd dum magnus
 ille tumultus propter regē interfectum irrepse-
 rat inter ciues, non procul abfuerat, quin & vita
 & bonis omnibus destituerentur. In hanc arcem
 bombardas, ac oīum generum bellica instrumēta
 intra olei vasa atq; mercibus obuoluta deuehi cu-
 rauerunt: ciues autem rerum ignari, nihil præ-
 ter debitum pro mercibus tributum exegerunt.
 Postquam iam abundè sibi de machinis bellicis
 atque armis prouisum viderunt Lusitani, omni-
 bus modis ansam cum ciuibus pugnādi quærere
 cœperunt. Tandem eò res rediit, Seruus quidam
 Lusitanus cūm carnes emeret, lanionem ad tan-
 tam concitauit iram, vt post multas lites, Lusi-
 tanus pugno læsus, lanionē gladio transfoderit,
 eumq; humo strauit, ac mox arcem petiit quam
 mercatores occupare sciebat. Mox populus ad
 arma confugit: arcem eo omnes animo adeunt,
 vt hanc euertant, omnesque quotquot erant iu-
 gulent;

DESCRIPTIONIS AFRICÆ

gulent. At quæ tum erāt paratæ bombardæ atq;
balistæ, in ciues mirum in modum sœuire cœpe-
runt: quæ res multum terroris attulisse, nemo est
qui dubitet. Ceciderūt primo hoc instanti plus-
quam centum & quinquaginta ciues, nō tamen
propterea à bello destiterūt reliqui, quin arcem
crebris indies oppugnationibus vexarent. Tan-
dem à Portugalliæ rege auxiliares missæ sunt co-
piæ, bombardarū magna copia, peditum. 5000.
equitum verò. 200. Quos vbi aduentare ciues vi-
derunt, mox se in pedes coniecerunt, ac ad mon-
tem Benimegher confugerunt: neque illorum
quisquam manere ausus fuit, præterquam qui
exstruendæ arcis autor fuerat. Ita factum est, vt
Lusitanorū exercitus minimo negotio eam sibi
urbē occupauerit. Posthæc totius exercitus dux
arcis conditorem ad se accersi iussit, illumq; ad
Portugalliæ Regē misit. Rex verò hunc cum ali-
quo satellitum numero Azafin remisit, atque to-
tius circumiacentis regionis gubernatorem in-
stituit. Lusitanus enim non illorum ritum no-
uerat, neq; quopactō administranda esset illorū
Resp. didicerat. Subitò subsecuta est non ciui-
tatis modò, verum & totius regionis miseranda
ruina. Nos aliquantò prolixiores hac in re æ-
quum fuit, vt quid posset mulier, quidque mali
secū adferrent dissidia, doceremus. Ego cū hæc
agerentur, annū agebam, ni fallor, decimū: anno
verò ætatis decimoquarto iam dicto duci me lo-
quutum fuisse memini. Hic cū exercitu quin-
gentorum equitum Lusitanorum, Arabum verò
equitum plus. 12000. Marocci Regem aggressus,

Por

Portugallię Regi totam eam recuperavit prouinciam anno .920. vti in nostro compendio fufius atque copiofius dicitur.

¶ *Conta Duccalę oppidulum.*

AB Azafi miliaribus plus minus viginti fitum eft, à Gotthis iis temporibus, quib⁹ eam regionem occupabant, exstructum volunt: nunc autem deletum eft prorsus: huius tamen ager imperio quorundam Arabum paret, qui Duccalam inhabitant.

¶ *Tit eiusdem regionis ciuitas.*

ANtiquiffima hæc ciuitas ab Azemuro miliaribus ferè viginti quatuor fita eft, ab Afris quondam in ripa Oceani condita. Spaciosos habet agros, qui frugum fertilitate nõ immeritò laudari debèt. Huius incolæ crassiori sunt ingenio atque infelici, neq; hortorum, neq; ciuilitatis vlla illis cura eft. Vestitus aliquo modo ferendus: solent enim illi maximum semper habere cum Lusitanis cõmercium. Eo tempore quo subactum fuit Azemurum, hæc quoque ciuitas se in deditionẽ Regij ducis coniecit, exsoluitq; Regi per aliquot annos tributum. Nostro tempore conatus est Fessæ Rex regioni Duccalę subuenire, verùm ea re non fœliciter illi cedente, Christianum quendam, qui regi fuerat à thesauris, cum Iudæo suspendi iussit. Quos secum habebat socios, Fessam adduxit, illisq; regiunculam quandam inhabitandam dedit, quæ incolis nuda erat, hæc à Fessâ .12. distabat miliaribus.

¶ *Elmedina Duccalę vrbs celeberrima.*

El-

DESCRIPTIONIS AFRICÆ

E L Medina p̄p̄modū illius regionis caput, viliorib. quibusdam ad regionis modum cincta muris. Incolæ quemadmodum ingenio, ita & vestitu planè sunt inculto: pannum gerunt qui apud illos confici consuevit. Horum mulieres argentea habent ornamenta: viri validissimi, equorum magnam habent affluentiam. Hi à Fessæ rege regno pulsi sunt, eò quòd nonnullam hic de Lusitanis opinionem animo conceperat. Audierat enim quendam illius regionis ducem suis subditis consilium dedisse, vt Portugalliæ regi tributa exsoluerent. Hunc ego miserum nudis pedibus captiuum abducere vidi: neque potui sanè lachrimas tenere, cū coactus non perfidia hæc fecerat. Duxerat enim vir bonus, multò satius esse Lusitano nonnihil census exsoluere, quàm simul cum omnibus facultatib. vitam amittere. Huius liberandi causa permulti procures summā adhibuerunt diligentiam: tandem ingenti nummorum summa adnumerata, in pristinam rediit libertatem. Post verò remansit ea vrbs habitatoribus orba, idq; Anno. 921.

¶ *Centum putei Duccale oppidum.*

E ST in colle quodam qui ex Tyburtino est marmore oppidulum conditum, quod in suburbano multa habet antra, in quibus suum recondere frumentum solent: quod illic adeò integrum atque sanum feruabatur, vt vel centum annis perdurare posset, nullo prorsus contracto foetere aut corruptione. A multitudine aut antrorum, puteorum formam referentium, is locus Centum putei appellari cœpit. Illius incolæ
nul

nullius aut exigui admodum sunt nominis, nullos præter Iudæos quosdā habent artifices. Cū Fessæ Rex Elmadinę inhabitatores in suam coëgisset regionem, conatus est & hos quoque illuc ducere: verū illi loci mutationem recusantes, maluerunt ad Azafi ditionem confugere, quā patriam deserere exoptatissimam. Id vbi ad Regem peruenit, mox id oppidulum depopulari iussit, in quo nihil præter frumentum, mel, & res quasdam minimi potuit inuenire momenti.

¶ *Subeita eiusdem regionis oppidum.*

Subeita angustum est oppidulum in ripa fluminis Ommirabih exstructum à Meridie.

Distat ab Elmadina miliaribus plus minus quadraginta, atq; imperio Arabum quorundam qui in Duccala habitant, parere dicunt. Frugum atq; mellis maxima illis est affluentia: sed ea est illorū cū ignorantia tum ignauia, vt neq; hortum, neq; vineam vllam hīc quis reperire possit. Eo tempore quo deuicta fuit Bulahuan, Rex Fessæ hos omnes in suam coegit prouinciam, illisq; plagam quandā antea nunquam habitatā dedit, quæ Fessæ cōfinis erat: Subeita verò, deserta atq; incolis vacua in hunc vsq; diem remansit.

¶ *Temeracostum.*

Habet & Duccala angustissimū quoddam oppidulum ad flumen ferè Ommirabih, ab eodem exstructum qui Maroccū condiderat, vnde & nomen sibi vsurpassē creditur. Incolis ditissimum familias numerat plusquam quadringentas. Illud quondā sub Azemuris fuit, sed deletō à Lusitanis Azemuro, periit & hoc oppidu-

DESCRIPTIONIS AFRICÆ

pidulum, populus verò se Elmadinam contulit.

¶ *Terga.*

SItum est & ad ripam fluminis Ommirabili
oppidulum, quod Terga illis appellari so-
let, ab Azemuro miliarib. plus minus trigin-
ta distat: maxima hîc populi confluentia, focos
numerat circiter trecentos. Hæc quondam Duc-
calæ incolis paruit, sed exciso Azafite, Hali qui
in Lusitanos exercitum duxerat, per aliquot dies
hoc oppidulum cum suo exercitu tenuit. Postea
verò à Fessæ rege eiectus est, remansitque oppi-
dulum desertum: adeò vt nihil ab eo tempore
præter noctuas, ac huiusmodi auiculas in ea repe-
rire potuisses.

¶ *Bulachuan.*

ESt & hoc oppidulum in ripa fluminis Om-
mirabili exstructum, familias supputat
circiter quingentas: habuit olim incolas
nobiles atq; præclaros, & præsertim eo vico qui
flumini adiacet, quicq; ad Marocci regnum ducit.
In hac vrbe egregium condiderunt hospitium,
quod & multas habuit mansiones: hîc quotquot
illac prætereunt peregrini, magnificè excipi so-
lent, atque cõmuni totius oppidi sumptu asym-
boli dimitti. Ditissimi hîc sunt incolæ, frugum
atque pecudum opulentissimi. Nullus ferè ciuis,
qui non centum possideat boum iuga: horum
præterea sunt qui duo milia, sunt & qui tria mi-
lia frugum mensurarû quotannis colligât: indeq;
Arabes tantum frumenti euehunt, quantum to-
tius anni necessitatib. satis esse putant. Anno. 919.
misit Fessæ rex fratrem, qui Duccalæ regionē &
re-

regeret & tueretur, qui cū ad hoc oppidū per-
uenisset, à quibusdam illi nunciatum est, princi-
pem Azemuri cum exercitu copioso eo animo
huc aduentare, vt vrbe excisa, ciues omnes capti-
uos abduceret. Quare mox duos ad id oppidulū
duces cum .2000. equitibus, ac .800. sagittariis
misit. Eadem autem hora qua hi ad urbem vene-
runt, Lusitanos quoque milites cum .2000. Ara-
bibus illuc appulisse senserunt: à quibus, eò quòd
militum numero essent multò inferiores, miserè
fuerunt trucidati, adeò vt sagittariorū qui à Fessa
venerant vix duodecim ad montes proximos cū
equitibus confugere potuerint. Postea tamen A-
rabes ad prælium redierunt, ac interfectis ex Lu-
sitaniis plusquam centum & quinquaginta equi-
tibus, hostes in fugam redegerunt. Deinde regis
frater Duccalam peruenit, ac tributa sibi à popu-
lo exsolui iussit, pollicitus se ad extremum vitæ
diem hostes repulsurum. Posthæc viribus supe-
ratus, coactus fuit Fessam redire ad fratrem. Po-
pulus verò vbi vidit regis fratrem tributa rece-
pisse, neq; quicquam ipsius aduentum illis pro-
fuisse, mox oppido relicto ad Tedletis promon-
torium confugerunt: timebant enim, ne si Lu-
sitani quoque cum exercitu aduentarent, multò
maiores exigent argenti summam, quam qui
non ilico exsoluerent, captiui abducerentur. His
omnibus ipse interfui, atque vidi stragem illam
quam dixi sagittariorū: ab his nanq; ad integrū
ferè miliare aberam, eratq; mihi equus velocis-
simus. Tum temporis mihi Maroccum iter erat,
missus à Fessæ principe, vt Marocci regi atq; Se-

DESCRIPTIONIS AFRICÆ

ripho indicarem, iam Duccalam mox venturum regis fratrem: proinde illi milites pararent, quò facilius Lusitanorum resisterent exercitui.

¶ *Azamurum.*

Azamurū Duccalæ oppidum Afris conditoribus ad Oceani littus eo ipso loco, quo flumen Ommirabih initium habet, exstructum: ab Elmadina miliaribus ex Meridie plus minus triginta distat. Spatiosum est atque amplissimum, habitatorib. copiosissimum, familias numerat circiter quinquies mille. Hanc perpetuò Lusitani mercatores inhabitant. Incolas habet ciuiles, habituque admodum ornatos. Populus in duas diuisus est partes, & tamen perpetua illis pax est. Frugum atque leguminum maxima illis prouenit copia, etsi nihil quicq̃ horti præter ficus producant. Piscium his tanta est affluentia, vt inde singulis annis aureorū aliquādo sexies mille, nonnunquam & septies mille prouentus redeat. Piscandi autem tempus ab Octobri mense, ad finem vsq; Aprilis est. Solent pisces in sartagine cū aliqua olei portione frigere, atq; inde tantum pinguedinis colligunt, vt nō facile quis credere possit: hanc lychno pensili infundunt, nō enim aliud habent huic rei aptū oleum. Huc semel in anno cōfluunt Lusitani, ac tantam piscium copiam inde auehunt, vt illi iam dictam enumerent aureorum summā. Hinc factum est, quòd Portugalliæ Rex, spe prædæ allectus, non semel ad eos classes miserit exstructissimas: quarum prior, propter ducis imperitiam, in ipso gurgite disiecta, ac p̃p̃emodum omni ex parte submersa

mēsa fuit. Posthæc rex ducentarum natiuum classem expeditiss. misit, qua conspecta tantum intulit ciuibus terrorem, vt omnes in fugam sint redacti, tanta cum portas ingrediētium strepitu atque turba, vt in ea ciuium plusquā octuaginta fuerint interfecti. Venerat his in auxilium princeps quidam, qui, vt suæ saluti consuleret, se ex alia vrbs parte fune demisit. Mox variè huc atque illuc dispersi sunt incolæ: hic nudis pedibus, ille eques fugit. Nec potuisses, scio, à lachrymis continere, si fœminas, si senes atque pueros capillis passis, nudisque pedibus fugere vidisses. At priusquā Christiani cum Iudæis aliquod sint prælium auspicati, qui relictī erant à fuga ciues, eo pacto sunt in gratiam recepti, vt Lusitanus nullis inuitis portisq; vndique patentib. illarum rerū potiretur, quæ ciuitatis erant: proinde nulla præterea inferretur ciuibus iniuria. Hunc in modum cœperūt Lusitani eam incolere regionem. Iudæi verò partim Salæ & partim Fessæ adierūt regnū. Nec puto aliam ob causam id illis à Deo Opt. Max. fuisse illatum, quàm propter horrendum illud Sodomitarū crimen, cui ciuium pars maxima tam fuit addicta, vt iuuenem vix non corruptum à se dimitterent.

¶ *Merameris.*

○ Ppidum est à Gothis in ipsa planicie exstructū, ab Azafi miliaribus ferè quatuordecim distat, focos habet circiter quadringētos: ager olei atq; frumenti mire ferax est. Paruit olim imperio Azafitis principis, verum postea à Lusitanis occupatū, incolis omni-

DESCRIPTIONIS AFRICÆ

bus in fugam redactis, remansit per integrū fere annum habitatorib. vacuum. Sed inito tandem cum Lusitanis fœdere, ad solitum quisque rediit locum. Nunc de montibus quoque nonnulla annumerare lubet, que memoria non indigna videbuntur.

¶ *Mons Benimegher.*

Benimegher mons est ab Azafite circiter. 12. distans miliaribus, multos habet omnis generis artifices, quorum quilibet suas quoque habet Azafiti ædes. Loci tanta est fertilitas, idque olei præcipuè atque frumenti, ut non facile quis sibi persuadere possit. Paruit hic mons aliquandiu imperio principis Azafitis, verum incolæ in fugam redacti, nullum habuerunt alium quo se reciperent locum, quàm ad montē Benimegher. Postmodū per aliquot annos Lusitanis tributa exsoluit, sed cū illuc Fessæ Rex cum suo exercitu appulisset, quosdam secum Fessam cōduxit, reliqui Azafitem redierunt: quasuis enim iniurias perferre parati erant, quàm sub Christianorum degere imperio.

¶ *Mons Viridis.*

Visendæ altitudinis hic mons est, initium habet ex Oriente ad flumē Ommirabili, extendit sese Occidentem versus ad colles vsque Hasara illorum lingua dictos, separatque Duccalam ab aliqua Tedeletis parte. Est autem hic mons nemorosus atque asper, magnam producit glandium & pinuum copiam, nec non & eius fructus quem Itali vulgò Africanum appellant. Innumeri in hoc monte heremitæ, non ali

aliis vescuntur cibis, præterquam quos illis sup-
peditat locus sylvestris: ablunt enim ab omni
hominum cōmercio plusquam. 25. miliarib. Ma-
ximus hic fontium, maximus item ararum nu-
merus, quæ omnes ad Mahumetanorum extru-
ctæ sunt modum: reperias & passim multa ædi-
ficia ab Afris extructa antiquissima. Ad huius
montis basim insignis visitur lacus, illi persimi-
lis, qui à Romanis lacus Volsiniensis appellari cō-
suevit. Infiniti in hoc reperiuntur pisces, anguil-
læ, lupi pisces, atq; id genus alij, quos nunquam
in Italia vidisse memini: sed nemo est qui in hoc
lacu piscib. insidietur, quare nō mirum, si tantus
sit illorum numerus. Cū quodam diē Mahu-
metes Fessæ Rex illac ad Marocci regnū iter fa-
ceret, ad hunc lacum per totos octo dies suum
exercitū sistere voluit. Hic quibusdam piscandi
fecit copiā, inter quos nonnullos vidi, qui subu-
cularum manicas atq; collaria sarciebant, ac cir-
culis quibusdam distendebāt, vt quoniam nihil
aliud in promptu erat, retis loco illis esset, & ta-
men hoc modo multas captabant piscium my-
riades: illos taceo, qui retia habebāt, quos multo
plures cepisse, nemo est qui dubitet. Atqui pisces
vti mox dicemus, planè perturbati ad retia quasi
coacti fuerunt. Nam Mahumetes. 14000. equi-
tum ex Arabia habebat, qui & multo maiori nu-
mero camelos secum adduxerāt: erant & equites
huius fratris numero plusquam. 5000. cum infi-
nito propemodum peditū exercitu: hos omnes
lacum introire iussit, adeo vt vix tantum aquæ
superesset, quantum camelorum siti satis esse po-

DESCRIPTIONIS AFRICÆ

tuit : quare non vsque adeo mirum videbitur, si tanta intra casses reperta est piscium multitudo.

In huius lacus ora multæ reperiuntur arbores, quæ folia habent pinus foliis nõ admodum dissimilia, intra quorum ramos infiniti sunt turturum nidi, sic vt mira hîc sit huiusmodi auium vilitas. Postquam ad hũc lacum iam per octiduum latitasset Mahumetes, voluit montem visere, quẽ viridentem iam iam diximus: nos cum maxima doctorum atque aulicorum copia illum sequuti sumus. Quotiescunque aram aliquam videret, exercitum illic paululum manere iussit, ac positis genibus supplex his orabat verbis : Tu scis Domine Deus meus, me non aliam ob causam huc venisse, quàm vt Duccalæ populũ à tyrannide Arabum atque ab immanis. Christianis liberarem: quod si institutum non rectum esse cognoueris, in me solum cadat peccati vindicta quæso: nihil enim mali qui me sequuntur meruerũt. Eo modo per totum illic remansimus diem: appetente verò nocte ad tentoria reuersi sumus. Postridie Rex venationem parari iussit, mox canes atque falcones (erat horum magna semper penes Mahumetẽ copia) in promptu erant, ea venatio non aliud quàm anseres anatesq; syluestres, turtures atq; alias id genus aues dedit. Sequenti verò die alia instructa est regis iussu venatio, cui canes venaticos, falcones atq; aquilas interesse voluit: præda fuerunt lepores, cerui, hystrices, capreoli, lupi, coturnices atq; ariones: adeò non fuit infelix ea venatio, cum centum vix ante id tempus annis quisquam venatus fuerat. Postquam autem per ali-

aliquot dies hic cōmorati sumus, Rex cum exercitu Elimadinam Duccalæ oppidum profectus est, doctores omnes atq; sacerdotes quos secum adduxerat, Fessam redire voluit. Me autem legatum cum aliquo militum numero, Maroccum misit: id anno euenit. 921. Hegiræ, qui Christi fuit. 1512.

Hascoræ regionis dilucida delineatio.

Regio hæc ab iis collibus ex Septentrione originem habet; qui Duccalæ regioni confines sunt, ad Occidentem sole in eo flumine terminatur, quod ad Hadimmei montis radices præterfluit, Tensiftum antea appellauimus. In Occidēte finitur flumine Quadehabid in Serui regione, quod flumē interstitium ponit inter Hascoram & Tedeletem. Duccalæ autem colles, Hascoram à mari Oceano diuidunt. Huius incolæ illis multis partib⁹ ciuiliores sunt, qui in Duccala habitant. Magna hic olei est affluentia, nusquam maior Maroccenorū copia, caprarum item greges complures, è quarum pilis pannum conficiunt atq; ephippia. Huc omnes vicinæ regiones caprinas cōferunt pelles, è quibus iam dictū conficitur corium. Plurimum his est cum Lusitanis commercij, telam enim huiusmodi coriis atq; ephippiis commutant. Moneta illis eadem est quæ Duccalæ. solent ex hac regione Arabes oleum, aliaq; illorū victui necessaria conuehere. Nunc ciuitates omnes suo ordine enumeremus.

Elmadina Hascoræ oppidum.

EST Hascoræ oppidum quoddā quod Elmadina ab incolis vocari solet in Atlantis
dor

DESCRIPTIONIS AFRICÆ

dorso fabricata, focos habet aliquatò plures 2000. distat à Marocco Orientè versus nonaginta ferè passuum milibus, à Duccala verò circiter sexaginta. Hic multos reperias coriarios, aliosq; omnis generis artifices, mercatores Iudæos innumeros. cingitur id oppidum sylvæ, oliivis atq; iuglandibus altissimis consita. Incolæ perpetuò ferè bello intestino vexantur, nec non & cum quodam oppidulo, quod quatuor hinc dissidet miliarib. continuas alunt inimicitias. Neque quisquam planiciè inter duas has vrbes intrare audet (manicipiis tantum & fœminis demptis) nisi egregio satellitio securus: quare sibi quisque sagittarium habet, cui singulis mensib⁹ decem aut duodecim exsoluere aureos tenetur, qui apud Italos sedecim æquivalent aureis. Reperiuntur & inter ciues doctissimi quidam insignisq; eruditionis viri, ex quibus iudices creantur atq; notarij. Quicquid exteri census exsoluunt, id quibusdã ad id destinatis quæstoribus ærariis enumerant, qui & eandem postea pecuniam in communẽ vertunt vtilitatem. Arabibus pro iis possessionibus quas in ea planicie habent, nonnihil tributi exsoluere coguntur, verùm ea pecunia illis ab Arabibus ad decuplum aut eò plus reddit. Ego cùm Marocco redirem, hac iter facere libuit, vbi à quodam Granatensi meo concine homine ditissimo splendidissimè exceptus fui, hic per octodecim annos sagittarium in his egerat regionib. Et quanvis haberet ea ciuitas insigne quoddam hospitium, in quo mercatores omnes illac iter facientes erant alebantur publico, hic tamẽ nunquam id permisit, quin

quin me cum nouē aulicis, præter seruos omnes quos nobiscum adduxeramus, humanissimè per totos tres dies exceperit, quibus alij ciues nunc vitulos, nunc agnos, nonnunquā & gallinas offerebāt. Ego verò cū quodam die innumeras in ea ciuitate vidissem capellas, rogavi ex meo conciuē, quare non nobis capellam aliquam apponi iussisset: hic ille, id omnium abiectissimum atq; vilissimum animal apud eos esse, respondit. Horum mulieres formosæ atque candidæ, adeò exteros non fastidiunt adolescentes, vt si quando id secreto fieri datur, horum concubitus non inuito animo admittant.

Alemdinum.

I Alemdicto oppido vicinum est illud quod Alemdin vulgò appellant, distat hinc Occidentem versus miliaribus quatuor, in valle, ac inter quatuor altissimos est exstructum montes, quare & loci mira est frigiditas. Incolas habet mercatores, artifices, atque nobiles, familias numerat plus minus. 1000. Perpetuum huic cum iam ante dicto oppido bellum gerebatur, verum nostro tempore redactæ sunt duæ illæ ciuitates in Regis Fessæ deditionem, idque cuiusdam mercatoris opera, vti mox dicemus. Mercator quidā Fessanus in hac ciuitate amicam habuit, quam propediem sibi in vxorē ducere decreuerat, verum vbi iam nuptiarum venisset dies, repperit amicam sibi à quodam vrbis rectore præreptam, quæ res mirū in modum huius excruciauit animum, etsi quantum poterat egritudinem celaret. Vbi iam ille ad Fessæ regē redisset, rara quædam

DESCRIPTIONIS AFRICÆ

dam atque pretiosissima illi obtulit munera, rogans vt sibi centum exhiberet sagittarios, trecentos equites ac pedites quadringentos; hos omnes se propriis stipendiis aliturum, nec non & iam dictum oppidum regis nomine occupaturum, è cuius prouentibus septies mille aureos singulis annis missurum pollicitus est. Hæc Regi conditio placuit, & ne illiberalis videretur, noluit cōmittere, vt mercator cuiquam præterquam sagittariis stipendium numeraret. Mox Tedletis præfecto mandauit, vt mercatori equites atque pedites suppeditaret, tum vt adderentur & duo exercitus duces. Sic tandem Alemdinū ventum est, quam sex diebus obsidione cinxit. quibus transactis ciues præfecto indicarunt, nolle se Fessæ regem sibi hostem, nedum quicquā sua causa mali ferre. Quare ille mendici habitu fugam tentare cœpit, sed agnitus ad mercatorem ductus, ab eodem in carcere asseruatus fuit. Mox ciuitatis portæ aperte, mercatorem cum exercitu intromiserunt, ac se illi regi quæ Fessæ dediderunt. Puellæ parentes apud mercatorem præfecti vim in causa fuisse affirmauerūt, quò minus ille optata potitus erat amica. Illa verò ex præfecto relicta erat grauida, sed postquam hanc enixam intellexisset mercator, rursus ad illam animum adiecit, ac tandem in vxorem duxit. Captiuus autem præfectus fornicationis reus à iudicib. pronunciatur, ac eodem ipso die lapidibus obruitur. Remansit autem mercator duarum ciuitatum dux atque dominus, pacem inter eas firmissimam stabilauit, Regi quæ Fessæ bona cum fide promissam quotan

tannis numeravit pecuniam. Ego postea & oppidum illud ingressus, mercatorem principem probe noui. Eo ipso anno Fessa relicta itineri me commisi, ut Constantinopolim venirem.

¶ *Tagodastum Hascora oppidum.*

EXstructum est id oppidum in vertice excelsi cuiusdam montis, habetque circum se & quatuor alios montes eximiae altitudinis: inter hos & iam dictum oppidum multi sunt horti spaciosissimi atque amoenissimi, in quibus nullum desiderare fructum posses: hic mala aurea ita luxuriant, ut non facile horum magnitudinem quis credere posset. Vineae omnes in arborum ramos reiectae, pergulas efficiunt elegantissimas: horum uuae subrubrae, apud illos a magnitudine, ni fallor, oua gallinacea vocantur. Olei atque mellis optimi maxima apud hos est copia: mel autem quoddam candidum, quoddam flauum reperitur. Habet hoc oppidum multos fontes, qui in fluuium tandem conuersi, quibusdam molis urbi vicinis aquam praebent. Innumeri hic reperiuntur artifices, qui rebus tantum necessariis sumptum exercent suum. Incolae sic satis ciuiles, foeminae formosissimae, multoque argento ornatissimae. Oleum ad vicinas urbes conferunt, quae infra Atlantem sunt Meridiem versus: corium vero Fessam atque Mecnasam mittunt. Illorum planicies patet in longum sex fere passuum millibus: ager frugibus ferendis foecundissimus, cogitur Arabibus non nihil quotannis census numerare. Habet id oppidum & suos iudices atque sacerdotes, necnon & nobilium copiosam mul-

titu

DESCRIPTIONIS AFRICÆ

titudinē. Ego, cū hac quodam die fortassē iter
 esset, illius loci rectorē quendam inueni extremę
 senectutis, qui iam senio visu captus erat. Hic vt
 à quibusdam intellexi, fortissimus atque validis-
 simus in adolescētia vir fuerat, atque post multa
 alia præclare ab eo gesta facinora, propria manu
 quatuor duces interfecerat ipsi populo infestis-
 simos. Deinde tantum sua industria effecit, vt
 qui antea perpetuò inter se bellum gesserāt, ami-
 citia reddiderit coniunctissimos. Nihil hīc quic-
 quam ab vrbis rectoribus fit, quod ad Rempub.
 attinet, nisi huius id fiat consilio atq; autoritate.
 Apud hunc senem cum octuaginta equitib. di-
 uerti, atque magnificē ab eo exceptus, quotidie
 ē recentī venatione, recentes nobis apponi cibos
 iussit. Familiarissimē nobis omnes suos labores
 exposuit, quos in pace sarcienda sumpserat: neq;
 puto rem illi tam arcanam fuisse, quam nobis vir
 bonus ceu germanis, nō explicauerit. In digressu
 symbolum pro me ac sociis numerare volui: ve-
 rū homo ille liberalis id nullo modo permisit,
 quin se regi Fessæ addictissimum pronunciauit,
 non tamen illius causa hos sumptus fecisse affir-
 mauit: verū quicquid bonorū habebat, id sibi
 à parentib. ea lege legatum, vt in amicos omnes,
 notos, atque exteros illac iter facientes, muniticū
 sese præberet atque liberalem: tum etsi non ea
 lex astringeret, tamē suum erga Deum amorem,
 sibiq; à Deo insitam liberalitatē id exigere dice-
 bat. Quin & Dei Opt. Max. beneficio omnia opti-
 mē prouidentis, hoc ipso anno septem milia fru-
 menti atq; hordei modia collegisse se affirmabat:

adeo

adeò vt plus satis & sibi & omnib. incolis pro-
uentuum esset. Tum & numerum tam ouium q̃
caprarum centum millia excedere dicebat, vnde
sibi lanā tantum reseruari iubebat, caseum enim
& lac pastoribus relinquebat, nisi fortasse sibi ali
qua inde butyri afferretur portio. Nemo hīc est
qui caseum, butyrum, lac, aut huiusmodi quicq̃
habeat venale, cum omnes maximū habeant pe-
cudum gregem. Coria verò, oleum, atque lanam
ab ea ciuitate in circumiacentes deuehūt natio-
nes. Præterea & hoc addidit, si fortè, inquit, con-
tingat Fessæ regem Duccala redeuntem nostram
ingredi regionem, non permittam quin mox illi
obuius eam, ac me totum illi ceu principi obser-
uantissimo dedam. Eo tandem modo ab hoc sene
dimissus, nō potui satis ignoti erga ignotum lau-
dare humanitatem atque beneficentiam.

¶ *Elgiumuha.*

I Amdictò oppido vicina est Elgiumuha, quod
quinque circiter passuū millibus ab eo distat.
Nostro æuo in iugo excelsi montis exstructa,
familias numerat plus minus quingentas, toti-
demq; domos pagi habēt, qui in eo monte inue-
niuntur. Innumeri hīc fontes: horti vbiq; amœ-
nissimi, omnisque generis fructibus feracissimi.
Iuglandes hīc maximæ atq; altitudinis non vul-
garis. Colles qui montē cingunt, campos habent
hordeo vberrimos, neque hīc oliuarum desidera-
bis copiam. Innumeri in hac vrbe inueniuntur
artifices, fabri, coriarij, & id genus alij. Et quo-
niam maxima apud hos ferri est fodina, calces
conficiunt equinos. Quicquid autem ex eorum
pro-

DESCRIPTIONIS AFRICÆ

prouenit labore, id ad externas deuehunt nationes, in quibus ea desiderari putant: unde mancipia, glastum syluestre, & quorundam animalium corium sibi conferunt, ex quo scuta construunt durissima belloq; validissima: hæc tandē Fessām ad mercatum deferūt, quorum vice tela, pannus, aliaq; illorum vsui necessaria, mutuò succedunt. Est illud oppidum publicę vię adeò propinquū, vt pueri quotidie prætereuntes illac mercatores summè admirentur, idque præsertim, si inusitato incedant vestitu. Omnes huius montis incolæ illius oppidi imperio atque consilio reguntur. Huius conditores eos fuisse volunt, quos Tagodastum inhabitare antea diximus: idque hunc in modum id factum narrant: Cū enim inter Tagodastenses nobiles orta esset dissensio, populus neque huic neque illi fauere parti cupiens, Elgiū multa condiderunt, ac nobilibus Tagodastum reliquerunt inhabitandum: quò fit vt in nostra vsque tempora hīc tantū ignobiles, illic verò solum nobiles inueniantur.

¶ Bzō Hascoræ oppidum.

BZ O oppidum antiquissimum in monte altissimo exstructum, à iam dicto Occidentem versus viginti distat miliarib. hoc ad tria ferè passuum millia præterfluit fluuius, quem Serui nuncupauimus. Ciues habet probos mercaturam exercentes, atque circa vestitum satis curiosos: ad eos qui deserta incolunt, pannū, oleum, atque corium transmittunt. Horū montes, oliuis, frugibus, atq; omnis generis fructib. luxuriant: solentq; quotannis uvas desiccare, quæ colo-

colorem habent atque saporem non vulgarem. Ficus hîc vbique copiosa: iuglandes verò tantæ altitudinis reperiuntur, vt in illarum summitate miluus sibi securè nidum construat: nemo enim est, qui eorûque ascensu pertingere queat. Habet ea via, quæ ab hac vrbe ad Serui fluuium ducit, hortos vtrinq; elegatissimos atq; amœnissimos. In hac regione me fuisse memini, eo ipso tempore quo chrysomela, ficus, atque alij huiusmodi fructus maturi legebantur: vbi ab illius vrbis sacerdote exceptus fui: hic non procul à templo quodam magnifico habitabat, quod fluuiolus ille præterfluit, qui per forû quoq; suum habet cursum.

¶ Mons Tenuues.

Situs est hic mons è regione Hascoræ, ea Atlantis facie, quæ Meridiem respicit: incolas habet permultos, validissimos, armis gerendis tam equites quàm pedites aptissimos: ingens illic equorum exiguæ magnitudinis numerus. Plurimum in hoc monte glasti syluestris atque hordei prouenit: sed frumenti ne spica quidem, adeò vt non nisi hordeaceo vescantur pane. Nulum datur anni tempus, quo non niues hîc reperias copiosas. Magnus item hîc nobilium atque magnatum numerus, qui imperio cuiusdam parent principis. Huic satis largum numerant quotannis tributum, quo ille suos alat milites: continuum enim illi geritur bellum cû montis Tensitæ inhabitatorib. Princeps mille fermè equites bello aptissimos habet, ac totidem semper huius montis nobiles propriis alunt stipendiis. Sunt præterea & principi centum, partim sagittarij,

L

par

DESCRIPTIONIS AFRICÆ

partim sclopettarij, qui regem quouis euntē comitantur. Ego cū hunc montem inuisi, principem offendi, qui supra modum laudari ab omnibus gestiebat: cæterū, quod ad liberalitatem, humanitatem, atque ciuilitatem spectabat, non puto facile reperiri posse, qui cum hoc sit vilo modo conferendus. Linguam Arabicam etsi nō intelligebat, tamen amabat vnice: plurimumq; inde voluptatis capiebat, si quis sententiam illi explicabat, quæ in illius laudem composita esset. Eo ipso tempore, quo meus auunculus à Fessæ rege ad Tombuti regem legatus missus erat, in cuius sodalitia ego quoque eram, cū Daram regionem ingressi essemus (distat ea regio ab hoc principe centum ferè passuum milib.) protinus ille auunculi nomine audito, qui insignis erat orator atque poëta elegantissimus, Daræ principi literas misit, quibus orauit, vt ille auunculo persuaderet, illumq; vt per Tenueuē montem Tombutum proficisceretur, oraret: cupiebat enim hominem videre & alloqui. Auunculus autem id non decere affirmavit, vt qui à Rege legatus aliquò missus erat, principes longè à via distantes inuiferet, ac sic sui principis seriora negocia in longum differret. Verū ne videretur omnino non morigerus huius principis animo, se nepotē illuc missurum pollicitus est, qui hominē saluteret, ac suo nomine debitos exhibeat honores. Post hæc insignia quædam dedit ad principem deferenda munera: stapedes inauratas artificiosissimè fabricatas, vigintiquinq; ni fallor, aureis emptas: calcaria duo elegantissima quindecim aureorum.

Duos

Duos præterea funiculos holosericos, miro artificio filis aureis intertextos, quorum alter puniceus erat coloris, alter cerulei. Insuper & librum elegantissimum, qui illustrium atq; eximiæ sanctimonix Africanorum vitam enarrabat, cum quibusdam carminibus in laudem huius principis compositis. His tandem rebus onustus, ego me itineri comisi: sumpsiq; mecum duos equites, qui me ad hunc montem proficiscentem comitarentur: atq; inter equitandum carmen quoddam in eiusdem encomium composui. Vbi iam eo peruentum esset, princeps regiam egressus venationi sese parauerat cum summo nobilium apparatu. Qui postq; me aduenisse intellexit, ad se accersiri iussit, ac post salutationem exhibitam, rogauit, quæ se auunculus haberet: ego illum perbellè valere, ac principi ad omnia addictissimum respondi. Postea hospitium egregium parare, ac tantisper ab itineris molestia cõquiescere iubet, donec à venatione redeat. Vbi verò multa iam nocte à venatu rediisset, continuò nos in regiam vocari iussit: vbi postquam hominem honorificè quoad potui salutassem, munera ab auunculo missa obtuli: quæ, quantum conicere potui, acceptissima fuerunt. Tandem & carmen ab auunculo cõpositum dedi: quod mox à quodam sibi legi iussit, quem à secretis habebat. Interea verò dum ille principi singulas explicaret voces atq; sententias, dictu mirum quantum ipsa facie alacritatis atque gaudij præseferibat. Absoluto carmine continuò mensæ accumbit, ac me sibi non modò conuiuiam, verum & proximū esse voluit.

DESCRIPTIONIS AFRICÆ

Discumbentib. appositi sunt castores, ac tandem carnes vitulinæ assæ, atque elixæ, sed pane in placenta fere modum fartæ. Allati sunt præterea & alij permulti cibi, quorum non fuit facile meminisse. Exacta autem cœna, cœpi principem his tandem alloqui verbis: Habes modò, mi domine, ea munuscula, quæ auunculus tibi ad omnia paratissimus per me misit, quò animi erga te promptitudinis fidem faceret, utque in tua memoria vel aliquis illi relinqueretur locus: ego verò, idem & sororis filius & discipulus, nihil habeo præter verba, quod tibi ceu principi obseruantissimo offeram: accipe igitur & à me quod nostrum in itinere potuit parere ingenium. His dictis cœpi illi & meum recitare carmen: hîc princeps summa animi alacritate me (qui iam annos ferè sedecim natus eram) legentem auscultauit, ac quicquid non probè intellexerat, id sibi per interpretè exponi iussit. Posthæc à venatu fatigatus, cum iam multam esse noctem intellexisset, nos oēs somno operam dare voluit. Postridie summo mane ad ientaculū vocari iussit, quo lautissimo traducto, centum aureos numerari curauit, quos auunculo deferendos dedit, insuper & tria addidit mancipia, quæ auunculum in itinere comitarètur. Mihi verò, quinquaginta aureos & equum egregium dari iussit: utriq; illorum qui mecum venerant, decem aureos dono dedit: auunculo autem renunciare iussit, illud quicquid erat exigui muneris, propter elegans in illius laudem compositū carmen exhibitū fuisse, non propter insignia illa quæ acceperat donaria: nam horum gratiæ relationem

tionem, in reditum à Tombuto differre se affirmavit, quò sui in illū animi significationem aliquam daret. Deinde per quendam qui illi à secretis erat, nobis viam commonstrari iussit: atq; humanissimè salutatos, valere iussit: se eodē die in hostes incursionem facturum affirmans. Ab eo itaq; digressus, ad auunculum sum profectus. Hæc ea de causa hoc loco subnectere libuit, quò & Africam etiam homines liberales & humanos habere doceremus.

¶ *Mons Tensita.*

Tensita Atlantis pars est, initium habens ex Occidente à iam dicto monte, vergitq; Orientem versus ad montem vsq; Dedes, ad latus verò meridionale eo deserto clauditur, quod apud illos Dara appellari consuevit. Est autem hic mons multitudine hominum abundans, habetq; castella plus minus quinquaginta, & creta crudis lapidibus exstructis muris circumsepta: & quia ad Meridiem vergit, ferè semper imbrium expers. Omnia autē ea castella ad Daran fluuium exstructa, hæc per tria, illa verò per quatuor miliaria ab inuicem distant. Potentissimus huius regionis princeps equites numerat ferè mille & quingentos, pedites autem numero haud multò minori, quàm princeps ille, de quo modò sumus loquuti. Et cum inter hos maxima sit consanguinitas, nunquam tamen non potest alter quin in alterū bellum moueat atrocissimum. Incredibile dictu, quàm sit ille mons dactylis felix, incolæ partim agriculturam, partim mercaturā exercent. Hordeum illis summa pro-

DESCRIPTIONIS AFRICÆ

uenit affluentia, verum frumenti atque carniū
 tanta apud hos penuria est, vt nusquam ferè ma-
 ior: non enim pecudes neque armenta ea alit re-
 gio. Ex hoc monte annuus prouentus viginti
 millium aureorum ad principem redire ferunt:
 sed illorum aureus duas tantum tertias Italici
 æquiualeat aurei. Maxima semper incessit inter
 hunc principem & Fessæ regem familiaritas atq;
 consuetudo, adeo vt frequentissimè alter alteri
 insignia misisset donaria. Memini me cum pri-
 mis insigne ab hoc principe ad regem missum vi-
 disse munus, quinquaginta nempe mâcipia ma-
 scula & totidem fœminea ex Nigritarū regione
 collecta, decem eunuchos, duodecim camelos, v-
 num camelopardalum, strutiones decem, sedecim
 feles ex iis quæ excrementum odoriferum emit-
 tunt, tum & eius excrementi libram vnā, ele-
 ctri libram vnā, ac ferè sexcenta coria anima-
 lis cuiusdam quod apud illos Elamt appellatur,
 ex quibus clipeos sibi conficere solent, valetque
 quodlibet corium Fessæ aureis octo. Mancipio-
 rum masculorū singula viginti aureis erant em-
 pta, fœminæ verò quindecim. Eunuchus aureos
 quadraginta æquiualebat, camelus quinquagin-
 ta, felis ducetos: musci iam dicti excrementi atq;
 electri libra vna, sexaginta apud hos emitur au-
 reis. Mittebantur vnā cum his quæ iam enume-
 rauimus & alia permulta, quæ breuitatis causa
 consulto hic omisimus. Ego, cum hæc ad regem
 deferrentur donaria, vnā præsens aderam: orator
 natione Nigrita fuit, corpore humili atq; obeso,
 cæterum idiomate atq; moribus plusquam satis

barbaris : hic Regi literas obtulit ineptiss. atque imperitissimè depictas, sed multò rudior atque ineptior ea fuit oratio, quàm pro suo principe coram rege pronunciauit, adeò vt rex ipse cum omnibus qui tum aderāt, vix risum temperare valerent, quin cogebantur omnes os aut veste aut manu tegere, ne plus satis viderentur inciuiles. Finita tamen oratione, Rex oratorē splendidissimè excipi iussit apud summi templi sacerdotem, apud quem per aliquot dies cum quatuordecim sociis, quos secum adduxerat, commoratus, tandē regis liberalitate asymbolus ad suum principem reuersus est.

¶ *Mons Gogidema.*

EST prædicto monti & alius quidam confinis, quem Gogidema nominant. hic ad Septentrionalem tantum faciem incolas habet: ea verò pars quæ Meridiem respicit, habitatoribus omnino vacua est: cuius rei hanc rationem esse affirmāt, quòd cum Marocci Rex Abrahamus ab Elmadi discipulo prostratus regnoq; pulsus esset, ad hunc montem cōfugerit. Incolæ Regis excidio commoti, omnibus modis (sinistro tamen Marte) illi auxilio venire studuerūt: Quod vbi rescivit Elmadi discipulus, in hos maximo exercitu, maximaq; animi furia cōmotus, omnes illorum mansiones atq; pagos incendio deleuit, habitatores partim in fugam egit, partim interfecit. Ea verò facie quæ incolas habet, vilissimos tantum, pannosos atque abiectissimos homines reperias: hi olei atque hordei exercent mercaturam; neque hic aliud præter hor-

DESCRIPTIONIS AFRICÆ

deum præterque oliuas prouenit. Satis magna apud hos caprarū & mularum copia est, verū mulæ & equi exiguæ admodum sunt magnitudinis. Huius montis cū situs tū qualitas prohibet, quò minus habitatores libertatē obtineant.

¶ *Teseuon.*

Teseuon duo sunt montes contigui, habentq; à supradicto ex Occidente initium, finem verò in monte Tagodasto. Incolæ paupertate summa premuntur: nihil enim illorum agris præter hordeum & millium prouenit. Ex hoc monte scaturit flumen quoddam, quod inde per campos fluit amœnissimos. Sed quia hi montani nunquam in campos illos descendunt, hinc fit, quòd illud flumen ab Arabibus tantummodo occupetur. De his hoc loco satis dictū est, nunc ad Tedletis descriptionem veniamus.

¶ *Tedletis Regionis descriptio.*

Tedles regio non vsque adeo ampla, principium habet à flumine Serui, idque ex Occidente, finitur autem ad fluuium Ommirabih, hoc est ad caput iam dicti fluuij: ex Meridie Atlante terminatur, ex Septentrione autem eo loco finē habet, vbi Serui in fluuium Ommirabih prolabitur. Est ferè hæc regio figura triangulari: nascuntur enim duo hæc flumina ex Atlante, fluuntque Septentrionem versus, paulatim sese astringentia, donec in vnum confluant.

¶ *Tefza Tedletis oppidum.*

Tefza totius Tedletis celeberrimum oppidum, ab Africanis in Atlantis costa conditum, ab ipsa planicie quingētis circa passuum

suum milibus situm est. Huius murus ex Tybur-
tino niarmore exstructus, qui illorum idiomate
Tefza appellari solet, hinc & oppidum sibi no-
men sumpsisse asserunt. Hanc ditissimorum om-
nis generis mercatorū turba maxima inhabitat:
ducentæ ferè hic reperiuntur Iudæorum, merca-
turam variæque vitæ munera exercentium fami-
liæ. neque hic desiderabis exterorum copiosam
affluentiam, qui inde chlamydes cum cucullis
auferunt inconsutas & nigras, Ilbernus vulgò no-
minant: harum non tam in Italia, quàm in His-
pania copiosus est numerus. Nulla ferè Fessæ
mercatura est, quæ nō in hoc oppido reperiatur:
quod si quis mercator velit suas merces in alias
cōmutare, facilius extrudit: indigenis enim mul-
tæ sunt merces, veluti mancipia, equi, glastum,
tergora, atq; id genus mercimonia: quæ quidem
si non nisi prōpta pecunia distrahere velint, tum
verò æquum valorem non adipiscuntur. Num-
mum habent tantum aureum, neque imagine,
neque vlla inscriptione insignitum: vestitus satis
cultus atq; ornatus: mulieres forma moribusq;
præcellentes. Multa hoc in oppido reperiuntur
templa, multi sacerdotes atque iudices, fuitque
optima semper inter illos Resp. sed in peius sem-
per degenerantib. rebus, varia postmodum sub-
orta dissidia atq; bella, adeò quod quidam hinc
expulsi ad Fessæ regem venerunt, supplicesq; ro-
gauerunt vt illos alicuius satellitij auxilio in pa-
triam restitueret, ea lege vt illi feliciter pacatis
omnibus, regi id oppidum in manus traderent.
Conditio placuit, Rex mille equites expeditissi-
mos

DESCRIPTIONIS AFRICÆ

mos mox ad hanc rem peragendam in promptu habuit, his insuper & quingentos sagittarios atq; ducentos sclopetarios equites addidit. Præterea quibusdā Arabibus (Zuair vulgò dictis, hi equitum quatuor ferè milia sub se habent) rescripsit, vt si fortasse eorum auxilio opus esset, mox illi cū suis copiis suppetias ferrent. Huic exercitui rex quendam ducem præfecit strennuissimum, quē Ezzeranghi dicebant. ille mox vbi iam sua tentoria oppido vicina fixisset, cœpit oppugnationem cum oppidanis conferre. Verùm vbi res summis viribus attentata esset, ciuium animi armis belloq; paratissimi exterorum conatum facile reddiderunt irritum. huic quoque accessit, quòd vicini Arabes Benigebir appellati, oppido cum. 5000. equitum exercitu subsidio veniebāt. Quod vbi Fessæ dux animaduertisset, continuò obsidione soluta in aduentantes subito irruit Arabes: quibus post triduum fuis, ille tutò se rursus ad obsidionē recepit. ciues vbi omnem sibi ab Arabibus spem ademptam viderent, legatis cum hoste pacem attentare seriò cœperunt, quā vt facilius impetrarent, oēs se sumptus restituros, quos Rex in hanc expeditionē insumpserat, deinde & singulis annis plusquā decies mille aureos missuros polliciti sunt, ea tamen lege, vt illi in quorum gratiam Rex milites miserat, oppidum ingressi, ab omni Reip. regimine secluderentur. Illi verò, postquam cōditiones intellexerunt, ducem his verbis sunt aggressi: Si tuo præsidio contingat nos in pristinam redire dignitatē atque statum, aureos numerabimus plusquam

100000. neque est quòd quisquam iniuriam sibi aut vim vllam illatam iri formidet, neminem enim ne minimum quidem detrimenti à nobis passurum certissimùm pollicemur: quin ab aduersariis tantum redditus bonorum nostrorum exigemus, quæ per tres annos continuos inuitis legibus sibi vsurpauerunt. excrefcet autem pecunia ad summam vsq; .300000. aureorum, quos tibi in solidum pro omnibus nostro nomine insumptis laboribus, vel lubétissimè persoluemus. dehinc & redditus huius regionis ad te quoque redibunt, qui aureos circiter .200000. producunt. præterea corradentur tibi ex Iudeorum tributo aureorum decem millia. His itaque præfatis, totius exercitus dux ciuibz renunciari iubet, Fessæ regem his qui secum venerant sanctissimè promississe, se illis nunquam defecturū, donec ad optata peruenerint: quare illos regere malebat, quàm qui iam adhuc oppidum illud occupabant, idq; multas ob causas: quocirca, inquit, si in Regis deditionem vos concedere statuistis, nihil quicquam mali vobis euenturū habetote: si autem ad extremum lubet vèstra isthac persistere pertinacia, extremum à vobis teruncium exacturum regem certissimùm scitote. Hæc ubi populus intellexisset, subito in varias scindi cœpit partes: erant enim qui Regi per omnia fauebāt, alij perpetuum gerere bellum, quàm regem admittere malebant: adeo vt iurgiis, rixis, atque dissidiis tota vrbs mirum in modum adimpleretur. quod tandē per exploratores ad obsidionis ducem peruentū est, qui mox dimidium sui exercitus

DESCRIPTIONIS AFRICÆ

erçitus ad arma vocari iussit: ac illorum operat-
 trium horarum spatio vrbe potitus est, idque vel
 absque minima iuorum strage. nam qui ex op-
 pidanis regi fauebant, intus portas suis muni-
 mentis nudabant, idem agebant foris & illi, qui
 obsidionem iam per aliquot dies tenuerāt, neq;
 quisquam illorum resistebat conatui, idque for-
 tasse propter intestina illa quæ iam diximus bel-
 la. Tandem Fessani exercitus dux, vrbein ingres-
 sus, regis signa in foro atque in mœnibus attol-
 lere iussit, equites totam circumagere vrbein vo-
 luit, ne quis ciuium hinc aufugere posset: deinde
 militibus per preconem nunciari præcepit, vt si
 quis vel minimā ciuibus inferret iniuriam, con-
 tinuò capite plecteretur. Mox omnes alterius fa-
 ctionis duces ad se captiuos adduci imperauit,
 quibus tantisper carceres minatus est, donec Re-
 gi abundè, quicquid in illo exercitu consumptū
 erat, satisfactū esset: summa autem ad duodecim
 aureorū millia accreuerat, quam ilico captiuorū
 vxores atq; cognati annumerauerunt. Necdum
 tamen illis libertas est concessa: nam illi in quo-
 rum gratiam Rex milites miserat, omnia sibi re-
 stituta volebant, quæ per aliquot annos sibi in-
 uitis legibus adempta affirmabant. Asseruati igitur
 captiui in proximū diem, quo summo mane
 vtrinq; producti sunt oratores atque causidici,
 qui coram iudice atque duce dissidia finirent.
 Verū post prolixam admodum inter eos disce-
 ptationem, nihil omnino cōuenire potuit, quin
 dux tædio affectus se ad cœnam cōtulit. Posthęc
 captiuos sibi adduci iubet, ac debitum vt exsol-
 uant

uant argentum hortatur, ni malint ad Fessæ regem deduci, qui duplum (inquit ille) aut eò plus sibi exacturus est. His itaq; verbis attoniti, vxoribus rescribunt, vt alicunde eas corradere pecunias velint, alioqui de se actû esse. Octo posthæc diebus, mulieres cum aliquot aureis annulis, armillas, aliq; id genus ornamenta attulerû, quæ 28000. aureis æquiualebant: hæc enim dare pro maritorum liberatione, quàm quib. pollerent diuitiis ostentare, malebant: quasi exhaustis pecuniis coactæ fuissent, mundum adferre muliebrê. Vbi igitur & Regi & aliis ciuibus abundè satisfactum esset, adeò vt nihil obesse videbatur quò minus illi liberarentur captiui, illos in hunc Dux alloquutus est modum: Ego, Domini mei, Regi omnia significauì, quæ hîc acta sunt, quod tamè me malè habet: nam ego vos nullo modo dimittere auderem, ni prius id mihi regiis fuerit concessum literis. Atqui vos bono esse animo velim, quia quandoquidem cuiq; quod suum erat, bona fide reddidistis, nemini dubium, quin vos propediem in pristinâ restituat libertatem. Hac eadem nocte dux quendam ad se vocauit, cuius sæpenumero consilio feliciter vsus fuerat, ac quo pacto plures pecunias ex iisdem extorquere posset, rogat: adeò vt culpa tamen atq; perfidia carere videretur. Ad quod ille: Finge te à Rege literis ad hoc coactum, vt illos ad vnû omnes capite truncet: verùm misericordia commotum, non posse tantum facinus perpetrare in innoxios: ceterùm te illos Fessam missurû, quò Rex pro arbitrio aut puniat aut cõdonet, Fictæ igitur sunt tanquam

DESCRIPTIONIS AFRICÆ

à Rege missæ literæ, quas dux postridie quadraginta duobus illis (tot enim erant captiui) flebili voce ostendit. Sinistrum de vobis nuncium (inquit) ad Regem peruenit, amici mei, vos nescio quid conspirationis in aîo habuisse: quapropter his literis q̄ arctissimè iniungit, vt vobis omnib. ense caput auferam: id autè etsi animo maximè inuito, tamen principi mos gerendus est mihi, nisi meipsum quoq; perditū iri malim. Quibus intellectis cœperūt miseri multis lachrymis ducis implorare misericordiam. Ille etiam lachrymas simulans; Quandoquidem, inquit, nihil iam melius occurrit, quod eligamus, ego vos cum aliquo equitum numero ad Regem mittam, cuius fortassis aliquo modo iram mitigare poteritis. Hic captiui illi multò q̄ antea tristiores effecti, se dijs atque ducis benignitati cōmendare, multoq; cum luctu illius implorare clementiam cœperunt. Continuo interuenit alius quidam, qui vt aliquam inter se auri summam inuenirēt, hortatus est, quæ fortè Regis animum flecteret: ducemq; captiuorū nomine orare videbatur, vt & ille apud Regem literis quantum posset efficere vellet. Idem omnes vna voce captiui agebant, ad Regem se bonam auri vim missuros, nec non & ducē amplissimis donis salutaturos pollicebantur. Hic ille, quasi conditio non vsque adeo placuisset, tandem quantum auri ad Regem mittere statuissent, rogat: hic aureos. 1000. ille. 500. alius verò. 800. numeraturū promittit. At quasi hoc parum fuisset, finxit dux nolle se Regi tantillum renūciare: sed præstabit, inquit, vos ipsos

Re.

Regem adire, futurum forsitan vt melius quàm speratis cum illo agatis. Illi autem metuentes ne si Regem adirent, malè secum ageretur, multò quàm antea feruentius instare atque rogare, vt ipse quantum posset, illorum cōsuleret salutem. Quare dux tandem tanquam precibus victus, in hunc illos alloquitur modum : Vos hinc quadraginta duo nobiles atque ditissimi, si mihi singuli duo aureorum millia pollicemini, vestro omnium nomine id Regi indicabo, speroque me hoc pacto persuasurum: quòd si ea conditio non arriserit, ego vos ilico in Regis aulam relegabo. Conditionem omnes accipiunt, ea tamē lege, vt quisque pro facultatum ratione numeraret, atque vt numerandi tempus in quindecim produceretur dies. Duodecimo die, finxit à Rege missas literas, quibus significabatur, regem ducis gratia erga captiuos mitiorem redditum. Decimoquinto die numerata sunt duci octuaginta quatuor aureorum millia: neque potuit ille satis mirari tantam auri vim in tam angusto oppidulo, inter .42. tam subito reperiri potuisse. Pòst suo Regi quid actum esset rescripsit, atque quid de auro agendum sit rogauit. Rex statim cum duobus qui ei erant à secretis, centum equites misit, qui aurum adferant. Qui libertati erant restituti, duci equos, mancipia, muscum, aliaque id genus munera miserunt aureis plusquam .2000. emptas: gratiasque egerunt pro recuperata salute maximas: illud rogantes, vt quicquid erat muneris, æqui bonique consuleret: nam nisi exhaustæ omnino pecuniæ fuissent, multò sumptuosiora se daturus affirmauerunt.

DESCRIPTIONIS AFRICÆ

Paruit igitur ab eo tempore ea regio Fessæ Regi, nec non & imperio iamdicti ducis (Ezzeranghi vocabant) donec à quibusdam Arabibus proditoribus interfectus est. Recipit & in hunc vsque diem Rex ab ea ciuitate aureorū. 20000. singulis annis prouentū. In hac narratione aliquantulò q̄ par erat plixior fui, id eò fortasse, quòd his ego omnib⁹ interfuerim, bonāq; nauauerim operā vt ciues liberarentur: neq; me vnquā memini maiorem vidisse auri cumulū, q̄ qui his astutia adeptus fuit. Imò ne ipse Rex quidem vnquam tantū vno tempore auri penes se habuit: quāuis enim quotannis. 30000. aureos recipiat, nunquā tamen tantū potuit vno momento colligere cumulum: id quod & de huius patre affirmant nō pauci. Gesta sunt hæc Anno. 915. Christi verò M. D. VI. Nunc mihi hoc loco perpende, quid humana possit in extorquēdis pecuniis efficere industria. Miratus est Rex hanc auri summā, sed multò magis postea cuiusdā Iudæi miratus opes, qui solus plus exoluit, q̄ omnes antea enumerati ciues. fuitque huius opulencia in causa, vt Rex à Iudæis collationem. 50000. aureorum exegerit, eò quòd eius hostibus nonnihil fauisse dicebantur. Ego ipse illum sum comitatus, qui Regis nomine aureos à Iudæis recepit.

¶ Efza Tedletis oppidum.

ATefza duobus passuum millibus sitū est, familias habet ferè sexcentas in colliculo ad Atlantis radices sito, constructū. Mul-
ti hic Mauros atq; Iudæos reperiās, qui bernussī
conficiunt. Incolæ aut alicui artificio, aut agri-
cul-

culturæ sunt addicti, parentq; Tefzanitarum imperio. Horum fœminæ lanificio sunt præcellentes, adeò vt eas plus lucrari dicāt, quàm eiusdem oppidi viros. Inter id oppidum & Tefzam præterfluit fluuiolus quidam, Derne incolæ vocant, nascitur autem ex Atlante, ac per illius regionis campos fluens, tandē in Ommirabili delabitur. Habes ex vtraque fluuij parte hortos amœnissimos atq; spaciosissimos, in quibus nihil fructuū desiderare poteris. Ciues habet liberalissimos atque humanissimos, mercatorib. illac iter facientibus libere hortos ingredi, atque inde quantum velint fructuum sibi decerpere licet. Nulla gens in persoluendo debito tardior: nam etsi mercatores præsentēs annumerant pecunias, ea lege vt ab oppidanis barnussum intra trimestre recipiāt, in integrū tamen interdum illis est expectandū annum. Ego in hoc fui oppido eo tempore quo Regis exercitus Tedletem occupabat, atq; tum se Regis dederunt imperio. Regij exercitus duci, cū ad hos secundo iam venisset quindecim equos totidemq; mancipia dono dederunt. Deinde & 15. vaccas obtulerūt, quo suæ erga Regem fidei atque animi fidem facerent.

¶ *Cithiteba.*

AB Africanis in monte excelso exstructa, à prædicto oppido Occidentē versus decem ferè distat passuum milibus. Incolis ditissimis atq; nobilibus ditissima: & quoniam apud hos quoque barnussum confici solet, hinc fit quòd magnā semper hic reperias mercatorū multitudinem. Perpetuæ hic niues in montis

M iugo,

DESCRIPTIONIS AFRICÆ

iugo: qui ciuitati circumiacent campi, vineis ac hortis spaciosi sunt amœnissimi, prouenitque illis tanta fructuum copia, vt in foro nullos omnino fructus reperiās. Horū mulieres albissimæ, & quia pinguiorēs acceptissimæ, multoq; argēto ornatae incedunt: oculi atque capilli subnigri. Incolæ morosi plus satis, nunquā regis (qui Tēdletis sibi deuicerat reliquas ciuitates) imperio parere voluerunt: quin duce quodam mille equites collegere, qbus ita regio sese opposuerunt exercitui, vt non semel illi periculum fuerit, ne non quod partum erat, rursus amitteret. Posthæc Rex vnā cum fratre auxiliares suo Duci copias misit, verū ille quoq; infausito pugnauit Marte. Tandē vbi bellum in totum triennium protraxissent, huius ciuitatis dux à quodam Iudæo regis iussu veneno necatus est: sic tandem hanc sibi quoq; Rex prouinciam nactus est, anno Hegiræ . 921.

¶ *Eithiad.*

Oppidulum hoc in quodam Atlantis colliculo ab Africanis exstructum, familias numerat plus minus trecentas. Ex montis tantū parte muros habet, nam ea facies quę planiciem respicit, tam est rupibus munita, vt muro nequaquam egere videatur. A Cithitebā miliaribus circiter. 12. distat. Templum hic angustum tamē ornatissimum est, quod circum ferriūulum habet ad fluminis ferē modum. Incolæ ditissimi atque nobiles, frequentissima illis mercatorum tam incolarum quā exterorum semper est copia. Qui hic habitant Iudæi, partim artem,

tem, partim mercaturā exercent. Innumeri hic fontes, qui per montis rupes erumpentes in fluuiolum oppido suppositum delabuntur. Ex vtraq; fluuij parte horti reperiuntur vuis, ficibus atque iuglandibus foelicissimi. Costę item huius colliculi oliuis sunt feracissimæ. Mulieres nō minorem habent formę quā ciuilitatis portionē, multo ornatae sunt argento, annulos tum digitis tum brachiis addunt elegantissimos. Campus illis omnis generis frugibus, collis autem hordeo atq; capellis aptissimus est. Nostro æuo sibi Raman Benguihazzan id oppidulum vsurpauit, ac ad extremum vsque vitæ diem eo potitus est. Ego quoq; ab huius regionis sacerdote hospitio exceptus fui, anno. 921.

¶ *Seggeme Tedletis mons.*

Etsi Meridiem respicit hic mons, tamen inter Tedletis mōtes adnumerari volunt. Initium habet ex Occidente à monte Tesauonio, extenditur autem Orientem versus ad montem Magranum, vnde & Ommirabih fluuius notissimus suum habere exordium dicitur. Meridies illum Dedete monte terminat. Huius accolae à Zanagatibus genus traxisse volunt: habiles sunt, alacres, animosi, belloque valentissimi. Illorum arma sunt iacula, gladij incurui atq; pugiones. Mira illis quoque in mittendis saxis dexteritas atq; vis est. Continuum illis cum Tedletis incolis bellum geritur, adeò vt mercatoribus illac transire non liceat, nisi fide publica interposita, maximoque pecuniarum dispendio. Adeò non voluptariæ illorū sunt mansiones, vt ternæ

DESCRIPTIONIS AFRICÆ

interdum aut quaternæ in vnâ sint constrictæ domus. Caprarum hic maxima est copia, nec nō & mulorum asini staturam vix excedentium, hi pabulum sibi iis in nemoribus quærunt, sitque sæpenumero vt à leonib⁹ dilanientur. Nulli vnquam voluerunt parere principi, adeò enim scabrosus atque difficilis mons est, vt inexpugnabilis ferè videatur. Nostro tempore conatus est dux ille qui Tedletis sibi oppida deuicerat, & in hos quoq; mouere arma. Quod vbi montani animaduertūt, collecto copiosissimo exercitu, se in quodam montis loco condunt, quâ mox transi-turos hostes sciebant. Postquam verò vidissent equos omnes montem ascendisse, subitò ex insidiis irruipientes se in hostes conijciunt. Bellum nō admodum prolixum fuit, verùm plusquam satis cruentum: ducis nanque exercitus montanorum vim ferre nō potuit, neq; ascendere, neq; descendere dabatur: quare cum hoste cominus ad extremum vitæ spiritum dimicandum erat. Multi vnâ cum equis à rupibus disiecti, animam cadendo exspirauerunt: reliqui aut capti, aut interfecti sunt, adeò vt quenquâ vix saluum inde aufugisse crediderim. Captiui autem omnium miserrimi fuerunt: nam cum viri captiuos interficere nollent, eos vxoribus dilaniandos dederūt, quæ miseros non aliter ac si beluæ fuissent, crudelissimo affecerūt mortis supplicio. Ab eo tempore nullum omnino habuerunt cum Tedletanis commercium, neq; etiam illorum opera magnoperè egere videntur: magnâ enim habet ille locus hordei, pecudū, atq; fontium copiam: nisi quod

quod fortasse ab omni mercatura excludantur.

¶ *Magranus mons.*

A Liquantò vltra iamdictum montem situs est Magran^o, qui ex Meridie Farclam regionem deserto confinem respicit: ex Occidente initium ferè sumit à Seggeme, in Oriente verò ad radices Dedétis finem habet. Perpetuis cooperitur niuib; incolæ pecudib; atq; armentis opulentissimi, adeò vt non vno possint manere loco. Domos sibi ex quarundam arborû cortice construunt, quibus tectum ex perticis gracilioribus compositum addunt: trabes huiusmodi sunt circuli, è quibus cistarum cooperculum, quam secum mulieres Italæ in muli dorso gerunt, cum aliquò proficiscuntur. Integra illis hunc in modum domus quibusdâ circumfertur mulis, donec locum aptum inuenerint: què vbi nacti sunt, in eo domos figunt, ac cum tota familia tantum temporis remanent, quantû gramen illis sufficere potest. Vernis tamen temporibus fixas sibi seruant mansiones, stabula componunt admodum humilia, quibus tectum ex frondibus confertum addunt, atq; in iis armenta noctu seruantur: & ne frigus illis impense noceat, ignem stabulo propinquum construunt maximum: fit autè sæpenumero, vt ignis ventis agitat; stabulum inuadat, adeò vt nisi pecus fuga saluti consuleret, in maximo esset vitæ periculo: quemadmodû igitur nullos habent domus parietes, sic neque stabula. Maximo indies à leonibus atque lupis afficiuntur incòmodo. Vestitus atq; ritus illis omnino iidem sunt cum iis, quos

DESCRIPTIONIS AFRICÆ

prædictum montē occupare antea diximus, nisi quòd hi domos ligneas, illi verò lapideas sibi habeant. Fuimus & nos in hac regione anno. 917. cum Dara Fessam rediremus.

¶ *Dedeti montis descriptio.*

EXcelsus atque frigidissimus hic mons fontes habet quāplurimos, totus nemorosus. à Magrano initium sumit ex Occidente, finiturq; non procul à monte Adefano: in Meridie Todgæ campis confinis est. patet autē in longum octuaginta ferè passuum millibus. In huius montis summitate antiquissima fuit fabricata ciuitas, cuius propter ruinam rara tantū hodie visuntur monumenta: muri nempe ex candidis lapidibus, in quibus quasdam inscriptiones videre licet, quas nec incolæ intelligere possunt. Permulti adhuc in ea perstant sentētia, vt illam à Romanis conditā arbitrentur: verū ego nullum vnq̃ rerum Africanarum historiographum inueni, qui illud affirmet, aut qui de ea ciuitate scribat. Nisi quòd Serif Essacalli in quodam suarum historiarum libro Tedsi mentionem faciat, quam Segelmessæ atq; Daretæ confinem scribit: sed non indicat, sit ne in Dedete monte fabricata nec ne. Nos tamen eandem esse iudicamus: nam in ea regione non alia quàm hæc reperiri ciuitas potest. Incolæ, vt verum fatear, vilissimi sunt: horum pars maxima antra inhabitant: illorū cibus hordeum est atque Elhasid, hoc est hordei farina aqua cum sale elixa, vti antea diximus, cū Hæ regiones describeremus: nam nihil hīc omnino præter hordeum reperiri potest. Maxima illis capra-

caprarū atq; asinorū copia: antra aut in quibus pecudes seruare solent, nitro mirum in modum sunt referta: adeo vt nō dubitem si hic mons Italiae vicinus esset, quin singulis annis inde plus q̄ 25000. aureorum prouentus colligeretur. Verū tanta est illorum cū ignauia tum inscitia, vt ad quid nitrum conducat prorsus ignorent. Tantam illi in vestibis praeferūt ignauiam, vt plusquā dimidia corporis pars nuda remaneat. Mansiones habēt admodum deformes, multoq; caprarū numero foetidas. Toto hoc monte neq; castellum, neque oppidum inuenias muris cinctum: si quando domunculam exstruere velint, lapides tantum lapidibus sine aliqua calce superimponunt, tectum autem ex rudere conficiunt, quod & in quibusdam locis Sissae atque Fabriani videre licet: reliqui vt iam diximus, antra inhabitant, neque vnquam me maiorem vidisse pulicum copiam memini, quā apud hos. Sunt praeterea & proditores, furtis, rapinis nec nō & rixis addictissimi, ita vt vel minimo cōmoti verbulo, non rixentur modò, verū & se mutuo interficiant. Neque Iudicem, neque sacerdotem, neque alicuius probitatis rectorem habent. Nullus hic mercator reperiri potest: nam cū incolae perpetuum agant ocium, nec operæ quicquā inter illos sit, nihil mercatoribus est negotij. Quod si quis merces per illorum regionem deuehere stuerit, nisi ab illorum duce fide publica sit munitus, ei periculum est, ne bonis omnibus spoliatur. Si verò merces illorum non videantur conuenire necessitatib. harum partem quartam pro-

DESCRIPTIONIS AFRICÆ

tributo sibi exigunt. Horum mulieres sordidissimæ, multoque quàm viri pannosiores. Illarum conditionem asinorum posthabendam dixeris, adeò perpetuis sunt laboribus impeditæ: atque ut semel dicam, nullus fuit in tota Africa locus qui magis me tædio affecit: tamē illac mihi iter necessario fuit, dum cuiusdam iussu Marocco Segelmessam proficiscerer, anno. 918.

Ioannis Leonis Africani

descriptionum Africa rerumq; in
ea memorabilium

LIBER TERTIVS.

¶ Fessæ exactissima delineatio.



ESSÆ regnum in Occidente à flumine Ommirabili initium ducit, finitur autem in Oriente Miluio flumine: Septétrio Fessam partim mari Oceano, partim Mediterraneo claudit. Diuiditur autem Fessā in septem regiones: Temesnen, Fessæ tractum, Afsaram, Elhabetum, Errifam, Garetum, & Elchaufum: habuitq; quondam harum quælibet suum ducem: neq; semper Fessā regiam habuit sedem, sed à quodam Apostata exstructum, remansit ibi huius posteritas annis ferè centum & quinquaginta. Huic successit Marinorum familia, quæ omnium prima Fessæ regni dedit nomen, suasq; hinc fixit sedes, idq; rationib. quibusdam, quas in eo libello, què de rebus Mahumetanis scripsimus, copiosius enarrabimus, nūc singulas partes suo ordine, sum

mo

mo quoad fieri poterit cōpendio, perstringamus.

¶ *Temesna Fessæ regio.*

IN Occidente initium habet à flumine Om-
mirabili, finiturque Orientem versus Bura-
grago fluuiio: Meridies hanc regionē Atlante,
Septentrio autē mari Oceano claudit. Perpetua
est planicies, patetque in longum ex Occidente
Orientē versus octuaginta ferè passuum millib.
ab Atlante autem ad Oceanum vsque sexaginta
circiter numerantur miliaria. Fuit ferè semper
hæc regio totius Africæ caput: habuit namq; op-
pida plus minus quadraginta, castella verò tre-
cēta, quæ incolas omnis generis Barbaros habuit.
Anno Hegiræ trecentesimo vigesimo tertio, à tri-
buto liberata fuit à quodam concionatore hære-
tico, Chemim Mennal filium vocabant. Hic po-
pulo Fessano nullum principi neq; tributū neq;
honorē exhibendum persuasit, quod homo esset
plus satis iniquus: tum etiam se prophetam p-
fessus est: quare mox nō religionis modò, verum
etiam & totius Reipub. negotia sibi vsurpauit.
Tandem bello cōtra Fessæ regem moto (hic cum
Zenetis bellum gerebat) eò res rediit, vt pacis le-
ges hæ fuerint inter illos sancitæ, quod hic Te-
mesnam, ille verò Fessæ sibi ditionem seruaret,
neque post hæc alter alteri quicquam noceret.
Tenuit hic imperiū annis circiter trigintaquin-
que: post hunc verò eius successores annis ferè
centum regno potiti sunt. Ast vbi Iosephus Ma-
roccum condidisset, conatus est & hunc in suam
redigere ditionem. misit ergo doctores atq; con-
cionatores quamplurimos, qui hominem ab hæ-
resi

DESCRIPTIONIS AFRICÆ

resi auocarent: atque, si modò fieri posset, sine ar-
 mis illius se dederet imperio. quod vbi incolæ
 animaduertunt, vnà cum prædicti concionatoris
 cognato in quadam vrbe (Anfa vocabant) con-
 silium inierunt, vt legatos Marocci regis interfici-
 ceret: quod tandem fecerunt. post hæc exercitu
 quinquaginta millium collecto, Maroccum eo a-
 nimo suas traduxere copias, vt Luntinos cū prin-
 cipe regno expelleret. Hoc vbi nuncium ad Iose-
 phum allatum esset, dictu mirum, quantum inde
 conceperit animi inœrorem. Expeditissimo igitur
 atque numerosissimo exercitu non hostium
 expectauit aduentum: quin agmen ex insperato
 Temesnam tertio duxit die, atque iam Ommi-
 rabih cū suis transmiserat, cūm Temesnitę huius
 perterriti copiis, Buragragum fluuium transmi-
 serant, Fessamq; omnes confugiebāt. Rex autem
 adeò totam depopulatus est Temesnam, vt ne
 puellis qdem pepercerit, quin omnes gladio sub-
 icere iusserit. Remansit huius exercitus per octo
 menses in ea regione, atque ciuitates omnes sic
 deleuit, vt exigua tantum hodie illarum videre
 licet monumēta. Fessæ verò rex vbi Temesnitas
 iam aduentare intellexisset, induciis cū Zenetis
 pactis, se cum ingenti exercitu in horum copias
 conuertit. Hos tandem ad Buragragū multa iam
 fame atque inedia fractos repperit, illisq; vltius
 progrediendi omnem facultatem ademit, quare
 præruptos montes atq; syluas adire coacti sunt.
 Postremò regiis copiis circumacti, nonnulli flu-
 minis aquis submersi, alij ab excelsis rupibus
 præcipitati, reliqui ab hostibus misere trucidati
 sunt

sunt. Decem igitur mensium interuallo, adeò omnes Temesnitæ deleti sunt, vt perpauca admodum reliqtæ sint ab eo bello eius populi reliquæ. Luntunorum porrò Rex Iosephus posthæc Maroccum redijt suas copias reparaturus, quò Fessæ Regem bello peteret. Temesnam autem habitatoribus vacuam, feris tantùm inhabitandam reliquit. neque prius novos ea regio sibi incolas recepit, quàm centum & quinquaginta pòst annis Mansor à Tuneto rediens quosdam secum Arabes adduxit, quibus Temesnam inhabitandam reliquit. Hi tantisper sibi id regni occupauere, donec quinquaginta ab eo tempore annis Mansor regno pulsus est: atque tum demum à Luntunis eiecti, ac in extremam calamitatem redacti sunt. Quibus transactis Marinorum Rex Zenetis atque Haoaritis eam regionem dono dedit. Hinc factum est quòd Zeneti atque Haoaritæ Luntunis vt plurimùm semper fauisse, ac à Marocci principis impetu securos reddidisse creduntur. Ab eo ergo tempore Temesnam tranquillè occuparunt, ac in tantum nunc creuisse dicuntur (centùm annis ni fallor illorum vix stetit imperium) vt regē Fessæ nihil formident. equites enim. 60000. aut eò plus numerant, castra verò ducenta. Ego maximam cum illis habui consuetudinem atq; notitiam, quare & singula quæ hîc memoratu digna reperiuntur, enumerabo.

¶ Ansa Temesnes oppidum.

AMplissimùm hoc oppidum à Romanis in Oceani littore exstructùm, ab Atlante Septentrionem versus sexaginta, ab Azemuro

DESCRIPTIONIS AFRICÆ

muro Orientē versus totidem, à Rabato autem Occidentē versus, quadraginta distabat passuum milib. Cives habuit humanissimos atque opulentissimos: ager illis omnibus frugum generib⁹ fœcundissimus: neq; est vlla in tota Africa ciuitas, quę cum hac situ locique amœnitate certare queat. Planicies illi (præterquā in Septentrione, nam ea parte mare respicit) patet in longum octuaginta ferē passuum milib. Templā quondam habuit magnificē exstructa, officinas complures, palatia insignia: cuius rei faciliē fidē facient, quę in hunc vsq; diem relictā sunt monumenta. Spaciosi illis fuere horti, ē quib⁹ & hodie magna fructuum copia decerpitur, melonum præsertim ac citrioli: quę omnia maturitatē medio Aprili attingūt. quare incolę suos fructus Fessā deferre solent, quod multo citius matura colligantur, q̄ Fessā. Vestitus illis cultus est atq; ornatus, fuitq; summa eis semper cum Lusitanis ac cum Anglis consuetudo. Eruditorum hīc copiosus numerus est. Verūn duas ob causas huius loci ruinam euenisse volunt, primò quod supra modum libertatem amiebant, secundò quod myoparones in portu habebāt, quibus Gades atq; Lusitanos miris indies vexabant incōmodis. Quare tandem Portugallię Rex classem expeditissimā quinquaginta nauium ad eos misit, quę incolis tantum terroris intulit, vt illi arreptis secū quę poterant bonis, Rabatum nonnulli, alij Selam confugisse dicantur, hostibus eam vrbeim depopulandam relinquentes. Qui autem à Rege totius classis dux missus erat, fugę omnino ignarus, suas

copias accuratè instruit. Postea verò quæ gesta erant à quibusdā intellectis, milites in urbem introduxit, quam vnus diei spacio sic vastarunt, domos incendio deleuerunt, atq; muros multis locis solo æquarunt, vt in hunc vsq; diem habitatoribus vacua remanserit. Ego cū huc venissem, vix lachrymas tenere potui, vbi quorūdam ædificiorum atque templorum (quorum adhuc quædam exstabant monumenta) miserandam ruinam seriò contemplatus fuisset. Horti etsi nonnihil adhuc fructuū producant, syluas tamē dicas magis quā hortos. Nunc autem Fessanorum iniuria ad tantam redacta est ea vrbs calamitatem, vt nulla prorsus spes sit, nouos in posterum colonos recipiendi.

¶ *Manfora.*

A Manfore Marocci rege ac pontifice in amœnissimo campo exstructum est oppidulum, ab Oceano duobus, à Rabato quinque & viginti, ab Anfa verò totidem distat miliaribus: familias olim numerauit ferme quadringentas. Hoc oppidum alluit fluuius quidam quem Guir incolæ appellant, felicissimos habuit vtrinque hortos, verū nunc nihil hic omnino fructuum reperire licet. Excisa enim Anfa, huius incolæ relicto oppido Rabatum confugerūt, metuentes ne à Lusitanis simili vexarentur incommodo. Huius tamen murus vbiq; integer remansit, nisi quibusdam in locis Temesnitę solo æquarunt. Hoc ego etiam oppidum non sine maximo animi mœrore inuisere potui: facillimè restaurari, nouisque incolis reparari posset,

DESCRIPTIONIS AFRICÆ

si quis domos aliquot à ruina reuocet: sed tanta Temesnitarum nequitia est, vt neminem hic sibi ædeis exstruere paterentur.

¶ *Nuchaila.*

M Edio ferè Temesnæ exstructū fuit oppidulum quoddam non vsque adeo amplum, Nuchaila incolæ vocauere. Inhabitatores olim habuit quamplurimos, fueruntq; illis iis temporibus quibus heretici id imperium tenuerūt, nundinæ annuæ, ad quas omnes totius Temesnæ solent accurrere mercatores. Ciues habuit ditissimos, planicies enim illis omni ex latere quadraginta ferè in longū patebat passuum milib. Ego me apud quendam historiographum legisse memini, tantam illis fuisse frugum vbertatem, vt quantum camelus frumenti ferre poterat, pro calceorum pari commutauerint. Cum autem Iosephus Temesnæ Rex eam regionē vastaret, deletum est & hoc oppidulum cum omnibus cæteris, quæ tum ea regio capiebat ciuitatibus: hodie tamen aliquot huius monumenta videre licet, partes nempe quasdam muri, item turrim quandam templi eminentissimā. videas & hic hortos quosdā spaciosissimos, vitibus atq; arboribus cōsitos, quæ propter ætatē nihil quicquam fructuum producunt. Vbi agricolæ illius regionis pensum diei absoluerunt, rastros, aliaq; id genus rustica instrumēta in hanc turrim reponunt: arbitrantur namq; eximæ sanctitatis virum hic sepultum, cuius vi effectum credunt, vt nemo huius terrore aliena loco amouere instrumēta audeat. Sepissimè hoc ego oppidulū vidi,
cum

eum mihi Rabato Maroccum iter esset.

¶ *Adendum.*

INfra quosdam colliculos exstructū fuit hoc oppidulum, ab Atlante quindecim ferè miliaribus, à prædicto autem oppido viginti & quinque situm erat. Ager illis frugibus terendis felicissimus. Nō procul ab huius muris nascitur insignis quidam riuus. Innumeras hīc reperias palmas, verū humiles admodum atque infrugiferas. Riuus per valles atque rupes præterfluit, vbi ferri fodinas olim fuisse affirmāt, quod partim ex terra ferri colorem referente, partim ex aqua gustu ferrum arguente, facile deprehendi potest. Nihil hic præter perexigua quædam visuntur monumenta, domorum ruinas, columnasque humi prostratas: deletum enim id oppidulum fuit eo tempore quo totam eam regionē vastatam antea docuimus.

¶ *Tegegetum.*

AB Africanis in littore Omimirabili exstructum est, ea via, quæ à Tedlete Fessam ducit. Incolas aliquando habuit ciuiles atq; ditissimos, non enim procul distat à quadam via publica, quæ ab Atlante ad desertum tendit: huc omnes vicini confluere, atque frumentum inde auerere solent. Excisum etiam fuit & hoc oppidulum eo tempore quo aliæ oēs ciuitates, quantū longo pōst tempore nouos receperit incolas. Huc omnes Temesnitæ frumentum cōuehant, quod à ciuibus seruatur. nullam hīc omnino officinā, nullumq; adeò artificem, præter quosdam fabros ferrarios reperias, qui agricolarum instrumenta,

so-

DESCRIPTIONIS AFRICÆ

soleasq; ferreas cudant. Ciuibus autem ab Arabibus, quorum imperio parent, seriò iniunctum est, vt exteros omnes illac iter faciētes, honorifice excipiant. Mercatores pro panni aut telæ sarcina Regalis vnius portorium exsoluunt: ab equis aut ac camelis nihil sibi tributi exigunt. Mihi sæpissimè illac iter facienti oppidum non admodum placuit, etsi illorum ager frugibus atque armentis sit felicissimus.

¶ *Haim Elchallu.*

EXiguum admodum oppidulum est, non procul à Mansora conditum in quadam planicie. Hic frequentissimæ corni, aliæq; arbores reperiuntur spinosæ, fructum ferunt rotundum, cerasis non admodum dissimilem, nisi quòd crocei sint coloris: magnitudine oliuas excedunt, estq; exterior pars saporis nõ adeò grati. Frequēs hic palus maximam habet testudinum atque rubetarum copiam: rubetas autem non venatas ab illius loci incolis intelleximus. Nemo inter historicos Afros est, qui huius aliquam dederit descriptionem, propterea fortassè, quòd vix oppidi nomine digna putauerunt, vel quòd olim euersum fuerit atque destructum. Neque ab Africanis, quantum videre licuit, conditum est: verum à Romanis, aut ab alia quauis gente nõ nota exstructum existimarim.

¶ *Rabati descriptio dilucida.*

Maximum hoc atque amplissimum oppidum, non multis abhinc annis à Mansore Marocci rege atque pontifice constructum in Oceani littore. Hoc ex Oriente alluit

flu.

fluuius, quem Buragragū antea nominauimus, ubi & se in Oceanum fundit. In Buragragi gurgite rupes est, quæ ab vna parte fluuium, ab alia verò mare habet Oceanum. Quod ad structuram pertinet, aut ædificia, Marocco non dissimilem dixeris, cum Mansor id sedulo imitari iusserit: nisi quod multis partib. angustius sit Marocco. Quod autem eo loco conditum fuerit, hanc illi adferunt rationem, quod Mansor Granatense regnum & bonam Hispaniæ partem occupans, vidit Maroccum adeò longè hinc abesse, vt si quod bellum ingrueret, non posset aduersus Christianos auxiliares copias mittere: quare oppidum in maris littore condere statuit, vbi tota æstate cum suo exercitu remaneret. Suaferant nonnulli vt in Setta (quæ ciuitas ad fretum Calpes sita est) cum suis remaneret: verum Mansor cum ea ciuitate propter soli penuriam non posset regios milites tribus vel quatuor mensibus alere, breui admodum temporis spacio hoc sibi construxit oppidum, quod mirū in modum templis, collegiis, palatiis, officinis, hypocaustis, xenodochiis, aliisque id genus structuris ornandum curauit. Tum extra vrbs mœnia ea parte quæ Meridiem respicit, turrim quandam Maroccenæ turri per similem composuit, sed ampliori multò cochlea, adeò vt terni equi turrim ascendere commodè possent: à summitate autem turris naues in mari quamlongissimè dissidentes videri possunt. Eius sanè meo iudicio altitudinis est, vt nō facile ædificium reperiri posse putem, quod hanc altitudine superet. Atque quò maior huc vndiq; con-

DESCRIPTIONIS AFRICÆ

fluere artificum atque mercatorum copia, statuit ut cuilibet pro officij aut exercitij ratione annua etiam præterea numeraretur pecunia, quod factum est, ut intra paucos menses ea ciuitas omnis generis artificibus atque mercatoribus, refertissima ferè totius Africæ euaserit, eò quod duplum ciuibus contingebat lucrum. Hic Mansor cum suis ab Aprilis initio in mensem usque Septembrem remanebat. Et quoniam ei loco non erat aqua potui accommoda (mare enim ad miliaria fere decem in fluuiū irrumpit, putei item salam tantum habent aquā) Mansor per quosdam aqueductus à quodam fonte miliaribus, duodecim inde distāte aquam huc deriuari curauit. Aqueductus autem per arcus composuit, quales permulti reperiuntur in Italia, & Romæ potissimum. Vbi in ipsum oppidum protractus esset aqueductus, illic in plures partes distribui voluit, quarum quædam aquam in templa, aliæ in collegia, aliæ in Principis aulam, cæteræ autem ad fontes cōmunes per omnes ciuitatis vicos mitterent. Post mortem verò Mansoris, id oppidum ita collapsum est, ut decima vix hodie pars videri queat. Egregius ille aqueductus eo bello deletus est, quod Marini cum Mansoris successoribus gesserunt, decrescitque indies magis ac magis nobilis illius vrbis imperium: adeò ut quadringētas vix hodie domos in tota vrbe reperiās quæ habitatores habeant, reliquæ in campos atque vineta mutatæ sunt. Circa rupem duæ adhuc sunt aut tres plateæ in quibus officinas aliquot reperiās, neque tamen periculo carent, nam quotidie à

Lu-

Lusitanorum exercitu sibi excidium inferri timeant: cum Portugalliae Rex non semel in animo habuerit hos armis adoriri, sperans fore ut ea urbe sibi deuicta, facile ad reliqua Fessae regna pertingeret. Summis tamen viribus hanc semper Fessae rex seruauit, atque quantumq; potuit in aduentantes hostes munitam reddidit. Ego huius praeteritam felicitatem cum praesenti rerum omnium mutatione conferens, non possum sane quin lacrimis miserandam illorum vicem prosequar.

¶ *Sella.*

Oppidulum hoc non procul a flumine Burrago a Romanis exstructum, ab Oceano duobus miliaribus, a Rabato autem uno tantum miliari situm est: per quod si quis Oceanum adire velit, iter sit peragendum. Iisdem quoque temporibus deletum est, quibus ut antea diximus, heretici inferiores euasere. Postea vero Manfor nouis illud cingi moenibus curauit, ac in eo xenodochium egregium cum palatio magnifico exstruxit, in quo se eius milites ubi videretur recipere possent. Amplissimum item hic templum locauit, in quo aulam opere vermiculato fenestrisq; vndiq; elegantissimis superbam construivoluit, atque ubi se morti proximum vidit, suis iniunxit ut corpus in ea aula sepelirent. Quod ubi sic factum esset, marmoream tabulam illi ad caput, unam item ad pedes posuerunt, in quibus varia sunt descripta epitaphia. Hoc sequuti omnes eiusdem familiae magnates, in eadem aula sepulturam sibi delegerunt. Idem a Marinis factitatum legimus, cum illorum adhuc floreret

DESCRIPTIONIS AFRICÆ

Respub. Ego eandem aulam aliquando ingressus, triginta ibi procerum sepulchra numeravi, omniaque sedulo epitaphia excerpti: id autem Anno euenit Hegiræ. DCCCC.XV.

¶ *Mader Annan.*

NOstris temporibus à quodam conditum est pontificis Habdulmumē thesaurario, in ripa fluuij Buragragi. Neq; defunt qui propter quādam ferrifodinas tantum exstru-ctum affirmant. Ab Athlante decem distat pas-suum milibus, reperiunturq; inter Athlantem & hoc oppidum nemora vmbrosa ingentibus leonibus atque leopardis plena. Tantisper dum penes conditoris posteros huius dominium re-mansit, fuit incolis, edificiis, templis, hospitiiis, atque xenodochiis refertissimum: verum quoti-die magis ac magis ingruente Marinorum im-petu, tandem ab illis deletum est. Incolæ partim trucidati, partim capti, & partim in fugā redacti Sellam confugerunt. Missæ erant à Marocci rege auxiliares copiæ, at ciues viribus victi, oppidum deseruerant, atque in deditionem Marinorū con-jecerāt. Verum aduentante à Marocco dux qui-dam cum exercitu numerosissimo, Marinum du-cem oppido pellit, atq; ipse sibi eius imperium assumit. Tandem verò ipse Marinorum rex cum suis copiis, cum fortasse Maroccum peteret, hac sibi iter instituit: qua re perterritus qui prædi-ctum tenebat oppidum, antequam Rex adesset fuga salutem sibi quæsierat. Rex verò ciuibz omnibus interfectis, oppidum adeò destructum reliquit, vt ab eo tempore nullos habuisse inco-
las

las dicant. Visuntur & in hunc vsq; diem huius
muri atque templorum quorundam tures. Ego
hanc eo tempore visi, quo Fessæ Rex pacem cum
suo cognato composuit, cumq; Thagiam profi-
cisceretur, quò sepulchrum eximie sanctitatis
viri inuiseret (Seudi Buhafa vocabant) id Anno
euenit. DCCCC.XX. qui Christi fuit. M.D.XI.

¶ *Thagia Temesna ciuitas.*

A Ngustum admodum est oppidum ante
aliquot secula ab Africanis inter quosdã
Atlantis montes exstructũ. Coelo vtitur
frigidissimo, agrum habet plus satis aridum ac
sterile. Vastissimas habet syluas leonibus aliisq;
feris refertas. Exigua hic frumenti prouenit co-
pia, sed id abunde mellis atque caprarũ pensatur
affluentia. Nullam apud hos reperias ciuilitatẽ,
domos habent rudi admodum modo fabricatas,
nullum enim habet calcis vsum. Visitur hic egre-
gium quoddã summe sanctitatis viri sepulchrũ,
qui tẽpore Habdulumen pontificis multa edi-
disse cõtra leonum sæuitiam miracula creditur,
quare ceu vates summus à multis est habitus.
Memini me huius miraculorum enumerationẽ,
apud quendam illius gentis scriptorem legisse,
quem Etdedle vulgò nominabant: verum ea ne
arte magica, an miro aliquo naturæ secreto effe-
cerit, incertũ est. Huius interim fama, summaq;
reuerẽtia in causa est, quòd id oppidum incolas
habeat frequentissimos. Fessani quotannis mox
transacto paschatis festo, huc sepulchri visendi
caussa confluere solent, idq; tanta cum hominũ
caterua, vt exercitum iure censeas, quisque enim

DESCRIPTIONIS AFRICÆ

suum tentorium, & quæ vitæ necessitati conuenire videntur secum deuehi curat, sic gregatim centena tentoria aut numero interdū plura incedunt. Totis quindecim diebus in eo sunt itinere, distat enim id oppidū à Fessa C. XX. ferè passuum milia. Ego aliquoties cum patre illuc puer profectus sum, & in virili ætate me propter crebra vota in leonum periculis nuncupata, sæpissimè admodum recurrendum fuit.

¶ *Zarfa.*

IN spaciosa atq; amœna Temesnes planicie conditum fuit ab Africanis hoc oppidum, fluiolos atq; fontes habet limpidissimos. Circum antiqua vrbs vestigia, frutices permultos, ficus, cornos atque cerasos inuenias, quæ huiusmodi cerasa producūt, qualia Romani vltamarina appellare consueuerunt. Spinosa præterea hic arbores sunt, cuius fructum Arabes Rabich nominant. Aliquanto minor est ceraso, sapore autem Zizipho non adeò est dissimilis. Reperias & hic passim palmas quasdam syluestres, Vnde fructum quendam oliuæ hispanicæ non multò dissimilem decerpunt, nisi quòd nucleus maior, saporis verò non tam grati sit: sorbi propemodū saporem habere dixeris, anteq̃ ad maturitatē peruenerint. Oppidū vnà cum hereticis deletū fuit, nunc illorum possessiones Temesnitarū sementē suscipiunt, idq; summo fit cum frugū fœnore.

¶ *Fessæ tractus.*

EX Occidente a Buragrago flumine initiū habet, distenditq; se Orientem versus ad fluuium vsq; quem Inauem vulgò dicūt:

di-

distant autem ab inuicem hi fluuij centum ferè miliaribus. In Septentrione fluuiò Suba, in Meridie verò Atlantis radicibus finitur. Ager illis tam frugibus, fructibus atq; armentis abundans, vt nulli planè cedere videatur. Pagos hic vbique maximos reperiās, quos oppida non immerito appellaueris. Planicies præteritorum bellorum iniuria adeò vastata, vt paucos admodum iam habeat incolas, nisi quòd miseros hic quosdam inuenias Arabes, quorum nonnulli proprium habent agrum, nonnulli cum Fessanis, alij cum Rege aut cum quodam aulico còmunem possident. Porro Salæ atq; Mecnasæ ager à quibusdam Arabibus nobilioribus colitur, subijciturq; vt plurimum Regi Fessæ. Nunc quæ hic memoriæ digna reperiuntur, suo quoq; loco enumerare decreuimus.

¶ Sela.

VRbs antiquissima à Romanis còdita, post à Gothis vi occupata. Deinde cum Mahumetanorum exercitus eam regionem ingressus fuisset, Gothi eam Mahumetico duci Tarico in manum dederunt. Verum ab eo tempore quo exstructa fuit Fessa, cœpit hæc vrbs Fessanis parère ducibus. Sita autem est in littore Oceani loco amœnissimo à Rabato sesquimiliari vix distante, sic vt Buragragus fluuius duas has vrbes ab inuicem dirimat. Hic ædificia antiquitatem præ se ferunt, domus opere vermiculato marmoreisq; columnis admodum superbæ. Templum ornatissima, officinæ sub porticibus latissimis compositæ. Post verò multas officinas arcus est qui (vt illi volunt) artem ab arte diuidit. ac (vt

DESCRIPTIONIS AFRICÆ

vno dicam verbo) omnia hic reperias, quæ ad vr-
 bem ornatissimam atq; Reip. statum elegantis-
 simum pertinere videntur. Adde quod vnus hic
 Fessæ portus frequētissimos omnis generis mer-
 catores tam Christianos q̄ alios recipit. Huc Ge-
 nuenses, Veneti, Angli, atq; inferioris Germaniæ
 populi se recipiebant. Anno Hegiræ .DCLXX.
 a Castellano quodam duce occupata fuit, incolis
 fugatis, Christiani sibi urbē reseruauerunt. At post
 quam eam per decem tantum dies occupassent,
 a quodam Iacob primo Marinorum rege adorti,
 (idque ex improviso: non enim putabant illum
 ab eo instituto posse desistere quod iam in Telen-
 sinos cœperat) oppidani inferiores remanserūt.
 Maxima horum pars interfecta, reliqui fugā sa-
 lutem sibi quæsierunt. Ab eo tempore Rex ille
 ceu princeps omnib. exoptatissimus illarum re-
 rum potitus, atq; post hunc regno successerunt
 qui ex eadem stirpe ortū ducebant. Et quamuis
 intra paucissimos dies hæc vrbs hostibus fuerit
 rursus adempta, non tamen facile quis credat,
 quāta interea inciderit cum domorū tum Reip.
 stat⁹ immutatio. Vbiq; hic inuenire licet domos
 vacuas, idq; circa mœnia potissimū: quæ quāuis
 multo opere vermiculato marimoreq; elegantis-
 simo sint ornatissimæ, nemo tamē est, qui eas in-
 habitare velit. Quæ ciuitati circumiacēt loca, are-
 nosa sunt: quorū permulta frumēto non admo-
 dū sunt apta, sed hortos habent atq; campos lino
 xilino feracissimos. Incolæ vt plurimū gossipiū
 texunt subtilissimū. Conficiuntur itē & hic pe-
 ctines elegantissimi, qui per totum Fessæ regnū
 di-

distrahuntur, habet enim ea regio buxi alteriusq;
 ligni ad id peragendū aptissimi bonam copiam.
 Composita admodum est in hunc vsq; diem il-
 lorum Resp. doctissimi hic iudices, rectores atq;
 legis administratores sunt. Innumeri illic Genu-
 enses, mercatores ditissimi à rege in summo sem-
 per habiti sunt precio : nam ex illorū industria
 haud parvū quotannis sibi colligit emolumen-
 tum. Mercatores partim hīc, partim Fessæ suas
 habent mensas: atq; quod ad mercaturę tractum
 attinet, mutuam illi inter se operā prębent. Hos
 ego in negotiis atq; mercaturis peragendis insi-
 gniter liberales intellexi: nihil non attentare au-
 dent, quò aulicis grati euadant, neq; id lucri gra-
 tia, sed vt apud exteros etiam candidi vocari me-
 ritò possent. Meo tempore in Regis aula quendā
 vidi Genuensem, quem Thomam Marinum vo-
 cabant, hominem sanè doctum atq; sapientem,
 hic à Rege summo profectò honore semper exci-
 piebatur. Postquam iam triginta ferè annis in
 regis aula vixisset, vita defunctus à rege Genuā,
 vti mortì proximus petierat, cadauer mitti ius-
 sum est. Reliquit mercator ab obitu multos in
 Regis aula filios, qui & ditissimi, & Regi per o-
 mnia amantissimi perhibentur.

¶ *Fanzara.*

Oppidum est nō admodum amplum, sed
 in amœnissimo quodam campo à Rege
 Machidin constructū, à Sela decem ferè
 passuum milia distat. Estq; illis ager frumento
 cæterisque frugibus mire abundans. Extra vrbis
 mœnia nō procul à muro frequentes admodum
 lim-

DESCRIPTIONIS AFRICÆ

limpidosque inuenias fontes, quos hoc loco ab Abulchefeno Fessæ Rege exstructos ferunt. Temporibus Abusahidi qui ultimus Marinorum rex fuit, eius cognatus (Sahid vocabant) à Granatensium Rege Habdilla captus fuit, qui suum cognatum Fessæ Regi per literas orauit, ut summam quandam argenti, à Granatensium Rege exactam mitteret. Quod ubi Rex facere denegasset, mox Habdilla suum captiuum libertati restituit, ac cum maximo exercitu Fessam misit, quod oppidum ipsumque regem perderet. Sahid posthac montanorum quorundam Arabum auxilii adiutus septem annis Fessam obsidione cinxit, quo tempore deleta sunt omnia oppida vicina, omnes pagi atque vici fere totius Regni. Postea autem pestis inter milites suborta, ipsum ducem cum bona sui exercitus parte abstulit: Anno Hegiræ. 918. Deleta verò illa oppida nunquam nouos ab eo tempore incolas receperunt, præcipuè Fanzara quæ principibus quibusdā Arabibus, qui Sahid in auxilium venerant, inhabitanda tradita est.

¶ *Mahmora.*

Mahmora angustiss. oppidulum à quodā Muachidinorum rege eo loco conditum ubi Subo fluuius in mare labitur, distat tamen à mari fere sesquimiliare, à Sela autem miliaribus plus minus duodecim. Quæ circumiacet loca, omnia sunt arenosa. In hoc porro exstructum fuisse ferunt, ut hostes à fluminis ingressu arceret. Haud procul ab oppido sylua est arboribus excelsis referta, quarum glandes magni atque oblongi, prunis Damascenis non admodum dissimiles

miles, gustu verò atque suauitate castaneas vincunt. Vicini bonam horum partem Fessam conuehant, maximamq; inde pecuniæ vim colligunt, nisi quòd maximu semper illis instet à leonibus. periculum, qui quum sint totius Africæ maximi, necnon & hominibus atque pecudibus infestissimi, solent non rarò in eos sæuire qui hunc fructum colligunt, nisi sibi hoies prouidere sciant. Ab hinc Annis centum & viginti id oppidum eo bello deletum est, quod Sahid cum Fessæ rege gessisse diximus, neq; inde quicquam remansit, præter exigua quædam raraq; admodum vestigia, quæ angustissimum fuisse oppidulum declarant maximè. Anno Hegiræ .D C C C C. XXI. Portugalliæ Rex numerosum huc misit exercitum, vt propugnaculum in amnis ostiis exstruerent, id mox vbi eò appulissent cœptum est. Iam iacta erant fundamēta, iam muros in altum extollere cœperāt, cū à Fessæ regis fratre illis institutum est interruptum: quin vna nocte tria ferè Lusitanorū milia à Fessanis sunt interfecta, idq; in hunc euenit modum: Lusitani quadam nocte ante Solis exortum trium milium exercitu collecto, eo animo Fessanos inuisere statuerunt, vt bombardas omnes secum in nouam arcem abducerent. id autem incogitanter ab illis factum est, cū numero tantum .3000. essent, Fessani autē peditum .50000. equitū verò .4000. numerabāt. Verū Lusitani milites tam astutē se suum negocium peracturos sperabāt, vt prius quàm Fessani ad arma profilirēt, illi bombardas in arcem, quæ inde duobus distabat miliaribus,

ad-

DESCRIPTIONIS AFRICÆ

adueherent. Qui bombardas obseruabant milites, numero ferè. 7000. cùm Lusitani in eorum castra venissent, somno oēs sese dederant, fuitq; res tam fausto Marte attentata, vt ad integrum fermè miliare bombardas auexerint, priusquam id hostes animaduertissent. Verùm rumore tandem nescio quo oborto, mox se Fessani ad arma parauerunt, summoque impetu Lusitanos sunt insequuti, qui mox agmine in vnum cōtracto, prælio omnes se cōposuerunt. Et quamuis vndique se hostibus inclusos viderent, tam non timuerunt, vt etiam summo impetu se in hostes coniecerunt, tantoque animo pugnaverunt, vt facile salui ad suos rediissent, nisi scelestissimi quidam nebulones Fessani Lusitanorum linguā clamitassent: Ponite arma socij, iam pax est cum Regis fratre sancita. Quod postquam Lusitani fecissent, Mauri, vt sunt admodum inhumani, hos omnes interfecerūt, tribus tantum aut quatuor demptis, qui ducis miseratione salui euaserunt. Hac strage fractus Lusitanorū dux (in eo namq; prælio omnes amiserat, quorum virib. maximè fesus fuerat) auxilium ab alio quodam petiit, qui cum classe exstructissima, cumq; nobilium magna multitudine huc venerat. Atqui ille à Fessanis impeditus (hi illū quotidie maximis vexabant incommodis, adeò vt multæ essent naues submersæ) non potuit quod in animo erat perficere. Interea rumor de Hispaniarū regis morte inter Lusitanos sparsus est, ita vt permultæ naues adornarentur, quæ in Hispaniam innumeros propemodum Lusitanos veherēt. Ille etiam qui

qui relictus erat nouæ arcis dux, vbi se ab omni auxilio destitutū vidit, relictæ arce naues intrare voluit, quæ tum in ipso flumine erant. Verū factō in recessu totius ferè classis naufragio, sclo pettariorum impetum euitare studentes, arenæ sese infigebant, cū non adeò altum eo loco flumen esset, atque à Mauris miserè interficiebātur. Quamplurimæ hīc naues igne consumptæ sunt, machinæ autem bellicæ in mare sunt dilapsæ. Adeò magna fuit illa Christianorū strages (decem milium scribunt nonnulli) vt totis tribus diebus maris vndæ eo loco multo fuerint sanguine tinctæ. Posthæc Fessanus in fundo maris quadringenta repperit tormenta ænea. Duabus igitur ex causis maxima hæc Lusitanis obuenit calamitas: primò quòd temerè vel minimo militum numero Fessanos aggredi sint ausi, quos tamē adeò potentes sciebant. Deinde quòd cū Lusitanus propriis sumptibus ad hanc expeditionem classes mittere potuerat, nō consultò videbatur suas cum Castellanis coniunxisse. Quandoquidem cū propter militum, tum propter consiliorum diuersitatem, nihil perniciosius, q̃ si quis duos simul populos in eandem gentē ducat: quin Fessani mox futurā victoriam ex eo sperāt, quādo exercitum ex duobus populis collectum vident. Nos singula huius regionis loca perlustrauimus, cū hinc Constantinopolim proficisceremur.

¶ *Tefelseltum.*

IN campo arenoso conditū hoc oppidulum à Mahmora, Orientem versus quindecim, ab Oceano autem duodecim ferè distat milibus.

LIBER TERTIVS.

ribus. Non procul hinc riuulus præterfluit, qui
vtrinq; nemora habet multò inmaniorib. leo-
nibus referta, quàm antea scripsimus, maximoq;
illos afficiunt incommode, qui in his regionibus
pernoctare coguntur. In eo suburbano qua Fes-
sam proficisci solitum est, domunculâ inuenias
desertam, quæ conclaue concameratû habet: huc
se muliones atq; mercium vectores noctu reci-
pere dicuntur, ostium verò ramis atq; spinis mu-
niunt quantum possunt. Neq; desunt qui hanc
domunculam (dum adhuc id oppidum incolas
habebat) egregium fuisse diuerforium affirmēt.
Deletum autem est eo bello Sahidico, cuius iam
antè descriptionem dedimus.

¶ *Mecnasæ descriptio.*

A Conditoribus Mecnasitis nomē accepit
hoc oppidum, à Fessâ triginta sex, à Sela
plus minus quinquaginta, ab Atlante ve-
rò quindecim ferè distat miliaribus. Familias ha-
bet sexies mille, incolis ditissima. Quibus tem-
poribus hi in campis degebāt, tranquillam inter
se gerebant vitam: verùm dissidio inter eos ob-
orto, qui inferiores remansere, cum pecore illis
adempto, nihil amplius in campis esset quod a-
gerent, consortio inter illos inito, hanc sibi ciui-
tatē exstruxerunt in planicie amœnissima. Huic
vicinus est angustus quidam fluvius: horti qui
hinc tribus circiter absunt miliaribus, omnium
generū arboribus sunt felicissimi. Mala hic coto-
nea insignis sanè magnitudinis atq; odoris colli-
gere licet: mala itē punica hic reperias, quæ ma-
xima atq; esui gratissima cū sint, nullos omnino
ha-

habent nucleos, tamen vili admodum emuntur. Magna hic etiam est prunorum damascenorum, candidorum atq; ziziphorum copia, quæ vernis quibusq; temporib. sole exsicca edunt, bonamq; partem Fessam devehunt. Reperias & apud hos bonam ficuum ac vuarum affluentiam, sed quæ non nisi recentes edi possunt: nam si ficus deficcare conentur, non secus ac farina in puluerē reducuntur, neq; vnæ si exsiccatæ sint, palato gratæ esse possunt. Tanta est illis malorum persicorum atq; chrysomelorum abundantia, vt ea planè negligant: sed persica mala aquosa, immatura palato minime sunt grata. Oliuarū apud illos cantarus (qui centum libras Italicas continet) sessiquaureo emi solet. Est quoq; ea regio lini ditissima, quod Fessam ac Selam ad mercatum deferre solent. Tempia hic ornatissima structuræ mirificæ visuntur: tria item collegia ac decem Thermae amplissimæ. Singulis Lunæ diebus forum hic frequentissimū extra vrbis mœnia reperias, ad quod Arabes vicini confluere solent. Hic boves, castores, aliaq; id genus animalia emuntur: neque butiri, neque lanæ, hic desiderabis affluentiam, quæ omnia paruo admodum emuntur. Nostro hoc æuo Rex id oppidum principi cuidam dono dedit, vnde tantum quotannis fructuum colligitur, quantum ē tertia totius Fessæ regni parte. Multa quondam passa est ea ciuitas bellorum incommoda, adeo vt huius redditus nunc triginta, nunc quadraginta, nonnunquam & plurium etiam aureorum milibus sint dimi-
nuti: totis enim sex aut septem annis obsidione
cin

DESCRIPTIONIS AFRICÆ

cinctam legimus. Nostro tempore huius princeps, qui Regi Fessæ germanus erat, populi fatiore fretus, cœpit bellum aduersus suum principem atque germanum gerere. Quare Fessanus cum numeroso exercitu hanc urbem duorum mensium obsidione vexauit, quæ cum ei parere nullo modo vellet, vicina circum loca vastauit atq; destruxit: adeo ut eo bello redditui annuo viginti & quinque aureorum milia adempta fuerunt. Quid de obsidione censendum, quæ ciues sex aut septem annis continuis fatigasse legitur? Tandem qui Fessano fauebant ciues, portam quandam aperuerunt, atq; fortissimè aduersariorum sustinentes impetum, Regem cum suis intromiserunt. Sic illorum ope vrbe potitus est Rex: perduellis autem Fessam captiuus ductus, post aliquot dies effugit. Munitissima igitur atque amoenissima hæc ciuitas vicos habet admodum latos, aqua his limpidissima ex quodam aquæductu, qui per tria ferè extenditur miliaria, profluit, atque variè se huc atque illuc inter ciues diffundit. Molæ ab vrbe duobus ferè absunt miliarib. Incolæ validissimi armisq; exercitatissimi, nullis liberalitate neq; ciuilitate cesserint, ingenio tamen sunt aliquantò hebetiori atq; rudiusculo præditi: illorum quidam mercaturam exercent, alij artificium aliquod, reliqui pro nobilibus habentur. Dedecori habetur si quis iumentum frumento onustum ad agricolam mittat. Perpetuas ferè semper alunt cum Fessanis inimicitias, verum vnde id natum sit, vix sciri potest. Nobilium fœminæ nunquam nisi noctu domum

domum exeunt, nec tum non nisi coopertæ, vt à nemine videantur, tanta hîc viros vexat zelotypia. Vernis temporibus adeò lûtoſa hæc vrbs eſt, vt mihi ſæpiſſimè non minus moleſta quàm tædioſa fuerit.

¶ *Gemiha Elchmen.*

ANtiquum hoc oppidum in planicie non procul à Thermis quibuſdam conditum, à Mecnaſa Meridiem verſus quindecim, à Feſſa Occidentem verſus triginta, ab Athlante verò decem circiter diſtat paſſuum milibus. Hàc Feſſa Tedletem proficiſcentibus iter patet. Illorum ager ab Arabibus occupatus, oppidum autem bello Sahidico deletum fuit. Quibuſdam tamen in locis mœnia adhuc integra, turres autem atque templa tectis nudata videre licet.

¶ *Cannis Metgara.*

Oppidulum hoc ab Afris in Zuagè campo exſtructum, à Feſſa Occidentem verſus quindecim fermè diſtat miliaribus: ager illis fertiliff. hortos habuit ad duo miliaria fructibus feliciffimos: verùm iniuria belli Sahidici vaſtatum. remanſit ea regio centum & viginti annis habitatoribus orba. Poſtquàm autem Granatenſium pars quædam Mauritaniam traiecit, cœpit hæc regio nouos recipere colonos. Et quoniam Granatè vtplurimum ſerico ſeſe exercent, factum eſt quod innumeras huc aduehi arbores curauerint, quæ mora ferebant candida. Sacchari præterea cannas quamplurimas huc attulerunt, e quibus non tantum collegerunt, quantum ſolent in Bætica. Habuit hic locus aliquando in-

O

colas

DESCRIPTIONIS AFRICÆ

colas admodum ciuiles, sed id nostris temporib. videre non contigit, quando quidem iam omnes agriculturam exercent.

¶ *Banibasilum.*

Oppidulum hoc ab Africanis in ripa cuiusdam riuuli eo loco exstructum est, qui Mecnasen à Fessâ æquis inter se spatiis dirimit. A Fessâ Occidentem versus circa decem & octo distat passuum milibus. Planiciem habet in qua riuuli permulti suam desumunt scaturiginem, quæq; omnino ab Arabibus hordeo atque lino exculta est: neq; hîc aliud quicquam feri commodè potest, cum propter sterilitatem, tum propter perpetuam fere aquarum inundationem. Quicquid hîc vtilitatis colligitur, id in vniuersum ad Fessâ summi templi Sacerdotes redit, colligunt autem singulis fere annis. XX. M. aureorum. Fuerunt & olim hîc spaciosi atq; fructibus fecundissimi horti, quod ex monumētis quis facîle videre poterit, sed vnà cum cæteris ciuitatibus excisi sunt tempore Sahidici belli. Vrbs circiter C. X. annis incolis nuda remansit, sed redeunte à Duccala Fessâ Rege, aliquam sui populi partem hunc locum inhabitare iussit, quamuis id populus agrestissimus inuito animo perficiat.

¶ *Fessa, totius Mauritaniæ Metropolis, eiusque conditores.*

FESSA temporibus Aronis Anno Hegiræ CLXXXV. hoc est à Christo nato. 786. ab hæretico quodam condita est. Cur autem sic dicta sit, nonnulli ex eo esse opinantur, quod

quòd quum prima eius iacerentur fundamenta, eo loco inuentus fuerit auri cumulus, quod Arabibus Fez appellatur. Quæ quidem ratio non mihi sinistrè quadrare videtur, quanquam nonnulli à flumine sic dicto nominatam putent. Quoquo autem modo se res habeat, aliis discutendum relinquimus, illud certissimum habetur, conditorem habuisse Idridem, qui pontifici maxima consanguinitate coniunctus fuit. Huic eò magis pontificia dignitas debebatur, quòd Hali Mahumetis germani nepos fuerit, qui sibi Falernam Mahumetis filiam in vxorè duxerat, adeò vt ex vtroque parente cognationem duceret: Aron verò ex altera tantum parte, nepos videlicet cuiusdam Habbus, qui Mahumetis auunculus fuit. Vterque tamen à Pontificatu eas ob causas quæ in Chronicis reperiuntur, exclusus fuit, quamuis Aron fraude sibi pontificatū vsurpauerit. Nam huius auunculus cum esset homo callidissimus, fingens se Hali familiæ maximè fauere, maximeq; optare vt hæc pontificatū adipisceretur, suos legatos in vniuersum ferè orbem misit. Hic in causa fuit, vt ea dignitas ab Vmeuo ad Habdullam Seffec primum pontificem translata fuerit. Quod vbi Vmeuus animaduertisset, Hali familiæ mox bellum indixit, tantumq; armis effecit, vt nonnullos in Asiam, reliquos verò in Indiam confugere coëgerit. Remanhit tamen ex ea familia religiosus quidam in Elmadina, qui quum grandæuus admodum esset, dignitatē illam non curauit. Relicti tamen sunt huic duo filij, qui vbi confirmatā ætatem attigissent, cœ-

DESCRIPTIONIS AFRICÆ

pere Elmadinorum familiæ mirum in modum
 fauere, adeò vt ab hostibus in fugâ redacti, vnus
 in fuga captus, ac postea suspensus fuerit: alter,
 cui nomen Idris, in Mauritaniam aufugerit. Hic
 cùm in monte Zaron, qui à Fessa triginta distat
 miliaribus, habitaret, non Reip. tantum, verùm
 & religionis quoque curam suscepit: atque huic
 annum centum numerauit totius Mauritaniz
 tractus. Tandem sine prole legitima mortuus I-
 dris, ancillam reliquit grauidam, quæ ex Gothis
 in illorum fidem illecta erat. Filium patris no-
 mine Idridem appellauerunt. Hunc sibi incolæ
 Principem cùm delegissent, curiosissimè edu-
 candum curarunt: pòst verò armis edoctum vo-
 luerunt, illique strenuum quendam atque rei
 militaris peritissimum ducem (Rasid vocabant)
 adiunxerunt, qui puerum instrueret. Vix puer
 decimum quintum excesserat annum, cùm præ-
 claris facinoribus atque stratagematis omnibus
 innotescere, mirisq; modis regnum amplificare
 cœpisset. Quare crescente indies exercitu atque
 familia, de exstruendo oppido, deq; habitatione
 mutanda cogitari cœptum est. Quamobrem in-
 numeros ex omni natione architectos accersiri
 iussit: qui omnibus regionis locis sedulo perlu-
 stratis, eum tandem locum delegerunt, vbi iam
 Fessa est sita. Hic enim reperti sunt frequētissimi
 fontes, item & amplum quoddam flumen, quod
 ex planicie quadam nō procul hinc nascens, pla-
 cide admodum inter colliculos per octo ferè mi-
 liaria fluit in planiciem. Ex Meridie verò nemus
 innenerunt, quòd maximè ad oppidi cōmodum
 fore

fore prouiderunt. Hic igitur oppidulum in fluminis ripa ad Orientale latus condiderunt, quod ter mille familiarum capax erat: neq; quicquam quod ad egregiam Remp. pertinere videbatur, omissum est. Defuncto Idride, huius filius alterum è regione ab altera fluminis parte oppidum construxit. Successu verò temporis in tantum vtrumq; creuit oppidum, vt minima tantum inter ea esset distantia: nam qui in hoc vel illo imperium habebant, in hoc quisque summis viribus incumbibat, vt suam amplificaret ditionem. Posthæc verò circiter centum & octuaginta annis, maxima inter has ciuitates sunt orta dissidia atque bella, quæ totos centum annos durasse leguntur. Tandem Luntunorum Rex Iosephus, exercitu maximo in hos principes educto, captiuos in suam patriam adduxit, atque crudelissimo mortis supplicio affecit. Incolas verò sic fudit, vt interfectorum triginta millia sint enumerata. Deinde statuit Iosephus, duo illa oppida in summam rerum omnium concordiam reducere: quare longo in transversum fluuij ponte instructo, muroq; vtriusque ea parte soli æquato, in vnum tandem redegit, quod postea in duodecim diuisit regiones. Nunc singula quæ hinc hodiè memoratu digna visuntur, suo quoque loco enumerabimus.

Exactissima Fessæ descriptio.

Dictu incredibile, quàm ampla, quàm frequens, quàmque muris egregie cincta sit hæc ciuitas. Maximâ eius partem montes atq; colles occupant, sic vt vrbs tantum mœ-

DESCRIPTIONIS AFRICÆ

dio planicies reperitur. Duabus viis fluuius op-
 pidum intrat, in duas namq; est diuisus partes,
 quarū altera Fessam nouam alluit hoc est. latus
 meridionale, altera autem eo loco ingreditur, qui
 Occidentem respicit. Moxque urbem collapsus
 in infinitas ferè, per quosdam aquæductus sese
 spargit, ac per singulas ferè domos, per templa,
 per collegia, per hospitia, & Xenodochia sese dif-
 fundit. Templis vicinæ sunt quædam foricæ ad
 quadratæ domus figuram ædificatæ, quibus cir-
 tum adiunctæ sunt cellulæ quædam cum suis
 porticibus: horum singulæ fontem habent, qui
 per parietem perrumpēs, in quodam marmoreo
 recipitur vasculo. Deinde per foricas percurrēs,
 totius ciuitatis sordes secum trahit atq; foras in
 fluuiū educit. Huius domus medio fons est ad-
 modum humilis, cuius profunditas trium est cu-
 bitorū, latitudo quatuor, longitudo autem duo-
 decim, aqua porro per quosdam canales in iam
 dictas foricas mittitur, quæ numero ferè centum
 sunt & quinquaginta. Maxima domorum pars
 lateribus depictoque lapide sunt elegantissimæ.
 Aperta item loca atq; porticus ex latere versico-
 lori extructa sunt, qualia sunt vasa illa cretacea
 quæ Itali maiorica appellant. Domorum laque-
 aria multo auro aliisque coloribus elegantissimis
 depingūt, quæ quidem lignea & plana fabricant-
 tur, quò æstiuo tempore pannus superinsterni
 commodè possit, nam hic propter æstum noctu
 quiescere solent. Habet autem quælibet domus
 duas, nonnullæ verò tres contignationes: deinde
 elegantissima his addunt deambulacra, quibus

ex

ex vno in aliud transeunt sub eodem tecto cubi-
culum, nam mediū semper domus tecto caret,
cubicula autē quædam ab hac, alia ab illa parte
sunt ædificata. Ostia cubiculorum insignis sunt
altitudinis atque latitudinis: qui ditiores sunt, ea
ex quodam ligno elegantissimo atque artificio-
se inciso conficiunt. Cubile quodlibet arma-
rum ornatissimè depictum habet eius latitudi-
nis qualis est cubiculum, quidam illud altum,
quidam sex tantum palmorum altitudinis vo-
lunt, vt suprà lectum locari possit. Omnia cubi-
calorum deambulacra columnis lateritiis maio-
rica obductis, quædam etiā marmoreis innitun-
tur. Columnas autē in superiori loco arcu quo-
dam connectunt, quē multo museaco exornant.
Quæ tabulatū sustinent trabes, summo artificio
incisæ sunt atq; depictæ. Reperias & apud quas-
dam domos cisternas figura propemodum qua-
dratas, quarum latitudo sex, aliquando septem,
longitudo verò nonnullis decem, nonnullis au-
tem duodecim est cubitorum, altitudo quorun-
dam sex, quorundam septem est palmorum, om-
ne autem apertæ lateribus & maiorica obducta
variè pictæ. In longitudine cisternæ fonticulos
elegantissimos construunt, qui aquam in vasa
quædam marmorea diffundunt, vti in Europa
multis in locis videre licet. Vbi fontes aqua per-
æquantur, quod superest in cisternas coopertis
quibusdam aquæductibus effluit: quodq; cister-
nis supereffluit, id rursus aliis meatibus in latri-
nas fertur, ac sic tandem in fluuium dilabitur.
Cisternæ porro mundæ atq; nitidæ semper ser-
uantur,

DESCRIPTIONIS AFRICÆ

uantur, neq; eas vnquam præterquã æstate co-
periunt, quo tempore in iis se viri, mulieres atq;
pueri abluere sole. Turrim insuper ædibus fa-
bricare solent multis ornatâ cubiculis, ad quam
fese mulieres, vbi laboris sunt pertæsa, recipere
animumq; remittere solent, à qua ad omnia fere
vrbis loca prospectus patet. Templâ atq; orato-
ria hîc septingentesimum fere complent nume-
rum, Reperias inter hæc quinquaginta magnifi-
ca atque sumptuosissime exstructa templâ sui-
instructa fonticulis, insigniter marmore atq; la-
pide Italis ignoto compositis, columnæ in sum-
mitate opere museaco, tabulisq; mirum in mo-
dum incisis sunt elegantissimæ. Culmen per-
inde atque in Europa ex asseribus compositum
est: area verò storeis ad inuicem consutis tam
artificiose tegitur, vt ne latum quidem digitum
nudatum videre liceat. Parietes quoque intus
ad hominis altitudinem storeis vestiuntur ele-
gantissimis. Turrim item quodlibet habet tem-
plum, è qua nōnulli qui huic negotio creantur,
horas orationum indicare solent Vnicum habet
quodque templum sacerdotem, cui orandi con-
mittitur ratio: hic etiam omnes qui ad tempū
pertinent redditus, pro necessitate dispergit: x
iis namq; fouentur lampades nocturnæ, ianito-
res, & qui noctu horas orationi statutas claman-
do indicant: nam qui interdiu à turri vociferan-
tur, nihil inde lucri habent, quàm quòd ab omni
tributo atq; exactione liberantur. Summum in
hoc oppido templū, Carrauen appellatur, etq;
tætæ magnitudinis, vt in circuitu sexquimiliare

fere contineat. triginta & vnam habet visendæ magnitudinis atque altitudinis portas. Tectum in longitudine centû & quinquaginta capit cubita Hetrusca, in latitudine verò plus minus octuaginta. Huius turris, vnde pluiquâ stentorea voce ad concionē vocatur populus, altissima est. in latitudine viginti, in longitud. verò triginta innititur columnis. Ex Oriente, Meridie atq; Occidente deambulacra habet, quorum longitudo quadraginta, latitudo autē triginta capit cubita. His subiecta est cella quædā, in qua oleum, lychni pensiles, storea, aliq; id genus templo necessaria recondere solent. In hoc templo singulis noctibus. DCCCC. accenduntur lucernæ, habet enim quilibet arcus suam lampada, atq; ij præsertim, qui per medium chori extenduntur. Reperias & quosdam arcus, qui singuli centum & quinquaginta habent lucernas: item luminaria quædam maxima ex ære conflata, quæ mille & quingentas capiunt lucernas, quæ ex campanis confecta ferunt Christianis olim à Fessiano rege adeptis. Suggestus in hoc templo iuxta murū reperias frequētes, vnde doctissimi quidam viri populo ea prælegere solent, quæ ad fidem atque religionem pertinere videntur. Lectionem statim post auroram auspicatur, atque in primam diei horā producunt. Æstiuā verò lectio tantum à vigesima quarta hora, in noctis sesquihorā durata. Neque hic minorem habent moralis philosophiæ, quàm earum rerum rationē, quæ ad Mahumeticam fidem conducunt. Lectio æstiuā à priuatis quibusdam hominib. prælegi solet, hyeme

DESCRIPTIONIS AFRICÆ

me autem ij tantum prælectioni admittuntur, qui legis summam habere notitiam creduntur. numeratur autem professorib. amplissimum in annum stipendium. Huius templi sacerdos orationū tantum curam gerit, & quicquid in pauperum vsum offertur, summa fide administrare cogitur. Singulis quoque festis ab eo omnibus pauperibus pro cuiusq; egestate erogatur, quicquid pecuniarū aut grani allatum est. Quæstori verò reddituum singulis diebus aureum vnum pendunt. Hic octo sub se notarios habet, quorū quilibet singulis mensibus sex aureos lucratur: item & alios sex, qui locationes domorum, officinarum, atque aliarum rerum recipiunt, quæ ad templum pertinent, hi pro mercede vigesimā sumunt omnium prouentuum portionem. habet præterea & viginti procuratores, qui extra vrbis mœnia ad operarios, ad agricolas ad viniferos atq; hortulanos eant, atq; de omnibus prouideant: horum lucrum est singulis mensib. tres aurei. Distant ab vrbe fornaces plus minus viginti, qui calcem, totidemque qui lateres faciunt, quæ ad templi aut ad aliquam templi domum necessaria sunt. templum autem singulis diebus ducentorum aureorum prouentum recipit, quorum plusquam dimidia pars in res prædictas expenditur. Tum si quæ sunt templa, quæ nihil omnino prouentus habent, ab hoc omnia foueantur necessum est, si quid omnib. sumptibus superest, id in communem erogatur utilitatem: populus enim nullum planè prouentū recipit. Rex nostro tempore ab huius templi sacer

cerdote maximas sibi pecunias mutuo dari iussit, quas nunquam postea reddidit. Sunt in hac vrbe duo celeberrima collegia, multis ædificiis multoque opere museaco elegantissima, horum omnes trabes incisæ, parietes tū marmorei, tum cretacei. Sunt quæ centū habent museolos, sunt quæ plures, sunt quæ pauciores, omnia autē diuersis regibus, qui ex Marinis oriundi erant, condita sunt. Atque horum quoddam est amplitudine & elegantia admirandum visuque dignissimum, quodque à quodam Rege conditum est, quem illi Habu Henon vocabant. Hic egregium quendam fontem reperias marmoreū, cuius vas duas cupas continet. præterfluit quoque in hoc collegio riuulus intra canalem nitidum atq; elegantissimum, cuius margines marmore & maiorica sunt elegantissimè cōstructæ. Tria item hic visuntur deambulacra tecta, miro artificio atque labore ornatissima, quæ columnis quibusdā innituntur octogonalibus variis coloribus distinctis. Ab vna autē columna ad aliam arcus videas labore museaco auro atq; ceruleo colore conspicuos, tectum autē ligneum est miro artificio incisum. Porticus cancellis elegantissimis sunt secreti, adeo vt qui foris sunt illos videre nequeant qui intus deambulant. Murus vndiq; quantum manu contingere licet, opere cretaceo, quod maiorica vocant, depictus est. Reperias multis in locis carmina quædā quæ annum indicant, quo exstructum fuit collegium, item & permulta in conditoris laudem conscripta epigrammata. Sunt & characteres magni admodū nigro colore obducti

DESCRIPTIONIS AFRICÆ

ductæ quæ à longè optimè legantur. Portæ collegij istius æreæ multo artificio ornatissimæ, cubiculorum verò ianuæ lignæ miro item artificio incisæ. Aula quæ orationibus est dicata, suggestum habet, ad quem nouem gradib. ebore & hebeno constructis ascenditur. Absoluto collegio dicunt nonnulli, Regem quantum pecuniarum in eo exstruendo consumpsisset scire voluisse, moxq; folio vno aut altero perlustrato, quadraginta milium aureorum summa repperisse, quare omnino lacerū librum in eum fluuiolum coniecit, hoc addens ex cuiusdam Arabis scriptis dictum: Quicquid charum quamuis carū, si pulchrum, carum non est: neq; nimio constitisse dicendum, quod animo arridet. Fuit tamen Regi quidam à thesauris qui sumptum accuratissime annotauit, atque in egregium hoc opus quadringenta & octuaginta aureorū milia insumpta collegit. Reliqua Fessæ collegia cum hoc aliquā habent similitudinem, habetq; quodlibet suos professores, quorum quidā ante meridiem, alij horis pomeridianis prælegunt. his autē optimè à conditoribus prouisum est. Olim qui hic literis incumbebant, toto septennio vestitus atque victus dabatur, at nunc illis nihil præter cubiculum obtingit gratis. Bellum enim Sahidicū multas deleuit possessiones, quarū emolumentis alebantur studia: nunc autē ducenti huic collegio, illi verò centum vix aurei in annum redeunt, qui professorib. enumerantur. Hæc fortassè inter alias per multas vna ratio est, cur tam minutum sit non Fessanum imperium modò, verū & totius Africæ

fricæ ciuitatum. Iam nullos habent hæc collegia præter externos quosdā scholasticos, qui ciuium victitant eleemolynis: & si quis e ciuibus inhabitet, numerum duorum vel trium nō tranſcendunt. Professore lectioni parato, ex auditoribus quisquam textum prælegit, cui poſtea prælector commentum addit atque locorum obſcuriorum interpretationem aliquam. ſolent & interdum præſente prælectore diſcipuli inter ſe de lectionibus certare.

¶ Xenodochiorum atque balnearum, quæ in hac vrbe reperiuntur, deſcriptio.

Multa Feſſæ reperias xenodochia, prædictis collegiis neque ſtructura, neque elegantia inferiora. Solebāt in iis quotquot adueniebant exteri per triduum com muni ſumptu excipi. Sunt & in ſuburbano quædam, quæ non minori ſunt neque amplitudine neque artis præcellentia exſtructa. Nihil his olim opulentiùs excogitari potuiſſet, verū eo tempore quo Sahidicū adhuc gerebatur bellum, cū ingenti pecuniarum ſumma egeret Rex, non defuerunt, qui vt xenodochiorum diuenderet bona, hortati ſunt. Quod vbi populus permittere nollet, orator regius ea omnia bona ab huius regis auis atq; proavis data populo perſuaſit, proinde multo præſtantius eſſe, his periclitanti regi occurrere, qui bello finito omnia breui recuperare poſſet, quàm omnes regis fortunæ in diſcrimen adducere. Venditis igitur omnibus, Rex prius immatura morte interiit, quàm quod erat in animo abſoluere potuerit: quare bonis omnibus

DESCRIPTIONIS AFRICÆ

bus destituta remanserunt xenodochia . Recipiuntur quidem & hodie huius ciuitatis pauperes, verum nullo modo exteri, nisi doctores sint aut nobiles. Est hinc & aliud quoddam, quod exteros recipit morbo correptos, his solus datur victus, nullus autem illis adhibetur Medicus, aut medicamentum : sed sunt quæ ægrotos curant, donec aut pristinae sunt restituti sanitati, aut animam expirauerint. Habēt in hoc xenodochio & fanatici suum locum, qui strictissime catenati seruantur: huius autem loci pars quæ deambulacrum respicit, ligneis atque ferreis trabibus est munitissima. qui illorum curam habet, quoties cibum illis adfert, bacillo ad id composito mordentes atq; percutientes cohibet. Euenit etiam interdum, vt illac prætereuntes fanatici ad se accersant, ac quàm iniquè hinc detineantur, quantaque indies contumelia à ministris afficiantur exponunt, cùm tamen ad mentem se redisse affirmant. Quod cùm ita esse persuaferunt, tandem aliquatò propius accedentes veste vna manu attrahunt, atque altera vestem atque faciem multo stercore defedant . Et licet omnes habeant suas latrinas, nisi à seruis locus aqua subinde purgaretur, suo stercore perirent: adeò vt ingens perpetuusq; fœtor in causa sit, quò minimè à ciuibus inuisentur. Habet & hoc xenodochium multas mansiones, quæ à Procuratoribus, Notariis, coquis, aliisq; ægrotorum ministris occupantur, numeraturq; singulis in annum mediocre stipendium. Ego cùm adhuc iuuenis essem, duobus annis hinc notarium egi, quod officium qui exercet,

fin-

singulis mensibus tres aureos lucreantur.

Reperias præterea in hac vrbe plusq̃ centum balnea, multo artificio atque structura elegantissima: & quâuis inæqualis sint magnitudinis, omnia tamē ad eundem modum sunt fabricata. Habet quodlibet balneum quatuor aulas: foris verò sunt quædam ambulacra loco eminentiori fabricata, ad quæ quinque aut sex ascenditur gradibus: hîc se homines exuunt, nudiq̃ue inde ad balneum eunt. In medio aquâ ceu in cisterna quadam conseruant. Primò igitur balneum intrare volentes, aulam quandam transeunt frigidam, in qua frigida seruatur aqua, qua calidam commiscere solent, deinde ad alium locum aliquantò calidiorem itur, vbi à seruis mundantur atque abluuntur: postea ad tertium vaporarium, vbi quantum lubet sudatur, in hoc aqua calefit, quæ ligneis quibusdam vasis adfertur, ac in caldarium effunditur. Cuiq; homini eiusaque duo dantur vasa, qui plura, aut qui largius lauari volunt, ministro ad minimum liardum exsoluunt, vaporarij autem domino duo tantum teruncij numerantur. Ignis quo aqua calefit non nisi stercore quorundâ animalium desiccato extruitur: quamobrem permulti ad hoc aluntur pueri, qui huc atque illuc per stabula discurrentes, sterco omne extra oppidum in cumulum congerunt, quo per duos aut tres menses sole indurato, ignem extruere solent. Habent & fœminæ suum vaporarium à viris secretum. Quædam tamē & viris simul & mulieribus seruiunt, diuersis tamen temporibus, viris nempe à tertia vsq;

LIBER TERTIVS.

vsq; in decimanquartam diei horam, reliquum
 temporis mulieribus patent. Interea dum se fœ-
 minę abluunt, funem in primum ingressum ex-
 tendunt, qui viros tum temporis nō vltius in-
 troeundum esse indicat. Neq; viris hic cum vxo-
 ribus vel colloquiū miscere non datur, tanta illis
 est honestatis ratio. Solent hic tam viri quàm fœ-
 minę genio admodum indulgere post lotionem
 atq; cantiunculis vocalissimis animi lætitiā in-
 dicare. Iuvenes nudi sine aliquo pudore balneū
 intrant, viri autem pudenda linteolo tegunt. Qui
 ditiores haberi volunt, non commune, sed or-
 natum atq; nitidum ingrediuntur, quod magna
 tibus semper seruatur. Quando aliquem abluere
 volunt, hūc humi sternunt: postea nūc vnguento
 quodam illinunt, nunc instrumentis sordes oēs
 auferunt. Ditiorebus pannum feretrum subster-
 nere solent, caput verò in ligneum puluinar pan-
 no feretro testū reclinare iubēt. Reperias quoq;
 hic tonsores atque chirurgos complures, qui &
 hic officium exercent suum. Maxima balnearū
 pars ad templa atque collegia pertinent, illisque
 maximam quotannis pecunię vim exsoluunt,
 nonnullę enim centum, alię centū & quinquā-
 ginta enumerant aureos. Neque hoc loco tacen-
 dum, quod balnearum seruuli singulis annis fe-
 stum habent diem, idque hunc in modum. Con-
 uocatis amicis tubis atq; tibiis urbem egrediun-
 tur, atque ibi cępam agrestem colligunt, quam
 linteo lixiuio madido in æneo quodam vase te-
 gunt: posthęc multo tubarum atque tibiarum
 sonitu cępam, ad vaporarij vsq; ostium afferunt

vbi

vbi cæpam canistello inclusam suspendunt, dicentes hanc fore vaporarij omen felicissimum. Mihi tamen magis huiusmodi sacrificium videtur, quale solebant olim Africani peragere, cum nullam adhuc haberet legem, remansitq; is mos illis in hodiernum vsque diem. Quod & inter Christianos videre licet, qui cum festa habeant permulta, multorum tamen rationem ignorant. Habuit præterea & quodlibet oppidum suum festum, quæ nunc à Christianis, cum illi rerum Africanarum potirentur, aboleta sunt, atque obliuioni tradita.

¶ *Hospitia,*

IN hoc oppido ducenta ferè sunt hospitia, atq; inter hæc maxima, quæ in eminentiori vrbis parte summo templo sunt viciniora. Horum quodlibet triplicem habet contignationem: cubicula autè centum & viginti, aut etiam plura. Est & cuique suus fons cum secessu & aquæductibus elegantissimis, qui sordes omnes efferunt. Neque vnquam maiora me ædificia vidisse memini, nisi fortasse Hispanorû collegium quod Bononiæ est, aut palatium Cardinalis Sancti Georgij quod Romæ visitur, cum his sit aliquo modo conferendum: omnes autem cubiculorum ianux, deambulacro ex aduerso sunt positæ. Et quamuis magna admodum atq; ampla sint huic vrbi diuersoria, sordidissime tamè hospites excipiunt: nullus enim hîc neque lectus neque lectica reperiri potest: hospes saltem lodicem quandam cû storea exhibet. Quod si cœnam tibi parari velis, necessum est vt macellum

DESCRIPTIONIS AFRICÆ

ipse adeas, atq; tuo hospiti coquendum des quod inde tibi contuleris. Fouentur & in his hospitibus viduæ Fessanæ, quæ neque bona habent, neque affines à quibus alantur: harum singulis aut interdum binis cubiculum assignatur, proq; egregio hoc hospitio mulieres lectorum & coquinæ curam gerunt. Pandochei hic omnes ex quadam stirpe originem habent, quæ Elcheua dicta est, foemineo autem more incedunt vestiti, barbam radunt, atque adeò foeminas imitantur, vt non sermone tantùm eas referant, verùm & nent interdum. Habet suam quisque meretricem, cum qua consuetudinē seruat perinde ac si vxor esset, cùm illæ tamen non vultu solùm, verùm & moribus atque totius corporis habitu sint infames. Vinum adeò liberè vendunt ac reuendunt, vt nemo sit qui molestiam aliquam inferat. Nulli hic præterquam nebulones, ganeones, alijq; id genus homines scelestissimi versantur, idq; vt liberius atque impuniùs peccare possint. Habent pandochei inter se consulem, tributumque vrbs rectori enumerant. Quòd si vsu veniat vt Rex exercitum aliquem conscribat, mox illi largum militibus commeatum mittere coguntur, vtpote ad hoc muneris aptissimi. Nisi me historica lex eò coëgisset; vt rem ita prorsus vt se habet enarrarem, maluissem sanè hæc silentio prætermis-
 sis, quibus Fessa miserè dehonestatur, quibusque è medio sublatis, nullam haberet tota Africa regionem, quæ cum hac ciuium probitate esset vllò modo conferenda. A pandocheorum igitur commercio adeò viri probi, literati, atque mer-
 catores

eatores abhorrent, vt ne colloquiū quidem cum his miscere velint. Est præterea illis ledulò iniunctum, ne quis aut templū, aut mercatorū cœtū, aut balneum intret. Nec his quoq; permittitur, vt in illa diuersoria commigrent, quæ summo templo sunt vicina, quibusque mercatores excipi solent. Nemo est qui non nequissimis his nebulonibus malè precetur: at quoniam regius exercitus his opus habet, vt iam diximus, eam ob causam inuitis etiam ciuibus admittuntur.

¶ Mola.
Q Vadringentis circiter locis hīc molas reperias. habet autem quilibet locus molas quinque aut sex, adeò vt molarum aliquot milia hīc inuenias. quælibet verò mola in amplissima quadam aula columnæ est superimposita, solentq; multi rustici ciuitatis adire molas. Sunt & hīc mercatores quidam, qui quum molas atque officinas habent conductitias, frumentum emunt, ac molitum ciuibus vendunt, vnde etiam maximum emolumentum colligūt: nam potissima ciuium pars, cū per facultatum tenuitatem frumentū penes se cumulare nequeat, farinam ab his emunt. sed qui aliquātò ditiores sunt, frumentum ipsi emunt, ac ad quasdam molas publicas delatū curant, vbi pro qualibet mensura solidum exsoluunt. Pertinent autem molarum omnes aut ad templa, aut ad collegia: nam ciuē ditissimū esse oportet, qui molam sibi propriam habet, quælibet enim duorum aureorum ad minimum redditum domino persoluit.

¶ Artificum, officinarum, atque fori descriptio.

DESCRIPTIONIS AFRICÆ

H Abent hic quælibet artes locum peculia-
rem, quarum nobiliores summo templo
sunt proximæ: nam notariorū officinas
hic circiter octuaginta reperias, quarum quædā
templo sunt contiguæ, reliquæ ex opposito sunt
positæ: habet autē quæuis officina duos semper
notarios. Inde Occidentem versus bibliopolas
inuenias plus minus triginta. Calcearij merca-
tores Meridionalem occupant plagam, hi à futo-
ribus calceos & cothurnos cumulatim emunt,
atque inter ciues distribuunt. Deinde qui pue-
rorum tantum calceos suunt, quorum officinæ
sunt plus minus quinquaginta. In Oriëntali tem-
pli latere locum habent qui ænea vasa aliq; per
multa ex ære confecta venalia habent. Ex oppo-
sito portæ maioris prædicti templi forū est fru-
ctuariū, in quo nullum fructus genus desiderare
possis, officinis constans quinquaginta. Horum
ordinem sequuntur cerearij mercatores artificio
adeo ingeniosi, vt non immeritò quis eos admi-
retur. Institores deinde reperias, sed numero ad-
modum paucos. Forum hinc se offert olitorium,
in quo mala citrea varijque generis frutices per-
petua fronde virētes vernum tempus represen-
tant, quorum sunt viginti circiter tabernæ: nam
qui vino vti solent, inter arborum ramos recum-
bunt. His confines sunt & ij lactarij institores,
penes quos maxima semper est vasorum creta-
ceorum, quæ Itali maiorica vocant, copia: lac au-
tem à quibusdam afferri curant ligneis quibus-
dam vasis, ferreis constrictis circulis, quæ angu-
stum os, fundum aliquanto latiore habent. ab

his solent nonnulli singulis diebus magnā emere lactis copiam, atque inde butyrum conficere: reliquum lactis aut congelatum, aut acre interdum ciuibus diuendunt, adeò vt vix diem præterire crediderim, quo ampliusq̃ viginti quinque venduntur lactis dolia. Hos sequuntur, qui gossipium vendunt, horum autem triginta sunt officinæ: mox eos reperias qui cannabum, funes, capistra, aliâq; id genus ex cannabe confecta venalia habet. Deinde qui coreacea cingula, crepidas, capistra coriacea multo serico intertexta conficere solent: mox illorū sequuntur officinæ, qui vaginas gladiatorum & equorum pectoralia confuunt. horum vicini sunt qui sal vendunt atque gipsium. Post hos circiter centum officinæ sunt figulorum, qui omnium generum vasa variis distincta coloribus fingunt. Dehinc qui ephippia, baltea, habenas, aliâque huiusmodi conficere solent. Deinde locus est baiulorum, quos numerū trecentessimum excedere puto: habent hi inter se consulem, aut potius, præfectum, qui singulis septimanis quantum perficiendum sit inter operas distribuit. Quod porrò inde lucrū venit quadam seruatur in arca, quod inter eos diuidūt, qui ea septimana operati sunt. Dici nō potest quāto amore quantaque beneuolentia se mutuo prosequantur, adeò vt si quenquam illorum è vita migrare contingat, viduam & proles communibus alant sumptibus, donec aut moriatur & ipsa, aut nouum sibi delegat maritū. pueros verò summa cum diligentia educandos curant, donec alicui arti adoleuerint. Quod si quenquam contingat

DESCRIPTIONIS AFRICÆ

uxorem ducere, prolemq; ex ea suscipere, omnes
 ferè socios inuitare: vocati aut ad festum, sponso
 aut patri munuscula singuli offerunt. Nemo ad
 illorum admittitur consortium, nisi prius præci-
 puos illius artis ad coenā vocauerit duces: alio-
 qui dimidiam saltem lucri portionem ferre po-
 test. Ab omnibus liberi sunt tributis & exactio-
 nibus: quin & gratis illorū pinfitur panis. Quòd
 si quisquam in flagitio aliquo depræhensus fue-
 rit, is priuato tantum, non publico afficitur sup-
 plicio. Omnes dum operantur, vestib. vnus co-
 loris breuiusculis vtuntur: ociosi autem, pro arbi-
 trio vestiuntur: honestissimi aut sunt omnisque
 probitatis cultores curiosissimi. Horum ordinē
 sequitur is locus, quem obsoniorum atque edu-
 liorum præfecti occupant. Hic quoq; ædificium
 quoddam est arundine cōtextum atq; quadratū,
 in quo ciceres atq; napi vendi solent, quæ tanto
 apud illos in precio habentur, vt à rusticis emere
 tantum liceat iis, qui ad id muneris sunt creati,
 qui quidē telonariis quoddam exsoluere tributū
 tenentur: neque vllus vix est dies, quo non plus-
 quàm quingentas cicerum atque naporum sarcina-
 nas inuenies. Et quanuis maximo (vt iam dixi-
 mus) habeantur in precio, vilissimo tamen con-
 stant: triginta enim aut viginti ad minimum li-
 bræ liardo emuntur. fabæ recentes suo quoque
 tempore paruo admodum constant. Nō procul
 hinc officinas reperias, in quibus pilæ quædam
 carnis pistillo contusæ oleoq; frixæ & multo aro-
 mate conditæ venduntur, quarū quælibet vnus
 ferè ficus magnitudinem æquat, neq; alio carnis

genere quàm bubula aridissima confici solent. Deinde septentrionem versus locus est, ad quem omnium generum olera adferuntur, quæ cum carnibus condiri consueuerunt: huic autem rei quadraginta officinæ sunt destinatae. Posthæc locus est, quem illi à fumo, fumosum appellant: hic panem oleo frictum reperiēs illi per similem, qui apud Romanos melleus dici solet. huius maxima quotidie venditur copia: singulis enim diebus ientaculi vice sumunt, præsertim festiuis. cui obsonij loco carnes assas addunt aut mel: interdum iure quodam macerant sordido ex carnibus contusis composito, quas semel elixas rursus contundunt, atque inde ius conficiunt, quod postea terra quadam rubra tingunt. Carnes non hic verum sed furno assantur. solent enim duos furnos componere, sic ut vnus alteri superponatur: in inferiori ignem exstruunt, atque in superiorem ubi calor sufficere videtur, carnes iniiciunt. Neque facile credas quàm eleganter hic assentur. non enim illis fumus neque calor superfluus nocere potest, tota enim nocte lento igne coquantur, ac summo mane expromptæ publicè venduntur. Singulis autem diebus carnes illæ & panis (de quo antea diximus) tam copiosè inter ciues diuenditur, ut ducentorum aureorum summam in singulos dies excedat: horum enim quindecim reperiuntur officinæ, quæ aliud nihil venale habent. Venduntur & hic pisces quidam frixi, & carnes, præterea & panis sapidissimus quæ laganum fere dicas. Huc autem cum butyro pistum, non nisi cum butyro aut melle obsonij vice addito vorant. Reperias

DESCRIPTIONIS AFRICÆ

& hic quorundam animalium pedes elixos, quibus rustici matutina hora in ipsis popinis ientaculum sumunt. deinde rursus se ad laborem recipiunt. Hos insequuntur, qui oleum, butyrum falsum, mel, caseum, oliuas, mala citrea & capparos vendunt: horum officinæ vasis testaceis elegantioribus refertæ sunt, quæ multo preciosiora quæ in iis continentur. Butyrum & mel per præcones dinēdi solet, qui certi sunt baiuli huic officio destinati. Neq; quēuis ad vasa implenda admittunt, id enim officij baiulis tantum quibusdā reseruatur, qui ad hoc muneris lecti sunt, quique & olei mensuras implent, quoties illud mercatores emerunt. Vas apud illos centum & quinquaginta libras capit, tantum enim butyri singulis vasis iniicere solent rustici. Sequitur macellum constans officinis circiter quadraginta, in quibus carnes incidunt stateraue distrahunt. Nulla in macello animalia mactant, est enim huic rei locus quidam non procul à flumine dicatus, ubi postquam carnes adornarunt, per quosdam seruos huic tantum negotio destinatos in macellum mittunt. Verum priusquam inter populum quis suas carnes vendere audeat, eas macelli præfecto deferendas curat, qui simulatq; carnes vidit, chartula quadam earum precii inscribit, quam populo vnà cum carnibus ostendunt, nec licet premium illud excedere. Sequitur forum in quo panni viliores venduntur. horum centum ad minimū reperiuntur officinæ: pannos quibusdam præconibus tradunt (horum plus minus sexaginta reperias) qui per singulas officinas pannū

baiulantes, precium cuiq; indicant: quòd si vendere contingat, pro singulis aureis liardos duos recipiunt. durat aut illud exercitium à meridie ad finem vsque diei, nec sanè sine maximo mercatorum commodo. Reperias deinde qui arma, gladios, hastas, aliaque id genus instrumenta expoliunt ac vendunt. Postea piscatorù statio est, qui minimò optimos maximosque vendunt pisces, cum in huius vrbs flumine, tum & alibi captos, libram enim duobus tantum hic emas terunciis. Maxima illius hic est piscis copia, qui apud Romanos Laccia appellari consuevit, idque præcipuè à principio Octobris ad mensem vsq; Aprilem, vti postea fusius dicemus, vbi de fluminibus mentio inciderit. Hos sequuntur qui caueas gallinaceas conficiunt, idq; ex arundine duriori: horum quadraginta sunt officinæ. solet enim quisq; ciuium bonam alere gallinarum copiam. & ne domum habeant multo gallinaceo stercore immundam, illas sic perpetuò caueis inclusas seruant. Posthæc illorum est locus, qui saponem liquidiu venalem habent, verum non multè admodum illorum sunt officinæ, quin & plures in aliis reperias vrbs locis. Neque etiam Feslæ, verum in montibus vrbi proximis sapo confici solet, vnde per quosdam muliones eum sibi aduectum curant. Deinde aliquot reperias officinas eorum qui farinam vendunt, quanquam & illi quoque variè per urbem huc atque illuc disperguntur: horum ordinem sequuntur, qui fruges atq; legumina sationi quidem magis quàm elui accommoda, venalia habent: neq; hæc ab aliquo

ciue

DESCRIPTIONIS AFRICÆ

siue emere poteris, quandoquidem quisq; suos sibi fruges seruare mauult: reperiās & eodem loco multos, qui mulis aut equis fruges aut legumina quocunq; velis deuehant. solet autem mulus tres ferre in dorso leguminū mensuras (quas muliones emetiri debent) idque tribus altero alteri superimpositis saccis. Postea sunt qui stramen vendunt, quorum decem reperiuntur officinæ. Deinde forum vbi filum ac linum vānit, tum & vbi linum pectitur: quod quidē adinstar magnarum ædium exstructum in circuitu quatuor habet ambulacra: primum occupāt qui telam vendunt, filumq; ponderant: in aliis duobus innumeræ sedent mulieres, quæ magna copia filum venale habent, quod quidem isthic per præcones venditur, qui à meridie in vesperam vsque circumferūt. In huius loci medio frequentes reperiuntur mori, qui mercatoribus vinbram præbent: tanta verò huc confluere solet mulierum multitudo, vt non facilè sit se ex hoc mercatu subducere: suboriturq; non raro tanta inter fœminas rixa, vt risum illas audiendo vix tenere possis: quin & pugnis se mutuo afficientes sæpiissimè videas. Nunc ad eam partē tandem descendamus, quæ occidentem solem respicit, hoc est, à templo ad eam vsque portam quā Mecnasēn itur. Post eum locum, quem antea fumosum appellauimus, via recta suas habent mansiones, qui situlas coriaceas conficiunt, quibus vtuntur aqua è puteis haurienda: huius artis quatuordecim sunt officinæ. Deinde illorum locus est, qui viminea aut alia quæuis vasa frumento ac farinæ
re-

reponendæ apta conficiunt, hi triginta occupât officinas. Inde sutorum locus est, qui plus quàm centum & quinquaginta officinas implêt. Pòst illorū ordo est qui clypeos conficiunt coriaceos, quales sæpenumero in Europa aduectos videmus. Deinde viginti ferè officinas lotores quidā occupant, vilioris conditionis homines, ad quos ciues qui domi ancillam non habent, subuculas, lintheamina aliq; id genus sordida deferre solent, atque ab iisdem pòst aliquot dies adeò nitida & candida recipiunt, vt incredibile ferè narratu videatur. hi contiguas in hoc loco habent officinas: reperias tamen per totam vrbem hinc inde disperfos plus quàm ducentos eius generis homines. Deinde sequuntur qui lignea ephippia corio tegenda conficiunt, horū maximus in eo loco reperitur numerus, quā Orientem versus ad regis Abuhinan collegiū itur. Hos sequuntur qui stapedes, calcaria, frena, aliaque huiusmodi adeò artificiosè ornant, vt non facilè tales in Europa reperiri posse arbitrer, horū plus minus quadraginta sunt officinæ. Tandem illorum vicus est, qui rudi modò stapedes, frena, atque calcaria fabricant, hinc in plateam descenditur eorum qui ephippia de quibus iam locuti sumus triplici corio, eoque selectissimo, vestiunt: quod optimum est, supremum locum habet, vilius infimum, quæ miro artificio perficiunt, vt videre est in plerisq; locis Italiæ. horum centum aut eò plus refertæ sunt officinæ. Deinde longas admodum habent officinas, qui hastas lanceasq; cōficiunt. Ab hoc loco rupem inuenias, quæ deambulacra duo habet,

DESCRIPTIONIS AFRICÆ

bet, quorum alterum ad Occidentalem portam, alterum ad regium quoddam palatium ducit, in quo se Regis soror, aut alius quispiam ex regis affinibus continere solent. hoc autem notandū, quod forum istud à summo templo initium capit: ego verò ne ordinem inuerterē, ea tantum descripsi fora, quæ circumcirca sunt, vltimò de mercatorum statione dicturus.

¶ *Mercatorum statio.*

VRbem non immeritò eum appellabis locum, qui mercatorib. dicatus est, vndiq; muris cinctus, duodecim habet in ambitu portas, quarū quælibet ferrea catena in transversum ducta, equis & vehiculis transitū adimit. Locus in quindecim diuisus est partes, duas sutores occupant, qui nobiliū tantum calceos consunt: duas item sericarij mercatores, quorum alij, funiculos atq; id genus ornamenta venalia habent, suntq; horū officinæ circiter quinquaginta: alij sericum tantum ornandis subbuculis, pulvinaribus, & huiusmodi rebus ex tela cōfectis aptū venale habēt, quorum totidem ferè reperiuntur officinæ. Deinde prostant qui muliebria cingula ex lana rudiori componunt, quæ nonnulli ex serico quoq; cōficiunt, verū non admodum elegantiora, illorum enim crassitudinē duos digitos excedere putem, quibus vel nauem contra ventorum iniuriam retinere possent. Hos insequuntur qui pannum ac telam vendunt, quæ ex Europa huc mitti solet: apud quos & pannum ex serico cōfectum, pileos, aliæque huiusmodi venalia reperire poteris. Vbi hos præterieris, nonnull-

nullos reperies qui storeas, stibadia, puluinaria, aliaque permulta ex corio composita vendunt. Dein illorum locus est qui vectigal recipiunt, solent enim panni per quosdam præcones vendi, quos priusquam in forum adferantur, necesse est ut ab illis lignentur, quos iam vectigal recipere diximus. Præcones plus minus sexaginta hic inuenies, qui pro singulis pannis liardum recipiunt. Postmodum sartorum quoque locum inuenias, qui tres sibi vicos occupant. Mox in forum descendis, in quo telæ mercatores sunt, qui & muliebres subuculas venales habent: habentur autem hi pro ditissimis totius Fessæ mercatoribus. nulla enim est mercatura, quæ maius adferat emolumentum. Ultra hunc locum vestes quasdam venales reperias, eo panno confectas, qui ex Europa isthuc deferri solet. Singulis horis pomeridianis pannum per præcones in hoc loco venditur, idque cui libet licitum est, quoties necessitas aut alius quicunque casus cogit. Postremus omnium is locus est, in quo subuculæ, mappulæ, aliaque permulta interpolata vendi solent: nec procul hinc tapetes, lectique stragulæ venduntur.

Quare hæc vrbs pars Cæsarea sit appellata.

Locus iste muro circonseptus Cæsarea antiquo nomine à Monarcha illo Iulio Cæsare deducto, appellatur: cuius hanc scriptores adferunt rationem: quod omnes Mauritaniæ ciuitates iis temporibus, primò Romanorum, deinde Gothorum paruerunt imperio. habebatque quælibet semper ciuitas, aut Romanos, aut Gothos, qui tributa reciperent ac seruarent.

Ve-

DESCRIPTIONIS AFRICÆ

Verum quoniam frequenter in hos populus intestina mouerat bella atque direptiones, visum est vt in qualibet ciuitate locus aliquis muris vndique muniretur, vbi vnà cum tributo merces & preciosiora ciuium bona in tuto essent: sperantes hoc modo fore, vt ciues æquè anxie principis ac sua seruarent bona. Quod consilium si imitati fuissent Itali, non tam crebras passi fuissent direptiones. Sæpenumero enim contingit vt intestino bello commoto, milites vbi hostium bona sibi non sufficere vident, mox quoque ad amicorum bona recurrant.

Aromatarij atque Pharmacopola.

Hic loco vicini sunt Aromatarij, idq; ea parte quæ Septentrionem respicit, horum centum & quinquaginta in via quadam recta sunt officinæ, quæ vtrinque munitissimis occluduntur portis. noctu vigiles quidam conductitij atq; armati vnà cum lucernis & canibus excubias agunt. Hi nec syrupos, nec vnguenta, nec electuaria conficere norunt: nam à Medicis domi perficiuntur, à quibus & petenda sunt. Maxima officinarum pars aromataris contigua est, quanquam maxima populi pars neque Medicum norit, neque medicamentorum vsum. Adeo ornata summoq; artificio fabricata sunt hic officinæ, vt nō crediderim posse vspiam tales reperiri. Memini me in Tauris Persiæ ciuitate egregias aliquot officinas vidisse, sub quibusdam deambulacris elegatissime exstructas, verum obscuras, adeo vt multis partibus eas Fessæ officinis postpositas existimarim. Vbi has officinas præ-

præterieris, aliquot inuenies qui pectines ex buxo, aut alio quouis ligno parant. Orientem verus non procul à Pharmacopolis, sunt qui acus conficiunt, horum circiter quinquaginta sunt officinæ. Deinde illorum locus est, qui torno ebur aliaque huiusmodi polire solent, quorum cum inter cæteras artes misceantur, non vsque adeò magnus est numerus. Tandem aliquot reperias, qui farinam, saponem, atque scopas vendunt: qui cum foro ubi filum vendi antea diximus, sint proximi, vix numerum vigesimum implent: reliqui enim alibi reperiuntur, vti postea dicemus. Inter illos qui gossypium vendunt, reperias & nonnullos qui lectorum atque tentorium ornamenta venalia habent. Horum ordinem aucupes sequuntur, apud quos, etsi numero perpauca sint, reperias tamen omnium generum tam esui quàm oblectationi aptas aues: vnde & aucupum locus appellari consuevit. Postea illorum sunt officinæ qui funes cannabini venales habent. Mox sequuntur qui suberes siue magnatum crepidas conficiunt, quibus per lutosas plateas iter facturi nobiles vti solent, verum sumptuosè admodum, multo serico conoq; excellentissimo parantur: quæ vilissimæ sunt, aureo ad minimum constant, nonnullæ decem, reperiuntur & quæ viginti quinque emuntur aureis. conficiuntur autem ex moro alba & nigra, iuglande atro & zyzipho, quæ pro elegantioribus atque sumptuosioribus habentur, tametsi priores aliquantò fortiores sint, diutiusq; quamuis ferat iniuriam. Deinde decem officinas Mauri aliquot

His-

LIBER TERTIVS.

Hispani occupant, qui balistas conficiunt: tum qui scopas ex palma quadam sylvestri componunt, quales Romæ è Sicilia aduectas indies videmus. Scopas autè magna quadam sporta per urbis plateas ferunt, easque aut vendunt, aut fure, cineribus, detritisue calceis commutare solent: furem pastoribus, cineres florum dealbatoribus, detritos autem calceos sutoribus quibusdam reuendunt. Aliquâtò vltèrius fabri sunt, qui clauos fabrifaciunt: tandem vietores reperias, qui vasa quædam prægrandia in situlæ modum componunt: apud hos & frumenti quoque mensuras reperire licet. Quas vbi huius rei quidam præfectus examinarit, pro qualibet teruncium suo iure accipit. Mox lanæ sequuntur venditores, qui postquam lanam à lanionibus emerunt, per quosdam huic rei conductos purgandam atque abluendam curant. Corium idem adornare solent, sed non nisi ouillum: bubulum enim, quoniam alia prorsus arte paratur, alium etiam habet locum. Deinde quosdam reperias qui sportas certosque funiculos parant, quos Africani equorum pedibus addere solent. Quos subsequuntur ænei opifices: hos, qui non procul ab his pondera & mensuras: tum qui instrumenta parant, quibus linum atque lana carminari solent. Tandem in longum quendam descenditur vicum, vbi promiscuè multarum artium reperias artifices, quorum nonnulli stapedes, calcaria, aliaque huiusmodi (quæ fabri rudia & impolita reddunt) limare solent. Postea fabros quosdam lignarios habes, qui temonibus, aratris, molarum

rotis

rotis, aliisque huiusmodi conficiendis sese exercent. Tinctoriis sua est in fluuij ripa mansio, quarum quælibet fontem habet limpidissimū, in quo quicquid ex serico confectū est, abluunt. Ex opposito latum admodum & spaciosum habent locum vallorum fabricatores, qui cū sit vinbriferis moris consitus, æstiuo tempore amœnitatis sui valde recreat. Sequitur fabrorū ordo, qui mulas & equos calceant: tum & qui balistis arcus ex chalybe accommodant. Vterius qui equorū calceos cudunt: hos, qui telam dealbant: vbi & vrbs pars quæ ad Occidentē vergit, finitur: quæ olim ciuitas per se fuit (vt antea diximus) ac post alterā ædificata, quæ Orientem respicit.

¶ Alterius Fessæ partis descriptio.

Alia quoque vrbs pars ad Orientem sita, pulcherrimis palatiis, templis, ædibus, & collegiis abundat: quanquā hīc non tam copiosæ neq; frequentes sint diuersæ artes, atq; in ea quā modò descripsimus. Hīc enim nec sunt mercatores, nec sartores, nec calcearij, præterquā ex panno grossiori. Aromatariorum est forum exiguum, triginta officinarum capax. Ad mœnia vrbs agunt laterarij & figuli: paulò inferius forum est amplum, in quo vasa candida figulina, catini, scutellæ, patinæ venundantur. Vterius ad forum itur granarium, in quo cellæ sunt frumentariæ. E regione summi templi forum est lateribus stratum, in quo diuersæ exercentur artes atque opificia. Sunt & aliæ artes mechanicæ, variè per totam vrbe dispersæ: mercatores autem pannarij vnā cum aromatariis, loca sibi destinata

occupant. Numerantur in hac vrbe quingentæ & viginti textorum ædes, pluribus contignationibus aulisq; spaciosis magnificè admodum constructæ: in quarum singulis multæ sunt textrynæ, quæ locatoribus magno sunt emolumento: huius opificij asserunt in vrbe esse ad viginti milia, quemadmodum in molendinorū exercitio. Sunt quoq; in hac vrbe centum officinæ filo candidando extructæ, quarum potiores ad fluminis ripam sitæ, caldarius, & valis muratis sunt instructissimæ: & in alios vrbis vsus sunt ingentia ædificia, in quibus varij generis ligna ferrantur, quod quidem officium à Christianis mancipiis exercetur, & quicquid inde lucri consequuntur, ad illos redit à quibus aluntur. His nulla omnino quies datur, præterquàm diebus Veneris à meridie in vesperam: & octo diebus diuersis temporibus per annum dispersis, in quibus Maurorum celebrantur festa. Habent & meretrices suum locum, quæ fautores habent maximos, interdum potentissimosq; vrbis rectores. Reperias quoque nonnullos ænopolas, quibus vel impune meretrices alere, & cuiuslibet tradere licet. Sunt & hic amplius quàm sexcenti fontes limpidissimi muris cincti, curiosissimeque seruati, quorum quilibet subterraneis quibusdam ductibus, variè se huc atque illuc per domos, templa, collegia, & hospitia diffundit: estque illis hæc aqua multò charior: nam quæ è flumine peti solet, frequenter æstiuis temporibus desideratur: huc accedit, quòd quoties aquæ ductus sunt purgandi, flumen extra urbem ducatur necessum est. Solet

igitur quælibet familia ex fontibus sibi petere aquam: & quanquam nobiles tempore æstiuo fluuiali vtantur, iubent nihilominus & fontanâ adferri, quod frigidior sit, gustuq; gratior. Vere autem contrarium accidit. Fontium porrò maxima pars ex Occidente & Meridie fluit: nā quæ Septentrionem respicit, môtibus, marmoribusq; Tiburtinis est referta, vbi antra quædam reperiuntur, in quibus frumentum ad multos annos seruari solet: quædā verò adeò ampla vt plus quàm ducenta capiant frumenti modia. Qui in ea vicina habitant ciues, quiq; antra ea possident, satis inde pro vitæ necessitate colligunt, centesimam namque singulis annis frumenti mensuram pro locatione referunt. Pars quæ ad Meridiem est, dimidia ferme incolis est vacua, hortos habet fructiferos, in quibus nullum fructuum florumque genus desiderari potest. Cuilibet horto suæ sunt ædes, fonsque limpidissimus, rosis, aliisq; herbis cinctus odoriferis, adeò vt si quis Verno tempore hanc inuisat vrbis partem, habet vnde & animum & oculos pascat: quare paradisum nō immeritò dixeris, cum in iis nobiles ab Aprili ad Septembris vsque finem se continere soleant. Ab Occidente, hoc est ea parte quæ regie vicina est, arx visitur, quæ à Rege Luntinæ exstructa, magnitudine oppido æquatur: in qua Fessæ principes priusquam hic regiam statuissent, se continere solebant. Verum postquam noua Fessa à Marinorum regibus ædificari cœpit, arx tantum vrbis præfecto relicta est. Visitur in ea egregium sanè templum, iis temporibus ædificatum, quibus,

DESCRIPTIONIS AFRICÆ

bus, vt diximus, à principib. & magnatib. occupabatur, postea multa loca diruta, atq; in hortos conuerſa ſunt: præfecto quædam tantum relicta ſunt ædificia, partim habitationi, partim litibus definiendis apta; eſt & hic cōcameratus quidam locus, in quo captiui detineri ſolent, adeo ſpatioſus multisque columnis ſuperinſtructus, vt trium millium hominum capacem multi aſſirmare velint. neque in hoc carcere locus aliquis ſegregatus reperitur, quandoquidem Feſſæ omnibus vnus idemque carcer aſſignatur. Præterfuit hanc arcem riuiulus quidam præfecti negotiis accommodus.

¶ *Magiſtratus, Iura adminiſtrandi, atque
veſtiendi apud Feſſanos modus.*

Habet Feſſa particulares quosdam magiſtratus atque iudices: eſt præfectus qui cauſas ciuiles definit, & in malos animaduertit. habet & ius canonicum ſuum quoque indicem, ad quem omnia quæ in lege Mahumetana continentur, pertinent. eſt præterea iudex quidam qui Matrimonia atque repudia curat, quiq; teſtes omnes & audire, & audita probe diiudicare conſueuit. Deinde cauſarum patronus, ad quem ab iudicum ſententia prouocant, cum vel falluntur, vel authoritati inferioris notæ doctoris innixi ſententiam ferunt. Præfectus magnam vim nummorum ſibi corradit ex condemnationibus, quæ diuerſis temporibus fiunt. Hoc autem ſerè modò reus peragitur: poſtquam centum aut ducētis coram præfecto plagis affectus eſt, carniſex catenam collo inijcit, atq; hoc pacto

que

nudum (pudendis tantum exceptis) per omnes
ciuitatis partes deducit, carnificem comitatur qui-
dam satelles, quodque perpetratum est à reo faci-
nus omnibus nunciatur, donec miserum suis ve-
stibus indutum, in carcerem reducant. Fit etiam
sepenumero, ut multi simul concatenati per vr-
bem ducantur: præfectus pro quolibet reo sup-
plicio affecto aureum vnum cum quarta habet,
nec non & à quolibet iam primum carcerem in-
gresso nonnihil sibi tributi dari iubet, quod per
quosdam mercatores aliosque artifices ei rei de-
stinatos particulatim numerari solet. atq; inter
cetera emolumenta, ex quodam monte annuum
prouentum septem milium aureorum colligit:
idem quando res exigit, Fesse Regi trecentos alie
equites, stipendiumque persoluit. Qui ius cano-
nicum dicunt, nullum nec salarium, nec premium
inde percipiunt: vetitum enim est lege Mahumé-
tica, ne iudici quicquam persoluator, sed victum
sibi parent vel ex prælectionibus, vel sacerdotiis:
habet & hæc facultas suos causidicos idiotas litè-
rarum prorsus ignaros. Est in hac vrbe locus, in
quem iudices propter debitum aliquod, aut leue
quoddam crimen ciues conijcere solent. Repe-
rias in tota hac vrbe quatuor tantum satellites,
qui noctu ab hora vigesimaquarta in secundam
vsque omnes ciuitatis partes circumeunt, neque
aliud salarium quam certum censum, quem ab iis
quos in vincula deducunt, pro delicti magnitu-
dine exigunt, illisque liberè permissum est, ut &
vinum publicè vendant, & scorta domi alant.
Nullos habet præfectus neque scribas, neque no-

DESCRIPTIONIS AFRICÆ

tarios, sed sententiam quam lubet ore profert. Vnus tantum est in tota vrbe qui census ac vectigalia recipit, numeratq; singulis diebus in Regis usum triginta aureos : substituit nonnullos qui singulas vrbis portas obseruent, neq; vlla res est, quamuis exigui precij, quæ non aliquid census exsoluere cogatur. Solent & interdum in campos vsq; extra urbem mulionibus obuiam concurrere, ne qua fortasse mercatura celetur, aut detecta in urbem deuehatur. quod si fraudem coperiant, duplex exigunt vectigal. Is autem hæc in re seruari ordo consuevit, vt duos aureos in singulis centum vectigalis loco pendant : pro onychinis gemmis quorum magna huc affertur copia, quarta persoluitur: ligna, frumentum, boues, gallinæ, nihil census enumerant. neq; ad ingressum vrbis arietes tributum exsoluere coguntur, sed in macello duos liardos : & eius præfecto vnum pensitat. Qui autem macelli præfectus est, duodecim semper secum satellites habet, ac tota frequenter adequitat urbem, panem vrbisq; pondera examinaturus. Quod si panem infra iustum pondus distrahat, pistorem publice fustigare ac eo modo per urbem deducere iubet. Solet istud officij insignis tantum probitatis dari viris: nunc autem cuius, quantumuis ignaro aut scelesto conceditur. Huius vrbis ciues civili vtuntur habitu, vernis temporibus vestes gerunt extero panno confectas: sagum subuculæ addunt dimidiis tantum strictisq; manicis, cui vestem quandam latam atq; ante pectus oclusam superinduunt. Pileos habent simplices, quales apud nostrates noctu gestari

stari videmus, verum qui aures illis non conte-
gant: pileum fascia quædam tegit, quâ binis glo-
merationibus capiti & circum barbam obductis
nodo hæere faciunt. Caligas nec fœmoralia ge-
runt, verno tempore equitaturi ocreas sumunt,
at qui tenuioris sunt fortunæ, sagum tantum ha-
bent & barnussum quem vocant, & vilissimum
pileum. Doctores atque nobiles grandæui veste
quadam latis manicis incedunt quemadmodum
nobiles Veneti. Plebei vestes ferè ex pãno gros-
siori atque albo conficere solent. Mulieres sic sa-
tis ornata incedunt, æstiuo tamen tẽpore solam
subuculam gestant. Hyeme palla vestiuntur latis
manicis ante pectus occlusa, qualis ea est, quam
viros gestare modo diximus. si quando in publi-
cum prodire volunt, fœmoralia cruribus addũt,
quibus totæ tibiæ cooperiuntur, præterea pan-
nus illis ex capite pendet, qui ad Syriæ formam
totum corpus velat. facies quoque tela quadam
in eum velatur modum, vt oculis tantum fene-
strellas quasdam relinquunt. Aures anulis aureis
gemmisq; ornant preciosissimis: qui infimioris
sunt conditionis, argenteos tantum anulos auri-
bus addunt, neque alias inaures habent. Bra-
chiis armillas adiungunt aureas quæ nobiliores
sunt, reliquæ argenteas, nec non & tibias circu-
lis aureis argenteisue ornare solent, idque pro fa-
cultatum ratione.

¶ *Cibum capiendi modus.*

Nunc quoq; de victus ratione nonnihil
dicendum est. vulgus bis qualibet se-
ptimana carnes recentes coquere solet,

DESCRIPTIONIS AFRICÆ

nobiles verò & ditiores, quotidie & quoties lubet. Ter in die sumūt cibum: ientaculum ex fructibus quibusdā & pane, vel liquido pultis genere farina frumentōve constat: hyeme far liquidum carnibus salis conditum sorbent. In prandio carnibus, acetariis, caſeo, atq; oliuis vſcuntur: æſtate autem aliquanto lantius prandent. Cœna concoctu facillima, pane, melonibus, vuis, aut lactariis paratur: at hyeme carnes elixas comedunt, quam Cuscufu appellant, quæ ex farina in maſſam redacta conficitur, & in vasis quibusdā perforatis primò igni adinuetur, deinde butyro ſubacta iure quodam conſpergitur. Eſt & quibusdā carniū aſſarum ſatis frequens vſus.

Habes hic tam nobilium q̃ plebeiōrum viuendi formam: quanquam magnates nonnihil lautius cœnent: verū ſi nobilium victum qui in Europa ſunt, reſpicias, miſeros atq; ſordidos Africæ nobiles dixeris, non ab ciborum raritatem, ſed quòd nulla prorfus inter hos mundicie ſeruetur regula. menſa nanque illis humilis, nuda, atque ſordida apparatus: nullas præter terram ſedes habent, nulla omnino præter digitos vnguesq; inſtrumenta. Cuscufu omnibus vna tantum teſta apponitur, ex qua tam nobiles quàm alij manibus nō cochlearibus exhauriunt. Ius ſimul cum carnibus eadem quoque lance apponitur, vnde ſibi quiſq; quam vult partem digitis aduncis excerpere ſolet: nullos prorfus in menſa cultros videas, quin canino more carnes lacerant, atque ſumma cum feſtinatione vorant. neque potum ſibi quis expetit, niſi prius cibus expleto ſtomacho,

cho, tum demum quisq; ingentem epotat aquæ cyathum. Doctores quidem aliquantò melius habent: sed vt verum fatear, vix tam miserum habet Italia nobilem, qui non victu, deliciis atque apparatus magnificentia vel summos quosque superet Africæ magnates.

¶ *Qui in matrimoniis consecrandis
servantur ritus.*

Circa matrimonium hæc ferè servatur regula. Vbi pater filiam cuidam despondit proco, mox in templum itur, sponsum ac sponfam comitantur parentes & consanguinei, duo item accersuntur notarij, qui præsentibus omnibus pacta dotemq; conscribunt. Qui mediocris sunt fortunæ, filiæ triginta aureos in dotem enumerât, cui ancillam quindecim ad minimum aureis emptam adiungunt; præterea & telam versicolore m serico intertextam, cum aliis quibusdam panniculis ex serico confectis, quos in capite pepuli loco gestare solent. deinde & par calceorum artificiose atque eleganter confutorum: duo item soccorû paria elegantissima: multas quoque clenodias argenteas, aut ex aliqua materia fabrefactas, vt sunt pectines, suffimenta, ventilabra, aliaque istiusmodi, quæ mulieres maximo habent in precio. Quibus ita peractis, quotquot vtrinq; interfuerunt, ad coenam vocantur, quæ vt sit suis deliciis optimè referta, panis adfertur frixus, quem antea melle temperatum diximus: huic carnes adduntur assæ, idq; primò sponsi sumptib.: postea & sponsæ pater suum apparare iubet cõuiuiû. Quòd si filiæ præ-

ter

DESCRIPTIONIS AFRICÆ

ter iam dictam dotem aliquas dederit vestes, hoc illi pro liberalitate quadam ascribunt. Quanquā pater dotem triginta tantum aureorum pollicitus sit, solet tamen interdum ducentos, nonnunquā etiam & trecentos insuper in vestibus conficiendis, necnon & aliis quibusdam ad mundum muliebrem pertinentib. consumere aureos. rarò autem pro dote domum, vineam, aut agrum aliquem donant. Sponsæ tres conficiunt pallas, eademq; ex pāno sumptuosissimo: tres item ex serico undulato, aut alio quouis panno precioso. Subuculas item artificiosissimè elaboratas, necnon & pepla elegantissima, & lintheamina artificiosis emblematis vndiquaque exornata. cervicalia item & pulvinaria elegantissima. Solent quoque octo anaclinteria sponsæ dari, quorum quatuor ornatus tantum gratia armaria contingunt: duobus lana viliori refertis lecti vice utuntur: ac duobus coriaceis cubiculi stratum sternunt. Dantur insuper tapetes quidam villosi, circiter vlnarum viginti: tria item stragula, altera parte panno ac tela suffulta, altera verò tomēto referta, quibus noctu. sic utuntur. Parte quadam lectum sternunt, aliam reflexam corpori subiiciunt: quod illis perfacile est, cum vtrinque decem circiter vlnas in longitudinem pateat. His totidem serica multo artificio à superiori parte exornata addunt, quæ ab inferiori parte tela & gossypio duplicata sunt. Dant & candida stragula, æstiuo tantum tempori accommodata: tum & sindonem laneam in plures partes diuisam, atq; eleganter elaboratam, cum certis quibusdam ceu

pin-

pinnulis coriaceis deauratis, quibus assuunt floccos sericos verticillores, & singulo flocco sphaerulam sericam, qua sindon ornatus gratia parieti affigi posset. Habes hic summam quid doti addi soleat, qua quidem in re nonnulli ita ceteros excellere student, ut saepenumero nobiles quosdam ad paupertatem redigi contingat. Sunt ex Italis qui putent viros dotem praebere mulieribus. verum ij harum rerum omnino sunt ignari. Sponsus suam ducturus domum sponsam, primo tabernaculum ligneum octogonale serico tectum intrare iubet, in quo à baiulis defertur comitantibus parentibus & affinibus, multo cum tubarum ac tiliarum sonitu, tympanorumque strepitu, necnon maximo facium numero: praecedunt sponsi affines cum facibus, sponsa vero sequuntur: sic maximum itur ad forum, templumque praeterito, sponsus socerum & reliquos omnes salutatur, domumque quantum potest properat, atque in cubiculo sponsae aduentum praestolat. Pater, frater, & patruus, sponsam ad cubiculi ingressum deducunt, pariterque omnes matri sponsi tradunt: quamprimum vero sponsa cubiculum ingreditur, maritus pede suo uxoris pedem tangit, statimque ambo recluduntur. Interim apparatur conuiuium, & foemina quaedam pro foribus expectat, donec deuirginata sponsa hic linteolum sanguine tinctum illi porrigat, quod manu gestans hospitibus ostendit, alta voce clamans virginem hactenus incorruptam fuisse. Hanc cum aliis quibusdam foeminis, primo sponsi, deinde sponsae quoque parentes, excipiunt splendide.

Quod

DESCRIPTIONIS AFRICÆ

Quòd si fortasse non virginem fuisse reperiatur, mox maximo omnium dedecore, nuptiisq; infectis, ad parentes relegatur. Tria ferè parari solent cõuiuia: primum eodem celebratur die quo marito coniuncta est puella, secundum postridie mulieribus tantum paratur, tertium septimo à celebratis nuptiis die, huic omnes sponsæ amici atque parentes intersunt, quo etiam die sponsæ pater pro facultatum ratione magnifica ad generum deferri curat edulia: at quamprimum maritus domum egreditur (quod septimo ferè sit die) bonam emit piscium copiam, quos aut per matrem aut aliam quamlibet mulierem super pedes vxoris proiicere iubet, id enim ex antiqua consuetudine pro bono habent auspicio. Solent & alia insuper duo in soceri ædibus apparari cõuiuia, alterum pridie quàm elocetur filia: hanc totam noctem saltando atque iocando transigunt. Postridie mulieres ad sponsam exornandam veniunt, capillos comunt, genas minio tingunt: manus verò ac pedes nigros reddunt, sed mox experit tinctura & elegantia, alterum eodem die exhibetur conuiuium. Sponsam autem loco quodam eminentiori statuunt, vt ab omnibus facile videatur, tum quæ sponsam adornarunt, lautè excipiuntur. Vbi ad viri domum deducta, solent mariti parentes grandia quædam vasa pane oleo frixo mulsoq; referta ad sponsam mittere, cum aliis quibusdam eduliis, quorum enumeratione breuitatis gratia hoc loco omisimus, quæ omnia inter amiculos per sponsum vocatos consumuntur. Ea nocte quam saltando transigi diximus,

nup-

nuptiis interesse solent tibicines & succentores, qui alternatim nunc tibiis, nunc voce satis elegante edunt harmoniam; semper soli tripudiare consueuerunt, & finita cantiuncula, stipem aliquam cantoribus adiiciunt. Quod si quisquā saltatorem honore afficere velit, iubet eundem genu flexum ante se sistere, illique totam faciem pecuniis tegit, quas tibicines mox excipiunt. Fœminæ solæ seorsim à viris ad propriorum tybicinum concentū saltare solent, Hæc (vti diximus) ita geruntur cū sponsa virgo est. Viduarū nuptias minori cū reputatione peragūt. Coquunt bubulam, arietinam, gallinas elixas, quibus varia interponunt edulia. Conuiuiis apponūt vice quadræ magnas duodecim scutellas ligneas, rotundas, adhibitis in conuiuium saltem decem aut duodecim. estq; hic inter nobiles & mercatores mos receptus, Qui tenuioris sunt fortunæ, offulas qualdam ex pane lagani persimili vorant, quem carniū iure madidum digitis tantū non colearibus ex maiusculo vase liguriunt, quorum singulis non plures quàm duodecim circumstare solent. Consueuerūt & solenne parare conuiuium, cū circumciditur mascula proles, quod septimo sit natiuitatis die, huic incisor vnā cum affinibus & consanguineis interesse solet: quo transacto, quisque pro facultatum ratione incisorem munusculis salutat, idq; ferè in hunc modum. Suas quisque pecunias in facie cuiusdam pueri affigit, quem circūcisor huc adduxit. puer pronuntiato cuiusque nomine gratias agit: deinde puero circūciso, diem non minori lætitia trans-

DESCRIPTIONIS AFRICÆ

transigunt, quàm nuptias. Verùm si filia nascatur, minus alacritatis demonstrant.

¶ *Ritus diebus festiuis obseruati, & quo modo mortuos lugeant.*

R Emanserunt & apud Fessanos certa vestigia festiuitatum à Christianis olim institutarum, ceremoniis vtentes, quas nec ipsi met intelligunt. Pridie natiuitatis dominicæ terculo quodam vescuntur, ex variis herbis composito: coquuntur & apud hos omnia fere leguminum genera, quibus eadem nocte ceu delictis vescuntur. Primo anni die pueri nobilium & mercatorũ domos laruata facie adeunt, & cantionculis quibusdam fructus venari solent. Cùm apud Christianos Baptistæ natalitia celebrantur, maximos vbique videas ignes multo stramine compositos. Vbi puero dentes aduentare vident, conuiuium à parentib. paratur, itidem pueris, quod Latino vocabulo Dentillare vocāt. Habent & alias cõsuetudines & modos auguria sumēdi, quales Romæ atque in aliis Italię ciuitatib. obseruari vidi. Quod ad festa attinet, quę in lege Mahumetica præcipiuntur, ea fusius in eo libello descripta reperiēs, quem de lege Mahumetica conscripsimus. Mulieres si quādo aut marito, aut patre, aut alio quouis orbantur amico, mox fit numerosus mulierum cõcursus, vestibis depositis, saccis induuntur vilissimis, faciem multo cõspurant luto: deinde quosdam ad se accersunt, qui mulieribus induti vestibis, quadrata secum adferūt tympana, ad quorum strepitum cantionculam de more funebrem canunt, idque quantum possunt

sunt in defuncti laudem : ad cuiusque carminis finem, mulieres mœstissime vocem extollunt, capillos euellunt, multisque cum lachrimis pectus ac genas ita percutiunt, ut sanguine faciem cooperiant, durantque huiusmodi superstitiones per septem continuos dies. Deinde quadraginta interpositis diebus, luctum eundem (verum per triiduum duntaxat) repetunt, estque hic inter plebeios tantum modus observatus, nobiles aliquanto modestius se gerunt : omnes quotquot sunt amici accedunt, mœstam solantur viduam, variosque eò mittunt cibos; non enim in domo funebri culinam curare, nisi post euectum cadauer licet. Mulieres nunquam funus comitantur, tam etsi maritus, aut pater, vel frater, in sepulchrum deferantur. Quibus autem modis cadauer abluant sepeliantque, quibus in sepeliendo superstitionibus uti consueverunt, eodem libello scripta reperies quem supra nominauimus.

¶ *Columbaria.*

Multi reperiuntur in hac vrbe qui columbis alendis maximam sumunt voluptatem, quarum hic omnium colorum maxima reperitur copia. Eas in domuum summitate caueis quibusdam inclusas habent, quas bis in singulos dies aperiunt, mane & circa vespeream, magnam ex volatu oblectationem capientes, nam quæ volando alias superant, pro optimis habentur. Euenit non raro, ut columbæ vicinorum inter se misceantur, quam ob causam qui eas alunt se mutuis pugnis afficere videas. Habent & nonnulli reticulum quoddam summitati cannarum ob-

LIBER TERTIVS.

oblongarū affixum, quo in domus tecto latitantes, præternolantes vicini columbas captare solent. Inter carbonarios septem aut octo tantum officinas inuenias, quæ columbas venales habet.

¶ *Ludendi apud Fessanos modus.*

INter ciues Fessanos latrunculorum ludus est vsitatissimus, & antiquissimus. Reperiuntur & alia quædam ludorū genera, verū rudia vulgoque tantummodo nota. Quibusdam anni temporibus pueri vnius vici in alterius regionis pueros fustibus agere solent, idq; interdum tanto cum animi feruore, vt ad arma recurrentes etiam aduersarios interficiant, idque diebus præsertim festiuis, quib⁹ mutuo extra vrbis mœnia se prouocare consueuerunt. Postquā totum ferè diem acriter pugnando transegerunt, circa vespærum saxis volatilib. res agitur: tandem accedentibus vrbis satellitibus, nonnulli captiui adducuntur, ac publicè per totam urbem fustigantur. Accidit interdum vt iuuenes armis instructi noctu ciuitatē exeant, ac per agros & hortos discurrant: quòd si alterius factionis iuuenes obuios reperiant, dici non potest quàm cruentum inter se ineant prælium: etsi sæpenumero atrociter in illos animaduertatur.

¶ *Poëta Afri.*

NON desunt Fessæ poëtæ famosissimi, qui lingua vulgari diuersa pangunt carmina. Horū nonnulli amores suos erga amicā, nonnulli erga puellōs, omni pudore postposito carmine exponunt. Singulis annis quædam solent condere in Mahumetes laudē carmina, præcipuè

cipue autem ipso Mahumetis natali: tum enim summo mane in eum confluent locum vbi consulum præfectus suam habet mansionem, cuius sedile conscendunt, atque inde sigillatim suam quisque magna vulgi frequentia recitat cantionem: quam qui elegantius & accommodatius dictauerit, eo anno poetarum princeps acclamatur. Verum quo tempore incolumis adhuc Marinarum regum erat familia, qui tum regno potiebatur, in regiam suam vocabat quotquot in vrbe erant, doctos & literatos: quos magnifice excipiens iubeat ut se presente loco eminentiori suum quisque ordine in Mahumetis laudem recitaret carmen: qui verò omnium suffragiis optime dixerat, à rege equo præstantissimo, serua, centum aureis, necnon vestes, qua tum Rex indutus erat, donabatur: ceteris omnibus quinquaginta enumerabantur aurei, adeò ut nullus nisi regis expertus munificentiam inde dilcederet. verum centum & triginta elapsi sunt anni, ex quò hæc omnia paulatim decreſcente Fessanorum imperio, in dissuetudinem abiire.

¶ *Ludorum literariorum descriptio.*

P Verorum apud Fessanos literas addiscere volentium, ducentæ ferè munerantur scholæ, quarum quælibet formam aulæ habet amplissimæ. Circumcirca visuntur certi gradus, quib⁹ pueri ceu sedilibus vtuntur. Ludi magister legere ac scribere docet non ex libro verum è tabula quadam maxima. Quotidie sententia vna aut altera Alcorani exponitur: quo absoluto, rursum ab initio auspicantur, idq; toties reiteratur,

R.

do.

DESCRIPTIONIS AFRICÆ

donec memorię tenacissimè insculptum hereat, quod ad plurimum fit septennio. Deinde gymnasiarcha pueris orthographiæ partem aliquam prælegit, verum ea sicut & reliquæ grammaticæ partes, multò exactius in collegiis, quàm in huiusmodi scholis triualibus tractantur. Exiguum admodum præceptorib. numeratur stipendium, verum quando pueri Alcorani partem aliquam attigerunt, solent ludi magistro munuscula aliquot pro facultatum ratione adferre. postquam verò puerorum quisquam integrum ad vnguem habet Alcoranũ, pater condiscipulos omnes magnifico excipit apparatu: in quo filius splēdidē vestitus pulcherrimo vehitur equo, quē vnā cum vestibus ciuitatis regiæ Præfectus mutuo dare tenetur. Reliqui scholastici eum comitantur pariter equites adusq; hospitium quod ingrediuntur, varias cantilenas in Dei laudē ac Machumetis canentes. Deinde conuiuium pueris paratur splendidissimũ, cui quotquot sunt patri affines, interesse solent: tum quisq; ludi magistrum aliquo munusculo salutat, pater verò nouis illum vestibibus ornat. Solent & pueri celebrare festum ipso natali Machumetis, quo parētes mittere in scholam facem tenentur: deferunt singuli pueri singulas faces, quarum nonnullæ triginta libras pendent. Sunt aut faces elegantissime confectæ, variisque circumcirca cereis exornatę fructibus, ipsoq; diluculo incensę ad solis exortum ardent, interea succentores aliquot Mahumetes referunt laudes, moxq; exorto sole finitur illius diei festiuitas: soletq; hic dies maximam ludimagistris

ad-

adferre vtilitatem, vendūt enim quod reliquum illis relinquitur ceræ centum aut eò plus interdum aureis. Pro scholæ locatione, nemo quicquam exoluit: nam ante aliquot lustra in studio forum gratiam exstructos intelleximus ludos literarios. Quicquid cereis ornatus gratia additur, ludimagister inter pueros & succentores distribuit. Tam in publicis quàm triuialibus scholis duobus qualibet septimana diebus feriatur, quibus nec docent, nec student.

¶ *Fatiloquorum qui in hac vrbe reperiuntur enumeratio.*

Nihil adhuc de coriariis diximus, qui per multas habent in ripa fluminis mansiones, & pro quolibet corio vnus assis vegetigal enumerat, vnde singulis annis ducenti ferè colliguntur aurei. Reperias hic chirurgos atque tonfores aliquot, quorum quoniam exiguus est numerus, vix hoc loco annectere potui. Venio ad fatidicos & diuinatores, quorū ingens est numerus, tria; genera: horum enim nonnulli geomanticis vt solent figuris. Alij aquam catino vitreo infusam olei guttula admixta, lucidam & transparentem reddunt, in qua tanquam in speculo dæmones confertim se videre affirmāt, qui exercitum numerosum repræsentant, quorum nonnulli in itinere sunt, alij riuum transmittūt, alij terrestre prælium gerūt, quos vbi quietos videt, de rebus quas scire cupit interrogat: dæmones porrò nutibus respōdent, vel aliquo manuū vel oculorum indicio: adeò temeraria atq; damnanda horum est hac in re credulitas. Vitreum

DESCRIPTIONIS AFRICÆ

illud vas pueris interdum vix octauum egressis annum in manum dant, à quibus num hunc vel illum dæmonem viderint interrogant. Per multi in hac ciuitate reperiuntur eò dementiæ redacti vt maximas profundant in his nugis pecunias. Tertium genus diuinatorum constat mulieribus veneficis, quæ cum dæmonibus familiaritatem habere affirmât: dæmones autem aut rubros, aut albos, aut nigros appellitant: atque vbi alicuius fatum eloqui volunt, certis odoribus semetipsas suffiunt, eum quem accerferunt dæmonem se tum recipere affirmantes: deinde mutata voce dæmonem in ipsis loqui fingunt: tum qui rei, alicuius perdiscendæ gratia venerunt, quicquid volunt ex veneficis illis scelestissimisque mulieribus sciscitantur, idque maximo cum tremore ac reuerentia, deinde numerato dæmoni precio discedunt. Verùm qui sanioris sunt iudicii, mulieres has Sahacat, quod Latinis fricatrices sonat, appellant, quòd illis damnanda sit consuetudo, venerem inter seipsas exercere, quod honestiori vocabulo exprimere nò possum. Si quando contingat vt formosæ quædam mulieres illas adeât, veneficæ harum amore non secus atq; adolescentes puellarû accenduntur, & in dæmonis specie rogant, vt concubitus pro mercede patiantur: hoc modo sæpenumero fit, vt dum se dæmoniorum dictis paruisse putât, rem cum veneficis habuerunt. Neque defunt quæ eius rei voluptate allectæ, veneficarû consortium ambiant, & morbum fingentes vnâ earum ad se vocent, vel miserum eò mittant maritum: quæ vbi rem intel-

lexerint, mulierem à dæmone quodam vexatam affirmant, eamque ob causam nullo modo liberari posse, nisi se illarum adiunxerit numero. His verbis miser ille tandem victus, non id permittit modò, quin & sumptuosum veneficarum ordini parat conuiuium: quo absoluto ad strepitum tympanorum mirum in modum saltare solent: deinde vxorem charissimam diis ventisque committit. Reperiuntur tamè nonnulli qui vel minimo negotio fustibus vxores pulsando dæmonem eiiciunt: alij dæmonium se habere fingentes, non alio modo veneficas illas decipiunt, atque illorum deceptæ sunt vxores.

¶ *Præstigiatores.*

Reperitur & Fessæ præstigiatorum genus quoddam, Muhazzimin vocant: hi omnium promptissimè dæmonia eiicere dicuntur. & quia illorum vaticinio nonnunquam succedat effectus, dici nò potest quantum ea res existimationem augeat: quòd si eiicere non possint, aëreum esse spiritum asserunt. Modus autem adiurandi dæmones hic ferè est: primò characteres circulosq; nonnullos in foculo, aut alio quouis loco depingunt, deinde signa quædam in dæmoniacci manibus aut fronte describunt, illumq; miris modis fumigant. Postea carnè conficiunt: ex dæmone sciscitatur quà & quomodo huc intrauerit, quis sit, quodq; illi sit nomen ediscunt, tandem inde exire præcipiunt. Sunt & alterius generis, qui regulà quadam Caballistica (Zairagia appellant) operantur: hæc autem multis continetur scriptis, naturalis siquidem scientia pu-

DESCRIPTIONIS AFRICÆ

tatur. neq; alios Fessæ reperiās, qui maiori cum fide magisq; indubitanter ad interrogata respondeant, verum hæc ars difficillima est: qui enim huic operam dare studet, non minorem Astrologiæ, quàm Cabalisticæ cognitionē habeat, necesse est. Memini me aliquando huius artis peritum in vnius figuræ descriptionem integrum consumpsisse diem: figuræ autem in hunc ferè describuntur modum. Primò circulos multos in maiori circulo ducunt: in primo crucem formāt, in cuius extremitatibus quatuor mundi plagas appingunt, Orientem, Occidentem. &c. in centro vbi lineæ concurrunt, vtrunque notant polum: extra primum circulum quatuor depingūt elementa: deinde circulum in quatuor secāt partes, & sequentem circulum in totidem: post hæc quamlibet partem in alias septem secant, quarū quælibet characteribus maiusculis Arabicis insigniunt, adeò vt quodlibet elementum vigintiocto habeat characteres. In sequenti circulo septem planetas notant, in alio duodecim Zodiaci signa, in sequenti duodecim mensium Latina nomina, in alio vigintiocto Lunæ domicilia, in alio trecentos sexagintaquinque anni dies depingūt, extra hunc verò quatuor ventos cardinales adnotant. Deinde vnā tantū rei propositæ literā sumunt, atque per omnia antè enumerata multiplicant, productūque characteris numerum quodam modo diuidunt, atque pro characteris ratione loco aliquo colloquant, vtq; elementum illud exigere videtur in quo reperitur character sine figura. his omnibus ita peractis, figuram a-

animaduertunt, quæ cum numero iam producto
conuenire videtur, cum quo eodem modo pro-
cedunt, veluti cum priore fit progressio, donec
vigintiocto characteres habeant, ex quibus vnâ
dictionem colligunt, ex dictione verò oratio con-
flatur, quæ ad rem ipsam in quæstionē vocatam
respondet: eā porro oratio semper in carmē pri-
mæ speciei cadit, quod Arabes Ethauil appel-
lant, componiturque ex octo stipitibus & chor-
dis duodecim, iuxta Arabicæ linguæ metricam,
de qua tractauimus in vltima parte grāmmatice
nostræ Arabicæ. Carmen igitur ex iis caracte-
ribus compositum, verum atq; indubitatum rei
propositæ præbet responsum, primò quid quæ-
ratur, deinde rei interrogatæ sententia. Hi verò
nunquam errant, quod Cabalisticam summè ad-
mirandam reddit: & quanquā naturalis habeat-
ur, nunquam tamen quicquam vidi, quod cum
scientia supernaturali atque diuina maiorem ha-
beat affinitatem. Memini me quondam in loco
aperto collegij Regis Abulunan (quod Fessæ vi-
situr) in area leuigato marmore strata insignem
vidisse figuræ descriptionem: areæ quodlibet la-
tus quinquaginta erat vlnarum, huius duæ ter-
tiæ iis occupabantur quæ ad figurā pertinebant:
tres verò descriptionem faciebant, quorum qui-
libet suum tantum curabat locum, durauitq; eā
descriptio per integrum diem. Huiusmodi quo-
que aliam Tuneti à quodam eius artis peritissi-
mo descriptam vidi, cuius pater duo volumina
commentationum in eius artis canones conscri-
pserat, quos qui exactè sciunt, summo habetur

DESCRIPTIONIS AFRICÆ

ab omnibus precio. Ego solū tres, Tuneti vnū, Fessæ verò duos videre potui: duas quoq; in eius artis regulas explicationes, & commentarium Margiani cuiusdam, eius parentis quem Tuneti olim vidi, & aliud ab Ibnu Caldim Historiographo conscriptum. Quod si quisquam desiderio teneretur eius artis regulas cum suis commentariis videndi, posset quinquaginta aureorū dispendio hoc perficere: nam Tunetum ad nauigan- do Italiæ vicinum oppidum, prædicta opera in- ueniret. Mihi oblata est occasio tam temporis q̃ præceptoris, qui me gratis se docturū receperat: sed mihi nō placuit, eò quod lege Machumetica vetita, haberetur velut hæretica. Huius enim scri- ptura omne diuinationum genus vānum esse as- serit, Deumque solum arcana & futura nosse: quare & à Machumetanorum inquisitorib. non nunquam in vincula coniiciuntur, neq; cessant persequi eius disciplinæ sequaces.

¶ *Regula quædam & superstitiones in lege*

Mahumetica obseruata.

REperias & hic doctos quosdam, qui se sa- pientes philosophosq; morales appellari volunt. Regulas nonnullas obseruant, quarum nec ipse vnquam meminit Mahumetes. Hi à nonnullis catholici, ab aliis hæretici habentur, maxima tamen vulgi pars illos ceu diuos ve- nerantur, tamen multa illicita velint, quæ lege Machumetica sunt interdicta, cuiusmodi est il- lud: Machumetica lege vetitum, ne quis amores suos cantiunculis Musicis exprimat, quod illi ta- men fieri posse affirmant. Innumeræ in hac lege repe-

reperiuntur regulæ, quarum quælibet suos habet fautores atq; protectores doctissimos. Secta hæc incæpit pullulascere Anno post Mahumetem octuagesimo, & qui primus eam introduxit Elhesenibnu Abilhalen nominabatur, Basra oppido oriundus, hic discipulos quos in suam sententiam illexerat, regulas aliquot edocuit, cæterum nihil omnino scriptum reliquit. Post hunc circiter annis centum fuit alius quidam insignis à Bagadedo (Elharit Ibnu Esed appellabant) qui egregium discipulis suis scriptum reliquit. Postea quotquot illius reperti sunt fautores, à pontificibus & legisperitis damnati sunt. Octuagesimo deinde anno cæpit eadem hæresis repullulascere sub insigni quodam viro, qui permultos ad se pertraxit, quibus publicè doctrinam suam prælegebat. Tandem cum omnibus suis à pontifice ac Iurisperitis morti damnatus est. quod ubi hæresiarcha intellexit, subitò literis ad Pontificem datis, petiit vt cum Legisperitis de sua doctrina liceret disputare, à quibus si vinceretur, æquissimo animo se mortē subire velle, sin minus, non decere vt pro iniusta calumnia tam multi perirēt innocui. Pontifex iustam arbitratus petitionem, quicquid scriptum erat approbavit. Vbi ergo ad concertationem ventum fuit, iurisperitos omnes facillimè deuicxit. Quod ubi pontifex animaduertisset, sententiam ceu iniquè latam reuocauit, & collegia & monasteria permulta in eius asseclarum usum exstrui iussit. Remansit post hunc ea hæresis annis circiter centum, donec Imperator Maliclacho, stirpis & originis Turcicæ, ex Asia maiore

DESCRIPTIONIS AFRICÆ

iore huc veniens, omnes eius sectæ assertores deleuisset. Horum nonnulli ad Chairum, reliqui in Arabiam confugerunt, per viginti annos huc atque illuc dispersi, donec regnante Caselo nepote Malisachi, Nidamus Elmulus eius consiliarius, vir magni ingenij, sectæ huic addictus, eam restituit, erexit, atque ita confirmauit, vt opera doctissimi cuiusdam Ebgazzuli, qui de ea re insigne opus in septem diuisum partes cōscripsit, Legis peritos cum huius dogmatis assertoribus reconciliauerit, ea tamen conditione, vt Iurisperiti prophetæ Legi conseruatores, hi verò eius doctrinæ reformatores appellarētur. Remansit hæc inter eos cōcordia, donec Bagaded à Tartaris excisa fuit, quod anno Hegiræ sexcentesimo quinquagesimo sexto accidit: quo tempore adeò illorum creuerat numerus, vt totam ferè Asiam atq; Africam occuparent. Neq; quenquam in eorum admittebant ordinem, nisi literatissimus atque in omni disciplinarum genere exercitatissimus esset, quò & suam legem defendere, & aduersariorum opiniones refellere posset: nunc autem quātumuis rudem ac literarum ignarum admittunt, affirmantes nulla hic opus esse eruditione, nam spiritus sanctus, (inquiunt) illis quī mundo sunt corde, veritatis aperit cognitionem, multasque in hanc sententiam rationes adducunt, quamuis non admodum validas. Spreta igitur patrum ritibus, legisque obseruationibus, nihil aliud quàm delicias voluptatesq; ambiunt, crebro conuiuantur, lasciuas proferunt cantiones. Interdum vestes pro versuum quos cantillant

ratio

ratione, aut pro ingenij corruptissimi deprauatione dilacerant, se tum amore diuino correptos mentientes: ego verò ciborum affluentia & crapula correptos potius dixerim. singuli enim tantum cibariorū abliguriunt, quantū tribus facile sufficere posse dicas. aut, quod verisimilius apparet, hos clamores planctib. comitatos extollunt, quod imberbium iuuenum amore correpti sint. Nonnunquam enim contingit, vt ad nobilis cuiusdā viri nuptias accersatur vnus ex præcipuis cum vniuerso discipulorū cœtu, qui conuiuium auspicaturi, orationes & cantiones diuinas recitant: absoluta verò cœna, qui maiores natu sunt vestes saltaturi dilacerant: quod si inter choreas quenquam propter copiosiorē potationem cadere contingat, mox ab vno discipulorum erigitur, atque lasciuus plus satis deosculatur. Vnde prouerbiū apud Fessanos ortum: Heremitarū cōuiuium. quo tunc vti solent, cū discipulū aliquem sui domini sponsum esse intelligunt.

¶ Diuersæ regula ac sectæ, & superstitiosa

multorum credulitas.

INter has sectas reperias nonnullos, qui diuersam nō legem modò, verū & fidem quoq; habent, quare à nonnullis heretici habentur. Sunt & nonnulli qui hominem per bona opera, per ieiunia, & abstinentiam, angelicam naturam adipisci opinantur, quæ ita mentem expiare & ab omni crimine liberare volunt, vt peccare tam etsi vellet, nullo modo posset: Verū hanc felicitatē attingere non posse credunt, nisi prius per quinquaginta disciplinarum gradus ascenderint:

&

DESCRIPTIONIS AFRICÆ

& licet in peccatum inciderint, priusquam quinquagesimū attingant gradum, id sibi à Deo peccatum non imputari dicunt. Hi principio quidem strictissimam agunt vitam, ieiunio mirum in modum sese macerant: deinde omni deliciarū ac voluptatum generi vacant. Habent quoque arctissimam, viuendi normam à doctissimo quodam Essehrauardo, à Sehrauard Corasaniæ ciuitate oriundo quatuor libris descriptam. Fuit & alius autor, dictus Ibnul Farid, hic omnem illorū fidem festiuīs versibus descripsit, qui allegoriis referti nihil quā amores tractare videntur: quā ob rem Elfarganus quidam, opus commentario explicauit, atque ex versibus selectæ canones perstrinxit, & gradus per quos transeundum est, ostendit. Carminum porrò tanta est venustas & elegantia, vt huius dogmatis assertores nulla alia suis in conuiuiis cantillent ac recitent: nam annis abhinc trecentis, nemo præter hunc eam linguam magis excoluit. Hi firmamentum, elementa, planetas ac stellas vnum esse Deum arbitrantur, nullamq; nec legem, nec fidem erroneā: cuique enim (inquiunt) adorare licet, quod suo animo maximè adorandum occurrit. Credunt omnem Dei scientiam in vnum hominē transfusam, quē eorum lingua Elcoth appellant, hunc à Deo electum, Deoque in scientiæ portione æqualem esse dicunt. Reperias inter eos quadraginta homines, qui vno omnes nomine Elauted nuncupantur, quod nobis idem quod truncus significat: ex his mortuo Elcotha, alius rursus creatur, idque suffragio septuaginta, penes quos hu-

huius eligendi potestas est. Sunt & alij quidam numero septingenti sexagintaquinque, quorum nomen memoriae excidit, ex his deficiente vno ex septuaginta Elcothe electoribus, alius eligi solet. Hi regula quadam astricti coguntur semper incogniti incedere, solentque totum ferè transcurrere mundū vilissimo quodam habitu, amentes dicas atque ab omni sensu atque humanitate alienos, atq; sub huiusmodi vmbra scelestissimi homines nudi atq; effrenati totam reperiuntur Africam discurrentes, quibus adeò exigua vel honestatis vel pudoris ratio est, vt fœminas interdū publice beluino more incant, vulgus tamen illos ceu eximiae sanctimoniae homines veneratur. Horum maximam reperiās Tuneti copiam, ac multò plures in Ægypto, & Alcairo præcipuè: vbi in foro quod Bain Elcafrain vocant, quendā illorum pulcherrimam mulierem quæ balneum egrediebatur in oīum conspectu deflorare meis oculis vidi: quod vbi peregisset, mox omnes accurrebant, vestesque mulieris ceu rem maximè sacram manibus contingebant. Adulterum verò sanctimoniae summę virum affirmabant, eumq; peccatū finxisse saltem, nullo autem modo perpetrassē: quod vbi stupratæ maritus intellexisset, Deum benedicens, solenni conuiuiō & eleemosynarum largitionibus tam singulare beneficium prosequabatur. Voluerunt vrbis iudices in scelus animaduertere, verū periculum fuit, ne à populo interficerētur, qui hos vt antea diximus, ceu duos summæquæ sanctimoniae viros colit. Vidi & alia quædam sceleratius perpetrata, quorum

DESCRIPTIONIS AFRICÆ

rum vel meminisse pudet.

¶ *Cabalistici.*

Est & aliud hominum genus, quos Cabalisticos nominare possumus. Hi arctissimè ieiunant, neque ullius animalis carnibus vescuntur, verùm certos habent cibos & vestes, cuilibet horæ diei ordinatos ac deputatos, & noctu certas preces pro ratione dierum ac mensium recitant, & tabellas quadratas characteribus depictas certisque numeris incisas circumferre solent. Angelos quotidie collocutores se habere fingunt, à quibus omnium rerum notitiam edocentur. horum insignis quidam fuit doctor, quem El Boni appellarunt, qui illorum regulam, orationes, & quadratas tabellas composuit. Quod quidem opus cum vidissem, iudicavi eam artem plus affinitatis habere cum Magica, quàm Cabala. Eius octo precipuè erant partes, quarum prima Ellumha Enoramita, hoc est luminis demonstratio: quæ orationes ac ieiunia cõplectebatur. Secunda, quam Semsul Meharif, hoc est scientiarum solem appellant tabellas continebat, quas antea illos circumferre diximus, nec non & earum utilitatem. Tertiam partem Sirru Lasinei Elchusne vocant, hæc virtutes enumerabat quas nonagintanovem Dei nominibus inesse dicunt, quam Romæ penes Vernetum quendam Hebræum vidisse memini. Est & alia quædam inter eos regula, quæ Suuach, hoc est heremitarum vocatur, cuius sectatores nemora solitariosque locos inhabitant, nec aliis vnquam vescuntur cibis, quàm quos locus ille agrestis suppeditare solet.: Horum vitam exactè describere

nemo potest, quod omnem fugiant humanam consuetudinem. Verum si sigillatim describenda mihi essent varix Machumetanorum sectæ, longe à proposito digrederer: tamen qui ampliora desiderat, opus contulat Elaciani, qui fusiùs tractat de diueris sectis ex Machumetana religione manantibus, quarum potiores sunt septuaginta duæ, quarum quilibet suam tuetur tanquã bonam & veram, in qua homo saluari possit. Hodie duas tantum præcipuas inuenies, quarum altera Leshari per totam Africam, Ægyptum, Syriam, Arabiam, atque Turciam extenditur: altera Inamia, totam occupat Persarum regionem, necnon & Corasani quædam oppida, quam & Sophi Persarum Rex tuetur: propter hanc sectã tota fere Asia deleta est. nam cum antea Leshari dogma haberent, Rex vi atque armis suum introducere voluit: tamen vnã duntaxat sectã vniuersum cõplectitur Mahumetanorum dominium.

¶ *Thesaurorum inuestigatores.*

REperias & Fessæ nonnullos quos Elcanesin appellant, qui thesauros in ædificiorum antiquorum fundamentis reconditos putant, & perpetuò quærunt. Solent stupidi illi homines extra vrbs mœnia specus & antra quædam intrare, certissimò sibi persuadentes quod adempta Romanis Africa, dum ad Hispaniæ Beticam cõfugeret, thesauros multos in terræ viscera, quos conferre non potuerant, abdidisse, & magica arte ita excantasse, vt non nisi iisdem quoque artibus euelli possint, quare & incantatores quærunt qui effodiendi thesauros artem doceant. Nec desunt, qui

qui in certa cauerna aurum vidisse asserunt: alij verò argentum, verùm nō potuisse euellere, quod fumigationibus & incantationib. accōmodis destituti essent, & vana hac opinione seducti terræ penetralia fodientes, ædificiorum & sepulchrorū fundamēta destruunt, & nonnunquā ad iter dierum decem aut duodecim à Fessā producūt: eoq; væsanix redacti sunt, vt libros qui effodiendi auri rationem pollicentur, ceu oracula Sibyllinaq; tenent folia. Priusquā Fessā discederem, suæ insanix creauerant consulem, & facta à locorum possessoribus fodiendi facultate, vbi quod satis erat fodissent, iacturam omnem illis relarciebant.

¶ *Alchymista.*

EST quoque magna in hac vrbe Alchymistarum frequentia, qui vanissimæ huic arti insignem nauant operam: sunt verò stupidiissimi homines, quiq; sulfure & aliis fœtidis odoribus sese contaminant. Serotina hora vilitate more solent in summum templum conuenire, vbi falsas suas opiniones disputant. Habent autē eius artis multa opuscula à doctis viris conscripta, inter quos potiorē locum habet Geber, qui centum annis post Mahumetem vixit, quem natione Græcū aiunt fidem abiurasse. Huius opus, vniuersæq; præceptiones allegoriis refertæ sunt. Habent & alium quendam autorem qui de hac arte ingens edidit volumen, inscriptū Attogrehi: hic Bagadedæ principi à secretis fuit, de quo in vitis philosophorū Arabum scripsimus. Scripsit quoque eius artis cantica seu articulos Mugaribus quidam Granatensis, quem commentatus est

est Mammaluccus doctissimus patria Damasce-
nus, sic tamen vt multò facilius textum quàm
commentaria intelligas. Alchimistarum autem
duo hic sunt genera, quorum alij Elissir, hoc est,
materiam quærunt quæ æs & metallū tingit, alij
metallorum quantitatum multiplicatione, quo
ea cōmodè misceant. Scopus tamen ferè esse so-
let, adulterinam cudere monetam: quare horum
maximā partem Fessæ manu truncatā reperi-
as.

Adiuratores & anguium incantatores.

Magna deniq; in hac vrbe est vilissimo-
rum hominum copia, quos Itali adiu-
ratores vocant: Hi per omnes vrbis vi-
cos ineptas cantiones & rhythmos cantitant, tym-
pano, lyra, cythara, aliisque instrumentis meras
edentes ineptias, amuleta vel antidota, vt vocant,
indoctę plebi diuendunt. His accedit & aliud vi-
lissimum hominum genus eiusdem omnino fa-
milie, qui vaticin simias saltantes deducunt, &
collum brachiaque crebris anguib; circumdata
habēt. Profitentur & hi geomanticam, sortemq;
se mulierib; prædicere persuadent. Solent quoq;
admissarios quosdam equos ducere, quos foetus
gratia certo precio equabus adiungunt. Possem
alia enumerare hominū genera, verū hoc loco
monuisse sufficiat maximam illorum partem vi-
lissimæ esse conditionis, quique exteris parum fa-
ueant, quanquam exiguus in hac vrbe sit pere-
grinorum numerus, quod à mari distet centum
aut amplius miliaribus, ac via quæ ad mare ducit
aspera & incommoda. Nobiles multa superbia
tumidi, exiguam admodum aut nullam cum ci-
uib; S

DESCRIPTIONIS AFRICÆ

vibus habent consuetudinem, quemadmodum neque doctores, neque iudices, qui ut maiori sint in precio, paucorum admittūt colloquium; op-
pidum tamen est pulcherrimū, & comodo lo-
co ædificatum, in quo quum hyemali tempore
lutolæ admodum sint plateæ, adeo ut non nisi
peronibus quibusdam per eas incedere possint,
per aquæductus tantam aquarū vim effundunt,
ut facile omnes abluantur sordes. Vbi aquædu-
ctus defunt, vehiculis omne lutum in proximū
deferunt fluuium.

Suburbiorum extra hanc urbem descriptio.

EXtra huius oppidi mœnia Occidentē ver-
sus suburbanum est, quod quingētas fere
numerat familias, domus abiectæ incolæ
habent vilissimos, camelorum actores, aquæ ha-
iulos, lignorumq; præparatores, quæ in regia con-
sumi solent. Crêbras tamen officinas, omnisque
generis artifices inuenias. Hic omnes adiuratores
nulliusque precij tibicines habitant, de quibus
iam iam locuti sumus: meretricum adhuc ingens
numerus tametsi sordidissimæ atq; abiectissimæ
sint. In suburbij huius præcipuo vico antra quæ-
dam artificiosissime in marmore Triburtino ex-
cisa reperies, in quibus magnates recondere sole-
bant frumentū; verum postquam bellorum iniu-
ria sæpissimè auferretur, in Fessam nouam suum
quisque frumentum aduectum ibidemque ser-
uatum curauit; Tiburtina autē antra ab eo tem-
pore deserta remanserunt. Dictum incredibile
quàm sint hæ speluncæ latæ atq; spatiosæ, nam
quæ harū est minima, plus quàm mille frumenti

mœna

mensuras capit, antra autem centesimū & quinquagesimum superāt numerum, quæ modo deserta & aperta remanent, adeo vt nōnullos ex improviso in ea cadere contingat, quamobrem fauces muris sunt circumcinctæ. Cuilibet hic cenopolam & lenonem agere licet, quare non immerito hoc suburbium Fessæ sentinam dixeris. Ab hora vigesima, neminē in omnibus his tabernis reperiās: tum enim quisq; choreis, iocis, luxui & ebrietati vacat. Est & aliud eiusdem oppidi suburbium leprosis dicatum, quorum familiæ sunt circiter ducetæ: Habent præfectum qui annuos redditus à nobilibus legatos colligit, quique tam exactam eorum curam gerit, vt nulla re egeant. Ex officio tenetur urbem à contagiosis hominibus liberam tueri, & quos intellexerit eo morbo infectos, protinus in hoc suburbium se recipere cogat. Si quem leproforum ex hac vita migrare contingat, nulla prole nullōne hærede relicto, huius bonorum pars altera in communē omnium cedit vtilitatē, altera accuratoris est: quod si proles superfit, bona prolibus cedunt. In horum numerum rediguntur & illi qui candidis labeculis aut alio quouis morbo incurabili laborant. Vltius est aliud suburbium, quod muliones tantum, cementarij, & lignatores inhabitant: quod licet angustum, familias tamē circiter centum & quinquaginta numerat. Ea quoque via quæ in Occidentem vergit, maximum est suburbium, domorum amplius quadringentarū capax: sunt autem domus humiles & vilissimæ, incolæ pauperimi, qui inter alios habitare nec possunt, nec

DESCRIPTIONIS AFRICÆ

volunt. Ab hoc suburbio planicies quædam est
lata, quæ ad fluvium duobus miliaribus distantē
ducit, extenditq; sese Occidentem versus ad tria
ferè miliaria. In hac planicie singulis hebdoma-
dibus frequentissimus fit mercatus, convenit in-
gens hominum multitudo cum armentis & pe-
cudibus. Institores merces suas sub tentoriis vx-
num exponunt. Consuetudo inualuit, vt exigua
nobilium turma pariter coeant, qui arietem ma-
ctatum inter seiplos partiuntur, lanioni caput
pro mercede relinquentes, pedes verò atque vel-
lus lanariis vendunt mercatoribus. Pro iis autem
quæ hic venduntur mercibus, tam exiguum prin-
cipi exsoluunt tributum, vt eius declaratio hoc
loco superuacua videatur. Hoc porro silentio nō
est prætereundum, me nec in Asia, nec in Africa,
neque etiam in Italia frequentiore vidisse mer-
catum, neque mercium maiorem copiam. Non
procul à Fessa rupes visuntur altissimæ, quæ fos-
sa quadam cinguntur, cuius longitudo duorum
est miliarium, ex rupibus saxa exciduntur, vnde
calx conficitur. Ad Fessæ ripam multi sunt cli-
bani, quorū nonnulli tantæ sunt magnitudinis,
vt calcis amplius quàm sex mille mensuras ex-
pleant, calcem verò ditissimi Fessæ ciues confic-
cere iubent. Ea parte quæ in Occidentem ducit
extra Fessæ mœnia in fluminis ripa circa centum
inueniuntur tuguriola, quæ tantum ab iis occu-
pantur, qui telis albicandis operam insumunt.
Huc verno æstiuoque tempore telam ciues ad-
ferre solent, quam in pratis explicatam quoties
à sole desiccari videt, stulis quibusdam coriaceis

ad id paratis aquam aut ex flumine aut ex cana-
li hauriunt, quæ telam aspergunt: vesperi autem
quisque sibi creditam telam in dicta retrahit tu-
guriola. Prata autem quæ eò seruantur, nunquã
reperias herbis nudata. Non facile credas quanta
sit oculorum oblectatio, si quis procul albican-
tes in viridi prato telas, & fluminis aquam limpi-
dissimã aspiciat, quæ coloris glauci esse videtur,
quarum rerum amenitatem poëtæ suis celebra-
uerunt carminibus.

Communis extra ciuitatem sepultura descriptio.

Multos vbique non procul ab vrbe cam-
pos reperias, qui in publicam defunctorum
sepulturam à nobilib. quibusdam
sunt relictæ. Sepulchro ferè oblongum atque fi-
gura triangulari saxū superimponunt. Siquando
nobilis, aut alicuius nominis ciuis moritur, huic
saxum vnum ad caput, vnum item ad pedes po-
nunt, quibus epitaphium insculpi cõsuevit, vnũ
cum die & anno quo ex hac vita migrauit. Ego
multum insumpsi laboris colligendis epitaphiis
quæ cùm Fessæ tum in aliis Barbariæ locis vidi,
quæ omnia in libellum collecta. Regis fratri dedi:
varia autem est apud illos epitaphiorũ materia,
alia enim consolationis, alia plena sunt tristitiæ.

¶ Sepultura Regiæ.

Extra urbem in colle quodam altissimo Se-
ptentrionem versus palacium visitur, in quo
monumẽta quorundam Regum Marinorum re-
perias, multo artificio epitaphiisq; in marmore
excisis ornatissima, quorum elegantiam non fa-
cile literis exprimere queam.

DESCRIPTIONIS AFRICÆ

¶ Hortorum descriptio.

Septentrionem, Orientem, atque Meridiem versus, frequentissimos inuenias hortos omnis generis fructibus arboribusq; altissimis refertissimos. Per hortorum medium fluminis aliquam ducunt venulam, estque nonnullis tantus arborum numerus, ut nemora citius quam hortos appelles. Nullo modo hortos excolunt, nisi quod Maio mense assidue irrigant, quare & magna illis prouenit fructuum copia. Fructus autem, malis tantum Persicis demptis, optimi sunt saporis, quorum postquam maturitatem attigerunt, plusquam quingenta quotidie plaustra in forum adferuntur, vix exceptis quas hoc loco non annuero. Fructus autem in quendam Fessæ vehuntur locum, in quo persoluto censu, per præcones præsentibus fructuariis venduntur. In eodem loco numerato quoque tributo mancipia fusci coloris venduntur. Deinde Occidentem versus planities est, quæ in latum quindecim, in longum verò triginta patet passuum milibus: hæc fontibus atque riuulis abundantissima est, atque in usum summi seruatur templi. Hanc elocant hortulanis, qui magnam lini, melonum, naporum, raphanorum, aliarumq; id genus herbarum atq; olerum serunt copiam, adeo ut singula æstate plusquam quindecim totidemq; hyeme plaustrorum millia colligi dicantur. Aer tamen illis non admodum serenus est, nam qui eam partem incolunt crebris laborant febribus, suntq; coloris rufi aut lutei.

¶ Fessa ciuitas noua.

Fessa

Fessa noua duplici muro altissimo atq; fortissimo cincta est, in planicie amoenissima nõ procul à flumine sita est, à veteri vnus ferè militarij spacio distat, idque ad Occidentale atque propemodũ Meridionale latus. Inter duos vrbs muros ea parte quæ Septentrionẽ respicit intrat pars quædã fluminis, vbi molas esse antea diximus, reliqua fluminis pars in duas rursus secatur partes, quarum hæc inter Fessam nouam atque antiquam non procul à ripa fluit, illa verò per quosdam valles & hortos delabitur, tandemq; sese in regionẽ Meridionalem effundit. Reliqua fluminis pars per rupem, ac tandem per collegiũ Regis Abutiman defluit. Huius ciuitatis cõditor fuit Iacobus Abdultach filius, primus ex stirpe Marinorum Rex, qui exactis Maroccenorum regibus eorum regna sibi vsurpauit: cui contra Maroccenos bellum gerenti impedimento erat Rex Thelemsinorum, vt Maroccenos sibi deuinciret, & lætiore Marinorum fortunã subuerteret: finito autem Marocceno bello, Iacobo in animũ venit vt iniuriã sibi à Thelemsinis illatam summis vlcereretur viribus. Propugnacula illius regni à Thelemsino longè abesse animaduertit, quare multò tutius esse statuit, nouam hanc sibi exstruere urbem, in quam regia totius Marocci transferretur: quam ædificatam, Albam urbem appellauit, postea verò ab incolis Fessa noua est nuncupata. Hanc cõditor Iacobus in tres diuisit partes, quarum prima regiam habebat, variasque nobilium mansiones, statuitque vt harum quælibet amoenissimum haberet hortum. Non procul à Regia

DESCRIPTIONIS AFRICÆ

templum ædificauit elegantissimum, summoq;
artificio sumptuosissimum. In altera vrbis par-
te præsepe amplissimum construxit, in quo Re-
gij equi seruarentur. Deinde & palatia quamplu-
rima suæ aulæ nobilibus extrui iussit. A porta
verò Occidentali vsque ad Orientalem ciuitatis
forū esse voluit, cuius tractus & longitudo mille
propemodum & quinquaginta passus explet, ar-
tificum & mercatorum officinis interius dispo-
sitis. Ad portam Occidentalem custodibus am-
plissimam porticum ædificauit, in qua se per-
petuò ciuitatis contineret custodia. Non procul
hinc duo constituit equilia, quæ trecentos facile
capere possent equites, quos in regis suæ pro-
tectionem alebat. In tertia vrbis parte se regij sa-
tellites atque stipatores continebant, qui ex O-
rientali plaga ferè omnes venerant, neq; præter
arcus alia habebant militaria instrumenta, nam
tum temporis nullus erat in ea regione balista-
rum vsus, quibus à Rege satis amplum enume-
rabatur stipendium: modò autem hic locus tem-
plis & hypocaustis elegantissimis, magnoq; sum-
ptu exstructis refertus est. Iuxta Palatium Re-
gium sunt Monetariorū ædes, quæ interius ha-
bent aream quadrangularem, fabricatis vndiquaq;
porticulis, in quibus degunt monetæ signatores.
Est & alia porticus in medio areæ, in qua sedet
monetariorum præfectus, cui perpetuò adsunt
Scribæ & Notarij. Hic enim quemadmodum &
aliis multis in locis, quicquid emolumenti colli-
gitur, in vniuersum ad Regem redit. Huic loco
confines sunt Aurifabrorū officinæ, quorū Con-
sul

ful sigillum & typos monetarū conseruat. Fessæ
nec annulus, nec aliud quidpiam ex auro vel ar-
gento fabricari potest, nisi metallo prius sigilla-
to: grauissimè enim in præuaricatores animad-
uertunt. Verùm sigillato metallo, quicquid inde
cōficitur, ac si moneta esset, expenditur. Maxima
autem Aurifabrorū pars qui Fessam nouam in-
habitabant, Iudæis constat, vasaq; aurea & argentea
ad Fessam antiquam loco quodam nō procul ab
aromatariis sito deferūt ac vendūt. In Fessā nanq;
antiqua, nec aurum, nec argentum cuditur, nec
Mahumetanis eam exercere artem licet, quòd for-
neratores habeant, qui opus aliquod argenteum
vel aurum carius reuendunt, quàm pro ratione
ponderis, quanquam id Iudæis ab vrbis rectori-
bus conceditur. Reperias hīc quoque nonnullos
qui ciuium tantū vasa conficiunt, quibus tan-
tū pro laboris ratione merces numeratur. Eam
urbis partem quam Regij olim Stipatores inha-
bitabant, hodie Iudæi occupant: hisce enim tem-
poribus Reges eo satellitio non vtuntur. Iudæi
deniq; prius Fessam veterem incolebant, verūm
post Regis alicuius fatum, à Mauris expilabātur:
quare Abusabid Rex illos in nouam Fessam mi-
grare iussit, illisq; tributum annuum duplicauit.
Hi igitur in præsentem vsque diem in hac ciui-
tate longum admodum occupant vicum, in quo
suas habent officinas & synagogas, accreuitq; in
infinitū illorum numerus ab eo potissimū tem-
pore, quo ab Hispaniis eiecti sunt. Hi ab omnib.
summo habentur contemptui, neque cuiquam
calceis vti licet, sed soccos sibi iuncis marinis con-
fici-

DESCRIPTIONIS AFRICÆ

ficiunt. In capite dulipanum gestant nigrum, si quis pileum gerere velit, huic panniculum quendam rubeum annectat oportet. Enumerāt Fessæ Regi aureos quadringentos in singulos menses. Tandem spacio annorū centum & quadraginta fuit hæc ciuitas mœnibus cincta munitissimis, exornata templis, collegiis, palatiis, aliisque id genus ad ornādā vrbem accōmodis, adeo vt plus in expolienda vrbe q̄ in mœnibus cingenda con- sumptū esse crediderim. Extra vrbis mœnia ex- structæ sunt rotæ aliquot admirandæ magnitudi- nis, quæ aquā è flumine supra mœnia ciuitatis in quosdam canales mittunt, vnde per certos ca- naliculos in templa, hortos, palatia, aqua effun- ditur. Rotæ autem nostro æuo, hoc est annis ab hinc ferè centū exstructæ sunt, antea enim aqua per quendam canalem, q̄tū suam habebat à fonte decem inde miliarib. distantī scaturiginē, in vrbē fluebat. Huius aquæ ductus artificiosissimi auto- rem fuisse dicunt quendā Genuensem, Regi per id tempus maxime familiarem: rotarū verò in- uentorem dicunt Hispanum: estque in rotis illis tantum artificij, vt incredibile ferè videatur: nam in tanto aquarum impetu quater tantū & vi- gesies die ac nocte quelibet voluitur rota. Super- est dicendū, paucos hic esse nobiles exceptis ali- quot aulicis, reliqui enim sunt ignobiles & me- chanici: nam qui probitatis & bonitatis exilti- mationem sustinent, adeo aulicos ac Regis no- biles spernunt, vt illis filias despondere nullo mo- do dignentur.

¶ Qui mores atque ritus in Regis seruentur curia.

In-

INter Africæ totius principes nullus legitur populi suffragiis ad regnum vel principatū accitus, neque aliunde vocatus. In lege quoq; Machumetana, nullus dominium seculare quod legitimum dici queat, exceptis Pontificibus obtinet: verū decrescentibus indies viribus Pontificiis populorū duces deserta incolentium, habitata loca bello petere cœperunt, & vi bellica diversos principes contra legem Machumetanam, inuitis Pontificib. constituere. Velut in Oriente accidit, vbi Turcæ, Cordi, Tartari, alijque populi Orientales, dominium in eos vsurpauerunt qui viribus illis impares fuere. Sic in Occidente regnarunt Zeneti, sic Lontuni, & Concionatores, deinde Marinorum quoq; familia. Lontunos tamen dicunt Occidentalib. regionibus auxilium tulisse, vt miseros ab hæreticorum asslerent iniuria, qua in re se amicos, non hostes declarauerunt: postea exorta est tyrannis. Habes igitur rationem, quare non hæreditario iure, neque populi aut maiorum electione, nunc assumunt imperium. Solet autem princeps, vbi se morti addictum videt, ad se omnes magnates & nobiles conuocare, atque iuramento astringere, vt vel filium, vel fratrem, aut alium quemuis cui magis fauet, in regnū succedere sinant. Verū illi post principis mortem nihil iusiurandum curantes, alium quemuis pro arbitrio eligunt. Est hæc ferè Fessæ Regis electio, qui simulatque Rex est proclamatus, mox ex maioribus suis quendam sibi consiliarium primarium eligit, atque huic tertiam totius regni prouentuū partem legat. Deinde

DESCRIPTIONIS AFRICÆ

inde & alium assumit, qui simul Regi sit à secretis, à thesauris, atq; ab œconomia. Postea quoq; magister equitum creatur, qui in principis custodiam sunt admissi, hi ferè semper cum equis in campis degunt. Postremo cuilibet ciuitati nouum creat rectorem, ad quem eiusdem loci prouentus omnes redeunt, ea tamen lege, vt quoties bellū aliquod ingruere videtur, suo Regi aliquot præstet equites. tandem & illis quoq; qui montes inhabitant suos cōstituit duces, quemadmodum & Arabibus suo imperio subiectis. Variè vbiq; pro loci consuetudine iustitiam administrant rectores vrbium. Reperias & nonnullos qui à Rege ad id muneris creati sunt, vt omnes totius regionis prouentus recipiant, summaque cum fide adhibitis calculis, ad Regem perferant. Eliguntur & quidam quos illi custodes appellant, atq; horum cuilibet castellum aliquod aut pagum legat, vnde tantum sibi prouentuum colligat, vt & se alat, & regem, vbi opus est, in castris comitetur. Alit & Fessæ Rex armaturæ leuioris equites, quibus tantisper dum regem in exercitu comitantur victus ex aula adportatur: pacis autem tempore, frumentum, butyrum, carnesque falsas pro anno integro administrat, rarò autem pecunias à Rege percipiunt. Semel in anno vestiuntur, neque equorum domi aut foris curam habent, Rex enim quicquid opus habent persoluit. Qui equos curant Christiani sunt, omnes ex captiuis mancipia facti, qui catenis grossisque compedibus vincti incedunt. Quòd si cum exercitu aliquò proficiscendū sit, camelis vehuntur.

Est

Est & alius qui camelorum tantum curam gerit, hic pastoribus pascua adsignat, camposque inter illos diuidit, & quantum camelorum Regi satis esse nouit, prouidet. Sunt autem cuique camelario duo cameli, quos sarcinis Regiis deferendis iuxta præfecti institutum onerant. Habet quoque Rex Oeconomum, qui ex officio annonam tum Regi, tum castris suppeditat, conseruat, & distribuit. Huic sunt decem aut duodecim tentoria, in quibus annonam reponit, & camelos mutans assidue recentem conuehi iubet, ne exercitui alimonia vnquam desit: huic subsunt ministri culinarij. Est præterea stabulorum præfectus, qui equorum, mulorum, & camelorum regis curam habet, cui de rebus necessariis ab Oeconomo prouidetur. Est & alius qui frumeto præficitur, cuius partes sunt, ordeum, & bestiarum pabulum curare: hic suos scribas atque notarios habet, qui expensum sedulo notant, de omnibus enim ad summum Oeconomum ratio deferenda est. Habet insuper & ducem quendam, cui quinquaginta parent equites, quos omnes verdarios dixeris, qui nomine Regis negotia illis à Secretario commissa exequentur. Habet & alium quendam magni nominis ducem, tanquam regie custodiæ præfectum, qui Regis nomine iustitiæ administratos vrgeri potest ut ius dicant, sententiasque latas exequantur. Huius tanta est auctoritas, ut vel maximi nominis nobiles interdum in carcerem conicere, ac seuerius animaduvertere in eos ex Regis præcepto liceat. Est & Regi fidissimus Cancellarius, penes quem regium est sigil-

DESCRIPTIONIS AFRICÆ

gillum, hic regias literas & scribit & sigillo munit. Innumeros habet à pedibus, quorum præfectus pro arbitrio quos lubet acceptat vel dimittit, salariumque inter suos pro cuiusvis dexteritate distribuit. Quòd si Regem tribunali interesse contingat, hic perpetuò Regi adest, ac supremi cubicularij officium ferè exequitur. Est & alius qui sarcinis & impedimentis præest, quiq; tentoria huc atque illuc deferenda curat, in quibus armaturæ leuioris regij equites hospitantur, quorum tentoria mulis deferuntur, militum vero camelis. Est quoq; signiferorum turma, qui iter faciendo signa militaria complicata gestant: verum qui exercitum præcedit, vexillum fert explicatum maximæq; altitudinis. Signiferi porrò quotquot sunt, exactissimè vias omnes, fluuiorum vada, ac sylvarum transitus norunt, quare & exercitum ferè ducunt. Tympanistæ, quorum magna in regijs castris visitur frequentia, tympana ænea ad magnitudinē ingentis cacabi composita pulsan, quorum pars inferior stricta, superior lata pelleque cooperta est. Hi porrò equo insident, habentque ex altero equi latere semper aliquod perpendiculum eius ferè cum tympano grauitissimo ponderis. Illis velocissimi parantur equi, quòd maximo habeant dedecore, tympanum aliquod amittere. Fit autem tantus tamq; horribilis tympanorum strepitus, vt nò à longè audiantur tantum, verum & hominib. & equis maximum incutiant terrorem, quæ nò nisi tauro membro pulsare solent. Tibicines regijs nò aluntur stipendiis, quòd ciuitates propriis impen-

pensis certum numerū ad prælium mittere cogantur: qui quemadmodum se in prælio gesserunt, ita & in mensa à Rege excipiuntur. Habet & Rex quendam ceremoniarū præfectū, qui Regi ad pedes in Senatu assidet, omnesq; pro dignitatis ratione & sedere & sigillatim loqui iubet. Quæ in Regis familiam admittuntur ancillæ, oēs sunt fusci coloris, quæadmodum & pedissequæ, quanq̃ uxorem semper colore candidam habeat, Reperias & in huius aula captiuas Christianas quæ vel Hispanæ, vel Lusitanæ sunt, omnesque per quosdam accuratissime obseruantur eunuchos, qui & ipsi mancipia sunt. Habet sane Fessè Rex latam admodum ditionē, cæterum exiguus prouentus vix trecentorum milium aureorum summam attingit, quorum ne quinta quidem pars Regi cedit: nam reliquū in varias secari partes antea diximus. His adde quod reddituum maxima pars, frumento, pecudibus, oleo, atque butyro persoluitur, atque hoc minus pecuniarum adfert. Quibusdam locis pro iugero quolibet aureum cum quarta parte numerant, alibi tantundem quælibet persoluit familia. Aliæ quoq; reperiuntur regiones, in quibus qui annum decimum quintum excesserit, tantum quoq; auri adferre cogitur. Neque alia in re grauatür populus in maximo hoc oppido, quàm in censu persoluendo. Illud quoque hoc loco notandum, quod Mahumetanis (sacerdotibus exceptis) non licet maiores habere prouentus, quam quos illis Mahumetem cōcessisse legitur, hoc est, vt qui centū aureos præsentī possidet pecunia, duorum cum dimi-

LIBER TERTIVS.

dimidio censum annuum persoluat. Qui ex agro decem frumenti mensuras colligit, decimam adferre pro tributo tenetur. Statuit autem hæc tributa ad Pontificem deferri, qui quod Principi abundare nouit, in publicam confert vtilitatem: ex eo nanque egeni, ægroti, viduæque fouentur, bellaque aduersus hostes sustentur: verum ex quo Pontifices defecere, principes (vt ante diximus) tyrannidem exercuerunt. non enim illis abunde fuit hos prouentus omnino vsurpasse, ac pro eorum libidine expendisse, verum maiora etiam à populo exegerunt tributa, adeò vt omnes ferè Africæ coloni tam sint exactionibus quotidianis grauati, vt vix illis super sit, quo vestes aliaque vitæ necessaria sibi comparent: cuius rei causa nullus fere est inter doctos ac probos homines, qui cū aulicis aliquam quærat cōsuetudine, nec eadē mensa dignetur, neq; munera quantumuis pretiosa ab illis recipere velit: quicquid illis diuitiarum est, ex furto atque rapinis collectum æstimantes. Fessanus Rex perpetuò sex alie equitū millia, quingentos balistarios, totidemq; sclopetarios bello semper paratos atque instructos, quos pacis tempore à se per integrū miliare semotos habet, idque quando Rex vsquam proficiscitur: nam si Fessæ sit, nō admodum custodia eger. Siquando bellum cum hostibus Arabibus gerendum sit, quoniam illi prædictum non sufficit satellitium, ex Arabibus sibi subditis auxiliares petit copias, qui propriis stipendiis numerosum præstant exercitum, ad arma multò exercitiorē, quàm quos regem modò diximus alere

mi-

milites. Poimpæ ac cerimonix huius Regis sunt
 satis exigue, nec libenter ab illo celebrate, verum
 diebus festiuis, vel necessitate requirente his fe-
 re vti solet. Sicubi equitandum sit, magister ceri-
 moniarum id cursoribus denunciat, deinde illi
 iidem regis parentibus, magnatibus, purpuratis,
 ducibus, custodibus, equitibusque indicat, qui
 mox ante regiã confluunt. Egrediente palatium
 Rege curlores singulis ordinem ac locum equita-
 turæ designant. Primò incedunt signiferi, deinde
 tympanistæ, tum stabulariorum præfectus cum
 suis ministris & familia, hos sequitur totius re-
 gni pensionarius, custodia, cerimoniarum præfe-
 ctus, secretarij, thesaurarius, postremo omnium
 iudex vnâ cum totius exercitus duce, tandẽ Rex
 quem aut consiliarius primarius, aut alius quis-
 piam Princeps comitatur. Regem nonnulli præ-
 cedunt qui diuersas habent functiones, quorum
 hic regium ensẽ, ille scutum, illẽ verò balistam
 portat. vtrinq; stipatores incedunt, quorum
 alius stapedes, alius regis iaculum, alius ephippij
 stragulum, alius equi fert capistrum. vbi Regem
 ex equo descẽdisse vident, mox ephippium stra-
 gulo contegunt, & capistrũ quo teneatur equus
 supra habenas ponunt. Est & alius stipator, qui
 foccos regios artificiosissimẽ compositos defert.
 Regem sequitur stipatorũ præfectus, deinde eu-
 nuchi, tum Regis familia, postea equites leuioris
 armaturæ, tandẽ balistarij & sclopetarij. Vestitu-
 vtitur Rex tum temporis honesto ac mediocri:
 quẽ qui non agnosceret, adesse non existimaret:
 stipatores enim multo sumptuosius incedunt.

T

Nul

DESCRIPTIONIS AFRICÆ

Nullus autem Rex aut princeps Mahumetanus coronam, Diadema, neque aliud simile in capite gerit, id enim lege vetitum est. Vbi Rex cum suis copiis in campis degit, primò maximum illius figitur tentorium, quadrangulæ forma ad castrî similitudinem compositum, quadraturæ autem quodlibet latus quinquaginta vlnarum est longitudinis. Habet angulus quilibet turriculâ pinatam ex tela compositam, cum elegante sphærule in summitate cuiusque turricule, quam auream esse opineris. Habet regium hoc augustale quatuor portas, quarum quælibet ab eunuchis seruat. In imis vero partibus alia insuper sunt fixa tentoria, inter quæ Regis est cubiculum ita compositum vt facile possit loco amoueri. Huic proxima sunt magnatum atque nobilium tentoria, qui apud Regem maximè sunt familiares: deinde & custodiarum tabernacula caprinis fere pellibus Arabico more composita: in medio Regis est culina & pœnarium. Non procul hinc equites leuioris armaturæ suas habent stationes, qui omnes in pœnario regio cibum capiunt, sed habitu sordidissimo. Non longe hinc absunt æquilia, in quibus optimo ordine seruantur equi. Extra hunc circum tabernaculorû degunt muliones, qui Regis suppellectilem huc atque illuc deuehunt: reperias & hic laniones, tabernarios, aliosque id genus cauponas. Qui huc confluere solent mercatores aut artifices, ad mulionum locum sese adiungunt, sic vt Regis castra velut ad instar ciuitatis munitissime sint posita, nam custodiæ tabernaculis aliisque contiguis ita cinguntur.

tur, vt certis tantum locis ad Regē pateat aditus. Circa Augustale tota vigilatur nocte, verum qui huic officio destinati sunt, vilissimi sunt homines atque inermes. Eodem modo & circa equilia aguntur excubiae, verum tanta interdum negligentia, vt furto non solum abducti sint equi, verumetiam cōiuratores in Regis tentorio reperiuntur. Rex maximam anni partem in campis transigit, cum propter regni custodiam, tum vt subditos sibi Arabes in officio contineat, soletq; nunc venationibus, nunc scacorum ludo sese exercere. Nō me latet quā fuerim in huius vrbis descriptione prolixus, verum quoniam totius Barbariae, totiusque Africæ caput est, libuit partes omnes accuratissimè depingere.

¶ *Macarmeda oppidum.*

Distat à Fessa Orientē versus viginti ferè passuum milibus, à Senetis ad cuiusdam fluminis ripam loco amœnissimo exstructa. Hec quondam latissimam habuit ditionem, nec non & ciuium maximam affluentiam. In huius fluminis ripa, multos vtrinq; reperias hortos crebris vineis confitos. Fessæ reges hoc oppidum camelorū præfectis assignare solebant, verum Sahidico bello sic destructū fuit ac deletum, vt hodie mœnium vix supersint reliquiae, Ager verò nobilium quorundam est Fessanorum & rusticorum.

¶ *Hubbed castrum.*

In montis cuiusdā dorso, qui à Fessa sex miliaribus distat exstructum est, ex quo Fessana ciuitas omnesque circumiacentes agri, facile conspici possint. Conditorem habuit quen-

DESCRIPTIONIS AFRICÆ

dam eremitam Fessanum, insignis sanctimonie virum. Non latum admodum illi circumiacet territorium, eo quod domibus ruina collapsis, inco-
lis vacuum, moenibus saltem ac fano relictis per-
manferit. Quod superest agrorum, summo Fessa-
norum templo celsit. In hoc castro ætates qua-
tuor peregi, quod ei loco ab hominum strepitu
semoto ac studiis accommodo aer sit saluberri-
mus: præterquam quod pater hunc agrum plu-
rimis annis à Templi custode conduxerit.

Abulhæsa *Zania.*
Zania exiguum oppidum, à Iosepho se-
cundo Marinorum rege exstructum, à Fes-
sa plus minus quatuordecim distat mi-
liaribus. In hoc Iosephus insigne condidit Xeno-
dochium, statuitq; ut in hoc oppido sepeliretur.
verum non permittente fortuna, in obsidione The-
lensina interfectus est. Zania ab hoc tempore col-
lapsa & habitatoribus nuda remansit, in qua ho-
die tantum videtur Xenodochium. Huius loci
redditus maximo apud Fessanos templo donati
sunt, ager autem à quibusdam Arabibus Fessæ re-
gionem incolentibus excultus est.

Chaulanum castrum.

Chaulan antiquum castrum, octo milia-
rium distantia à Fessa Meridiem versus,
in ripa fluminis Sebu exstructum est.
Non procul ab hoc scaturiginē aque calidissimæ
reperias, cui Abulhesen quartus Marinorum rex
egregium addidit edificium. Ad hoc balneum se
Fessæ nobiles semel in Anno Aprili ferè mense
conferre solent, perq; dies quatuor aut quinque

ma-

manere. Nullam in hoc castro reperias ciuilitatem: incolæ vilissimæ sunt conditionis, mirumq; in modum auari.

¶ *Mons Zelag.*

S Vmit hic mons ex Oriente initium à flumine Sebu, extenditur Occidentem versus ad quatuordecim ferè passuū milia, eiusq; summitas, quæ Septentrionē respicit, à Fessā septem abest miliaribus. Omnis ea facies quæ Meridiem respicit, incolis est nuda: verū ea pars, quæ Septentrioni exposita est, feracissima, infinitis propemodum pagis atque castris exornata. Ager ferè omnis vitibus excultus est, quarū vuis suauiores me gustasse non memini, quod & de oliuis, reliquisque fructibus dici potest qui hic proueniunt. Huius incolæ cū sint ditissimi, ferè omnes in ciuitate Fessāna aliquam possident domum. Fessani verò nobiles maiori ex parte vires isthic possident. Ad huius radices quæ in Septentrionum itur, agros reperias omnibus frugū generibus atque fructibus feracissimos. Irrigatur enim omnis ea planicies Meridiem versus flumine Sebu: tum & hortorum cultores rotis versatilibus summo artificio fabricatis, aquam è flumine exhauriunt qua hortos irrigāt. Numerantur aut in hac planiciæ ducenta ferè iugera, quorum redditus illi concessi sunt, qui Fessæ Regi est à ceremoniis, verū non vltra quingentos inde colligit aureos, quorum decimæ ad Regem spectant, quæ circiter tria milia frumenti modiorum producant.

¶ *Zaronius mons.*

DESCRIPTIONIS AFRICÆ

Habet hic mōs à planicie Esais quæ à Felsa decem distat miliarib. initium, extenditur Occidentem versus ad triginta, patetque in latum ad decem ferè passuū milia. Perpetua in hoc monte sylua, vastissimumq; desertum, olivis alioqui feracissimū. Quinquaginta in hoc monte cū mapalia tum castra reperias, incolæ ditissimi, est enim medius inter duas vrbes opulentissimas, nam ex Oriente Fessam, ex Occidente verò Mecnasem habet. Huius loci fœminę telam ad regionis modum texunt, multis se ornant annulis, armillisq; argēteis. Viri validissimi perpetuò leonibus insidiantur, quorum & bonā ad Felsæ Regem copiā mittunt. Rex verò venationem hunc in modum instruit: In campo spaciōssimo capsulæ quædam sunt exstructæ tantæ altitudinis, vt in eis erecto corpore quis stare possit: harū quælibet ostiolo clauditur, interius verò armatus homo leonē in areā emissum apertis foribus præstolatur, tum leo quā patēre videt fores, magno impetu currit, quibus identidē reclusis concitatur: taurum deinde adducunt contra leonem dimicaturum, ineunt pugnam cruentam, in qua si taurus leonem occiderit, transacta est eius diei celebritas, sin autē leo superior eusserit, mox egrediuntur armati omnes, qui numero ferè sunt duodecim, leonē oppugnaturi. Habet autem quilibet venabulum cuspidis sesquicubitalis. Quòd si armati leonem superatū videntur, Rex numerum diminui iubet: sin cōtra armatos inferiores vident, protinus Rex cū suis è loco quodam eminentiori, vnde venationē conspicit.

Ipiciunt, balistis leonem interficiunt. Fit autem sæpenumero vt priusquam leo interficiatur, illorum quisquam pereat, reliquis vulneribus affectis. Dimicantium aduersus leonē præmium est, vt singulis dentur aurei decē vnā cum veste noua: neq; ad pugnam hanc admittuntur vlli, nisi viribus sint præstantissimi, atque ex monte Zalag oriundi: qui verò leonibus insidiatur, ex Zaronio monte originem ducunt.

¶ *Gualilis oppidum.*

A Romanis in summitate prædicti montis iis temporibus exstructū est, quibus illi Granatam Bæticæ regebant. Vndiq; muris ex lapide elaborato, maximæq; crassitudinis cinctum est. Portas habet amplas admodum & altas, agriq; exculi in circuitu ferè sex miliaria, olim tamen ab Africanis deletum fuit. Postea verò cū Idris Schismaticus hanc ingressus fuit regionem, cœpit destructum hoc oppidum renouare, nouisq; incolis sic reparare, vt breui temporis spacio ciuib; fuerit refertissimum, verū post illius mortem à filio Fessæ fabricationi (vt diximus) intento, neglectum est. Idris tamen in hoc oppido sepultus, visiturq; eius sepulcrum maxima cum veneratione à totius ferè Mauritanix populis, non enim multo minori in precio apud omnes habitus est, quàm si Pontifex fuisset, quod ex Machumetis stirpe ortum traxisset. Hodie duæ tantū aut tres in hoc oppido reperiuntur domus, quæ in sepulcri curam ac venerationem exstructæ sunt. Qui porro circumiacent agri, optimè exculi sunt: hortos verò amœnif-

DESCRIPTIONIS AFRICÆ

simos reddunt duæ fontium scaturigines, quæ variè per colliculos ac valles discurrendo totum hunc agrum irrigant & præterfluunt.

¶ Pharaonis palacium.

EXigua ciuitas à Romanis in summitate cuiusdam montis exstructa, à Gualidi circiter octo distat miliaribus. Huius montis populus vnà cum aliquot scriptoribus firmissime sibi persuasum habent, hanc ciuitatem à Pharaone Ægyptiorum Rege, temporibus Moses ædificatam fuisse, atque à conditore nomē traxisse, quod tamen mihi non admodum sit verisimile: nusquam enim legitur Pharaonē aut Ægyptiorum quenquam has regiones incoluisse. Verum ex libro quem de verbis Machumetis Elcalbas quidam edidit, hanc desumptam ridiculam opinionem facile crediderim. Habet enim hoc volumen ex Mahumetis autoritate, quatuor duntaxat fuisse Reges, qui vniuersam hanc Mundi machinam gubernauerunt, quorum duos fideles, duos item ethnicos fuisse perhibet: fideles vocat Alexandrum Magnum & Salomonem Dauidis filium: ethnicos, Nembrotum & Pharaonem. Mihi potius persuasum est ex Latinis literis ciuitatis muris insculptis, conditores habuisse Romanos. In huius circuitu duo præterfluunt utrinque fluuioli. Vicini colles & valles oliuis sunt feracissimi. Non procul hinc vastissima reperitur deserta, leonibus ac leopardis refertissima.

¶ Petra rubra.

Petra rubra ciuitas angusta est, in dorso prædicti montis à Romanis ædificata, syl-
uæque

uæque adeò vicina, vt quotidie leones ciuitatem ingressi, ossa viciatim colligant, tam cicurati ac domesticati, vt horum aspectum nec fœminæ nec pueri abhorreant. Muri altissimi ex vastissimo lapide constructi, plurimis in locis solo æquati sunt: ciuitas verò in vicum redacta est. Ager oliuis omnisque generis legumine feracissimus est, quòd Asgaræ planicie coniunctus sit.

¶ *Magilla.*

Magilla oppidulum est paruum ac vetustum in iugo prædicti montis à Romanis positum ea parte quæ Fessam respicit. Egregios habet in eo monte agros oliuis fœlicissimos: est & planicies quædam, fontium amœnitate, canabi item ac lini copia fertilissima.

¶ *Verecundiæ castrum.*

Antiquissimū hoc castrum ad huius montis radices ea via exstructum est quæ à Fessa Mecnasen ducit: habuitq; nomen ex eo quòd incolæ auarissimi fuerunt, quales ferè omnes illi sunt populi. Hæc olim quendam præteruisse regem dicunt, quem incolæ ad prandium inuitarunt, rogantes vt inuidiosam loci appellationem immutaret: quod vbi concessisset, iusserunt aliquot arietes mactare, ac pro loci consuetudine multos vtres vasaque lacte implere, quò postridie Rex ientaculum sumeret. Verum quoniam vasa plusfatis capacia videbantur, inito inter se consilio, tantundem aquæ lacti commiscuere, sperantes à Rege nequaquam animaduersum iri. Postridie Rex etiam non admodum ambiret ientaculum, vrgentib. tamen ministris sen-

fit

DESCRIPTIONIS AFRICÆ

sit aquam lacte commixtam, ac ridens, Amici; quod natura, inquit, dedit, nemo auferre potest. hoc dicto profectus est. Nunc castrum illud solo æquatum atque omnino deletum est, cuius agri per miserrimos quosdam coluntur Arabes.

¶ *Beni Guariten tractus.*

Beni Guariten tractus distat Orientem versus à Fessâ circiter decem & octo miliarib. Perpetuus collis est optimè excult⁹ omni leguminum genere, pascuis ac pratis amœnissimus, ducentos ferè continet pagos. Vilissima vique domorum est structura, incolæ quoq; vilissimi, neque vites, neque hortos colunt, quare nec arborem fructiferam hic reperias. Hanc regionem Fessæ Rex solet inter suos fratres distribuere atque inter sorores, si quos natu minimos habet. Magna incolis frugum atque lanæ copia: & quanquam ditissimi, tamen vilissimo vtuntur habitu: asinis tantum pro equis vtuntur, adeo vt etiam vicinis maximè ludibrio sint.

¶ *Aseis regio.*

Distat & à Fessâ Occidentè versus viginti ferè miliaribus regio, quam Asein incolæ vocant, perpetua constat planicie, vnde cōiiciunt multos olim hic fuisse pagos & castella, quorum ne vestigium quidem, nec signum aliquius ædificij videri potest, tantum locorum nomina penes illos remanserunt. Extendit sese hic tractus Occidentem versus per decem & octo, ad Meridiem autem viginti ferè passuum milia. Ager fertilissimus grana producit nigra & exigua. Rari hic putei aut fontes reperiuntur. Paruit semper

per certis quibusdam Arabibus rusticis, nunc vero à Rege Fessæ vrbis præfecto assignatus est.

¶ *Togata mons.*

D Istat à Fessâ Occidentem versus septem fere passuum milibus, qui quidem valde excelsus, latitudinis vero exigua: Orientem versus ad Bunafram vsque fluuiolum quinque circiter miliaribus distantem, protenditur. Omnis ea facies quæ Fessam respicit, huius quoque summitas & pars quæ Essichæ exposita est, vitibus ditissimæ sunt, omnisq; generis frugum copia abundantissimæ. In huius montis iugo antra reperiæ, multasque specus subterraneas, in quibus thesaurorû inuestigatores Romanos suas abscondisse diuitias arbitratur, quemadmodum & alio dictum est loco. Solent peracta vindemia curiosi ac mileri homines maximos in excavan do saxo perferre labores, & quamuis nihil reperiunt, non tamè à labore desistere volunt. Omnes huius montis fructus oculis atque palato ingratißimi, maturitate reliquos illarû regionum fructus anteuertunt, tametli ingrati sint saporis, & visui officiant.

¶ *Guraigura mons.*

G Vraigura Athlanti vicinus à Fessâ quadraginta fere distat miliaribus. Ab hoc flumen quoddam producitur, quod Occidentem versus fluendo in Bath fluuium delabitur. Est hic mons medius inter duas spatiosissimas planicies, quarum altera Fessam respiciens Esais, vt antè diximus, appellatur: altera in Meridie posita Adecsen est nuncupata. Est autem hæc

DESCRIPTIONIS AFRICÆ

hæc frugibus pratisque fœlicissima. possidentur autem à quibusdam Arabibus Zuhair appellatis Fessæ Regis clientibus: verùm Rex hanc ditionē aut fratri, aut aliis quibusdam affinibus vt plurimum assignat, ex qua decem millia aureorum in singulos annos colligūt. Maximis indies dicti Arabes afficiuntur incommodis, ab Elhusainis itidem Arabibus qui deserta incolunt: nam æstiuo tempore in planiciem incursiones faciunt: quamobrem Fessæ rex in huius regionis tutelam nonnullos equites ac balistarios alit. Hanc planiciem irrigant amœnissimi fontes, amnesque limpidissimi: frequentes adiacent saltus, in quibus degūt leones mites ac domestici, quos vnusquisque bacillo abigere potest, neque aliud incommodum præstant. Nunc ad Azgaræ regionis descriptionem properemus.

Azgaræ Fessæ regionis descriptio.

Habet hæc regio à Septentrione Oceanum, finitur ab Oriente Buragrago flumine: ab Oriente môtib. partim Gumare, partim Zaronij, radicibusq; môtis Zalagæ terminatur, Meridiem versus flumine Bunazaro clauditur. Perpetua hic est planicies, ager fertilissimus, numerosa olim plebe referta, oppidis arcibusq; q̃ plurimis excolta, quæ bellorū iniuria adeò collapsa sunt, vt exigua duntaxat, habitatoribusq; vacua relicta sint oppidula. Patet in longum hæc Regio circiter octuaginta, in latum verò sexaginta fere passuū milia. Huius medium præterfluit fluuius Subu, incolæ Arabes Elculuth appellati, atq; ex Muntafu stirpe orti, Fessæ Regis imperio parent, ma-

ximosq; exsoluunt census: verum sunt diuites, & circa vestitum curiosi, & bello adeo viribus præstant, vt ex his tantum exercitum conscribat Fessæ Rex, siquando magni momenti bellum illi auspicandum sit. Hæc Regio cōmeatu, equis, pecore, non Fessam modò, verum etiam omnes Gumarę mōtes abunde prouidet, in qua Rex Fessanus totam transigere hyemem, vernumq; tempus, propter aeris temperiem consuevit. Magna hic est capreolorum atque leporum copia, & si rara reperiantur nemora.

¶ *Ginna Azgarę oppidulum.*

Nostro tempore ab Africanis ad fluuiolum in ea planicie conditum est, quà à Fessâ Haraidin proficiscitur, distat à Fessâ triginta plus minus miliaribus. Incolis olim frequentissimū fuit, verum eum in modū Sahidico bello deletū est, vt hodie antra tantum reperiantur, in quibus Arabes suum recondunt frumentum, cui asseruando aliquot erigunt tentoria.

¶ *Harais oppidum.*

Maritimum hoc Oceani oppidum ab antiquis Africanis ad Lucci fluminis ostiū exstructū, altero latere prædicto flumine altero verò Oceano alluitur. Quibus temporibus Algeria ac Tingis à Mauris incolebatur, fuit hoc incolis quoq; copiosissimū: verū duobus illis oppidis à Christianis occupatis, remansit & Larais habitatoribus per viginti fermè annos vacuum, post quos Fessę Regis filius optimè munitū præsidio ac munitione perpetua maxime sibi à Lusitanis metuens firmavit. Est huic oppido diffi-

cilli-

DESCRIPTIONIS AFRICÆ

cellimus in fluminis ostio ingressus. Castrū quoque Regis filius exstruere iussit, in quo prætorū ducentorum balistariorum, centum sclopetariorum, ac trecentorum equitum leuiorum alere solet. Circum oppidū frequentia sunt prata, frequentesque paludes, è quibus ciues bonam colligunt anguillarum, anatumque copiam. Ad fluminis ripam habet opaca nemora, leonibus aliisque id genus feris maximè horrenda. Solent huius Regionis incolæ carbones Algeriam ac Tingim mittere, vnde Mauritanis vulgatum prouerbiū, *Naui Haraidis*, quo vti solent, vbi quis post magnificam pollicitationē vilissimum quiddam minimique pretij adfert, eò quòd naues hæ carbonarię velis ex gossypio confectis magnū quiddā polliceri videntur: est autem huic Regioni maxima gossypij affluentia.

¶ *Casar Elcibir, hoc est, Regium palatium.*

Spatiosissimum hoc oppidum Mansoris Marrocci Regis atque Pontificis temporibus conditū fuit, de quo memorabilis fertur historia, quòd intervenandum ingenti pluuiarum & ventorum impetu adactus, à suis aberrans ad locum quendam incognitum perueniret, in quo cum sub dio sibi pernoctandum esset, metuens ne inter paludes extingueretur, huc atque illuc respiciens, lumen vidit, & piscatorem conspiciens qui inter paludes anguillis insidiabatur: Posses ne (inquit) me in Regiam deducere? Respondit piscator decē miliaria istinc distare Regiam. Instante verò Regi ut eò deduceretur, Etsi, inquit piscator, Rex ipse Mansor adesset, modò tamen eum non deducerē,

cerē, vereretur enim ne inter paludes suffocaretur. Quid tibi, inquit Mansor, cum Regis vita aut incolumitate? Quod regem, ait piscator, velut me ipsum diligere teneat. Tum Rex, Igitur singulare quoddam beneficium ab eo cōsecutus es. Quod maius beneficium, respondit piscator, à Rege expectari potest, iustitia, amore ac benevolentia, quā populo suo administrat, cuius fauore ac prudentia miserrimus ego piscator cum vxore ac liberis tranquillissimam dego vitam, adeò vt vel media nocte meum liceat egredi tugurium, ac pro arbitrio reuerti, neque inter has vāles & inhospita tesqua quenquam reperio, qui mihi noceat. Tu verò generose domine, si lubet, gratissimus mihi hodie eris hospes, cras vero summo mane quocunque velis te comitabor. Tum Rex in casulam piscatoris se recepit, vbi postquam equo prouisum esset, nouo hospiti anguillas assari iussit, Regiq; apponi, qui interim, vt potuit, madidas ad focum vestes desiccauerat: verum hoc cibo nō recreatus, petiit num quid carniū haberet; cui rusticus se capellam saltem ac hœdum habere dixit, atque hanc suarum opum summam esse affirmavit: verum quoniam ex vultu nobilem esse colligebat, mox hœdum mactauit atque vxori assandum dedit. Apud hunc igitur hospitio Rex exceptus fuit: postridie ad Solis exortum cū hospite liberali vix tugurium egressus, nobilium ac venatorū turbam magnis clamoribus Regem inter paludes quæretum inuenit, quo viso oēs exhilarati sunt. Tum Mansor ad piscatorem conuersus, seipsum illi prodidit.

LIBER TERTIVS.

ac non inanem illius fore liberalitatē affirmavit. Erant autem circumiacentibus in locis insignes aliquot arces & palatia, quę isthinc discedens gratitudinis ergò piscatori dono dedit, à quo rogatus vt in ampliorem beneuolentię suę demonstrationē hęc ædificia mœnib. cingerentur, impetrauit. Remansit itaq; piscator nouę huius ciuitatis dominus ac Princeps, quę temporis successu sic accreuit, vt intra paucos annos quadringentas numerauerit familias. Quòd ager fecundissimus esset, Rex Mansor ęstiuis quibusque temporibus circumiacentia extruere cœpit loca, quod huic ciuitati non parum adtulit vtilitatis. Huius muros præterfluit Luccus fluuius, interdum ita excresecēs vt ipsas ciuitatis portas irriget. Varię per eam exercetur mechanicę artes & mercimonia, templis abundat, vnum habet studiosorum collegium, xenodochiumque sumptuosissimum. Nulli fontes, nec putei, sed eorum loco cisternis vtuntur. Incolę sunt liberales ac probi, simpliciiori tamen ingenio. Vestitus mediocris, ex telagossypina crebrò per corpus fasciis obuoluta. Frequētes in suburbano reperias hortos, omnis generis fructibus confitos. Vuę ingrati sunt saporis, fortassis ob solum pascuis magis accommodum. Singulis Lunę diebus mercaturam in proximo campo exercent, quò cōcurrere solent vicini Arabes. Maio mense aucupaturi ciuitatem egredi solent, magnamq; capiunt turturum copiam. Ager vt est fertilissimus, trigecuplò semen iniectum multiplicat: verùm excoli non potest ad sex ferè miliaria, quòd à Lusitanis Arzillæ in præ-

præsidio constitutis, maximis afficiantur incommodis, quod isthinc saltē octodecim distet passuum milibus: quos vicissim huius ciuitatis præfectus cum trecentis equitibus perpetuò diuexat, atque interdum ad Arzillæ portas incursiones in eos facit.

¶ *Habat Regio.*

Habet hæc Regio à Suarga flumine ex Meridie initium, Septentrione Oceano terminatur, Occidente Algaræ paludibus, Oriente verò montib. Herculeo freto vicinis finitur. Patet in latum octuaginta, in longum verò, centum ferè passuum milia. Huius fecunditatem frugumque omnium affluentiam non facile describere possem: perpetua ferè planicies multis fluminibus irrigata: quondā tamen multo nobilior ac celebrior, propter antiquissimas ciuitates, partim à Romanis, partim à Gothis edificatas: hanc ipsam regionem esse puto quam Ptolemæus Mauritaniā appellauit, verum ab eo tempore quo primùm Fessā ædificari cœpit, mirum in modum declinata est. Accessit quoq; ad illius incommodum, quod Idris Fessæ conditor, decem à suo obitu filios reliquerit superstites, cuius primogenito hæc Regio cessit: deinde subsecuta est multorum hæreticorum ac principum rebellio, quorum nonnulli dum principem Granatensem in Bætica, nonnulli Carruani dominos in auxilium vocant, à quodam Carruani Pontifice summo hæretico cæsi & fugati sunt: qui occupata regione, relictoq; in ea præsidio ad suos rediit. Postea summus Cordubæ cancellarius, ingenti ex-

DESCRIPTIONIS AFRICÆ

exercitu collecto, breui totum hūc tractum ad terminos vsq; Zabæ regionis occupauit. Hanc deinde post annos plus minus quinquaginta Iosephus primus Lontunorum Rex, Granaten sibus fugatis vi obtinuit: postremò ad Regis Fessæ imperium peruenit.

¶ *Ezagemum Habatis oppidum.*

Ezagemum oppidum à priscis Africanis in montis dorso à Guarga flumine circiter decem passuum milibus distante, exstructum est: qua loci intercapedine perpetua planicies campis & hortis locum præbet: horum tamen fecunditatem exculti colles multis partibus superant. Distat hoc oppidum à Fessâ septuaginta terè miliaribus, numeratq; familias plus minus quingētas, ex cuius rure circiter decem millium aureorum vectigal colligitur, quibus oppidi præfectus Fessæ Regi quadringentos tenetur alere equites, qui Regionem ab hostium iniuria tutam feruent. frequentioribus enim Lusitanorum incursionibus quotidie afficiuntur, qui ad quadragessimum vel interdum quinquagesimū miliare prædaturi discurrent. Exigua huic loco ciuitas, vestitus ad rusticitatem compositus, quamuis diuitiis maximè polleant. Priuilegium cuique à priscis Fessæ Regibus vinum bibendi concessum est, vini vsu Machumetica lege alioqui interdicto, tametsi nullus sit qui eo abstineat.

¶ *Bani Teude.*

Antiquissima est ciuitas, ab Afris in spatio sissima planicie ad Guargā fluuium, quadragesimoquinto à Fessâ miliario cōdita.

Nu-

Numeravit aliquando familiarum plus minus octo milia, postea verò Carruanensium Pontificum bellis sic deleta est, vt nūc ciuitatis tantum murus reperiatur. Ego cū in ea essem, frequentia vidi nobilium sepulchra, fontes quoque nonnullos muris ex viuo lapide miro artificio circumcinctos. Ab hac vrbe mōs Gumeræ quatuordecim ferè distat miliaribus, ager frugibus ferendis aptissimus, idemque fœcundissimus est.

¶ *Mergo oppidum.*

M Ergo in iugo montis exstructum à Bani Teude decem circiter abest miliaribus. Conditores nonnulli Romanos fuisse arbitrantur, quòd in vetustis ruderibus Latinas reperiunt literas. Est autem incolis nunc prorsus vacuum, verum in eiusdem montis dorso aliud oppidulum visitur, à textoribus vt plurimum telæ grossioris habitatum, ex quo prospectus est in flumina Subu ad Meridiem & Guargæ ad Septentrionem, à quibus distat quinque passuum milibus. Incolæ nobiles vocari gaudent, tametsi auari sint, ignari, ab omniq; probitate alienissimi.

¶ *Taufor.*

Taufor ciuitas in colliculo sita, decem ferè distat à Mergone passuum milibus, in qua trecentæ numerantur familiæ, artifices verò paucissimi. Incolæ rudes & agrestes, nec vites, nec hortos habent, sed agriculturam tantum exercent, suntque pecoris ditissimi. Ciuitas porro in medio itineris sita est, quâ fessa ad Gumeræ montes itur, quâ ratione auarissimos & rusticissimos æstimo.

DESCRIPTIONIS AFRICÆ

¶ Agla.

ANtiquissimum hoc oppidum ab Africanis in Guargæ fluminis ripa positum est. Ager felicissimus, ab Arabibus colitur: oppidum autem bellorum iniuria sic deletum est, ut nunc quibusdam tantum locis, mœnium, ædificiorum reliquias, putcosque saltem reperire liceat. In suburbano qualibet septimana mercatus est frequentissimus, cui Arabes vicini interesse solent: ad quem nonnulli quoque Fessani mercatores conmeant, bubula coria, lanam, & ceram avehunt, hisce enim cumprimis rebus abundant. Innumeri fere hic sunt leones, verum natura adeo timidi, ut ad puerorum clamorem in fugam redigantur: inde apud Fessanos natum proverbium est: Agla leones. quod in eum quadrare volunt, qui verbis magnam quidem præ se fert audaciam, ingenio verò timidulo præditus est.

¶ Narangia.

Narangia castellum, ab Africanis in colliculo non procul à Lucco flumine constructum, ab Ezageno decem fere distat miliaribus. Agrum habet felicissimum, sed nullas planicies: in fluminis ripa vastæ sunt solitudines, fructibus agrestibus, præcipue cerasis marinis refertissima. Fuit hoc castrum à Lusitanis excisum ac depredatum anno Hegiræ .895. qui Christi fuit millesimus quadringentesimus octuagesimus sextus.

¶ Gesira.

Gesira Insula non procul à Lucci fluminis ostio sita, distat à mari miliaribus plus minus decem, à Fessa circiter centum.

Fuit

Fuit quondam in hac Insula oppidulum antiquum Lusitanici belli initio desertū. Circa prædictum flumen multæ sunt solitudines: agri qui excolantur, paucissimi. Anno Hegiræ octingentesimo nonagesimoquarto, Lusitaniæ Rex numerosissimū huc misit exercitum, quo in Insulam perlato, exercitus Imperator municissimum extruxit propugnaculum, quò se & ab hostium incursionibus conservaturum, & circumiacentes campos occupaturum sperabat. At Fessanus Rex, eius pater qui modò inter viuos agit, iactu prævidens, quæ illi inferri posset, si propugnaculi ædificationem permetteret, ingentem conscripsit exercitum, quò Lusitanis fabricationem impediret. Verùm tantus fuit impetus bombardarum, vt Fessanis ad duo passuum milia Lusitanorum castra accedere non licuerit. Quamobrem Regi ad vltimam ferè desperationem reducto persuasum est, vt palis solo infixis medium fluminis duobus ab Insula passuum milibus opereretur: qua munitione Fessanis tectis, & proximo nemore exciso, conspexere Lusitani fluminis accessum exiguo temporis intervallo maximis arboribus occupatum, ac discedendi facultatem omnino ademptā. Tum Rex se facile Lusitanos victurum sperās, de oppugnanda arce cogitans, cum sine militis sui strage eam consequi non posset, cum Lusitani exercitus duce pepigit, vt præter ingens tributum illi præstitum, apud Regem Lusitaniæ efficeret, vt filias aliquot Fessæ Regis præfecti (quas in vinculis habebat) restitueret, atq; tum exercitum illæsum dimit-

DESCRIPTIONIS AFRICÆ
teret: quo facto, classis in Lusitaniam rediit.

¶ *Basra.*

Basra ciuitas mediocris familiarū duo ferè
numerat milia, à Mahumete Idridis filio
Fessæ conditore, in quadam planicie inter
duos montes exstructa. distat à Fessâ plus minus
octuaginta, à Casare verò Meridiem versùs vi-
ginti ferè passuum milibus. Basra autem in Ara-
biæ felicitis oppidi memoriam appellata est, vbi
Hali quartus post Mahumetē Pontifex, qui Idri-
dis proauus fuit, interfectus est. Muris aliquando
altissimis atque munitissimis cincta: quàm diu
rectores habuit ex stirpe Idridis, fuit vrbانيتatis
plena, vtpote in qua Idridis successores perpé-
tuas transigerent ætates, propter loci amœnita-
tem, cuius tam colles quàm planicies celeberrimis
olim hortis exculti, ferendis frugibus valde
sunt accomodi: cū propter oppiduli vicini-
tatem, tum Lucei fluminis irrigationem. Olim
bene habitata templisq; exculta fuit, summa vr-
banitate prædita incolis: verū rarefcente Idri-
dis familia, ab hostibus excisa est. Hodie visun-
tur saltem mœnium vestigia, incultiq; aliquot
horti, syluestres fructus, quod eorum agri nō ex-
colantur, producentes.

¶ *Homar.*

Homar ciuitas à quodam Hali prædicti
Machumetis discipulo exstructa in col-
liculo ad ripam fluminis à Casare circi-
ter quatuordecim passuum milibus Septentrio-
nem versus distantis sita, ab Arzilla autem ad Me-
ridiem sedecim, tametsi exigua fuerit, munita
ta-

tamen & pulchra exstitit, & fertilissimis agris, hortis ac vitibus omni fructuum varietate repletis, exornata. Incolæ lini plurimum colligentes texturam exercebāt, verum Arzilla à Lulitanis occupata, hæc quoque deserta remansit.

¶ *Arzillæ descriptio.*

Arzilla seu Africanis Azella, spaciōsa ciuitas ad Oceani littus à Romanis ædificata, à freto Herculeo distat septuaginta plus minus passuum milibus, à Fessa verò circiter centum & quadraginta. Paruit quondā Septæ Principi Romanis tributario, à Gothis occupata, qui & hunc in principatu confirmarunt, à Mahumetanis verò anno Hegiræ nonagesimo quarto capta fuit, qui per ducentos viginti annos urbem seruarunt, donec Angli ingenti exercitu Gothorum persuasum obsidione ciuitatē cinkerrunt, Gothi autem cum Anglis inimicitias alebant, quòd Gothi Christiani, Angli verò idolorum cultores essent, verum hoc illis à Gothis persuasum fuit, Mahumetanos Europa excessuros sperantibus. Anglus scilicet Martè pugnauit, captā urbem ferro & igne ita deleuit, vt vnus vix saluus effugerit, ac triginta ferè annis incolis vacua remanserit. Postea verò temporibus Pontificis Cordouæ (qui Mauritaniæ imperabat) rursus reparari, modisq; omnibus augeri, ditari, ac munitior reddi cœpit. Incolæ fuerunt locupletes, docti, armisq; exercitatissimi. Ager & frugibus ferendis & omnis generis leguminibus producendis est percommodus sed quum à montibus decem ferè distet miliaribus, magnā ferunt lignorum penuriam, verum

DESCRIPTIONIS AFRICÆ

carbonibus Haraide (vt diximus) aduectis, vtuntur. Anno Hegiræ octingentesimo octuagesimo secundo, eximproviso à Lusitanis & oppugnata & capta est, incolis omnibus in Lusitaniâ abductis, inter quos & Mahumetes fuit hodiernus Fessanorum Rex, qui tum septem annorû puer vnâ cum sororecula eiusdem ætatis pariter captus existit. Huius enim pater cum ab eo per hæc tempora defecisset Habat prouincia, Arzillæ habitabat, quû Seriphus trucidato Habdulaco ultimo Marinorû stirpis Rege, ex ciue Fessano in Regnû populi fauore euectus est. Deinde Saic. Abra regnandi cupiditate allectus, tentauit Fessam occupare, seque Regem creare: verûm Seriphus suasu cuiusdam sui cõsiliarij qui Saic cognatione pertingebat, magno suo vituperio eum in fugâ adiegit. Porro cum Seriphus consiliarium hunc Temesnam misisset, quò eius Prouinciæ populum de rebus nouis cogitantem pacificaret, reuersus Saic, octo milium Arabum exercitu Fessâ noua integro anno obsessa, ciuiû proditione facilè potitus est, ac Seriphum cum vniuersa familia ad Regnum Tunetense profugere coëgit. Quo tempore itaque Saic Fessam obsidebat, Rex Lusitanix classe, vt diximus, in Africam missa, Arzillam occupauit, Rexque modernus cum sororecula in Lusitaniâ captiuus abductus est, vbi septē continuos transegit annos, intra quos exactissimè Lusitanum idioma didicit. Tandem ingenti numerata pecunia, pater filium è Lusitania reuocauit, qui ad Regnum ascitus, propter consuetudinem quam cum Lusitanis contraxerat, Rex Ma-
hu-

humetes Lusitanus appellatus fuit. Sæpenumero postmodum vindictam de Lusitanis sumere, necnon Arzillam sibi ademptam recuperare conatus est. Primò ciuitatem eximproviso cum omnibus copiis adortus bonam muri partem solo æquauit, eamque ingressus, Mauros omnes in seruitutem redactos liberauit. Christiani se in arcem receperunt, Regi post biduum deditionem polliciti. Interim superueniente Petro Nauarro cum expedita classe multarū nauium, perpetua bombardarum eiaculatione, Regem non solum ciuitatē dimittere, verum cum toto exercitu abscedere coegerunt: post hæc ita per Lusitanos omnibus locis communita fuit, vt prædictus Rex eam recuperare tentans, sinistro semper pugnerit Marte. Cùm in hac obsidione apud Regem stipendium mererem, è nostris ultra quingentos interfectos numeravi. Durauit autem id bellum ab Hegiræ anno noningentesimo decimoquarto, in annum nongentesimū vigesimum primum.

¶ *Tingis ciuitas.*

Tingis quæ Lusitanis Tangiara, ampla & antiqua ciuitas, ridicula quorundam Historicorum opinione conditorē habuit Sedded Had filium, qui vt aiunt totius mundi imperium gerebat. Huic in mentem venisse dicunt, vt urbem exstrueret quæ pulchritudine cum Paradiso terrestri certare posset. Muris igitur æneis urbem cinxit, domibus tecta addidit aurea & argentea, in quorum structuram maxima à totius orbis ciuitatibus tributa exegit. Classici verò Historiographi à Romanis in Oceani littore iis tem-

DESCRIPTIONIS AFRICÆ

poribus conditam affirmant, quibus & Granatæ Regio subacta fuit. Distat à freto Herculeo triginta fere miliaribus, à Fessâ autem centum & quinquaginta. Ab eo autem tempore quo Gothi Granatensibus imperabant, cœpit hæc ciuitas Septem parere dominio, donec in Machumetanorum potestate cum Arzilla peruenit. Urbana semper, nobilis, beneque exulta fuit, structurisque sumptuosissimis varij generis admiranda. Ager non admodum foelix, nec frugibus ferendis valde accommodus: cæterum valles habet proximas, quæ fontibus assiduè irrigatæ omnium generum fructibus fecundissimam reddunt. Reperias quoque extra urbem vites aliquot, verum in solo areoso. Incolis frequentissima permanfit ad ea vsque tempora, quibus à Lusitanis expugnata fuit Arzilla: tum enim ciues rumore bellico perterriti, collectis rebus omnibus, Fessam profugerunt. Tum Lusitanix Regis præfectus, quendam ex ducebus suis eò misit, qui tantisper in fide Regis eam cõtinuit, donec Rex Fessanus consanguineo huc misso, maximi momenti Regionem montibus Gumeræ Christianis infestis vicinam seruauerit. Verum annis viginti quinque priusquàm ciuitas in potestatem Lusitanorum veniret, Rex eò classem miserat, sperans fore, ut auxilio destituta dum Fessanus contra Mecnasios rebellantes præliaretur, facile deditionem faceret. Ast præter opinionem pactis cum Mecnase induciis, Rex consiliarium instructo exercitu huc misit, qui Lusitanos adortus maxima strage affecit, eorumque ducem interfectum, Fessam nouam in capsa deferri, atque

loco eminentiori statui, quò omnibus conspici-
 eius esset, iussit. Post hæc Lusitanus nouas colle-
 git copias, quibus ex improviso tempore noctur-
 no urbem aggressus, omnibus ferè interfectis vi-
 ctus & in fugam compulsus est. Verùm quod Lu-
 sitanus duobus illis exercitibus efficere non po-
 tuit, tandem vel minimis copiis, paruaque suo-
 rum strage, vti supra diximus, peregit. Nostri
 temporibus Fessæ Rex Machumetes nullam non
 tentauit aleam, quo hanc recuperaret, verùm nõ
 admodum foeliciter illi successisse intelleximus,
 tanta semper fuit Lusitanorũ in armis præstan-
 tia. Hæc omnia acta sunt Hegiræ anno nongen-
 tesimo decimo septimo, a Christo autem mille-
 simo quingentesimo octauo.

¶ Casar Ezzagbir, hoc est, palatium minus.

EXigua hæc ciuitas à Mansore Marocci Re-
 ge ac Pontifice in Oceani littore exstructa
 fuit, distat à Tingi circa duodecim, à Septa
 verò decem & octo passuum milibus. A Mansore
 porrò conditam ferunt, quòd cùm singulis annis
 in Granatensem prouinciam traijciendum esset,
 difficilis per asperos Septæ montes esset cū exer-
 citu transitus, priusquam ad mare descenderet.
 Sita est autem loco aperto & amœno, cui Grana-
 tensis regni ora ex aduerso respondet. Populis
 olim refertissima, textrinam & mercaturã exer-
 cuit, reliqui ferè omnes nautæ sunt, qui merces
 Barbaricas in Europã deuehere solent. Hanc Por-
 tugallix Rex insperata oppugnatione occupauit.
 Fessanus autẽ modis omnibus eam recipere co-
 natus est, verùm infaulto semper Marte. Incide-
 runt

DESCRIPTIONIS AFRICÆ

runt hæc in Hegiræ annum octingentesimū sexagesimum tertium, Christi autem. 1464.

¶ *Septa maxima ciuitas.*

SEPTA, quæ Latinis ciuitas, Lusitanis autem Seupta appellata, secundum classicos authores à Romanis in faucibus freti Herculei ædificata, olim totius Mauritaniæ metropolis fuit, quare Romani eam nobilitarūt, fuitq; in ea summa vrbanitas & ciuium frequētia. Deinde à Gothis occupata, principem in ea constituerunt, remansitq; apud eos principatus, donec Mahumetani Mauritaniæ fines ingressi, hanc quoq; vsurpauerunt. Cui rei occasionem præbens Iulianus Septæ comes, iniuria a Roderico Gothorum & Hispaniæ Rege affectus, cum infidelibus conuenit, eosq; in Granatam introduxit, atque vt Rodericus & vita & regno spoliaretur effecit. Mahumetani igitur occupatam Septam Pontifici cuidam suo Elgualid Habdalmalic filio, qui tū temporis Damascum incolebat reseruauerunt, anno nonagesimo secundo Hegiræ. Ciuitas ab eo tempore in proximos vsque annos, mirè cum incolis tum omnis generis nobilitate accreuit, adeo vt Mauritaniæ totius pulcherrima, meliusq; exulta euaserit. Frequentia habuit templa & studiosorum collegia, ciues literatissimos, & qui æneis operibus singulari artificio fabricatis cæteros excellerent, cuiusmodi sunt candelabra, pelues, calamaria, aliaque id genus ex ære confecta, quæ perinde elegantia habebant, ac si argentea vel aurea fuissent. Habent Itali & in huiusmodi rebus conficiendis non parum gratiæ, verū nihil

hil omnino si hæc respicias. Extra ciuitatis mœnia amplissima sunt rura, eo præsertim loco, qui vitium frequentia confitus, vinetum dicitur: verum ager sterilis & asper est, quare magna semper illis frugum caritas. Extra & intra ciuitatem patet amœnus in Granatę oram ad fretum Herculeum prospectus, atque hinc dinoscuntur animalia, quod eius interualli latitudo duodecim saltem sit miliarium. Verum calamitosa ciuitas paucis abhinc annis, ab Habdulmumene Rege ac Põtifice multis incommodis affecta est: quam consecutus, fere ad internicionem redegit, nobilesq; perpetuo multauit exilio. Nec multo post à Rege Granatense meliora sustinuit, qui ciuitate occupata præter memoratam cladem nobiliores & potentiores ciues Granatam migrare iussit; deinde anno D. C C C. X V I I I. Hegiræ a Lusitana classe capta, quotquot inerant ciues aufugerunt. Abu Sahid per ea tempora Fessanorum Rex, nullius precij homo, hanc recuperare neglexit: verum allato inter saltationes & conuiuia nuntio, vetuit ob eum rumorẽ diei celebritatem interrumpi; quare permisit Deus, vt nocte quadam cum sex filiis a Secretario cui multum fidebat, interficeretur, quod se illius vxori commiscere voluisset. Hæc inciderunt in Annum. 824. Hegiræ. Fessano imperio per octennium Rege destituto, successit trucidati Regis ex matre Christiana filius, qui eadẽ nocte qua Rex confossus fuit, Tunetum profugerat: hunc Abdulacum vltimũ Marinæ familiæ Regem appellarunt, qui, vt superius dixi, a populo pariter occisus est.

Tet-

DESCRIPTIONIS AFRICÆ

Tetteguis ciuitas.

EXigua hæc ciuitas a præcis Africanis decem & octo passuum milibus a freto Herculeo sexque ab Oceano condita, a Muchumetanis quo tempore Septam Gothis sustulerunt, occupata est. Ferunt Gothos eius ciuitatis dominium in principem mulierem altero oculo carentem transtulisse, quæ singulis hebdomadis vestigal receptura huc veniens, ciuitatem incolæ vernaculo idiomate Teteguin, hoc est oculum, vocitarunt. Exinde a Lusitanis bello fatigata & expugnata, ciuibus aufugientibus, annis plus minus nonaginta quinque inculta remansit: post quos a Granatense quodam præfecto, qui Granata a Ferdinando Catholico Hispaniæ Rege recepta, Fessam cum exacto Rege peruenerat, restaurari, rursusque habitari cœpta est. Virum hunc militia clarum, & virtute bellica in Granatensi bello insignem, Lusitani Almandalum appellabant. Hic ciuitatis huius dominium consecutus, facultatem reædificandi obtinuit, nouisq; cinxit moenibus, munitissimaque arce exstructa, altissima fossa communivit. Perpetuum deinde cum Lusitanis bellum gerens, Septam, Casaram, & Tingin grauissimis damnis afficiebat: nam trecentis Granatensib. lectissimis equitibus, creberrimas in Christianos incursiones faciens, quos captiuare potuit, continuis laboribus in propugnaculorum suorum munitione macerabat. Quondam hæc iter faciens tria vidi captiuorum Christianorum millia, qui laneo sacco vestiti, noctem in fossis subterraneis concatenati peragebant.

Fuit

Fuit hic princeps ingenio erga externos cumprimis liberali, paucisque abhinc annis altero oculo pugionis ictu, altero senectute priuatus, obiit. Ciuitatem nepoti, fortissimo homini tuendam post mortem reliquit.

¶ *Habati montes.*

INter Habati montes octo sunt cæteris celebriores, qui a Gumeræ populis habitati, eandem ferè vitæ consuetudinem referunt: omnes liquidem Machumetanū dogma tuentur, tametsi vinum contra eius præceptionē bibant. Corporis habitu sunt elegantes, laborū & ærumnarum patientissimi, verū armis ferendis incommodi. Fessano Regi parent, a quo supra modum tributo grauantur, adeò vt præter nonnullos (veluti suo loco dicemus) paucissimi mediocriter vestiri possint.

¶ *Rahona mons.*

Vicinus hic mons Esageno patet in longitudinem triginta passuum milib. in latitudinem duodecim. Abundat oleo, melle ac vitib. Incolæ potissimum saponi conficiendo ceræq; expurgandæ vacant. Vini tam atrii quàm albi maximam copiam referunt. Pendunt Fessano Regi tria aureorum milia, quibus Esageno præfecto assignatis, quadringenti in vsum Regis aluntur equites.

¶ *Beni Fensicare mons.*

Superiori contiguus, circiter viginti quinque passuum millibus in longitudinem, octo in latitudinem patet. Supradicto monte cultior, multos habet coriarios, ac telæ grossioris te-

LIBER TERTIVS.

xtores, plurimum item ceræ prouentum. Singulis sabbati diebus celebrem habent mercatum, ad quē omnis generis negotiatores, & mercimonia tanta frequentia conueniunt, vt & Genuenses ceræ & boum tergoribus cōparandis eō quoque conueniant, quæ in Lusitaniam & Italiam curant asportanda. Colligitur ex hoc monte sex millium aureorū census, quorum tria milia Esageno præfecto, reliqua Fisco Regio cedunt.

¶ *Beni Haros mons.*

Casare vicinus in Septentrionē octo millium passibus, in Occidentem viginti extenditur. Latitudo sex passuum milibus constat. A nobilibus olim habitatus populo refertus extitit: verū iis tyrannidem exercentibus, Arzillaque à Lusitanis occupata, à plebe desertus est. In montis fastigio nōnulla hodie sunt rura: reliquum incultū est. Quo tempore secundam fortunam expertus est, Casare præfecto terena aureorū millia in singulos annos numerabat.

¶ *Chebib.*

REperias in hoc monte sex aut septem arces, vrba ac honesta gente habitatas: nam Tingi à Lusitanis occupata, ciues eō se receperunt, quod viginti quinque saltem passuum milibus à Tingi dissitus esset. Incolæ frequentibus Lusitanorū excursionibus molestantur: montis verò census à Tingitana clade dimidia parte imminuti, deterius indies habent, quod præsidium triginta passuum milibus ab eo collocatum, opportune succurrere non queat, quoties Lusitani omnia vastantes ac depredantes, in
eum

eum excursiones faciunt.

¶ *Beni*Chesfen.*

Vlendam altitudinis mons est, hostibusque accessu difficillimus: nam præter loci munitissimi naturam, incolas habet validissimos. Hi cum ægre admodum principum mores ferre possent, armis tandem illorum expugnata est superbia, quique antea magnates erant, ad abiectissimam nunc redacti sunt conditionem. Adolescens quidam apud hos ex nobilissima stirpe ortus, cum rusticorum sæuitiam ferre non posset, ad Regem Granatæ militatum abiit, apud quem stipendium aliquandiu inter Christianos meruit: tandem rei bellicæ exercitatissimus ad patrios rediit mōtes, vbi equitum certo sibi collecto numero, eam regionem à Lusitanorum incursionibus tutam seruauit: quod vbi Fessæ Rex animaduertisset, huic quinquaginta balistarios addidit, quorum auxilio modis omnibus securi essent omnes vicini montes. Verum postquam iuuenis ille Regis sibi vsurpare tributum cœpisset quod ex eo mōte legebatur, Rex indignatus, maximum in hunc mouit exercitum. sed mox ad pœnitentiam adductum iuuenem, Rex Seusanonis ac totius illius regionis constituit principem. Huic quidam successit qui ex Mahumetis atque Idridis Fessæ conditoris progenie erat oriundus. hic apud Lusitanos notissimus, atque propter generis nobilitatem (fuit enim ex ea familia quæ Helibenres dicebatur) maximi semper fuit nominis.

¶ *Mons Angera.*

X

Distat

DESCRIPTIONIS AFRICÆ

Distat à Casare minori Meridiem versus octo ferè passuum milia, patetq; in longum decem, in latum vero tria miliaria. ager illi fecundissimus, arboribus quondam copiosissimus, quas incolæ in nauum structuram demessas Casarem miserunt: erat enim tum temporis Casari nanale celeberrimum. Deinde etiam & lino fecundissimus fuit, habitatores partim textores, partim nauarum fuerunt. Verùm eodem tempore quo à Lusitanis occupatum fuit oppidum Casar, hi quoque montem deseruerunt: hodie tamen domos omnes atque ædificia integra reperias, perinde ac si suos adhuc haberet incolas.

Mons Quadris

Excellissimus hic mons medius inter Septā & Terteguin, habitatores habet validissimos armisque exercitatissimos, quod sanè abundè videre licuit in eo prælio, quod Granatenses gesserunt cōtra Hispanos: ubi huius montis milites soli plus effecerunt, q̄ reliqua omnis Granatorum armatura. Ex hoc monte originem traxit quidam, quem illi Hellul vocauerunt: hic aduersus Hispanos præclara edidit stratagemata, cuius rei historia partim prosa partim carmine descripta, tam apud Afros quam Granatas seruatur. Hic tandem bello Hispanico (quo victus fuit Iosephus Enesir Marocci Rex atque Pontifex) in quodā castello Cataloniae interfectus fuit, quod Mauri Aquilæ castellum vocant. Eodem prælio Maurorum interfecta sunt sexaginta millia, neq; quisquam ab ea pugna superuit, præter Regem cum aliquot nobilibus. Hæc autem anno Hegiræ
lex-

sexcentesimo nono acta fuit, à Christo autē nato millesimo centesimo sexagesimo. Ab eo tempore Hispani foelici semper pugnauerunt Marte, ita vt omnes ciuitates à Mauris antea sibi ademptas recuperauerunt. Ab eo verò tempore in eum vsque annum, quo Rex Ferdinandus Granatā occupauit, interiecti sunt anni ducenti octuaginta quinque secundum Arabum calculandi rationē.

¶ *Beni Guedarseth mons.*

Non procul à Tetteguin situs est, incolarū numero ditissimus, quanquam non vsq; adeo sit latus. armis omnes sese exercēt, apud Tetteguin principē stipendia merent, hunc maximē obseruant, atque quocunq; velit prædatū inter Christianos comitantur: hinc fit quòd nullum Fessæ Regi enumerent tributū, nisi fortē pro agris, vel minimum soluant censum. Plurimum sibi sumunt ex illis montibus vtilitatis, prouenit enim illic maxima buxi copia, vnde Fessani pectines conficere solent.

¶ *Errisæ Fessæ Regionis descriptio.*

Habet hæc Regio in Occidente initium non procul à freto Herculeo, extenditur Orientem versus ad flumen vsq; Nocor, qui tractus circiter centū & quadraginta est miliariorum. Ad Septentrionē prima sui parte terminatur Mediterraneo mari, vergitq; Meridiem versus per quadraginta miliaria, ad eos vsq; montes, qui flumen Guargam, hoc est, Fessæ territorium, respiciunt. Hæc Regio prorsus est aspera, frigidissimis montibus plena, in quibus vastissimas reperiēs solitudines, arboribusq; elegantissimis

DESCRIPTIONIS AFRICÆ

simis atq; rectissimis refertissimas: nihil hîc frumenti prouenit, quanquã sic satis copiosam habeant vinearum, ficuum, oliuarum, atq; amigdalorum copiam. incolas habet hæc Regio validissimos, verum potationib. plus satis deditos, adeo vt tantum vix sibi seruent, vnde vestes emant. Rara hîc armeta; bona autem caprarum, asinorum atque simiarum multitudo in his montibus reperitur: oppida rarissima: castra atque pagi cum plura, domos exstruunt vilissimas absque villo tabulato, equilibus Europæ non adeo dissimiles, quibus tectum stramineum superadditur, aut ex arborum corticibus confectum. Omnes huius regionis Incolæ nodum Gurgulionis eminentissimum habent, moribus autem inculti sunt atque rudissimi.

¶ Terga.

EXiguum hoc oppidulũ à Gothis (vt nonnulli volunt) in littore Mediterranei exstructũ distat à freto Herculeo miliaribus plus minus octuaginta: familias numerat circa quingentas. qui urbem cingit murus nullius ferè momenti est. Incolæ propemodum omnes piscatores sunt, incredibilem piscantur piscium copiam, sallosq; per centum ferè miliaria euehunt Meridiem versus. Frequentissimũ olim fuit oppidum, sed ab eo tempore quo Lusitani regionẽ illam ingressi sunt, cœpit mirum in modum decrescere. non procul ab hoc oppido rigida atque frigidissima reperiuntur nemora. Habitatores etli valentissimi, agrestissimi tamen sunt, rudissimi atq; ab omni humanitate alienissimi.

Be-

¶ *Bedis.*

Antiquissimum est oppidum in littore maris Mediterranei exstructum, ab Hispanis Velles de Gamera appellatū fuit, familias numerat plus minus sexcentas. Nō defunt Historiographi qui ab Africanis, alij à Gothis ædificatum fuisse scribant, quomocunq; se res habeat, adhuc incertum est. Inter duos visendæ altitudinis montes situm est: non procul vallis est amplissima, in qua aqua pluuialis annē format. Est autem huius oppidi medio forum quoddam, in quo frequentissimæ sunt officinæ. visitur & hic templum augustum: magna hic est aquæ potabilis caritas, omnibus enim ad vnum eundemque puteum confugiendum est, qui in suburbio iuxta sepulcrū cuiusdam est, qui quondam apud illos maximi fuit nominis. verū nō vsque adeo tutum est noctu illinc aquam petere: est enim in ea magna sanguilugarum copia. Cives in duas diuisi sunt partes: horum enim non nulli piscatores, alij piratæ sunt, qui Christianis non paruam quotidie adferunt molestiam: maxima reperitur in montib. illis arborū abundantia, quæ nauibus atq; triremib. fabricandis aptissimæ sunt: & qui montes incolunt, nihil aliud ferè operis exercent, quàm quod ligna huc atq; illuc conuehant: minimum apud illos frumenti prouenit, quare panem ferè hordeaceum faciunt: vescuntur autem obsonij loco pisciculis quibusdam (sardelli itali vocant) aliisque id generis piscibus: est enim tanta illis piscium copia, vt vnus retia extrahendo nō sufficiat, quare qui

X iij

pisc.

DESCRIPTIONIS AFRICÆ

piscatores ea in re iuuare volunt, pro officio piscatoribus exhibito bonam piscium copiam recipiunt, quin & obuiis quoq; multum piscium dono dare solent. pisces autem sallos ad vicinas mittere solent regiones. Est longa in hoc oppido Iudæis platea, in qua & ænopolas nonnullos reperies: vinum autē ceu nect̃ar quoddam bibunt. Solent & vesperi vinum in scaphas secum conferre, atque sic bibendo atque cantando per flumen spatari. Est in hoc oppido elegantissimum quoddam castrum, verū non admodum munitum, in quo se oppidi præfectus continere solet: non procul hinc palacium est regium, cui adiunctus est hortus amœnissimus: ad maris ripā nauale quoddam est, vbi triremes aliæque naues præfecti sumptibus fabricantur, quibus illi Christianos maximis solent afficere incōmodis: propterea quòd Hispaniarum Rex Ferdinandus insulam quandam armis sibi occupauit, quæ huic ciuitati ad vnum miliare ex opposito sita est, in qua propugnaculū quoddam in scopulo exstructum bombardis atq; militibus muniuit, ita vt nec templa iam dicti oppidi tuta erant, nec etiā homines, qui per plateas incedebant, quin maxima illorum pars quotidie bombardarum ictib⁹ interficeretur: hinc factum est quòd vrbis præfectus auxilium à Rege Fessē petiuit, qui ingentem contra Christianos milit exercitum, verū Fessani infœlici omine dimicauerunt, partim enim capti, partim interfecti sunt: perpauci qui fuga suę consuluerant saluti, saucij Fessam redierunt. Seruarunt igitur Christiani hanc insulam duos

duos fere annos: deinde cuiusdam Hispani perfidia, qui insulæ præfectum propter sibi ademptam uxorem interfecerat, in Maurorū redacta fuit deditioem, Christiani omnes trucidati: illorum nemo à cede exceptus, præter proditorem Hispanū, qui propter egregium hoc facinus magna accepit à Bedis præfecto atque à Rege Fessæ præmia. Huius rei historiā cum Neapoli essem, fortè à quodam audiui, qui his omnibus interfuerat, dicebatque hæc acta fuisse anno à Christo nato millesimo quingentesimo vigesimo. Nunc autem insula hæc accuratissime à militibus Fessanis servatur: nullum enim propinquiore portum in Mediterraneo Fessā habet, quanquā centum & viginti distet miliaria. Solent Venetorū triremes hanc insulam quotannis aut alternis annis inuisere, atq; cum illius loci incolis mercium permutationem facere, aut interdum quoq; præfenti vendere pecunia: deinde merces ex hac insula collectas Tunetū, Venetias, ad Alexandriam aut etiam ad Barūtum devehunt.

elles.
Angustum est oppidū in littore Mediterranei exstructū, distat à Bede sex fere passuū millia: portus est frequentissimus, in quo naues se recipere atq; à maris sequitia tutas servare solent: nō procul ab hoc oppido frequentes sunt montes, vastæque solitudines pinis copiosissimæ: nostro hoc sæculo remansit incolis vacuum, idque propter piratas quosdam Hispanos, nisi fortasse aliquot adhuc reperiantur piscatorum casulæ, qui perpetuò sibi ab Hispanorum

DESCRIPTIONIS AFRICÆ

latrociniis timētes sedulo semper obseruāt, num
naues aliquas aduentare videant, quibus conspe-
ctis, mox ad vicinos montes confugientes, ma-
gnam inde armatorum secum adducūt copiam,
qui aduentanti Hispanorum aut Lusitanorum
classi facile resistere possint.

¶ Tegassa.

F Requentissimum hoc quamuis angustum
oppidulum, in ripa fluminis cuiusdam ex-
structum, distat à mari Mediterraneo duo
ferè passuum milia. Familias numerat propemo-
dum quingentas, ædificia hīc rudissimo modo fa-
bricata: incolę omnes aut piscatores sunt aut nau-
tę, qui inde victum in alias transferūt ciuitates.
cū enim hīc perpetui sint montes atque nemō
ra, nihil omnino frugum prouenire potest. Repe-
rias tamen aliquot vineas atque arbores maxi-
mè fructiferas, alioqui omnibus modis misera
censetur hæc Regio. Incolę pani hordeaceo nihil
habēt quod addant, præter pisciculos atq; cape.
Ego huius Regionis fetorē ex piscium multitu-
dine contractu, per vnū diem tolerare vix potui,
qui fetor misere totā eam infectat prouinciam.

¶ Gebha.

G Ebha oppidulum muris vndiq; cinctum
minutissimis, ab Africanis ad littus ma-
ris Mediterranei exstructum est. Distat
à Bede miliaribus plus viginti & quatuor. Nunc
incolas habet nunc verò non, idq; pro illius Re-
gionis ratione: omnis qui huic vicinus est ager,
rudis est, fontibus atque nemoribus plenus. Re-
perias & hīc aliquot vineas, aliosq; fructus, vix

au-

autem ædificium quod alicuius sit momenti.

¶ *Mesemme.*

Mesemme spatiosum oppidum Maritimum, in môte qui Saretæ Rêgioni confinis est exstructum, sub hoc oppido latissima est planicies, cuius longitudo Meridiem versus viginti octo, latitudo autê decem ferè est miliariorum, per cuius medium præterfluit flumen Noccòre, qui Errifam Regionem à Garetâ dirimit. Hanc terrâ incolunt quidam Arabes, qui agricultura sese exercent, satis bonam inde colligentes frugum copiam, quare Bedis Principi circiter quinque millia frumenti mensuras soluere coguntur. Habuit olim hæc ciuitas incolas quamplurimos, fuitque illius Regionis sedes Regia, frequentissimis tamen semper vexata incômodis. Primò enim omnino propemodum deleta à pontifice Cairaoan: qui quoniam solitum censum recusauerant, incendio hanc prorsus deleuit, loci præfectus capite truncatus est: caput autem Cairaoan hastæ superimpositum delatum est. Hæc acta sunt Hegiræ anno trecentesimo decimo octauo. Ab eo tempore per totos quindecim annos remansit incolis nuda: deinde sub eodem Pontifice à quibusdam magnatibus rursus inhabitari cœpit. Postremò autem cœpit etiam & à Cordouæ principe oppugnari. Hic cum vidisset hanc ciuitatē suo regno adiacere in octuagesimo miliario (tanta est enim maris latitudo inter Malagam & iam dictam regionem) cœpit primùm tributum sibi inde exigere: quod ubi recusassent, vel minimo militū numero occupauit:

non

DESCRIPTIONIS AFRICÆ

non enim potuit pontifex tam breui auxiliares mittere copias: distat enim Cairaoan à iam dicto oppido miliaribus plus minus bis mille atque trecentis. Recepta igitur atque omnino deleta, qui præfectus fuerat ad Cordouam captiuus missus est, vbi reliquum vitæ in cathenis transegit. Nunc autem tantum muri huius ciuitatis videri possunt: hæc autem acta sunt Hegiræ anno octi- centesimo nonagesimo secundo.

¶ *Benigarir mons.*

Nunc & de montib. Errisæ nonnihil dicamus. primo loco offert se mihi mons Benigarir, cuius incolæ ex stirpe Gumerorum orti sunt. Est autem hic mons Tergæ vicinus, patetque in longum decem, in latum verò quatuor fere passuum millibus. Frequentia in hoc monte sunt nemora, frequentes vineæ atque oliuæ. Incolæ omnes miserrimi atq; pauperrimi. Mira illis pecudum caritas est: & quia vini sic satis bonam habent copiam, vinum coctum conficere solent: prouenit in hac regione nō magna admodum hordei copia.

¶ *Benimanfor mons.*

Huius montis longitudo circiter quindecim, latitu. autem quinque est miliariorū. Innumera hic ferme nemora, atque fontes sunt: incolæ omnes validissimi, quanquam miserrimi, cum toto eo monte nihil præter vinum proueniat: est quidem illis nonnihil caprarum. Est quoque singulis septimanis mercatus, ad quem nihil aliud præter allia, cæpe, vvas passas, pisciculos salso, nonnihil quoque frumenti atque

atque panici venale adfertur, vnde panem sibi
pinere solent. Paret autem hæc regio imperio
principis Bedis.

¶ *Bucchuia mons.*

PAtet hic mons in longum quatuordecim,
in latum verò octo ferè miliaria: huius ha-
bitatores aliquatò ditiores sunt, quàm qui
reliquos occupant montes: aliquatò melius ve-
stuntur: equorum quoque bonam habent co-
piam. Est enim is mons frugibus feracissimus:
neque adeò magnum hi exsoluunt tributum,
idque propter virum quendam insignis sancti-
monia apud Beden sepultum, qui in hoc mon-
te natus erat.

¶ *Benichelit mons.*

HAc iter est Bede Fessam proficiscentibus:
est autè mons frigidissimus, cui frequen-
tissimæ sunt sylvæ, fontesq; innumeri.
In hoc nihil omnino frugum provenit, nec aliud
quicquam præter vinum. Hi Bedis quoque prin-
cipis imperio parent, atque propter crebras ex-
actiones ad summam inopiam redacti, latroci-
niis se atque furtis dedunt.

¶ *Benimansor.*

EXtendit sese hic mons ad mare per octo
ferè miliaria, vti & illi montes de quibus
iam dictum est. Incolæ validissimi sunt
atque corporis viribus præstantissimi, cæterum
ebrietatib. plus satis addicti. Satis quidem vini,
frugum verò parvam colligunt copiam. Illorum
fœminæ capras cogunt, ac interea colum circum-
ferentes, nendo tempus terunt: harum maxima
pars

DESCRIPTIONIS AFRICÆ

pars vel cuiuslibet interdum viri admittunt concubitus.

¶ Beni Iosephus.

Huius montis latitudo duodecim est miliariorum, latitudo autem circiter octo. Huius incolæ pauperes sunt, vilissimis utuntur vestibus: nihil omnino apud illos præterquam paululum panici prouenit, unde sibi panem attri-
piscunt, atque insipidissimum. Vescuntur & capris atq; aliis: fontes in hoc monte turbidiores sunt: magna illis est caprarum copia, quarum lac ceu rem pretiosissimam sibi seruant.

¶ Beni Zarnel.

FRequentes reperiuntur in hoc monte vineæ, satis copiosa quoq; apud illos est oliuarum atq; aliorum fructuum affluentia. Incolæ miseri sunt, Seusæ principis imperio parent, qui maximos ab illis census exigere solet, adeo ut miseris vix sufficere potest quicquid illis mons ille gignere potest. Singulis septimanis mercatum habent, in quo nihil aliud quam ficus Sole exsiccati, vuae passæ, atque oleum inueniuntur. Solent hircos atq; capras mactare, quorum carnes adeo sunt insipidæ, ut non nisi sartagine frixæ edi possint.

¶ Beni Rasin mons.

Est hic mons mari Mediterraneo non procul à Terga confinis: huius accolæ securam agunt vitam, est enim mons omnino inexpugnabilis, omnibusque frugum generibus feracissimus, neque vllum exsoluere coguntur tributum: prouenit apud hos satis bona obliuaria
atq;

atq; vini abundantia: non facile dixerim, quantũ montis colla rerum omnium sit felicissima: illorũ mulieres aut capras agunt, aut agros colunt.

¶ *Seusaon mons.*

N Vllum habet vel tota Africa montẽ, qui cum hoc loci amœnitate sit vllõ modo conferendus: in hoc oppidulum est omnis generis artificum atque mercatorũ frequentissimum. hic se multorum montium princeps (Sidi heli Berrased appellabant) suam solet habere regiam, hic aliquam in eo monte ciuitatẽ introducere cœpit, à Rege Fessẽ descenderat atque perpetuum gerbat cum Lusitanis bellum. Huius atq; omnium dictorum montium pagorum incolæ ab omni censu atque tributo liberi sunt, semper enim suum ducẽ tam pedites quàm equites sequuntur: exigua hic prouenit frugum copia, cæterum plurimũ lini: vastæ in hoc monte sunt solitudines, fontes penè innumeri: accolæ omnes vestitum habent sic satis ad decorem compositum.

¶ *Beni Gebaz.*

M Aximè arduus hic mons est visendę quę altitudinis, e cuius radicibus flumini aliquot scaturiunt. Magna hic est vinearum atque ficuum copia: nihil frumenti tamen in eo prouenit: inhabitatores vilissimorũ sunt vestitu. maxima illis est caprarum copia, tum & bones hic reperias adeo paruos, vt semestres vix esse indices. Est illis singulis septimanis mercatus, verũ huiusmodi vt vix vllæ hic videantur merces: huc solent confluere aliquot Fessæ mercato-

DESCRIPTIONIS AFRICÆ

catores, tū & muliones, qui fructus ex hoc monte Fessam conuehunt: olim paruit imperio cuiusdam principis, qui Regi Fessæ cognatione cōiunctus erat: colligebatur autem ex hoc monte duorum fere millium aureorum redditus annuus.

¶ Beni Ierso.

H Abuit hic mons infinitos olim incolas. egregium in hoc exstructum fuit collegium, in quo quæ ad legem pertinebant publice prælegebantur, quam ob causam accolæ omnes a tributis atq; exactionibus liberi erant: postea tyrannis quidam Fessæ Regis copiis adiutus, montem sibi tributarium reddidit, fugatis primo incolis, deinde etiam collegium deleuit, in quo reperti sunt volumina plus quam quatuor millibus aureorum æquivalentia, viros eruditissimos maximique nominis gladio subiecit: Hæc autem acta sunt Hegiræ anno noningentesimo octauodecimo, hoc est post natum Christum millesimo quingentesimonono.

¶ Tezarin mons.

I Abi dicto monti vicinus est & hic qui Tezarin ab incolis appellatur: frequentissimi hic fontes, solitudines atque vineæ: in huius summitate multa videntur ædificia antiquissima, a Romanis, quantum ego conijcere potui, exstructa; hic in subterraneis fossis, vt antea diximus, Romanorum thesauros adhuc quotidie querunt: incolæ omnes ignorantissimi sunt, atq; crebris exactionibus miserrimi.

¶ Beni Buseibet.

F Rigidissimus hic mons est, quare nihil omnino frugum producit, neque etiam pecus alere potest, cum propter ingentem frigiditatem, tum quoque propter nimiam illius loci sterilitatem: huic accedit quod illarum arborum folia eius sunt naturæ ut capras alere non possint. prouenit hic maxima nucum copia, adeo ut Fessam vicinasque ciuitates abunde de his prouideant: vix omnes nigrae hic proueniunt, quibus cibus quidam (Cibibbo vocant) ab illis confici solet: vinum coctum quoque conficiunt, maximamque vini copiam quotannis colligunt. Lathis quibusdam vestiuntur penulis, lodices dicas quales Italis in usu sunt: habent autem huiusmodi penulae capucia, quibus caput tegunt, adeo ut vix homines esse intelligas: penulae autem candidis nigrisque maculis sunt versicolores. hyeme mercatores qui nuces atque uvas passas ex hoc monte Fessam deferunt, vix cibum sibi reperiunt, neque enim frumentum illis est neque carnes, coepis tantum vescuntur atque pisculis quibusdam salis, quæ tamen maximo apud illos habentur precio: vescuntur quoque vino cocto atque fabis illorum more paratis, estque hic cibus in eo monte delicatissimus: vinum autem coctum multo cum pane vorant.

¶ *Beni Gualid mons.*

A rtissimus est maximeque arduus, accola omnes ditissimi, uvas enim colligunt nigras, quibus Cibibbum coquunt. Prouenit illis amygdalorum, ficuum, atque oliuarum maxima abundantia. Præterea nullum Re-

LIBER TERTIVS.

gi Fessæ tributum persoluant, nisi quòd quilibet familia quartam vnus aurei partem enumerat, quò liceat liberè ad Fessæ mercatum accedere. Quòd si quisquam Fessanus aliquo illos afficiat incommodo, hunc illi aut eius consanguineum cùm primum in eo monte nacti sunt, detinent, nec prius Fessam redire sinunt, quàm probè de iniuria satisfactum est. Huius montis populi sic satis eleganti vtuntur vestitu, estque illis ea libertas concessa, vt quotquot Fessani exulant, hic liberè remanere liceat, quin & exulibus quoque tantisper dum apud illos commorantur, victum præbent gratis. Quòd si hic mōs Fessæ regis pareret imperio, nemini dubiū quin sex millium aureorum numerarent singulis annis prouentū: numerat enim plus quàm sexcentas easdemque ditissimas familias.

¶ *Merniza mons.*

ESt hic mons iam dicto ferè cōtiguus, eiusdem omnino generis sunt incolæ, eadem his est nobilitas, libertas, atque diuitiarum præstantia. Huius mulieres vel propter minimā a maritis illatam iniuriam, cōtinuò relictis liberis atq; marito inde ad alium migrant montem, nouumq; pro arbitrio sibi quærunt amatorem. Quam ob causam perpetuum inter illos bellum geritur: neq; prius pax inter eos esse potest, nisi qui postremo sibi vxorem seruat, priori marito omnes restituat pecunias, quas in primis nuptiis celebrandis impendit: huius rei iudices habent, qui miseros mirum in modum facultatibus omnibus propemodum exsorbent.

Ha-

¶ *Hagustun mons.*

Altissimus atq; idem frigidissimus mons est, frequentissimi hîc fontes, maximaq; vinearum copia, è quibus vuas nigras decerpunt, magna quoque hic ficuum, mellis, maiorum cotoneorum est abundantia: mala autem cotonea maximè odorifera atque elegantissima in ea tantùm planicie proueniunt, quæ monti subiecta est: sunt & hi oleo optimo ditissimi, incolæ ab omni tributo sunt liberi, tamen illorum nemo est, qui non in animi gratissimi signum Regi Fessæ amplissima missitet munera: hinc fit quod securè atq; liberè illis liceat inter Fessanos negociari, à quibus magnam emunt frumenti, linae atque telæ copiam. Ornatissimo vtuntur vestitu, ijq; præsertim qui in nobiliori huius montis parte habitant, hi enim omnes ferè aut mercaturâ, aut artem aliquam exercent: bona quoq; illorum pars nobiles sunt.

¶ *Beni Iedir mons.*

Maximus hic mons est atque incolarum numero ditissimus, hic nihil tamè præter vuas puenit, vnde sibi Cibibbo conficere solent atq; vinum. Accolæ olim ab omni tributo liberi fuerunt, sed tandè propter crebras indies illorum prædationes, atque in exteris nationes iniurias, Bedis princeps Fessanis militibus adiutus, hos omnes subegit, libertatemq; ademit: numerantur in hoc môte circiter quinquaginta rura, tamen vix quadringentorum aureorum annuunt censum annum.

¶ *Lucanus mons.*

Y

Mi-

DESCRIPTIONIS AFRICÆ

M Irandæ altitudinis maximeque arduus hic mons est, incolæ ditissimi, magna illis enim vuarum passarum, ficium, amygdalorum, olei, malorum cotoneorum atque citreorum provenit affluentia: & quoniam trigintaquinque tantum miliaribus à Fessâ distant, omnes eorum fructus eò devehunt: sunt ferè omnes nobiles, incredibili superbia tumidi, adeò ut nullum unquam cuiquam persolvere tributum voluerunt: sciunt enim illorū montem propter loci munitissimi naturam non facile à quoquam expugnari posse: hic quoque Fessani exules liberi sunt, splendideque omnes, adulteris tantum demptis, excipiuntur: nam cum huius motis accolæ maxime Zelotypia laborent, adulteros omnino admittere nolunt. Multa his à Fessæ rege conceduntur, propter amplas, quas ex eo monte colligit, utilitates.

¶ *Beni Guazenal.*

E St hic mons triginta ferè longitudine miliarium, latitudine verò circa quindecim: dividitur autem in tres partes, inter hunc atque duos iam dictos montes nonnulli præterfluunt riuuli. Accolæ omnes strenuissimi atque ad arma exercitatissimi, sed ultra modum à Fessæ duce exactionibus granati, qui singulis annis ab hoc monte decem & octo milium aureorum sibi tributum postulat: mons quidem vis, olivis, ficibus atque lino fecundissimus est, unde & bonam sibi colligunt pecuniarum copiam, verum quicquid illis colligitur, id in uniuersum ad Fessanum redit ducem, ille continuo suos habet in

hoc

hoc mōte receptores, qui miseros miserrimè ex
 sorbere solent: infiniti propemodū in hoc mon
 te sunt pagi atque vici, quorum nonnulli centū,
 nonnulli ducentas aut plures etiam numerēt fa
 milias: militum bello exercitatisimorū circiter
 vigintiquinque numerant millia: perpetuum il
 lis geritur cum vicinis bellum. Fessē autem Rex
 propter vtrinque interfectos, ingentem sibi nu
 merari iubet pecuniæ summam, adeò vt non pa
 rum vtilitatis ex eorum dissidiis capiat. Est in
 hoc mōte oppidulum sic satis frequens, in quo
 nullum vix artificium desiderare posses, huius a
 ger vineis, malis cotoneis atque citreis fœlicissi
 mus est, quæ omnia apud Fessanos diuendūtur:
 magna quoq; hīc est telæ textorum copia, mul
 ti hic iudices atque causidici. Est & illis merca
 tus sic satis frequens, ad quem cōfluere solent vi
 cinorū montium accolæ. Visitur in summitate
 huius montis ceu antrum quoddam, quod per
 petuos eiaculatur ignes. Permulti rei miraculo
 huc allekti, ligna iniecere, quæ mox igni consum
 pta fuerunt: neque vnquam huiusmodi tam mi
 rabile quicquam in rerum natura vidi, adeò vt
 pleriq; etiam inferorum hiatum esse opinentur.

¶ *Beni Gueriagel mons.*

IAm dicto monti vicinus est, incolæ tamen
 duorum illorum mōtium perpetuas inter se
 alunt inimicitias. Est ad huius radices spā
 tiosissima quædam planicies, quæ ad Fessæ vsq;
 territorium extenditur, per eam præterfluit flu
 men, quod Guarga incolæ vocant. Colligitur ex
 hoc monte maxima olei, frumenti, atq; lini co

DESCRIPTIONIS AFRICÆ

pia, vnde fit vt innumeri hic reperiantur telæ textores. Maxima ferè eorum pars quæ hic colliguntur ad Regem redit, adeò vt qui alioqui omnium ditissimi forèt, miserrimi omnium ferè sunt, idque ob aulicorum crebras molestias. Ingenium illis liberale atque strenuum: militum numerant duodecim fere millia, pagos autè plus minus sexaginta.

¶ *Beni Achmet mons.*

PAtet in longum octo & decem, in latum verò septem passuum milia. Arduus admodum est, vastè in eo solitudines, magna apud illos prouenit vuarum, oliuarum, atque ficuum copia: ager verò frumento non vsq; adeò fœlix est. Incolæ omnes crebris exactionibus à Rege Fessæ indies vexantur. Ad huius radices innumeri reperiuntur fontes atq; fluuioli, quorum aqua turbida, palato minus grata, vtpote quæ propter arenæ naturam calcis gustum referat. Permulti hic reperiuntur, qui gurgulionis nodum eminentiorem habent, quod & de aliis quibusdam antea dictum est. Omnes vinum bibunt non dilutum, quod sufferuefactum illis durare dicitur in annum decimumquintum, non quòd omne vinum illis feruefiat, seruant enim & crudum, conficiuntq; maximâ quotannis vini cocti quantitatem, quam vasis fundo strictiorib. ore verò latiorib. seruare solent. Est illis singulis septimanis frequentiss. mercatus, in quo vinum, oleum, atque vuas passas venalia reperies. Sunt & hi miserrimi, summaq; paupertate infœlicissimi, quod facile ex eorum vestitu colligere licet. Perpetuè atq;

atq; antiquissimæ inter hos aluntur inimicitia, quare & frequentissime ad arma vocantur.

¶ *Beni leginesen mons.*

IAm dicto monti confinis est, extenditurque in longum ad decem ferè passuum milia. Inter hunc atque iam dictum montem riuulus quidam præterfluit. Accolæ omnes ebrietatibus plus satis dediti sunt, adeò vt vinum ceu nectar quoddam habeant. Nihil hic omnino fructuum, sed incredibilis vini prouenit copia. Capras alunt aliquot, quæ perpetuò in nemoribus illis degunt, nec aliam præter caprinam carnem aut hircinam habent. Fuit mihi magna cum huius montis incolis cõsuetudo, erat enim patri meo in hoc monte nōnihil ditionis: sed ægrè admodum aut reditus aut pecunias inde recipiebat: non enim dictu facile, quàm sint illi homines in soluendo debito difficiles.

¶ *Beni Mesgaldæ mons.*

Est hic mons iam dicto nec non & Gurgæ flumini confinis. Magna in eo conficitur saponis liquidi quantitas, durum enim cōficere nesciunt. Ad huius radices spatiosissima est planities, quæ ab Arabibus occupatur, quare & assiduum inter illos bellum geri satis verisimile est. Maximam illi Fessæ Regi enumerant quotannis pecuniæ summam, nec facile dixerim quàm miserè nouis indies exactionibus vexentur. Innumeri in hoc monte sunt legis doctores, atque literarum studiosi: à quibus & maximo quotidie afficiuntur incommodo. Hi vinum quidem bibunt, populo autē interdictum esse persuadere

DESCRIPTIONIS AFRICÆ

Conantur, quanquam illis parum admodum à nonnullis habetur fidei. Ab huius montis incolis non magnum admodum exigitur tributum, idque eò fortasse quòd legis doctores aliosq; insignis eruditionis viros alunt.

¶ *Beni Guamut mons.*

Est hic mons Fessæ territorio ita confinis, ut ab eo solo flumine sit distinctus. Incolæ omnes saponem conficiunt, vnde sibi Fessæ Rex sex milium aureorū colligit prouentum annuū. Numerat autem mōs ille rura plus minus viginti quinque: omnes mōtis costæ frugibus, armentis, atque pecudibus sunt felicissimæ, nisi quòd magna illis locis sit aquæ caritas. Incolæ omnes ditissimi, magnam omnis generis mercium copiam Fessam conuehunt, idque non nisi maximo omniū lucro. Nihil in hoc monte prouenit, quod non ad hominum vsum maxime cōducatur. Distat autem à Fessâ decem ferè miliaria.

¶ *Gareti Fessæ regionis descriptio.*

Enumeratis omnibus cū ciuitatibus tum montibus Errifitis Regionis, sequitur nunc ut & de Gareto (hoc est de Fessæ parte sexta) nō nihil dicamus. Habet igitur hæc regio suum à Melulo flumine initium ex Occidente, in Oriente verò flumine Muluia terminatur, ad Meridiem montibus quibusdam clauditur, qui à deserto Numidiæ vicino nō admodum procul distant: in Septentrionem verò extenditur vsq; ad mare Mediterraneum. Eius latitudo ad mare à flumine Nocor ad Muluiam vsq; extenditur: in Meridie verò fluuiio Melulo, in Occidente montibus

tibus Chaus terminatur. Huius regionis longitudo quinquaginta, latitudo verò quadraginta est miliariorum. Ager illis fragosus, incultus, atque aridus. Numidiæ deserto non admodum natura dissimilis. Maxima fere sui parte incolis est nuda, ab eo præsertim tempore quo Hispani duas huius regionis ciuitates præcipuas sibi occupauerunt, vti & suo dicetur loco.

Melela Gareti oppidum.

Spaciosissimum hoc atque antiquissimū oppidum, ab Afris in sinu quodam maris Mediterranei conditum, familiarum numerat duo fere milia. Fuit olim incolarū multitudine copiosissimum, vtpote totius regionis caput. Multum sanè illi fuit ditionis, maximamq; colligebant ferri atque mellis copiam, vnde & nomen loco inditum scribunt, Melela enim eorum idiomate perinde atque nobis mel sonat. In huius portu bonam piscabantur muricum multitudinem. Paruit olim hoc oppidum Gothorum imperio: verum postea in Mahumetanorum rediit deditione. Gothi inde fugati Granatam confugerunt, quæ ciuitas inde centum fere miliaribus, hoc est quâta est maris interpositi latitudo, sita est. Nostris verò temporibus Hispaniarum Rex ingentē huc misit exercitum: verum priusquam Hispani huc appulerunt, ciuitatis incolæ auxilia à Fessano Rege petierāt, qui quoniam per id tempus contra Temelnitas bellum gerebat, exiguum admodum mittere licuit exercitum. Quod vbi Melelitæ animaduertissent, timentes ne tantillus exercitus Hispanorum vim ferre nō

DESCRIPTIONIS AFRICÆ

posset, assumptis secum quisq; quantum potuit supellectilis, ad montes Buthoiæ confugerunt. Fessanorum autem militum dux, cum ut nimis timidulos ciues iniuria afficeret, tum etiam ne quid Hispanis integri relinqueretur, domos oēs, templa, ædificia, incendio deleuit. Id factum est Hegiræ anno octingētesimo nonagesimo sexto: hoc est, à Christo nato millesimo quadringentesimo octuagesimo septimo. Quam ciuitatē ubi Hispani sic excisam inuenerunt, nō deseruerunt tamē, quin primò arce quadam munitissima in ea exstructa, tandem etiam paulatim ciuitatis murum atque moenia reparauerunt, & in hunc vsque diem sibi seruauerunt.

¶ Chasasa oppidum.

Chasasa à iam dicto oppido circiter viginti distat passuum millia: egregium fuit oppidum munitissimis muris cinctum, portum habet celeberrimū, in quo frequentissimæ quotannis videbantur venetorū naues. Plurimum huic populo cum Fessanis semper fuit commercii, nec sine magno vtriusq; gentis commodo: tandem Fessano Rege bello maximè occupato, Ferdinandus Hispaniarum Rex maximis vndiq; collectis copiis instructissima classe huc venit, oppidumq; vel minimo negotio sibi occupauit, incolę enim de Hispanorum aduentu certiores redditi, fuga sibi salutem quæsierant.

¶ Terzota oppidum.

Distat à Chasasa quindecim ferè passuum millibus in mōte quodam altissimo atq; topiaceo exstructum, ad quod angusta qua-

quadam via ascenditur : nullam habent aquam, præterquã eam quæ è cisterna quadam hauriri solet : huius conditores Benimarinos fuisse affirmant, priusquam regnum aliquod possiderêt, in hoc oppido sua frumenta reliquaque omnia bona seruabant . Tum temporis secura erant omnia eius regionis deserta, nondum enim Gareti incolas receperat : postquam verò Benimarini regnare cœperût, totam hanc regionem vnà cum Gareto oppido vicinis reliquerunt, ipsi verò ad prouincias aliquantò nobiliores se contulerunt. Interea autem Iosephus Iacobi Marinorum Regis filius, ratione nescio qua adductus, Tezzotam funditus propemodum deleuit : at postq̃ Christiani Chafasan occupauerunt, vir quidam nobilis natione Granata, qui in aula Fessani Regis diu vixerat, is à principe impetrauit, vt Tezzotam à ruina reuocaret . Huius igitur reparati oppidi nunc incolæ sunt Mauri, perpetuū gerunt cum Christianis bellum, qui Chafasan inhabitant.

¶ Meggeum oppidum.

M Eggeum oppidulum quoddam in vertice altissimi cuiusdam montis exstructum, distat à Tezzota Occidentem versus decem, à mari Mediterraneo Meridiem versus sex ferè passuum milia : cōditores habuit Afros, incolæ omnes animo sunt nobili atque liberali. Sub hoc monte ager quidam est frugibus feracissimus. E montibus circumiacentibus magna effoditur ferri copia : huius oppidi imperiū cuidam cōcessum est, qui ex Regia stirpe, hoc est Muachidin, originem traxit, verum patrem habuit

DESCRIPTIONIS AFRICÆ

buit nō vsque adeo diuitem, qui cū ipse textor
esset, filum etiam eandem artem edocuit: postea
animosus iuuenis post quā tuorum auorum ge-
nus atque nobilitatem intellexisset, relieta tela
Bedin ad Regem militatum profectus est, vbi ali-
quādiu eques stipendia meruit: sed quoniā insi-
gnis erat fidicen, Rex ob musicæ peritiā illum
vnice adamauit. Post hæc cū Tezzotæ prin-
ceps ab hoc Rege cōtra Christianos auxilium ro-
gasset, nobilis ille iuuenis cum trecentis equis eō
missus est, & quemadmodum antea multis in lo-
cis, ita & nunc strenuissimū se se præbuit ducem,
nondum tamē illius animositas principem mo-
uit, cui solummodò propter musices peritiā gra-
tus esse potuit: quare tandē indignatus ad quos-
dam quos adhuc habebat amicos nobiles Gare-
tum se cōtulit, qui adiunctis huic quinquaginta
equitibus, in Meggei arcis tutelam miserunt: po-
stea ab omnibus illorū montium incolis sic fuit
adamatus, vt illum quisque pro facultatum por-
tione iuuerit. Tandem Bedis princeps collecto
trecentorum equitum atque mille peditum ex-
ercitu, conatus est iuuenem expellere, qui mox
exiguo illo quem secum habebat exercitu, ita di-
micauit, vt hostes in fugā vertit, ac sic paulatim
crebris tandem victoriis huius nomen omnibus
innotuit, vt Fessæ Rex satis opimum illi adiun-
xerit prouentum, quem antea Bedis rectoribus
dederat, vt hostem Hispanū summis viribus ab
ea regione pellerent, atq; ab hoc principe Mauri
primum bellandi didicerunt peritium: nunc an-
nuum prouentum Fessæ Rex duplicauit, adeo vt
du-

ducentos nunc alat equites, qui armorum præstantia plus valent, quam vicinorum militum duo millia.

¶ *Echebdeuon mons.*

EXtenditur à Chasafa Orientem versus ad flumen vsq; Muluiam, deinde à mari Mediterraneo ad Meridiem in desertum vsq; Gareti vergit. Incolas habuit ditissimos, atq; validissimos: est autem mons melle, hordeo atque omnis generis pecudib. copiosissimus, frequentia hic prata atq; amœnissima, verum ab eo tempore quo Casafa àb Hispanis fuit occupata, cum hi propter militum inopiam, se hostium impetum ferre non posse viderent, relicto monte atq; propriis domibus incendio deletis, ad vicinos se montes contulerunt.

¶ *Benizaid mons.*

HIC mons extenditur Occidentem versus ad loca vsque Nocor flumini vicina, idque per vigintiquatuor miliaria, accolæ habet ditissimos, validissimos, atque animo liberalissimos, sic ut omnes hæc iter facientes lautissime excipiant atq; immunes dimittant: magna illis colligitur ferri ac hordei copia, lætissima in hoc monte pascua, ingentem quoq; hic reparias pecudum atq; armentorū numerum, quamplurimæ ferri fodinæ in ea planicie sunt, neque illis nonquā deest aqua: nihil census persoluunt. illorum autem domus qui ferrum effodiunt, nō procul à ferri fodinis sitæ sunt: ferrum mercatores globulis Fessam venale deferunt, quando in virgas reducendi neque vsum habent, neque artem:

DESCRIPTIONIS AFRICÆ

tem: deinde & vomeres, ligones, aliaque id genus rusticorum instrumenta conficiunt, neq; chalybis quicquam ex eo ferro haberi potest.

¶ *Azgangan mons.*

I Erminatur hic mos in Meridie cum Chasasa, incolis ditissimis atque valentissimis copiosus est: nam præterquam quod magna hic rerum omnium prouenit affluentia, illud quoque habet, quod Gareti desertum ad huius radices sit situm, cuius incolæ cum huius motis populo magnam habent consuetudinē: remanet tamen & hic mons incolis vacuus, ab eodem tempore quo capta fuit Chasasa.

¶ *Beni Teusfin mons.*

IN Meridie iam dicto monti coniunctus est atque extenditur in longum à Gareti deserto ad flumen vsq; Nacor per decem ferè miliaria, ex altera parte lætissimas atque amœnissimas habet planicies, incolæ omnes liberi, nihil omnino tributi exsoluunt, idq; eò fortasse quod Tezzotan, Meggeum, atque Bedin militum multitudo longè antecellant. Huic accedit quod Meggei principē armis aliquando ita iuuisse creduntur, vt illorū ope id regnum sibi sit adeptus: magna his cum Fessanis semper est amicitia, idq; propter antiquissimā illam consuetudinē, quæ inter eos fuit, priusquam Fessani aliquod sibi regnum habebant. Postea Fessæ quidam caudiculus habitauit, qui ex hoc monte natus erat, ille sic pristinā illam amicitiam Regi ob oculos posuit, vt libertatem suis contreraneis acquisierit: fuit tandem & maxima illis cum Marinis amicitia,

tia, idq; eò fortasse quòd mater Abusahidi illius gentis Regis tertij ex hoc monte patre nobilissimo fuerat orta.

¶ *Guardan mons.*

Est hic mós iam dicto in Septentrione contiguus, patet in longum ad mare vsq; Mediterraneum duodecim, in latum verò vsque ad flumén Nicor octo ferè miliaria. Huius accolæ validi sunt, atque ditissimi. Diebus sabbati frequentiss. illis est mercatus ad ripam cuiusdam fluuioli: huc concurrere solet maxima Garetæ montis incolarum pars, necnon & Fessæ mercatores quamplurimi, qui ferrum hic atque frena oleo commutant, magna enim in illis montibus provenit oliuarum copia. Nihil aut parum admodum vini habent, quanquam Arintæ monti vicini sunt, in quo sese vino plus satis ingurgitare solent. Per aliquod tempus tributarij fuerunt sub Bedis principe, postea verò opera cuiusdam doctissimi viri atque concionatoris id eis à Fessæ Rege cõcessum fuit, vt tributum tantum pro suo quisque arbitrio exsoluerent. Ita factum est, vt missa singulis annis ad Regem aliqua pecuniarum summa, deinde & equis atque mancipiis aliquot, nihil præterea ab illis exigatur.

¶ *Postrema Garetæ deserti pars.*

Garetum in tres diuiditur partes, quarum prima ciuitates, secunda iam dictos montes, (huius incolæ vulgò Bottoia appellantur) tertia deserta cõplectitur, quæ in Septentrione à mari Mediterraneo initium habent, atq; sese Meridiem versus ad id vsque desertum extendunt.

DESCRIPTIONIS AFRICÆ

dunt quod illi Chaus appellitant: in Occidente cum iam dictis montib. terminatur, in Oriente verò clauduntur flumine Muluia. Harum longitudo sexaginta est miliariorum, latitudo verò triginta. Asperi sunt atque aridi, adeò vt hic nihil ferè aquæ præterquam in flumine Muluia reperiatur. Multa in hoc deserto reperiuntur animalium genera, qualia id etiam desertum Lybiæ gignit, quod Numidiæ adiacet. Æstatis temporib. multi Arabes in Muluia fluminis ripa sese continere solent, præterea etiam & populus quidam ferocissimus, Batalisa vocat, qui equorum, pecudum, atq; camelorum numero ditissimi sunt, hi perpetuum cum Arabibus vicinis gerunt bellum.

¶ *Chaus, hoc est, septimæ Fessæ regionis descriptio.*

Dicitur hæc regio continere tertiam Fessæ partem, extenditur enim à flumine Zha in Oriente atque Occidentem versus flumine Guruigara clauditur: sic vt longitudo sit centum & nonaginta, latitudo verò centum & septuaginta miliarium: omnis enim ea Athlantis pars quæ Mauritaniæ respicit, huius regionis latitudinem præbet: complectitur & bonam planicie atq; montium partem, qui Lybiæ confines sunt. Eodem tempore quo Habdulach primus Marinorum princeps Mauritaniæ atque reliquarum regionum illarum sibi imperium usurparet, cœpit illius genus hanc regionem inhabitare. Quatuor ab obitu filios reliquit, quorum primus Abubder, secundus Abuiechia, tertius Abusaid, quartus verò Iacobus fuit appellatus: hic

postea propter deuictum Muachidin Marocco-
rum Regem, atq; propter expugnatum à se Ma-
roccum, in Regem electus fuit: reliqui tres præ-
matura morte perierunt: priusquàm Iacobus Ma-
roccum expugnasset, horum singulis pater regio-
nem quandam legauerat. Reliquæ tres partes in
alias septem diuisæ fuerunt, hoc est in quatuor
Marinorum stirpes atq; duos populos, qui cum
hac progenie maximâ contraxerant amicitiam:
adeo vt hæc regio pro tribus regionibus sit ha-
bita. Qui regnum hoc possiderent, numero de-
cem fuere, regiones tantum septem. Huius parti-
tionis autor fuit Abdulach, qui Chaus regionem
talem ab obitu reliquit, qualem mox suo descri-
bemus ordine.

¶ *Teuertum oppidum.*

ANtiquissimum hoc oppidum ab Afris in
monte non procul à flumine Zha exstru-
ctum fuit. Ager illis etsi non latè admo-
dum se extendat, fœcundissimus est, adiacet de-
serto cuidam arido atq; fragoso. In Septentrio-
ne terminatur Gareto deserto, in Meridie deser-
to Adduhra confinis est: ad Orientem habet An-
ghad, hoc est, desertum quoddam quod in fini-
bus regni Telenini est: in Occidente autem de-
serto Tafrata clauditur, quod & oppido Tezzæ
adiacet. Frequentissima atque opulentissima o-
lim fuit ciuitas, familias numerauit circiter tria
milia: insignia hic visuntur palacia, templa, aliq;
id genus ædificia. Huius murus ex lapide tibur-
tino est. Ab eo tempore quo Marinorum genus
Occidentale regnum occupauit, hæc ciuitas mul-
torum

LIBER TERTIVS.

torum bellorum causam dedit: Marini enim sub Fessano Rege esse sitam volebant, Telensini verò Rex sibi id imperium ascribere conabatur.

¶ *Haddagia oppidum.*

H Addagia oppidulum ab Afris ad insulæ modum exstructum, cingitur enim flumine Mululo, quod in Muluiâ non procul ab hoc oppido delatur: oppidum olim fuit frequentissimum atq; opulentissimum: verum Arabibus Occidentale regnû possidentibus, cœpit paulatim minui: est enim deserto Dahra cōfine, quod nequissimis quibusdam Arabibus refertum est. Eodem tempore quo Teurertum excisum fuit, hoc quoque oppidum omnino deletum est, neq; aliud quicquam præterquâ muros reliquerunt, qui & in hunc vsq; visuntur diem.

¶ *Garfis castrum.*

In scopulo quodam ad flumen Muluiam exstructum fuit, distat à Teurerto quindecim miliaria: in hoc tanquam in loco munitissimo, Beni Marini sua frumēta seruare solebant, eo tempore quo deserta inhabitabant. Postea ab Abuhenan quinto Marinorum Rege occupatum fuit: non admodum multum habet agrorum in locis vicinis: hortum vuarum, malorum persicorum atq; ficuum copia amœnissimum habet, qui quoniam opacissimis vndiq; nemoribus cinctus est, paradisus videtur ad alia illa loca collatus. huius incolæ rudiori ingenio atq; ab omni ciuitate alienissimi, neq; aliud quicquâ quàm frumentum seruant, quod his ab Arabibus creditum est: si quis castrum à longè aspiciat, tugurium

rium magis quàm castrū esse putet: murus enim vndiq; præruptus, magnam indicat antiquitatē, tectum aut̃ atris quibusdam lapidib. stratum est.

¶ *Dubdu.*

D Vbdu oppidum antiquum ab Afris in monte quodam altissimo, lociq; natura munitissimo exstructum est, hoc Senatorū quēdam inhabitat familia. Ab huius mōtis vertice frequentes defluunt fontes, atq; tandem per oppidum delabuntur. Ab hoc oppido distat planicies supposita quinq; ferè miliaria, cū tamen sesquimiliare vix cuiquam abesse videatur, adeo prolixius est iter varie in girum sese voluēs. Quicquid habet ditionis hoc oppidum, in huius montis vertice situm est, subiecta enim planicies fragosa est atque inculta: nisi quòd in vtraq; ripa fluuioli huic oppido suppositi hortulos nōnullos reperiās: nec tantum in hoc monte frumenti provenit, vt satis ciuium necessitati esse posset, nisi maxima frumenti copia illis à Tezza conueheretur: tantum enim in hoc exstructum fuit à Marinis, vt præsidium esset, idq; eo tempore quo illis Occidentale regnum ademptum fuit. Postea hunc locū inhabitare cœpit familia quēdam, quę Beni Guertaggen appellata est, hæc & in hūc vsque diem id regni sibi seruauit. Cū autem Marini à Fessæ regno exclusi fuerant, Arabes vicini huius oppidi imperium sibi occupare studuerūt: verū auxilio cuiusdam Muse Ibnu Chamu, qui ex eadem erat familia, sic contra hostes dimicatum est, vt induciæ inter illos sint pactæ: Muse Ibnu huius oppidi sibi imperium seruauit, post

Z

cuius

DESCRIPTIONIS AFRICÆ

cuius mortem filius Acimed patri successit, atque
 patrium animum per omnia referens, tranquille
 imperium ad mortem usque administravit. Post
 hunc successit quidam Mahumetes, homo armis
 atque rei militaris peritia omnibus sanè lauda-
 tissimus. Hic antea multas sibi ciuitates, multaq;
 castra ad radices Athlantis sibi deuicerat, quæ in
 Meridie Numidiæ confines erant. Postquam verò
 huius oppidi sibi imperium adeptus esset, non
 dictu facile quantis locupletante ædificiis atque
 structuris: illorum Rempub. mirum in modum
 reformauit: liberalissime exteros omnes illac iter
 facientes excipiebat, adeo ut eius nomen multis
 populis innotuerit. Hic ut Tezza Fessano Regi
 adimeretur consilium dedit, maltaque bona ad
 hanc rem peragendam obtulit: atque ut facilius
 omnia peragerentur, decreuerat ipse Tezzæ mer-
 catum adire habitu simpliciore, atque sic tandem
 oppidi ducem aggredi: sperabat enim fore, ut
 maxima ciuium pars, quos sibi fautores sciebat,
 conatum facile iuuarent. Verum res tandem de-
 tecta ad Fessæ Regem peruenit (Saich nomina-
 bant, hic primus ex familia Quattas fuit, atque
 pater eius qui nunc Regē agit) qui mox ingenti
 collecto exercitu, eo animo huc venit ut Dubdu
 funditus euerteret: atque ubi iam ad montis ra-
 dices venisset, illic aciem instruxit. Montis ac-
 colæ qui sex milium exercitum collegerant, cal-
 lide se in rupibus condunt, bonam Fessanorum
 partem præterire sinunt, idque difficillimis atq;
 strictissimis quibusdam viis, vnde non facile ef-
 fugituros sciunt, atque sic tandem eximproviso
eium-

erumpunt, viarū difficultate fatigatos aggrediuntur, & quoniā arduus atq; stric̄tus erat callis, non potuit Rex diutius illorum ferre impetum, atq; dum hosti cedere conatur, plus q̄ mille Fessani se præcipites dederunt, animamq; miserè cadendo expirarūt. In eo prælio cæsa sunt tria Fessanorū millia: nec tamen potuit Rex tanto infortunio à bello auocari, quin statim reparato. CCCC. ballistariorum atq; CCC. sclopetariorum exercitu, statuit rursus ipsam urbem summis viribus oppugnare. Verū cū iam Mahumetes se amplius Regi resistere non posse videret, decreuit ipse Regem adire, atq; ita pace si fieri posset composita, patriam ab hostibus liberare. Quare adsumpto legati habitu, literas propria manu scriptas ad Regem pertulit. qui postq̄ has perlegisset, interrogavit legatum quidnam sibi de Dubdu principe videretur? Mahumetes respōdit insanire prorsus, qui regi Fessæ resistere conaretur. Cui Rex, si iam hominem deuicissem (spero autem deuicturū propediem) membratim, inquit, illum lacerandum darem. Ad quod tum Mahumetes, Quid si ille supplex huc veniret, inquit, atque peccatum agnosceret, an nē tūc demum illum Rex in gratiam admitteret? Respōdit Rex: Per hoc tibi caput iuro, quòd si eo vt iam dixisti modo peccatum agnoscere velit, non solum in gratiam accipiam, verū & filiis illius filias meas despondebo: dotem præterea maximam adiungam, virisque principibus dignissimam. Verū si is insanire cōpit, vt tu dicis, certissimum habeo illum supplicem non venturum. Cui Mahu

DESCRIPTIONIS AFRICÆ

metes, Facile, inquit, veniret, si modò hoc quod iam dixit Rex præsentib. suæ aulæ magnatibus certissimum fore affirmet. Tum Rex, Satis id iam, inquit, affirmatum puto, quod præsentibus his quatuor iuramento astrictum fuit, habes hic secretarium meum primarium, exercitus ducem summum, meum item socerum, maximum denique Iudicem atque sacerdotem Fessæ, quatuor horû testimonium tibi hac in re modo sufficiat, Mox Mahumetes ad Regis pedes procidens: Ecce cum, inquit, hominem, qui supplicè peccatum agnoscens, Regis implorat benignitatem atque clemētiam. Tum Rex illum humo sustulit, osculo excepit, amicisq; verbis allocutus est. Deinde utramque filiam accersi iussit, quas Mahumetis filiis in vxores dedit; quibus omnibus transactis Fessanus exercitū ab eo monte amouit, Fessamq; victor rediit. Hæc autem Hegiræ anno noningentesimo quarto: à Christo nato millesimo quadringentesimo nonagesimo quinto acta sunt. Ego anno Hegiræ noningentesimo vicesimo primo hanc urbem inuisi, vbi humanissimè à dicto Mahumete, propter literas quasdam commendatitias, quas à Fessæ Rege atque eius fratre afferbam, exceptus fui. neque desinebat ille rogare quidnam, & quomodo omnia apud Fessæ Regem gerebantur.

¶ Teza ciuitas.

Teza ciuitas maxima, nobilis atque opulentissima est, ab Africanis in quinto ab Atlante miliario exstructa, distat à Fessâ quinquaginta, ab Oceano triginta, à mediterræ-

heo autē tantū septem miliaria, ea via qua Ga-
 reto Chasafan iturnum: erat autem familiarum
 plus minus quinque milia, domos habet structura
 non admodum elegantes, nisi quod fortasse no-
 bilium palacia, collegia, atque templa, aliquantulo
 sint ornatiora: defluit ab Atlante riuulus quidā,
 qui per huius ciuitatis summum templum de-
 currit: fit autem interdum ut à vicinis propter
 certum inter eos dissidium flumen huic ciuitati
 adimatur, atque aliò ducatur, ita ut ciuibz maxi-
 mum inferant incommodum: tum enim neque
 edificare possunt, nec aquam habent potabilem,
 nisi turbidam è quibusdam cisternis sibi petant:
 quæ res sepe numero facit, ut pacem cum vicinis
 inire cogantur. Hæc autem ciuitas cum opulen-
 tia, tum & ciuium frequentia tertium in tota hæc
 regione sibi occupat locū: templum habet, quod
 Fessanū templum magnitudine superat: tria hic
 reperiēs collegia, hypocausta frequentissima, hos-
 picia ferè innumera. Habet hic artes suum quæ-
 que locum, non aliter atque quod antea de Fessa
 diximus: incolæ animosi atque ingenio liberales,
 qua in re Fessanos etiam superant: magnam hic
 literatorum atque doctissimorum virorum repe-
 riās copiam, diuitiis affluunt: ager enim illis fe-
 licissimus est atque foecundissimus. Extra huius
 urbis mœnia campos reperiēs spatiosissimos, flu-
 uiolos cumplures, quibus horti omnis generis
 fructibus copiosissimi irrigantur: inuenias & hic
 vinearum maximā copiam, hæc vias palato gra-
 tissimas producūt, unde & Iudæi (horum quin-
 gentæ numerantur familiæ) optimum sibi vinū

DE DESCRIPTIONIS AFRICÆ

conficiunt, adeò vt nusquam generosius in tota Africa vix reperiri possit. Est & in hoc oppido insignis quoddam castrum, in quo se totius oppidi princeps continere solet. Huius oppidi imperium Rex Fessæ secundo suo filio legauerat, cū merito Regia ipsa hic esse deberet, idque propter aërem tam æstate quàm hyeme saluberrimū: hic se Marini nobiles per totam æstatem continere solent, idque cū propter loci salubritatem, tum vt regiones illas ab Arabibus tutas seruariet qui deserta inhabitabant: hi Tefam quotannis accedebant, atque omnia quæ victui illorum necessaria erāt, inde auhebant: dactylos Segelmessenos frumentis commutabant: plurimum pecuniarum huius ciuitatis ciues ab Arabibus pro frumentis recipiebant, quare hic ditissimi ferme oēs sunt, neque aliud ciues incommodum habent, quàm quod hyeme plateæ plus satis sint lutosæ. Fuit mihi in hac ciuitate cum sene quodam notitia, quem vulgus non aliter atque diuum quendam venerabatur: hic ditissimus erat, fructuum, agrorum, aliarumque rerum quas à populo receperat maximā habebat affluentiam. Fessani huius visendi studio per quinquaginta miliaria (tantum enim hinc Fessā distat) confluere solebant. Ego quoque de sene nunq̃ viso nescio quid opinionis animo conceperam: postq̃ autem vidissem, nullā omnino præ ceteris excellentiam in illo reperire potui, nisi quod portentis quibusdā indoctā plebem mirè illudebat. Latè igitur huius oppidi patet imperiū, montes cum plures se habet, quemadmodum & iam iam suo dicetur loco.

¶ *Matgara mons.*

INsignis altitudinis hic mons accessusq; difficillimus, cum ppter vastas solitudines tum calles strictissimos, distat à Teza quinq; fere miliaria: in huius summitate ager est fecundissimus limpidissimis fontib. irriguus: accolæ nullis exactionibus grauantur, colligunt quotannis satis copiosam frugum, lini, atque olei copiam: pecudibus atque capris præsertim abundant: nihil omnino principes curant. Cum quodam die Fessæ Regem prælio vicissent, captiuum quendam ex ducibus Fessanis ad montis summitatem duxerunt, vbi infinitis suppliciis vel Rege etiam aspiciente miserum miserrime extinxerunt: quam obrem huic populo perpetuum fuit ab eo tempore cum Fessanis dissidium: septem fere numerant militum millia, reperiunturq; in eo monte circiter quinquaginta vici atque pagi.

¶ *Gauara mons.*

Est hic mons eiusdem fere cum iam dicto arduitis, distat à Fessa Occidentem versus quindecim fere miliaria: huius tam costæ quàm summitatis ager hordeo atque linofecundissimus est: extenditur hic mons ab Oriente Occidentem versus in longum octo, in latum verò circiter quinque miliaria: frequentes hic inueniuntur solitudines, simiis atq; leopardis refertissimæ: maxima accolarum pars telam texunt, ingenium illis liberale, agros huic moti subiectos excolere non possunt, propter perpetuas quas gerunt cum Fessano Rege inimicitias, cui neque censum annum, neq; tributum ali-

DESCRIPTIONIS AFRICÆ

quod persolvere volunt, idque fortasse propter loci munitissimi, rebusque omnibus ad victum pertinentibus copiosissimi naturam: non enim etsi per integrum decennium obsideretur, vllō tamen modo expugnari posse videtur, nec his vnquam aqua deesse poterit, cū duæ in illo monte sint aquæ scaturigines maximæ, quæ in suppositam planiciem delapsæ, duorum fluuio-
rum initia præbent.

¶ *Megefa mons.*

Est & hic mons accessu quoque non adeo facilis, fragosus est frequentissimis nemoribus refertus, nascitur in eo si uimenti minima, olei autem copia maxima: accolæ textores ferè omnes (prouenit enim apud illos lini sic satis bona copia) tam equites quàm pedites bellō plurimum valent: facies his omnibus candida, idque fortasse propter montis frigiditatem. hi quoque nullum enumerant tributum. hic etiam Fessæ atque Tezæ exules in tuto sunt, & cū illi maximam habeant hortorum atque vinearum copiam, abstemij tamen sunt: militem numerant septies millesimum: pagi numero ferè sunt quadraginta.

¶ *Mons Baron.*

Distat à Teza Septentrionem versus in decimo quinto miliario: accolæ ditissimi, potentissimi, maximoq; equorum numero copiosissimi. nullum cuiquam tributum persolunt. maxima in hoc monte prouenit frumēti, fructuum atq; vuarum affluentia, non tamen vinum conficiunt. Horum mulieres candidæ atq;

pin-

pinguiore, multo sese argento exornant: in hoc monte exules quoque recipiuntur, verum si quis alicuius vxorem cōrectare velit, de eo maximū sumūt supplicium, nihil enim est quod illi tam ægrè atque hoc ferant.

¶ *Beni Guertenage mons.*

ALtissimus maximèque arduus hic mons est, cum propter rupes præfractas, tum propter vastissimas in eo solitudines, distat à Teza circiter triginta passuum milia: magna in hoc frumēti, lini, oliuarum, citreorum malorumque cotoneorum odoriferorum prouenit copia: maximo pecudum atque armentorum numero ditissimus hic mons est, nisi quod equorū ac bouum mira illis raritas: incolæ strenuissimi atque liberalissimi, vestitu ornatissimo ciues etiā opulentissimos vincunt: pagi atque viri in hoc monte numero ferè trigintaquinque, armatorū verò numerant tria ferè millia.

¶ *Mons Gueblen.*

ALtissimus hic mons, frigidissimus atque spatiosissimus, continet in longum plus minus sexaginta, in latum verò, circiter quindecim miliaria. In Oriente monte Dubdu confinis est, in Occidente verò monti Beni lasga iungitur, distatque à Teza Meridiem versus quinquaginta ferè passuum milia: nullū dari potest anni tempus quo non multa niue huius summitas tegatur: incolas olim habuit validissimos atque ditiss. qui liberā admodum viuebant vitam: postea verò cum tyrānidem exercere cœpissent, reliquorum omnium montium accolæ maximis col-

DESCRIPTIONIS AFRICÆ

collectis copiis montem inuaserunt, omnibusq; quotquot erant interfectis, omnes pagos atque vicos hunc in modum incendio deleuerunt, vt in hunc vsque diem incolis prorsus vacuus remanserit: nisi quod nonnulli, qui parentum sæuitiæ atq; tyrannidis impatientissimi cum omnibus bonis in supremum môtis iugum sese receperant, vbi sanctè atque piè viuebant, his quidem parcitum est, remansitque illorum posteritas in hunc vsque diem in eo monte: illi omnes literati vitæque integritate sunt præditi, hinc fit quòd plurimi semper à Rege Fessæ habeantur: meo tempore hic senex quidam doctissimus maximique apud omnes nominis fuit, cuius consilio Rex ipse in pace cum aliquo populo inenda, aut re alioqui seria peragenda vti solet: in hunc, inquam, ceu in semideum quæmpiat, omnem fidem collocabat: quare senex ille à reliquis omnibus aulicis summo odio est habitus.

¶ *Beni Iesseten.*

Paret hic mons imperio principis Dubdu, accolas habet vilissimos atque circa vestitum sordidissimos. domus omnes ex iun-
eis marinis sunt compositæ, calceis quoque iun-
teis vtuntur, qui per hanc regionem peregrinan-
tur, ex quo facillè huius populi miserrimam vi-
tam quis colligere poterit. Nihil in hoc monte præter panicum prouenit, vnde illi panem aliq; edulia conficiunt: ad huius tamen radices non-
nullos reperies hortos, vuis, dactilis, malisq; per-
ficis fertilissimos. Mala autè persica in quatuor
partes secta nucleoq; reiecto, sole deficcare, atq;

in totum annum servare solent, hoc illi pro summis delitiis habent. Sunt in hoc monte frequentes ferrifodine: ferrum autē ad calcis equini modum cudunt, quod & illis interdum pro pecunia habetur, cuius maxima in hoc monte est penuria, nisi fortē fabri ferrarii sua arte sibi aliquā colligant pecuniæ summā: nam præter calces equinos, pugiones etiam obtusis cuspidibus conficiunt. Horum mulieres ferreos annulos in digitis atque auribus ornatus gratia gestare solent, vestibusque multo sordidioribus quā viri utuntur: perpetuò cum propter lignorum collectionem, tum quòd capras agūt, in nemoribus latent. Nemo hic qui civilitatem aliquam aut literarum habeat cognitionem, quin Beluino more viventes, nullum iudicium, nullamque habent humanitatem.

¶ *Selelgus.*

Nemorosus admodum hic mons frequentissimis pinis refertus est, fontesque in eo innumeri ferè reperiuntur. Domus non lapidibus, sed iuncis marinis construuntur, adeo ut vel minimo negotio loco amoveri possint, nec id quidem inconsultè, nam vernis quibusque temporibus relicto monte in planiciem subiectam migrare solent, unde statim post exitum mensis Maij ab Arabibus, qui deserta inhabitant, expelluntur: illi enim propter pecudum atque caprarum maximam copiam deserta relinquentes, fontes, locaque humidiora quærunt: hyeme autem, quoniam cameli frigoris sunt impatientissimi, ad sylvas tanquam ad loca calidiora redeunt. Innumeri

DESCRIPTIONIS AFRICÆ

in hoc monte sunt leones, leopardi, atque simiæ. Erumpit ex hoc mōte aqua quædam tanta cum violentia, vt saxum centum librarum aquæ impetu in litus eiectum ipse viderim: hic principium sumit Subu, qui maximus est totius Mauritanie fluius.

¶ Mons Beni Isga.

H Vitis montis accolæ ditissimi atque ciuitatis amantissimi sunt, iam dicto mōti sic adiacent, vt eo tantum de quo iam locuti sumus fluuius seisingantur ab inuicem: atq; quò facilius ab vno monte ad alium transeant, mirum quendam extruxerunt medium inter duos montes pontem. idque ea ferè industria: Ad vtrumque latus infixi sunt pali, in quorum summitate quibusdam rotulis iniectus est funis, ex hoc pendet ingens quædam sporta, quæ decem hominum capax esse posset, idq; ea arte, vt quoties in oppositum migrare montem volunt, sportam conicidunt, atq; attracto fune ex quo dependet sporta, facillimè rotularum auxilio per aërem trans fluuium illum vehuntur, verum istud interdum non fit sine maximo vitæ discrimine; idque præsertim si aut sporta, aut funis aliqua in parte sint attrita: adde quòd maximè interdum ea loci distantia adferat hominibus terrorem. Copiosissimus his est armentorum numerus, rara enim in hoc mōte nemora. Lana abundant subtilissima, ex qua illorum mulieres pannum texunt quem sericum esse putes, hic apud Fessanos maximo est in precio. Est & huic mōti magna quoque olei copia. Regi Fessæ imperio parèt, annuus

autem prouentus qui ex hoc monte ad octo ferè aureorum millia colligitur, antiquæ Fessæ præfecto numeratur.

¶ *Azganus mons.*

EX Oriente Selelgo, ex Occidente verò monti Sofroi confinis est: in Meredie montib, ad flumen Maluiam sitis, in Septentrione autem Fessæ territorio adiacet, patet in longum, quadraginta, in latum circiter quindecim miliaria. Visendæ est altitudinis, tantæque frigiditatis, vt ea tantum facie sit habitabilis, quæ Fessam respicit. In hac maxima est oliuarum aliorumque fructuum copia: frequentissimi ex hoc monte fontes in subiectam defluunt planiciem, vbi agros reperiās hordeo, lino, atque canabe feracissimos. Nostro æuo infinitæ propemodum mori in his campis sunt insitæ, vnde sibi mora cādida decerpunt, his vermiculos alunt qui sericū conficiunt. Hyeme solent tuguriola quædam vilissima inhabitare. Aqua illis intolerabilis est frigiditatis: nouimus nos quendam qui quoniā huius aquæ ciathum vnum exhauserat, per integrum trimestre incredibili laborauerat intestinorum cruciatu.

¶ *Sofroi oppidum.*

Sofroi oppidulum ad Athlantis radices distat à Fessæ Meridiem versus plus minus quindecim miliaria, ea ferè via qua ad Numidiā proficiscitur, ab Afris inter duos fluuios exstructum, qui vtrinque vuis atque omnis generis fructib. sunt copiosissimi: oppidum verò ad quintum vsq; miliare oliuis cinctū, ager illis lino

DESCRIPTIONIS AFRICÆ

tantum, canabe, atque hordeo accommodus est. Incolæ ditissimi, etli vestitu vtantur viliori, multoque oleo maculato, quod eam fortassis ob causam illis euenit, quia oleum Fessam venale conferunt. Nihil in hoc oppido egregij visitur, præterquam templum quoddam, per cuius medium flumen præterfluit latissimum, & ad cuius fores fons aquæ est limpidissimæ. Maxima autem huius oppidi pars cuiusdam huius Regis fratris negligentia perit, atque ruina plurimis in locis est deleta.

¶ *Mesilaga.*

○ Ppidulum hoc ad radices Atlantis à iam dicto distat Occidentem versus plus minus octo passuum milia, elegantissimo cinctum est muro, domos habet structura non admodum elegantes, singulis tamen suis fons est limpidissimus. Incolæ fere omnes figulinam exercent, quod optimi generis creta porcelanis valis accommoda abundant, ex qua ingentem testaceorum vasorum copiam conficiunt, Fessamque vendenda mittant: nam inde in duodecimo tantum Meridiem versus absunt miliario. Ager hordeo, lino, atque canabe fecundissimus est; maximam quottannis colligunt ficum atque aliorum fructuum abundantiam. In huius quemadmodum & in prædicti oppidi nemoribus vicinis, maximam reperies leonum copiam, non tamen vsque adeo nocent, namque vel bacillo aliquo facillime à quouis etiam timido abigi possunt.

¶ *Beni-Bacblul.*

A Ngustum hoc quoq; est oppidulum, ea Atiantis facie quæ Fessam respicit, exstructum: à Fessa circiter duodecim distat miliaria, nò procul ab hoc via est, quæ in Numidiam ducit. Per huius medium à monte vicino permulti defluunt riuuli, neque situ à iam dicto oppido magnopere differt, nisi quòd ad Meridionale latus nihil præter nemora habet, è quibus incolæ ligna sibi colligunt, atque Fessam venalia devehunt. Perpetuis vexantur aulicorum aliorumque exactioibus, neq; vllum fere inter hos reperiri potest ciuitatis vestigium.

Hain Lisuan.

A B Afris in planicie quadam montibus circumcincta exstructum oppidum, ea via, qua Sofroi ad Numidiam proficiscitur: nomen à fonte idoli sortitum est, quod hanc ob causam factum esse arbitratur. Eo tempore quo Afri adhuc idololatriæ dediti essent, templum habebat huic oppido vicinum, ad quod certis quibusdam anni temporibus maxima vtriusque sexus homines sub nocte confluere consueuerunt: hic sacrificiis absolutis atque luminibus omnibus extinctis, ea quisq; foemina potiebatur, quæ primo contactu sese offerebat. Mulieribus autem quæ huic ludo interfuerant, per integrum annum alicuius viri contactus interdicebatur: qui verò inde procreabatur pueri, ceu sacrae rei addicti ab huius templi sacerdote alebantur. In eo templo fons erat, qui & in hunc vsque visitur diem: cæterum nec templum, nec ciuitatis vllum iam reliquies monumentum, vtpote à Mahumetanis deleta

LIBER TERTIVS.

leta omnia. Fons aut primò lacū efficit, ac postea frequētissimis sese riuulis in planiciem effundit.

¶ *Machdia.*

Hoc oppidum in planicie medium inter Athlantem, syluas, atque flumina situm est, distat à iam dicto miliarib. plus minus decem. Conditorem habuit quendam apud gentem eam concionatorem, qui in hoc monte natus erat: eo tempore exstrui cœpit, quo Zeneti Fessanum regerent imperium. Postquam verò Luntunensium Rex Iosephus ad id regni successisset, hoc oppidum destructum est, atq; sic prorsus deletum, vt elegantissimum templum cum aliqua tantum muri parte remansit, incolæ autem Regi Fessano tributarij sunt effecti, idque anno Hegiræ .519.

¶ *Sachbel Marga, hoc est, viri validissimi planicies.*

Patet hæc planicies in longum quadraginta, in latum autem triginta fere miliaria: huic confines sunt montes quidam, qui cum Athlante contigui sunt: in his vastissimæ sunt solitudines, arborib. altissimis refertissimæ. Frequentissima hic atq; cateruatim reperies posita tuguriola, quæ à carbonariis fere occupantur: incredibilis enim ex his montibus Fessam deuehitur carbonum copia. Qui hic reperiuntur leones, adeò miseros incommodant carbonarios, vt & deuorent interdum. Elegantissimæ atq; crassissimæ hinc Fessam conuehuntur trabes. Planicies tota inculta est atque arida, ita vt vix quicquam boni in ea prouenire queat.

¶ *Az-*

¶ *Azzari Camaren.*

Est & hæc quoque planicies nemorosissimæ
dique montib. cincta, pratum ferè esse di-
cas, propter perpetuas in hoc loco herbas
amoenissimas: quare huc per totam ætatem pe-
cus agere, intraque sepes altissimas atque muni-
tissimas à leonum impetu secunda seruare solent.

¶ *Centiputeus mons.*

In hoc incredibilis altitudinis monte anti-
quissima reperiuntur ædificia, quibus etiam
vicinus est puteus tantæ profunditatis, vt
fundum nullo modo videri possit. In hunc ex-
tremæ demetiæ homines quidam funibus se in-
tromitti iubent, atq; manibus lucernam quan-
dam aut falcem circumferunt: infernè in mul-
tas stationes atque ceu solaria distinctum affir-
mant, atque postremò spaciosissimum quèdam
reperiri locum scalpellis cauatum, vndique ceu
muris cinctum, in quibus quatuor veluti ostia
sunt, quæ ad alia loca aliquantò angustiora du-
cunt, in his aquæ viux puteos esse dicunt. Fie-
quoque interdum, vt nonnulli hic vitam miserè
finiant: nam si fortè subitò ventorum impetu
lucernas extinguere contingat, nullo modo egres-
sum, vbi funis dependet, inuenire possunt, adeò
vt multa fame interire illos oporteat. A quodam
nobili Fessano mihi relatum est, fuisse quosdam
numero decem, qui huius putei miracula visen-
di cupiditate allecti, negotioque parati, tres pri-
mùm ingressi sunt, qui vbi iam ad quatuor illa
peruenissent ostia, duo simul hanc, tertius verò
solus illam sibi delegit viam. Postquam verò sic

DESCRIPTIONIS AFRICÆ

in varias partes diuisi, ad quartam ferè miliaris partem processissent, innumeri propemodum vespertilioes circum lucernas duorum volitare cœperunt, adeò vt altera volatu extincta sit: vbi tandem ad puteos viuos peruenissent, aliquot ibi hominum ossa albicantia inuenerunt, item & quinq; aut sex lucernas, quarum nonnullæ recentes, aliæ multa ætate corruptæ erāt: sed postquam nihil in iis puteis præterquam aquam reperissent, mox eadem qua venerant via reuersi sunt: vixque iam medium absoluerant itineris, cū subito ventorum impetu altera quoque lucerna fuit extincta. Postea variè huc atque illuc quærendo, atque frequentissimis in tenebris illis per rupes laplibus fatigati, nihil tandem spei reliquum esse inuenerunt: quare desperatis rebus multis cū lachrimis se diis cōmiserunt, ac nunquā eò redituros vouerunt, si semel euadere hoc periculum contingeret. Illi verò qui ante antri ingressum harum rerum ignari sociorum reditum exspectabant, postquā plus satis morari vident, mox & illi se tunc intromittunt, atque accensis lucernis socios multo cum clamore quærere cœperunt, atque tandem mœstissimos inuenerunt: tertium autem qui simili modo per loca illa obscura errabat, reperire non potuerunt, quare relicto eo rursum antrum egressi sunt. Qui porro relictus fuerat, postquā diu exitum quæsiuisset, tandem audiuit veluti latratum quorundam caniculorum, ad quorum latratum postquā viam parasset, mox quatuor incognita recensque nata (vt videbatur) inuenit animalia, his tandem subsequuta

secuta est mater, quæ lupæ non vsqueadeo erat dissimilis, nisi quod lupam magnitudine superabat: quare mirum in modum timere cœpit, verum nihil erat periculi, animal enim paratè fugere accessit, atque caudæ motu adblanditum est. Sic tandem post quâ multum temporis quæsiuisset, ad exitum tandem latus peruenit, periculumque effugit. Postremo namque nonnihil se luminis adeptum affirmabat, vt solent hi qui diu in tenebris versati sunt. Tandem verò hoc antrum multa aqua ad summum vsque repletum est.

¶ *Coruorum mons, qui & Cunaigel Gherben appellatur.*

Est hic mons iam dicto ferè contiguus, frequētissimæ in hoc syluæ, leones innumeri. Nullam hic ciuitatem, nullamque prorsus habitationem reperies, idq; fortasse propter nimiam eius loci frigiditatem. Ab hoc monte riuulus quidam defluit: rupes mirandæ est altitudinis, in qua infinita est cornicum atque coruorum copia, vnde & nomen loco inditum putat. Interdum cruentissimus Boreas tantam affert niuium copiam, vt è Numidia Fessam proficiscentes misere extinguat, vti & primo iam dictum est libro. Æstiuis quibusque temporibus Arabes vicini, qui Beni Essen appellantur, ad hunc montem propter aquam frigidissimâ vmbraque gratissimam confluere solent, tametsi magnam leonum atque leopardorum copiam inesse sciant.

¶ *Tezergha oppidum.*

Aa ij

Te

DESCRIPTIONIS AFRICÆ

TEzerglia oppidum angustissimum instar propugnaculi ab Afris in ripa fluuioli cuiusdam exstructum, qui ad iamdicti montis radices præterfluit: vilissima hic est cū incolarum tum ædificiorum conditio, ab omni namq; humanitate atque ciuilitate alienissimi sunt. Qui inter montes vicinos continetur ager, non adeo magnam producit hordei atque malorum persicorum copiam: Omnes quorundam Arabum, quos Deuil Chusein appellant, imperio parent.

¶ Vmen Giunaibe.

Antiquum fuit oppidum, ab Arabib. nunc deletum, à iam dicto in duodecimo fere distabat miliario, ea Athlantis facie quæ Meridiem respicit. Crebris quorundam Arabum incursionibus adeo periculosum est, vt vix illac quisquam iter facere audeat. Est huic oppido vicina quædam via, quam non nisi saltando præterire licet, nisi quis se hibus se correptum velit: cuius rei periculum se fecisse permultos affirmantes audiui.

¶ Beni Merasen mons.

Insignis altitudinis atq; frigiditatis hic mons: incolas habet equorum atque asinorum multitudinem ditissimos: neque frequentissimi hic desunt muli, qui absq; freno atq; ephippiis merces huc atque illuc deuehere solent. Domus illis non lapideis, sed iuncea constructæ sunt muris. Ditissimi omnes ferè accole, nullum Fessano persoluunt tributum, idq; fortasse propter montem natura munitissimum.

¶ *Mesettaza mons.*

EXtenditur hic mons ab Oriente Occidentem versus triginta fere in longum miliaria, in latum autē duodecim. In Occidente Edecseni planiciei confinis est, quæ & Temesne adiacet. iam dicto monti incolarum qualitate, equorum atque mulorum copia persimilis est. Reperies Fellæ doctissimorum hominum maximam copiam, qui ex hoc monte originem traxerunt: nihil tributi annumerant, nisi fortē Regi munuscula pro arbitrio missitent.

¶ *Xix montes.*

A Quodam flumine qui ex iisdem defluit nomē accepisse creditur, in Oriente Mesettaza terminatur, in Occidente Tediæ atque Dedis montibus confines sunt, in Meridie Numidiæ partē illam respiciunt, quæ Segelmessa appellatur, Septentrio autem Edecsen atque Guregræ planicie hos montes claudit, patent in longum centum fere, in latum verò circiter quadraginta passuum milia: numero autem quindecim sunt, frigidissimi maximeque ardui, unde & frequentissimi defluunt riuuli: incolas habet quos Sanagas vocant, homines cuiusvis auræ sæuitiæ, atque frigiditatis patientissimos: tunicā tantum vnam quatuor anni temporib. gestant, huic quædam ehlamis superinduitur: tibia atq; pedes panniculis ceu fasciis inuoluunt, nullo anni tempore caput tegunt. Maxima reperitur in hoc monte pecudum, mulorum atque asinorum copia, rariores verò solitudines. Nihil hoc populo scelētius, aut ad furta atque direptiones magis natū

DESCRIPTIONIS AFRICÆ

reperiri potest. Perpetuas alunt cum Arabib. inimicitias, quos miris quotidie afficiunt incômodis, atque vt magis ad furorem excitent, camelos interdum his ademptos ex montis alicuius vertice præcipitant. Est in hoc monte res quædam ferè incredibilis, serpentes enim adeò hominib. non nocent, vt prandendi tempore nò aliter atq; feles aut caniculi micas è mensa cadentes colligant, neq; aliquam cuiquam inferunt iniuriam nisi ab eodem prius lacessiti. Domorû muri cretacei, culmen verò atque tectum stramineum habent. Est & aliud horum montium incolarû genus, qui pecudum atque armentorû numero aliquanto sunt ditiores, quique tuguriola ex iuncis ferè composita incolunt. Hi Segelmessan lanam atq; butyrum venalia adferunt, idque his tantùm temporibus, quibus Arabes desertâ incolunt, fit enim sæpenumero, vt ab his adorti bonis omnibus spoliuntur. Maxima huic populo in bello est præstantia, ad extremû enim pugnare spiritum, quàm ab hostibus se capi malunt: iacula ferè terrena aut quaterna conferût, quibus sese ab hostiû impetu optimè defendere nouerût. Pedites semper præliantur, neque vnquam nisi maximo equitum numero superari possunt, solent quoque & enses atque pugiones circumferre. Nostis temporibus fidem publicam à vicinis Arabibus, atque illi vicissim ab his petere cœperunt, quæ res fecit vt aliquantò tutiores vtrinque essent mercatores. Fidem publicam etiam mercatores grandi emunt pecunia, qui alioqui nò adeò tuti proficiscerentur.

¶ *Garscluin oppidum.*

Antiquissimum hoc oppidum ad radices
 cuiusdam dictorum montium ab Arabi-
 bus exstructum est, nō procul à flumine
 Ziz. Muris munitissimis atq; elegantissimis cin-
 ctum est, qui conditorem habuerunt quendam
 Marinorū Regem. Ornatissima ciuitas est si quis
 muros atque mœnia respiciat, verū ciuitatem
 ingressus vilissimas domos maximèq; deformes,
 incolarum autem miram raritatē inuenias, idq;
 Arabum quorundam iniuria, qui à Marinorum
 familia cū descuiissent, hoc oppidum occu-
 pauerunt, atque ciues summis affecerunt iniu-
 riis. Ager illis fragosus atque incultus, Septen-
 trioni expositus. Ad fluminis ripam frequentes
 reperies molas atque hortos vuarum, malorū-
 que persicorum affluentia ditissimos, quæ omnia
 sole exficcare atque per integrum annum serua-
 re solent. Mira illis est pecudum inopia, quare &
 miserrimam agunt vitam, à Zenetis ad propug-
 naculi formam exstructū fuit, eo tantum animo,
 vt in Numidiam proficiscentibus securum
 preberet iter, postea à Luntunis & oc-
 cupata & funditus propemodum
 euerſa est. Est & hīc magna
 istiusmodi serpentum
 copia, quales in iam
 dictis montibus
 esse modo di-
 ximus.

Ioannis Leonis Africani

descriptionum Africae rerumq; in
ea memorabilium

LIBER QVARTVS.

¶ *Telensini regni exactissima descriptio.*



Abet hoc regnum suum in Occidente à fluminibus Za atque Mulua initium, in Oriëte flumine Maiori, in Meridie Numidiæ deserto, in Septentrione autem mari Mediterraneo clauditur. Hæc regio Cæsaria à Latinis fuit appellata, atque ab iisdem occupata: postea verò expulsis Romanis, rediit Cæsaria ad pristinos duces, hoc est, ad quendam Beni Habdul Guadi, qui ex stirpe Magratta originem traxerat. Remansit huius successoribus per trecentos annos, hoc est, ad ea usque tempora, dum potentissimus quidam Ghamsarè Zeieni filius illarum rerum potiretur. Huius posterì antiquo tandem nomine immutato, Beni Zieièni, hoc est, Zeieni nepotes, sunt appellati: fuit penes hos illius regni imperium trecentis & octuaginta ferè annis. Tandem à Fessæ Regibus qui ex Marinis origine duxerant, varia pertulerunt incommoda, adeò ut decem illi Reges qui Zeièno successerant, infœlici semper Marte pugnaverint, nunc hoc interfecto, nunc illo captiuo, tertio regno expulso, atq; ad proximos montes fugato. Neque defuit his à Tuneti Regibus maxima semper molestia: remansit tamè penes hanc familiam Telensini imper-

peritum, atq; tandem per centum ferè & viginti annos nullum omnino contra quenquam bellum gessit, nisi quòd à quodam Abu Feris Tuneti Rege, atque ab eius filio Hutmeno per aliquot annos Tuneto tributarium sit factum, idq; ad obitum vsque Hutmeni. Patet hoc regnum ex Oriente Occidentem versus in longum trecentis & octuaginta miliaribus, in latum autem à Meridie in Septentrionem, hoc est, à mari Mediterraneo ad deserta vsque Numidiæ non amplius vigintiquinque: quæ res facit vt frequentissimis Arabum, qui Numidiæ deserta incolunt, vexentur incommodis. Conati sunt semper Telenfini Reges maximis indies muneribus atque tributis cum Numidis amicitias alere, sed nunquam potuerunt insatiabilem illorum cupiditatem explere. Rarò admodum securè per hanc regionem peregrinari licet: maxima tamen hic est mercatorum frequentia, idque eò fortassè quòd Numidiæ vicina est, tum etiam quòd hæc ad Nigritarum regionem proficiscentibus iter patet. Duos nobilissimos eosdemque frequentissimos habet portus, alterum Horami, alterum Marsæ Elcabiri, ad quos maxima solet confluere Genuensium atque Venetorum copia. Verùm postea vterque portus à Serenissimo Rege Ferdinando occupatus fuit, idque totius huius regionis maximo incommodo: quare qui tum erat Rex (Abuchemmu appellabant) regno expulsus, atque à suis in fugam versus est: deinde in regnū restitutus Abuzeienus, qui per aliquot annos à Rege Abuchemmu proprio nepote in vinculis servatus

DESCRIPTIONIS AFRICÆ

uatus fuerat: verum hic minimum temporis potitus est regno. tandem enim a Barbarossa misere interfectus fuit, qui sibi armis belli Telenfini imperium vsurpauit. Quod ubi animaduertisset Abuchaimmu, qui a proprio populo fuerat eiectus, a Carolo Quinto Imperatore auxiliares copias petere coepit, quibus sese in regnum restitutum iri sperabat. Quod ubi impetrasset, maximo collecto exercitu bellum Barbarossæ intulit, quo tandem expulso, rursus regnum sibi occupauit, atque de iis maximū sumpsit supplicium qui antea in eius exilium conspirauerāt. Deinde militib. Hispanis stipendia numerauit, belli duces maximis oneratos muneribus dimisit, atque Imperatori Carolo satis amplū quotannis quoad vixit misit tributum. Post huius mortem successit eius frater Habdulla, qui fœdus antea inter fratrem atque Imperatorē pactum paruifaciens, Solimanni Turcarum Regis auxilio fretus, nihil ab eo tempore Carolo tributum numerare voluit: seruauitq; sibi in hunc vsque diem Habdulla Telenfini imperium. Huius regionis pars maxima inculta est, arida, atque aspera, eaque præsertim parte quæ Meridiem respicit. Maritimi autem agri aliquantulò fertiliores atque fœcundiores sunt. Qui oppido Telenfino circumiacet tractus, nemorosus est, nisi quod in ea parte quæ ad Occidentem mare respicit, montibus est refertissimus. Tenez quoque atque Alger regiones, montes habent omnium rerum affluentia fœcundissimos. Raræ in hac parte vrbes, raræq; castella, fœlicissima tamen atque maximè frugifera,

vti

vti & suo postea dicetur loco.

¶ *Angadi desertum.*

IN huius regni initio ad Occidentale latus desertum reperitur asperum, incultum, atque aridum, in quo neque aqua neque arbor vlla inueniri potest: extenditur in longū octuaginta, in latum verò quinquaginta fere passuum milia. Maxima hic est capreolorum, ceruorum, atque strutionum copia. Periculosissimum per id deserti mercatoribus Fessa Telenfinum proficiscentibus iter patet, idque propter Arabes quosdam, qui latrociniiis tantum sibi victum quærunt, idque præsertim hyeme, cum milites qui desertum à nebulonū seruare solent iniuriis, in Numidiam sese recipere cōsueuerunt. Innumeri in hoc monte pastores sunt, verum infinitis quotidie vexantur leonum incōmodis, qui non in greges modò, verum & in homines interdum sæuire solent.

¶ *Temzegzetum castellum.*

EO loco situm est hoc Castellum, vbi dictū desertū Telenfini territorio coniungitur, ab Afris in scopulo quodam exstructum, munitissimum quondam fuit, nec non & Fessanorum frequentissimis semper iniuriis expositum: est enim in via illa publica situm quæ Fessam ducit. In vicinis campis flumen quoddam reperitur, quod Tesure illorum lingua appellatur. Qui huic Castello circumiacent agri omnibus rebus victui necessariis, quantum huius incolis sufficere potest, sæcundissimi sunt. Paruit olim Telenfinorum imperio, quo tempore ciuitatem dixisses, nunc autem ad Arabes deuolutum, nihil aliud

DESCRIPTIONIS AFRICÆ

aliud ferè quàm stabulum esse iudices: nihil hîc aliud q̃ frumenta reseruant, ab incolis propter Arabum iniurias planè destitutū nunc inuenias.

¶ *Izli castrum.*

Izli castrum antiquissimum ab Afris in planicie quadam exstructum, quæ cum dicto confinis est deserto, huic nonnihil agrorum adiacet qui hordeo tantum atque panico accommodi sunt. Habuit olim incolarū satis magnam frequentiam, murisque cinctum fuit elegantissimis: postea verò belli iniuria solo æquati fuerūt, incolæ expulsi. Deinde post aliquot annos à quibusdam religiosis viris rursus inhabitari cœpit, qui apud Telenfini Reges, Arabesque omnes maximo in honore habentur. Hi illac prætereuntes liberalissimè atque magnificè per totam triduū excipiunt, ac a symbolos dimittūt. Huius omnes domus humiles sunt viliores, muris eretaceis tectum additur stramineum. Huic vicinus est quidam fluuius, vnde quicquid habent agrorū optimè irrigatur, idque insigni fit naturæ prouidentia: nam tantus huic Regioni est æstus, tantaque siccitas, vt nisi agri assiduò irrigarentur, nihil omnino hîc frugum prouenire posset.

¶ *Guagida oppidum.*

Antiquissimum hoc oppidum ab Afris in planicie spaciosissima exstructum, à mari Mediterraneo Meridiè versus quadraginta, à Telenfino autem totidem ferè distat miliaria, in Occidente atque Meridie Angadi deserto clauditur, agros habet fœcundissimos, hortos cum amœnissimos, tum ficus & vuis copio-

piofissimos. Per huius vrbum medium, flumen quoddam præterfluit, vnde sibi potui, cibisque coquendis aptissimā exhauriunt aquam. Muros reliquaque omnia ædificia sumptuosissima, miro artificio superba fuerunt: incolæ habuit olim ditissimos, humanissimos atque rei bellicæ exercitatissimos, postea verò eius belli iniuria quod à Fessāno cōtra Telenfini Regem gestum est, deleto hoc oppido, incolæ omnes fugerunt: finito tamen bello, noui incolæ noua sibi ædificia extruere, atque rursus inhabitare cœperunt: non potuit tamen ad pristinum reduci statum, neque iam plures quàm mille & quingentas domos habet. Cives nunc miserrimi, qui Regi Telenfini simul & Angadi Arabibus tributa exsoluere coguntur, vestitu vtuntur vilissimo: maxima penes hos magnorum asinorum atque mulorum copia est, vnde & satis bonam sibi colligunt pecuniæ copiam. Vetustissimo loquuntur Arabum more, neque lingua illis est corrupta, qualis vicinis omnibus illis est regionibus.

¶ *Ned Roma.*

Antiquissimum hoc oppidum à Romanis iis temporibus quibus illi adhuc Africanis imperabant, in spatiosissimo campo exstructum fuit, distat à monte duobus fere miliarib., à mari autem Mediterraneo circiter duodecim, estque huic vicinum quoddam flumen non admodum latum. Scriptum reliquerant illius temporis Historiographi, ad vnū eundemque quo Roma ædificata fuit modum, vnde & nomen deductum arbitrantur. Ned enim apud Arabes

DESCRIPTIONIS AFRICÆ

bes idem prorsus atque similis nobis significat: visitur in hunc diem huius oppidi murus: antiquiora autem alia omnia Romanorum ædificia deleta sunt, adeo ut rara illorum nunc reperiantur vestigia. Nonnullis in locis reparari nouisq; ædificiis reformari cœpit, verum structura multo inferiora atque antea fuerunt. Huius ager trugum vbertate felicissimus est; frequentissimi hic sunt horti, huiusmodi arborib. refertissimi, quæ siliquas producant, quo illi tam in hoc oppido, quam in suburbio vesci solent. Mel item habent quo illi cibis condiendis. uti solent. Est hic sic satis bona ciuium, atque textorum præsertim multitudo, conficiturq; apud illos maxima gossypij copia, ab omni tributo liberi sunt. Principes atque Reipub. administratores tantum pro arbitrio ab his creantur: & ut liberius cum Telenensibus negociari possint, munuscula interdum ad Regem mittere solent.

¶ Tebecritum oppidum.

EXiguum hoc oppidum ab Afris in quodam scopulo ad mare Mediterraneum extructum est, distat à iam dicto duodecim ferè passuum milia. Vicini omnes montes altissimi atq; inculti sunt, incolis tamen frequentissimi. Innumeri in hoc oppido inueniuntur telæ textores: siliquarum atque mellis maxima illis regionibus est affluentia. Perpetuò Christianorum metuentes impetum, diligentissime singulis noctibus agunt vigilias: non enim tanta illis suppetit facultas, ut milites aduersus instantes hostes alere possint. Agri illis non minus steriles sunt, quam inculti,

culti, atque fragosi: vel minimum duntaxat hic hordei atque panici prouenit. Ciues omnes vilissimo vtuntur vestitu, suntque ab omni prorsus ciuilitate alienissimi.

Hunain.

Oppidulum hoc ab Afris conditum structuræ elegantia, morumque integritate merito ab omnibus laudandum, portum habet turrulis vtrinque munitissimum: huius murus quoque altissimus est atque elegantissimus, eaque præsertim parte, quæ mari alluitur. Huc Veneti maximam quotannis solent conuehere mercium copiam, atque cum Telenfinis huius oppidi incolis negociari, distat autem hinc Telenfinum in decimoquarto tantum miliario. Ab eo tempore quo Oran ciuitas à Christianis fuit occupata, non amplius ausi sunt Oran proficiscitantes nequid sibi mali ab Hispanis, qui Oran occupauerant, inferri posset: quare ad hunc portum tunc primum Veneti venire cœperunt. Ciues quondam nobiles atque humanissimi fuerunt, gossypij atque telæ textores propemodum omnes. Elegantissima hic est domorum structura, quarum quælibet suum habet fontem: innumeras hic reperies vineas, in pergulas elegantissime reflexas. Pavimentum illis variis est distinctum coloribus: tabulata autem atque connexitates multo museaco sunt ornatissima. At postquàm de Orani excidio certiores facti sunt, reliqua vrbem aliò se contulerunt, Hunain habitatoribus vacuam reliquentes: nisi quòd fortasse Rex Telenfini certum hic alat peditum numerum, qui mercatorum

DESCRIPTIONIS AFRICÆ

catorum naues aduenientes obseruent. Ager illis fructibus, cerasis, malis perlicis, ficibus, atq; oli-
uis fecundissimus est: illi tamen vel minimum
inde sibi colligunt prouentum. Ego cum istac
praterirem, non potui quin summam deplorarem
calamitatem, ad quam huius oppidi ciues reda-
cti erant: eodem tempore huc naus quædam Ve-
neta adpulerat, quæ tantum prouentum secum
aduexerat, quantum ad quinquennium huic re-
gioni satis erat: vnde sibi Telenfini Rex quinde-
cim milium aureorū tributum numerari iussit.

¶ Haresgol.

Haresgol maximum atque antiquissimū
in scopulo quodam mari Mediterraneo
vndiq; cinctum fuit, præterquam in Me-
ridie, vbi via erat quæ in oppidum ducebat. A
Telenfino Septentrionem versus in .xiiij. situm
fuit miliario. Ciuium frequentia nobilissimum.
Huic imperauit quidam Idris, eiusdem auuncu-
lus qui Fessam condidit: atque huius posteri id
sibi imperium seruarunt in annum vique cen-
tesimū vigesimū. Venit tandem Rex quidam
atque Pontifex Cairaon, qui oppidum hoc fon-
ditus deleuit, remansitq; postea incolis vacuū
per centum ferè & viginti annos: deinde à qui-
busdam Granatis iterum incoli cœpit, qui cum
Mansore huc venerant: ille oppidum aliquantu-
lum reparauit, vt semper esset quò se milites tu-
to recipere possent. Post huius atque eius filij
mortem, rursum omnes expulsi sunt à Zanagiis
atq; Magræis populis, fuitq; hæc altera illius op-
pidi ruina, Hegira quadringentesimo decimo.

¶ *Maximæ opulentissimæque Telenfini
urbis descriptio.*

AMplissima hæc atque Regia ciuitas, non
certo constat quosnam habuerit condi-
tores : certissimū quidem est minimam
ab exordio, verū incrementis iisdem tempori-
bus maximè auctam, quibus Haresgol deletum
fuit. tum enim regnante familia quadam quæ
Abdulguad dicebatur, eum in modum accreuit,
vt sub Rege Abu Tefino familiarū numerauerit
sedecim milia. Egregia tum temporis fuit Respu-
blica, variis tamē indies à Iosepho Fessano Rege
incōmodis agitata, à quo per septem continuos
annos ingenti exercitu fuit obsessa. hic postquā
arcem quandam ad Orientale latus sibi constru-
xisset, obsessi ad tantam calamitatē sunt redacti,
vt annonæ caritatem diutius ferre non possent:
quare vno omnes impetu ad Regem venerunt,
atq; vt miseris ciuibus fame periclitantibus suc-
currere vellet, vno oēs ore rogauerunt. Ille mox
quænam essent eius cœnæ deliciæ indicauit, car-
nesque equinas hordeo coctas protulit. tum de-
mum cognouerunt, quàm nihilo melius Rex ha-
beret, quàm priuatorum miserrimus. Post hæc
concione cōuocata Rex apud populum persua-
dere conatus est, multò honestius esse in armis
mori pro patria, quàm calamitosam illam dege-
re vitam. Regis verba omniū animos sic ad præ-
lium committendum excitauit, vt die sequenti
hostem aggredi, atque ad extremum vsque sum-
mis viribus pugnare constituerūt. verū multo
foelicior illis contigit fortuna atque sperauerāt,

DESCRIPTIONIS AFRICÆ

eadem enim nocte Iosephus à quodam ex suis interfectus est: quod ubi nuncium ad ciues peruenisset, alacriori animo omnes urbē egressi, vel minimo negotio confusam multitudinem interfecerunt, atque post insperatam victoriam tantum sibi prouentuum ex hostium castris collegerunt, vt abundē omnibus esset, quo diutinam illam quam passi fuerant famem, explerent. Postea verò circiter quadraginta annis quartus Fessæ Rex Abulhesen, qui ex Marinis originem traxerat, in secundo miliario Occidentē versus oppidum construxit Telenfino vicinum. Deinde Telenfinum obsidione triginta mensium cinxit: crudelissimæ indies oppugnationes fiebant, atq; singulis noctibus nouum semper exstructū erat propugnaculum, adeò vt tandem Fessani Telenfino proximi minimo negotio urbem sunt ingressi, qua deuicta, Rex Fessam captiuus abducitur, ubi à Fessæ Rege capite trūcatus, cadauer inter vrbs sordes eiectum est: Habes hic secūdum Telenfini excidium. Post deletam omnem Marinorum familiam, Telenfinum multis in locis reparari, nouisque incolis reformari cœpit, adeò vt familiarum numerus ad duodecim milia accreuerit. Hic singulis artibus suus est designatus locus, quod & antea de Fessa diximus, nisi quòd Fessæ multo sumptuosiora sint ædificia. Frequentia hic templa atque elegantissima, quibus & sui sunt sacerdotes atq; concionatores. quinq; item collegia opere museaco sumptuosissima, quorū nonnulla à Telenfini, alia Fessæ Rege fuerunt cōdita: neque hic balnea, neque hypocausta desiderabis

rabis amplissima, quamuis non ea sit illis aquæ
 copia, qualis Fessanis est: innumera ferè hospitia
 ad Atrorū morem exstructa: inter hæc duo sunt,
 ad quæ Genuenses atque Veneti mercatores cō-
 meare solent. Iudæi hic latissimā quandam ma-
 ximamque vrbis partem occupant, hi omnes di-
 tissimi quondam fuerunt: dulipanium in capite
 gerunt, vt à reliquis ciuibus dinoscerētur: verum
 Hegiræ anno noningētesimo trigesimotertio tan-
 tum incōmodi à Rege Abuhabdulla passi sunt,
 vt mendicos ferè omnes effecerit: innumeri hīc
 fontes, qui omnes scaturiginem non procul ab
 vrbis mœnia habent, adeò vt facillimè ab hosti-
 bus adimi possent aquæductus. Huius murus al-
 tissimus est atque munitissimus, quinque in am-
 bitu sunt portę spatiosissimę, quarum quælibet
 suam habet custodiam, suosque census Regij re-
 ceptores. In Meridie palatium reperies Regium
 altissimis cinctum muris, quod in se alia quoq;
 permulta complectitur palacia, quibus nec fon-
 tes nec sui desunt hortuli amœnissimi: duabus
 ad hoc palatium portis aditus patet, quarum al-
 tera in planiciem, altera in ciuitatem educit, ha-
 betque hæc custodiam satis numerosam. habet
 Telenini territorium elegantissima sanè rura, in
 quibus se ciues per æstatē continere solent: nam
 præterquam quòd omnia hic prata rideant, fon-
 tes limpidissimi, omnium fructuum affluentia
 oculos hunc in modum pascunt, vt nunquam in
 vita quicquā amœnius me vidissē meminerim:
 ficus sole exsicari atque in hyemem asseruari so-
 lent: nō hīc amigdala, mala persica, melones neq;

DESCRIPTIONIS AFRICÆ

citriolos desiderabis. In tertio ab hac vrbe milia-
rio Orientem versus frequentissimæ sunt molæ
ad Sessitum flumen sitæ, reperies & alias nō tam
procul ab vrbe in monte Elcalha positas. Huius
oppidi partem Meridionalē occupant Iudæi, Cau-
sidici atq; Notarij: est & hic magna literatorum
frequentia, nec non & variarum disciplinarum
professores, qui à quinque antea nominatis col-
legiis aluntur. Ciues in quatuor sunt diuisi par-
tes, horum enim alij artifices, alij mercatores, alij
literati atq; doctores, reliqui omnes milites sunt.
Mercatores æquissimi, fidissimi, liberalissimi, at-
que Reip. vtilitatis fautores candidissimi: merca-
turam ferè semper cum Nigritis exercent. Arti-
fices securam, tranquillam, atque suauem viuunt
vitam. Qui sub Rege stipendia merent, corpore
omnes atq; viribus præstantissimi, satis largum
recipiunt stipendium, horum namque cuilibet
singulis mensibus tres enumerantur aurei illius
regionis, qui tribus aureis Italicis cum vnus au-
rei dimidio æquivalent. Studentes omnes prius-
quam ad doctoris gradum peruenerint, miserrimè
quidem viuunt, at postquam gradum eum
attigerūt, aut prælectores, aut notarij, aut deniq;
sacerdotes efficiuntur. Huius vrbis tam ciues q̃
mercatores, adeò circa vestitum sunt curiosi, vt
Fessanos etiam interdum superēt. Artificum ve-
stes breuiusculæ sunt, rarò dulipanum in capite
gerunt, solo pileo non incuruo contenti: calcei
ad medium cruris pertingūt. Omnium pessimè
vestiuntur milites, indusium enim latissimis ma-
nicis gestant, cui lintheamen latissimum ex gossy-
pio

pio confectum superaddunt, hoc se tam æstatis
quàm hyemis temporibus inuoluunt: nisi quòd
hyeme pellicea habeant indusia, quibus caputiũ
quoddam iniiciunt, quale apud Italos his in vsu
est qui aliquò peregrinantur, hoc illis à pluuiã
atque niue caput tegitur. qui literis incumbunt,
vario quisque vtitur vestitu, idq; cùm pro facul-
tatum, tum quoq; natiui soli ratione: doctores,
iudices atq; sacerdotes aliquatò superbius vesti-
untur atque splendidius.

Qui apud Telenfini Regem ritus seruentur.

NON dictu facilè quàm se magnificè Te-
lenfini Rex gerat, à nemine namq; con-
spicitur, neminem ad colloquium ad-
mittit, præter summos suæ aulæ principes, à qui-
bus postea omnia suo ordine peraguntur: varia
sunt hic officia atque dignitates, est enim prima-
rius quidam qui Regis vicem supplet, is reliqua
omnia officia pro suo quisq; honore distribuit:
exercitum instruit, atq; contra hostes interdum
copias educit. Deinde est & quidam qui Regi
primarius est à secretis, hic omnia scribit atque
annotat quæ ad Regem pertinēt. Est & alius qui-
dam Regi à thesauris, huius officium est tributa
atq; census recipere. Habet præterea Rex suum
pensionarium, qui omnia Rege imperante elar-
gitur. Est & custodiæ præfectus, hic quoties no-
biles ad Regem intromittuntur, custodiam ad pa-
lacijs portas admouere solet. Reperias deinde &
alia quædã officia viliora, hic enim stabulis præ-
ficitur, ille stapedes atque ephippia curat: est de-
niq; quidam qui Regi est à cubiculis, iisq; tãtum-

DESCRIPTIONIS AFRICÆ

modo horis, quibus ad Regē admittuntur aulici. Aliis enim temporibus Regis vxores, Christiani quidam, deinde & Eunuchi suum præstant officium. Regem splendidissimè vestitum superbè adornatus vehit equus. Inter equitandum rariores adhiberi solent ceremoniæ, neq; adeò numerosa illum comitatur pompa, vix enim millesimum numerabis equitem, nisi belli fortassè tempore, quo vndique Arabes aliæque nationes confluent. Quoties Rex ipse copias educit, non vsq; exigua illum sequitur tenteriorum supellex, neque tum Regem ab alio quouis dūce vestitu dinoscas: & quamuis innumeram ferè habet custodiam, non tamen faciliè credas quàm sit pecuniarum parcissimus. Aureos cudit auro aliquanto viliori, quales sunt ij qui apud Italos Billacchi appellantur, maiores tamen sunt, sic vt illorum quilibet Italicum aureum cum quarta vnus aurei parte pendeat. Argenteam quoque atque æneam cudit monetam. Huius territorium incolis nō admodum est copiosum, verū quoniam illac ex Europa in Æthiopiam proficiscentibus iter patet, maximum sibi colligit Telenfini Rex ex mercibus prætereuntibus emolumentis, idque ab eo præsertim tempore, quo Oran à Christianis fuit occupata. Huius Regis tempore Telenfinum factum est tributarium, quæ ciuitas antea semper fuerat libera: quo factum est vt ad vltimum vsq; vitæ diem à suis subditis summo fuerit odio habitus. Postea huius filius qui patri successerat, census quoque atque tributa exigere conabatur: quare à populo Regno expulsus, ad impera-

peratorem Carolum supplex venit, cuius opera, vt antea dictum est, in regnum est restitutus. Eo tempore quo Oran Telenfina Regis imperio parebat, numerabat ea regio annuorū prouentuum tria interdum, nonnunquam etiam & quatuor millia aureorum, quorum maxima pars in regni custodiam atque milites Arabes impendebatur. Ego per aliquot mēses in huius Regis aula agēs, maximam expertus sum eius liberalitatē. Multa fateor pratermissa in huius Regiæ descriptione, verū quoniā maxima in parte cum iis conueniunt quæ antea de Fessa diximus, ne quid lectori plus satis nausæ essemus, data opera negleximus.

¶ *Hubbed oppidum.*

Hubbed oppidulum ad castri modum exstructū, à Telenfino Meridiem versus in sesquimiliario positum. Satis copiosa est hic incolarum frequētia, ciues ferē omnes panni tinctores. Insignis sanctimonix quidam apud illos sepultus, quem quasi diuum quendam venerantur, ascenditurq; ad huius monumentū quibusdam gradibus, Sidi Bu Median appellabant. Egregium in hoc oppido collegium, nec non & peregrinantib. opulentissimum xenodochium, hæc à quodam Fessano qui ex Marinis originem duxerat, exstructa sunt, vt in marmore quodam insculptum reperies.

¶ *Defesra.*

EST hoc oppidulum in planicie quadam in decimo quinto à Telenfino positū miliario. Maxima hic est fabrorum frequen-

DESCRIPTIONIS AFRICÆ

tia, idq; fortasse propter quandam ferrifodinam: ager illis frumento feracissimus: omnes ferè fabrilem exercent artē, ab omni prorsus ciuilitate atque humanitate alienissimi.

¶ Tessela.

Antiquissimum hoc fuit oppidum ab Africanis in quadam planicie conditū, quæ viginti ferè miliariorum erat longitudine. tanta hic peruenit frumēti præstantissimi copia, vt vniuerso ferè Telenfini Regno satis sit: incolæ omnes tentoria inhabitāt, omnia enim huius vrbs ædificia destructa sunt, nomē tamen loco remansit. Numerauerūt & hi aliquando Regi Telenfini maximum quotannis tributum.

¶ Beni Rasid Regio.

Extendit sese hæc Regio Orientem versus in longum quinquaginta, in latum verò viginti quinq; fere passuum milia: ea parte qua Meridiem respicit, planicies est, altera verò Septētrioni exposita, montibus maximè fructiferis est plena: incolæ in duas diuisi sunt partes, horum enim nonnulli in montibus illis domos habēt sic satis ornatas: hi agricultura, aliisq; ad victum pertinentibus negotiis sese exercent. Alij aliquantò nobiliores in campis tantum tentoria habent, illi pecus cogunt, camelos aliaque armenta alunt. Variis indies vexantur incōmodis, Telenfini Regi censum numerant annum. Reperias in montibus illis aliquot pagos, atque inter hos duo sunt præcipui, quorum alter Chalhat Haōara est appellatus, in montis cuiusdam costa ad arcis modum fabricatus, mercatorum atque

atque artificum domos circiter quadraginta numerat: alter verò Elmo Hascar nuncupatur, in hoc se continere solet, qui in his regionibus Regis vicem supplet: in hoc diebus Iouis mercatus est frequentissimus, vbi armentorum, frugum, vuarum, passerum, ficuum, atque mellis maxima emitur copia: reperias quoq; & pannarios mercatores, aliosq; cum plures quorum enumeratio nō minus tædioſa quàm proluxa eſſet. Ego apud hos aliquoties verſatus, meo incommodo intellexi quàm ſint furtis mirè dexteri: colligit Telenſini Rex ex hac prouincia vigintiquinq; millium aureorum annuum prouentum, totidemq; milites exercitatiffimos numerant.

¶ *Batha oppidum.*

BAtha maximum, opulentiffimum, atque Afrorum multitudine copioſiſſimum, noſtris temporibus in amœniſſima atque la-tiſſima planicie exſtructum oppidum, vbi maxima frumenti prouenit copia. Telenſino Regi vigintiquinque millium aureorū tributum perſoluit. Verū poſtea eo bello deletū fuit, quod inter Regem atque eiufdem aliquot affines geſtum eſt. Hi Feſſani Regis auxilio potentiſſimi, quamplurima ſibi occupauerant Telenſini oppida: quicquid verò ſe armis belli ſeruare non poſſe videbant, incendio prorsus deleuerūt, adeò vt huius oppidi perexigua nunc reperire licet monumenta. Non procul hinc anguſtiſſimus præterfluit fluuiolus, qui vtrinque hortos habet agrosq; omnis generis frugibus fœcundiſſimos. Planicies item ad ea yſque tempora incolis fuit de-

DESCRIPTIONIS AFRICÆ

destituta, donec quidam Eremita cum suis huc appulit, quem illi tanquam insignis sanctimonie virum colebant: hic intra paucos dies adeo boum, equorum, atque pecudum numero ditatus est, ut neminem ferè habuerit in hac regione secundum. Nullum neque hic neque huius subditi tributum persoluunt, cum tamen (vti ex illius discipulis intellexi) singulis annis octo millia colligat frumenti modia, equos hunc habere quingentos dicunt, pecudum decem millia, boum duo millia: & singulis annis ex diuersis orbis regionibus afferuntur illi quatuor aut quinque aut reorum millia: adeo per vniuersam Africam atq; Asiam huius innotuit sanctimonia. Discipulos habet circiter quingentos, quos propriis alere sumptibus solet: his nihil aliud iniungitur q̃ vt singulis diebus certas legant Deorum inuocationes: quò fit vt permulti vndique affluant, qui inter huius discipulos numerari cupiunt, à quo tandem quibusdam ceremoniis edocti domum redeunt. Tentoria habet plus minus centum, quorum alia peregrinantibus, alia pastoribus, reliqua eius familie sunt fabricata. Habet vir sanctissimus quatuor vxores, m̃cipia autem quàm plurima, quæ vestibis vtuntur sumptuosissimis. Habent & filij suas quoque vxores atq; familias: ita vt tam Eremitæ quàm eius filiorum familia numerum quingentesimum excreuerit. Ab omnibus Arabibus, atque ab ipso adeo Telenfina Rege summè veneratur. Ego tandem quid viri esset scire conatus sum: per tres dies ab eo exceptus vnà cum eo in secretioribus ædibus cœna-

tus

tus sum, vbi inter alia libros quosdam cōmonstrauit, qui Magicam artem atque Alcumisticam docebant: ac omnibus modis persuadere studebat, Magiam veram atque indubitatam esse disciplinam, adeò vt Magus mihi visus est, quanquā ea nunquam vsum fuisse intellexi, neque quicquam curauisse, quā Deī quibuldā nominibus inuocationes.

¶ *Orania.*

Maximum hoc atque frequentissimum oppidum familias plus minus sex milia numerat. Ante aliquot sēcula ab Afris ad mare Mediterraneum exstructum, à Telenfino centum & quadraginta distat miliaria. Insignem hic videas ædificiorum, templorum, collegiorum, xenodochiorum, balneorum, atque hospitiorum structuram: muris vndique altissimis atque munitissimis cingitur, ab vna parte planiciem, ab altera verò montes habet altissimos. Maxima ciuium pars telam texebant, reliqui ferè annuis prouentibus viuebant. Non inagna hic proueniebat frugum copia, adeò vt nullo præterquam hordeaceo vefcebantur panes: incolæ omnes humanissimi atque exteris omnibus amicissimi. Fuit hoc oppidum Cataloniæ atque Genuæ mercatorum frequentia copiosissimum: in eo vicus quidam fuit qui in hunc vsque diem Genuensium appellatur. Perpetuum gerebant cum Telenfini Rege bellum, neque alium vnquam Principem admittere voluerunt, præterquam quendam qui tributum Regium à populo exigeret. Populus verò quendam è Con-

fuli-

DESCRIPTIONIS AFRICÆ

fulibus virum primarium elegerant, penes quem totius vrbis erat administratio. Mercatores propriis sumptibus milites alebant, qui crebris incursionibus Cataloniam, Geuisam, Maioricam, atque Minoricam maximè vexabant, adeò vt Oranita Christianorum mancipiorum propemodum erat plena. Postea Hispaniarum Rex Ferdinandus ingenti classe Oraniam aggressus de liberandis Christianis agere cœpit: sed infelici planè pugnavit Marte. Verùm post aliquot deinde menses Vasconum atque Cardinalis Hispaniæ copiis adiutus, Oraniam occupavit. Mauri enim milites maximo impetu erumpentes in Christianorum exercitum, ciuitatem militibus planè nudam reliquerant, quod vbi Hispani animaduertissent, ex alia statim parte urbem oppugnare cœperunt: quam (quoniam nemo præter fœminas resistebat) minimo negotio occupauerunt. Mox vbi Mauri Christianorum signa militaria in mœnibus sita viderunt, continuò ad urbem redeunt: atque sic maxima vtrunque cæde hùc in modum occisi sunt, vt paucissimi ex hoc prælio effugere potuerunt. Hunc in modum recepta fuit Orania Hegiræ anno noningentesimo decimosexto, qui Christi fuit M. D. VII.

¶ *Mersalcabir.*

Mersalcabir oppidulum nostris temporibus à Telenfina Rege ad mare Mediterraneum conditum, ab Orania minimo distat miliariorum interuallo. Mersalcabir autem idem illis atque nobis latissimus portus sonat: non enim puto talem portum reperiri posse

posse, qualis hic est: innumeras enim naues atq; triremes ab omni ventorum iniuria tutissimas seruare potest. Huc frequentissimæ Venetorum naues se recipere solent, vbi tempestatem aliquā imminere videbant: atque merces omnes per alias quasdam naues Oraniam deuehi curabant. Ab Hispanis eodem modo quo Orania tandem fuit occupata.

¶ *Mezzagan.*

E St & hoc quoque oppidulum ab Afris ad mare Mediterraneum exstructum, eo prope modum loco quo Selef fluuius in mare delabitur. Incolis satis est copiosa, atque Arabum frequentissimis iniuriis exposita. Huius Præfectus exiguum habet in eo oppido ditionis, in suburbio verò multò minus.

¶ *Mustuganin.*

M Vstuganin ab Afris ad mare Mediterraneum exstructa, distat in altera fluminis parte à iam dicto oppido Orientem versus tribus ferè miliaribus. Olim incolis fuit frequentiss. at postea paulatim decrescente Telensinorum imperio, innumeris Arabum iniuriis vexata fuit, ita vt hodie tertiam vix eius partem integram reperiatis. Familias numerat circiter mille & quingentas: templum habet ornatissimum, miroque artificio sumptuosissimum. Frequentissima hic est telæ textorum turba: domus elegantissimæ, quibus nec sui desunt fontes limpidiissimi. Per huius vrbis medium fluuius quidam præterfluit, ad cuius vtrunq; latus molæ sunt frequentissimæ. Non procul ab oppido ele-
gan

DESCRIPTIONIS AFRICÆ

gantissimi reperiuntur horti, verum inculti atque infrugiferi. Ager illis fecundissimus. Portum item habent, ad quem ex Europa quamplurimi solent confluere mercatores, quanquam non multum sit quod negocietur, propter maximam huius oppidi pecuniæ inopiam.

¶ *Bresch.*

Antiquum hoc oppidum à Romanis ad mare Mediterraneum fuit exstructum, distat à dicto oppido longo admodum miliariorum intervallo: incolis atque adeò telæ textoribus refertissimum: crucem quandam nigram in maxillam depingere solent, alteram item in vtriusque manus palma, estque hic mos ab his omnibus observatus qui in montibus Algeri, atque Bugiæ habitant, atque ex eo remansisse creditur, quod cum Gothi has regiones occuparet, quotquot Christi fidem assumere voluerunt, ab omni tributo liberos fuisse historiographi affirmant. Verum quoniam quoties tributum exigebatur, nullus erat qui non se Christianum esse profitebatur, ut à tributo liberaretur: quare tum decretum est, ut Christiani his crucibus ab aliis dinoscerentur. Tandem expulsis Gothis, omnes ad Mahumeticam redierunt fidem, remansit tamen depingendi cruces consuetudo, cuius rei vix illi nouerunt rationem. Solent & Mauritanie inferioris fortunæ homines huiusmodi depictam crucem in facie gerere, qualem nonnullos in Europa habere videmus. Est hoc oppidum sicubus opulentissimum, ager maxima lini atque hordei copia fecundissimus. Maximam illi cum vicinis

nationibus alunt consuetudinem, quorum consilio per centum continuos annos ab omni tributo liberi remanserunt: verum postquam Barbarossa id sibi imperium vsurpauit, maximis ab eo affecti sunt incommodis. Multi ficus atque linum ad transmarinas ciuitates Algiram, Tunetum, atque Bugiam deuehunt, vnde satis bonam sibi colligunt pecuniarum copiam: reperias & hodie hic aliquot Romanorum ædificiorum monumenta.

¶ *Sersel oppidum.*

Maximum atque amplissimum est oppidum à Romanis ad mare Mediterraneum ædificatum: postea à Gothis, tandem verò à Mahumetanis occupatum. Huius murus altissimus, munitissimus, atq; miro artificio insignis continet in circuitu miliaria plus minus octo. In ea parte quæ Mediterraneum respicit, amplissimum atque altissimum à Romanis conditum visitur templum, cuius pars interior marmorea est. Egregium olim in scopulo quodam ad mare Mediterraneum exstructum fuit munimentum: Ager illis fecundissimus est, & quam crebris Gothorum iniuriis vexatum fuit, Mahumetani tamen bonam sibi vrbis partem occupauerunt, idque per quingentos fere annos. Post Telenfinorum deinde bellum annis fere trecentis incolis vacua remansit. Tandem Granata à Christianis occupata, permulti Granatæ huc confugerunt, qui ædificia atq; bonam castri partem reparauerunt: postea naues quoq; exstruere coeperunt, quibus suas merces in alias deueherent

DESCRIPTIONIS AFRICÆ

herent regiones: adeò paulatim accreuerunt, vt nunc mille & ducentas numerent familias. Barbarossæ imperio iamdudum paruerunt, cui trecentorum tantummodo aureorû quotannis tributum persoluant.

¶ *Meliana.*

Meliana vrbs amplissima atque antiqua, conditores habuit Romanos, nunc vulgò Magnana corrupto vocabulo appellant. In summitate cuiusdam montis exstructa, distat à Mediterraneo mari in quadragesimo ferè miliario. Frequentissimi in eo môte sunt fontes atque sylvæ iuglandibus refertissimæ: Muris antiquissimis atq; altissimis cincta est. Ab altera parte rupes habet munitissimas, altera verò eodè ferè modo ex monte dependet quo Narnia, quæ vrbs Romæ vicina est: domos habet elegantissimas, quarum quælibet suum habet fontem. Incolæ ferè omnes textores sunt: nonnullos itè hic reperiatis qui elegantissima vasa conficiunt tornatilia. permulti quoque agriculturam exercent. remanserunt autem per multos annos ab omni tributo atque exactiōe liberi, donec tandem à Barbarossâ tributarij sunt effecti.

¶ *Tenez oppidum.*

Antiquissimum hoc oppidum ab Afris in costa cuiusdam montis non procul à Mari Mediterraneo exstructum, elegantissimis est cinctum muris, incolarum numero frequentissimū. Mira huic genti est rusticitas: perpetuo Regis Telenfinorum imperio paruit. Tandem Mahumetes eius auus qui nūc Regem agit,

tres

tres ab obitu filios reliquit, quorū natu maximus Abnabdilla, secūdus Abuzeuen, tertius verò Iahia fuit appellatus. Abnabdilla patri successit, quem fratres quorundam ciuium auxiliis adiuti interficere conati sunt. Postea autem re intellecta Abuzeuen captiuus in cathenis aliquandiu asservatus fuit. Postremò Rege Abuchemmen regno à populo expulso, Abuzeuen nō pristinæ modò libertati restitutus, verū & in Regem electus est, regnoque tantisper potitus est, donec à Barbarossa (vt antea dictum est) interfectus est. Iahia ad Fessæ Regem fugit, atque tandem à Tenez populo Rex proclamatus, regnavit per aliquot annos. Qui ab huius obitu fuit relictus filiulus, à Barbarossa quoque vexari cœpit, atque ad Carolum Hispaniarum Regem fugit. Verū cū iam plus satis morarentur promissa à Carolo auxilia, cūq; Tenez Princeps diutius abesset, inter omnes sparsus est rumor, eum vnà cum fratre Christianam fidem suscepisse: quare Tenez regnum mox ad Barbarossæ fratrem est deuolutū. Ager quidem satis est fecundus, verū aliarum rerum hic maxima est penuria.

¶ *Mazuna oppidum.*

Nonnulli à Romanis conditum volunt, distat à mari Mediterraneo miliaribus ferè quadraginta. Agros habet foelicifimos, muros munitissimos, domos autem vilissimas, structuraq; maximè deformes. Templum vtcunque elegans: fuit namque quondam id oppidum modis omnibus ornatissimum, sed crebris cū Telensinorum tum aliorum incurso-

Cc

nibus

DESCRIPT. AFRICÆ

nibus diminutū: cū tandem Arabum pareret imperio, ad vltimum peruenit excidium: sic v̄ hodie rariores hic inuenias inhabitatores, oēsq; aut telæ textores, aut agricolæ, Arabum frequentissimis molestiis miserrimi. Ager illis omnibus frugum generibus feracissimus. In huius oppidi vicinis locis quamplurima inueniuntur Romanorum ædificia, pagi, atque oppidula, quod ex characterum in marmoribus depictorum delineatione facillè deprehendere licet. Horum nomina nusquam apud Historiographos aut Chronographos reperiuntur.

¶ *Geseir, hoc est, Algira.*

Geseir Afris idem atque nobis Insula sonat: inde desumptum nomen putant, quòd Insulis Maiorica, Minorica, atque Geuifæ adiaceat: hanc urbem nos Algiram vocamus: conditores habuit Afros, qui ex familia Mesgana originem traxerant, quare & apud antiquos Mesgana fuit appellata. Spatiosissima est ciuitas, numeratq; familiarum quatuor ferè milia: muris elegantissimis atque munitissimis cincta. Ædificia hic visuntur artificiosa atq; sumptuosissima. Habet quælibet ars suum ad hoc designatum locum. Hospitiorum, balneorum, atque templorum mira hic est elegancia, atque inter cætera templum visitur ornatissimum atq; amplissimum in maris littore positum. Habet autem ea parte qua mare respicit, amœnissimum deambulacrum, eius ciuitatis muro superinstructum, qui maris fluctibus alluitur. Innumeri in suburbio reperiuntur horti, omnibus fructuum gene

generibus amœnissimi. In parte Orientali præterfluit flumen quoddam, quod molas frequentissimas agit: ex hoc etiam aquam potationi atq; rei culinariæ aptissimam exhauriunt. Elegantissimas habet planicies, quarum præcipuam Mæregia vocant, patet in longum quadraginta quinque, in latum verò triginta fere miliaria, estque hæc omnis generis frugibus feracissima. Per multos annos Telenfinorum imperio paruit: verum quum iam Bugiæ suum quoque Regem esse intellexerunt, quoniam huic viciniore erant, in huius deditionem sese coniecerunt. Videbant enim Telenfini Regem non posse magnopere ab hostium iniuria seruare, Bugiæ autem Regem maximas posse inferre molestias, quare census annum huic vel vltro obtulerunt, remanserunt tamen ab omni ferè exactione liberi. Post aliquot deinde annos huius vrbis incolæ, compositis sibi triremib. piratas agentes, cœperunt iam dictas Insulas mirum in modum infestare. Quare Rex Ferdinandus ingentem classem adornauit, qua se facile hanc urbem occupaturum putauit. In scopulo quodam altissimo huic oppido ex aduerso posito arcem quandam munitissimam construxit, neq; longius ab vrbe distabat quam vt bombardarum ictu eò facile pertingi posset, etsi nulla tamen in parte ciuitatis muris nocere possent. quare statim legati in Hispam missi sunt, qui decem annorum indutias peterent, ea lege vt singulis annis certum numerarent tributum, quod eis à Ferdinando concessum fuit. Remanserunt igitur per aliquot menses: a belli

DESCRIPTIONIS AFRICÆ

ſcruitia ſecuri: tandem verò Barbaroſſa ad Bugiæ
 obſidionem properans, poſteaquam arcem quan-
 dam ab Hiſpanis ædificatam occupafſet, mox e-
 tiam de altera recuperâda cogitauit, ſperans fore
 vt hac deuicta minimo negotio totius Bugiæ re-
 gnum occuparet. Verùm non omnia ei ceſſerūt
 ex animi ſentētia: quos enim ſecum adduxerat
 milites, maxima pars agrorum erant cultores.
 Hi ſimulatque ſerendi tempus inſtare viderunt,
 nullis etiam exhibitis libellis principem deſeru-
 erunt, atque ad agriculturam redierunt. Idem
 etiam Turcorum permulti fecerunt, adeò vt Bar-
 baroſſa re infecta obſidionem ſoluere coactus ſit.
 Priuſquam tamen inde diſcedere voluit, propria
 manu duodecim myoparones incendit, qui in
 flumine à Bugia in tercio tantum aberāt miliari.
 Deinde cum quadraginta in caſtrum Gegel ſe re-
 cepit, quod à Bugia ſexaginta ſerè diſtabat mi-
 liaria, vbi per aliquot remanſit dies. Interea Re-
 ge Ferdinando vita defuncto, Algiræ incolæ ſe à
 tributo liberarunt: viderunt enim Barbaroſſam
 bello plurimum valere, atq; Chriſtianis hoſtem
 inſeſtiſſimū eſſe; hunc igitur accerſitum, totius
 exercitus ducem conſtituerunt: qui mox arcem
 oppugnare cœpit, ſed parum aut nihil profecit.
 Poſt hæc Barbaroſſa vrbiſ præfectum in quodam
 hypocauſto clam interfecit. Hic Arabibus impe-
 rabat, qui in Mettegiæ planiciebus habitabant,
 Selim Ecceumi appellabant, ex ſtirpe Tehaliba
 originem traxerat, atque eodem tempore Argiræ
 præfectus creatus, cum Bugia ab Hiſpanis occu-
 paretur: atq; iam per multos annos regnauerat,
cum

cum à Barbarossa interficeretur. Deinde Barbarossa huius ciuitatis sibi imperium vsurpauit, monetam cudit, fuitq; hoc primum Barbarossæ regnandi principium. Iam dictis omnib. rebus ipse tum temporis adfui, quo mihi Fessa Tunetum iter erat, atque apud quendam hospitio exceptus, qui Legatus ab Algiræ populo ad Hispanias missus fuerat, vnde tria millia librorum Arabica lingua descriptorum contulerat. Deinde Bugiam profectus sum, vbi Barbarossam alteram illam arcem oblidentem reperi: postea Constantinam veni, atque inde Tunetum. Interea Barbarossam Telensini interfectum audiui, ac eius fratrem, qui Cairadin dictus est, in Argiri regnum successisse. Tum quoque Imperatorem Carolum duas misisse classes ad Argiram expugnandam intelleximus, primam in Argiræ planicie periisse, alteram postquam per tres dies continuos oppidum oppugnasset, partim interfectam, partim à Barbarossa in deditione redactam, adeo vt pauci admodum in Hispaniam redierint. Hæc Hegiræ noningentesimo vigesimo secundo, hoc est à Christo nato millesimo quingentesimo decimo tertio Anno acta sunt.

¶ *Tegdempt oppidum.*

Antiquissimum hoc oppidum à Romanis, vt nonnulli volunt, conditum: Tegdempt autem Arabibus idem atque nobis antiquum significat. Huius murus, quatum ex fundamētis colligere licuit, in circuitu decem erat miliariorum. Reperiuntur insuper & duo insignis altitudinis templa, deleta tamen, atque

DESCRIPTIONIS AFRICÆ

maxima ex parte solo æquata, eo tempore quo à Mahumetanis occupabatur, opulentissimum fuit, literatorum atque poetarum numero frequentissimū. Huic oppido præfuisse legitur eius Idridis patruus, qui Fessam condiderat, remansitq; imperium huius posteritati in centesimum fere & quinquagesimum annum. Postea eo bello deletum fuit, quod inter Cairaoan Pontifices gestum est, Hegiræ Anno trecentesimo sexagesimo quinto: nunc tantum huius oppidi vestigia aliquot videre licet.

¶ *Medna oppidum.*

Non procul à Numidiæ terminis exstructum, distat à mari Mediterraneo miliaria fere centum & octuaginta: in planicie quadam amoenissima maximeq; frugifera posita est, fluminibus hortisq; spatiosissimis cingitur. Incolas habet ditissimos, qui inter Numidas vt plurimum negociantur: tam circa vestitū quam circa rem familiarem sunt curiosi. Maximis indies Arabum incursionibus vexantur, & quoniam à Telenfino per ducenta fere miliaria abunt, hinc fit quòd nihil præsidij à Rege habere possint. Huic oppido præfuerunt quidam Tenez principes, deinde Barbarossa, atq; tandem eius frater. Nusquam tam magnificè atque hic exceptus fui: gens enim literarum cognitione rudissima, quoties doctum aliquem virum nacti sunt, maximo illum excipiunt honore, atque ab eodem lites omnes definitas volunt. Ego duobus illis mensib. quibus apud hos egi, plusquam ducentos lucratus sum aureos, adeoq; arrisit loci

amœ-

amœnitas, vt nisi aliò vocatus fuiffem, decreueram apud illos reliquum vitæ tranfigere.

¶ *Temendust.*

HOc quoq; oppidum à Romanis ad mare Mediterraneum exstructum est, distat ab Algira duodecim ferè passuum milia.

Satis frequens hic est portus, in quo Geseir naues in tuto sunt, his enim vix alius est portus. Hoc oppidum tandem à Gothis deletum, estque maxima Geseiri muri pars iisdem lapidibus exstructa, qui huius oppidi muro detracti fuerant.

¶ *Teddeles oppidum.*

AB Afris ad mare Mediterraneum conditum, à Geseiro in trigesimo distat miliaris, muris antiquissimis atque munitissimis cinctum est: bona ciuium pars panni tinctorum sunt, idque propter fluuiorum atque fontium frequentiam, qui per huius medium præterfluunt. Ingenium illis liberale, cythara ferè omnes atque testudine canere nouerunt. Ager illis feracissimus, frugibusq; felicissimus est. Vestitus ornatissimus: piscandi ferè cupiditate tenentur omnes, piscium autem tantam captant copiam, vt quibullibet ferè impartiantur, quò fit vt nullum in hoc oppido sit forù piscarium.

¶ *Montium qui in hac regione reperiuntur enumeratio.*

¶ *Beni Iesneten Telenfimi mons.*

Distat à Telenfino Occidentè versus quinquaginta ferè passuum milia, ex altera parte deserto Gareti adiacet, altera verò Angadi deserto iungitur. Extenditur in longum

DESCRIPTIONIS AFRICÆ

viginti quinque, in latum autem quindecim ferè miliaria, altissimus est, arduus, ascensuq; difficilissimus. Frequentissima in eo reperias nemora, in quibus maxima prouenit filiquarum copia, quibus huius montis accolæ tanquam cibo vulgariori vesci solent: mira enim his est hordei inopia. frequentissima hic reperiuntur mapalia. In summitate arx quædam est munitissima, quam totius montis principes inhabitant, inter quos crebra mouentur dissidia, nemo enim est qui nō sibi soli totius montis imperium ambiat. Cum his nonnihil mihi fuit consuetudinis, quos in Fessæ Regis aula noueram, quare & magnificè ab illis exceptus fui: reperiuntur milites in hoc monte ad numerum ferè decem millium.

¶ Matgara mons.

ADmirandæ altitudinis atque frigiditatis mons est, accolarum multitudine copiosissimus, distat à Ned Roma sex ferè passuum millia. Accolæ validi, sed non admodum opulenti: nihil enim in hoc monte præter hordeum prouenit, atque filiquarum maximam copiam: idem his cū Ned Roma est idioma, adeoq; illi inter se sunt amici, vt mutuo auxilio Telenfini Regi sese opponere audeant.

¶ Gnalhasa mons.

Altissimus hic mons oppido Hunain vicinus est. Incolis ingenium est ferocissimum, rusticum, atq; ab omni humanitate alienissimū: perpetuò cum Hunain populo belligerantur, adeò vt sæpenumero nō multum abfuerit, quin oppidum prorsus deleuerint.

Pro-

Prouenit in eo mōte siliquarum maxima copia,
frugum autem mira illis caritas est.

¶ *Agbal mons.*

Q Vi hunc montē incolunt, vilissimæ sunt
conditionis, Oranitarū imperio parent:
agriculturā exercent, ligna Oraniam venalia de-
uehunt. Iis temporib. quibus adhuc Mauri O-
raniæ imperarunt, aliquantō tolerabilior horum
fuit conditio: postquam verò Orania à Christia-
nis fuit occupata, huius montis accolæ ad sum-
mam rerum inopiam sunt redacti.

¶ *Beni Gnerened.*

A Telenfino tribus distat miliaribus, inco-
lis, omnium generum fructibus, ficibus
præfertim atq; cerasis est copiosissimus.
Incolæ aut carbonarij sunt, aut ligna colligunt,
nonnulli etiam agricultura se exercēt: & quan-
tum ex Regis Telenfini Secretario primario in-
telligere potui, colligitur in eo mōte singulis an-
nis duodecim millium aureorum prouentus.

¶ *Mons Magraua.*

E Xtendit se ad mare Mediterraneū in lon-
gum quadraginta ferè passuum millibus,
vicinus Multuganim oppido, cuius ante
descriptionē dedimus. Incolas habet nobiles atq;
in bello exercitatissimos, ager feracissimus, inge-
nio aut sunt liberali ac humanissimo præditi.

¶ *Beni Abusaid.*

N On multum distat à Tenez, incolarum
multitudine frequentissimus, vitam de-
gunt propemodum beluinam, sunt ta-
men viri in armis præstantissimi. Maxima illis
est

DESCRIPTIONIS AFRICÆ

est mellis, hordei, atque caprarum affluentia. Cera & coria Tenez conferunt, ac ibi Europæ mercatoribus vendunt. Quandiu Regis Telenfini affines huic monti imperauerunt, tributum numerauerunt aliquot aureorum millium.

¶ *Guanferis.*

Visendæ altitudinis hic mons accolas habet nobilissimos, hi Fesse Regis adiuti copiis bellum aliquando cum Telenfini Rege gesserunt, quod plusquam sexaginta durauit annis. Agrum habent feracissimum, fontium autem copiam maximam. Militum numerant viginti ferè millia, quorum duo millia & quingenti equites sunt. Horum auxilio Iahia Tenez regnū est adeptus: deficiente verò Tenez imperio, hi rapinis atq; prædationibus se exercuerunt.

¶ *Geseiri montes.*

Ad Orientem atque Occidentem solem in Geseiri locis vicinioribus frequentissimi sunt montes, maxima accolarum multitudine copiosissimi. Ab omni tributo atq; exactione liberi, ditissimi, & bello præ cæteris præstantissimi. Ager illis frugibus ferendis felicissimus, pecudum atq; armentorum copia opulentissimi. Sæpenumero inter se belligerantur acriter, adeò ut nō admodum tutum fuerit illac iter facere, nisi Religiosum quendam virum comitem habueris. Est & illis mercatus satis frequens, verum nihil hic præter pecudes, frumentum, aut lanam inuenies, nisi fortè aliquis ex vicinis ciuitatibus aliud quippiam mercium aduexerit.

Ioannis Leonis Africani

descriptionum Africae rerumq; in
ea memorabilium,

LIBER QVINTVS.

¶ Bagie & Tuneti regnorum descriptio.



VM antea Barbariae regnū in suas partes diuiderem, decreuerā de Bugia tanquam de regno quodam per se scribere: deinde animaduerti paucis tantum ab hinc annis regnum fuisse. paruit namq; Bugia Tuneti Regi, etsi per aliquot annos à Telensino fuerit occupata, tandem tamen à Tuneti Rege recepta fuit, qui filio suo huius oppidi imperium in manū dedit, idq; cum pro Bugiae tranquillitate seruanda, tum vt dissidium nullum post mortem inter filios exoriri posset. Reliquit autem ab obitu tres filios, quorum maximus natus Habdulahiz est appellatus, huic, vt iam diximus, Bugiae regnum legauit: secundo Hutmeno Tuneti imperiū reliquit, tertium autē, cui nomen erat Hammare, Dactyliferae regioni praefecit, hic statim bellum fratri Hutmeno mouere cepit, à quo tandem in oppido Alfacos captus ac utroque oculo orbis Tunetum ductus fuit, vbi caecus per multos annos vixit, Hutmenus verò Tuneti regnum per quadraginta administrauit annos. Bugiae princeps fratri per omnia fuit obsequentissimus, quare per multos annos tranquilissimè imperiū gessit, donec tandem à Rege Ferdinando cuiusdam Petri Nauariensis opera regno priuaretur.

Bn-

DESCRIPTIONIS AFRICÆ

¶ Bugia amplissima ciuitatis descriptio.

Bugio ciuitas antiquissima à Romanis, vt nonnulli volunt, in costa excelsissimi cuiusdam montis ad mare Mediterraneum ædificata. Muris altissimis atque structuræ antiquitate elegantissimis cingitur. Ea pars quæ nunc incolas habet, familiarum numerat plusquàm octo millia: quòd si omni ex parte ædificiis esset plena, plusquam vigintiquatuor millium domorum foret capax, est enim incredibilis ferè longitudinis. Mira hic ædificiorum, templorum, & collegiorum structura. Innumeri artium professores, quorum nonnulli ea quæ ad legem pertinent docent, alij disciplinas profitentur naturales. Non hic desunt monasteria ad illorum ritum composita, non hospitia neque xenodochia sumptuosissima: forum quoque latissimum hic visitur atque elegantissimum: plateæ autem ferè aut descendunt, aut ascendunt, quæ res non paruum negotiatoribus adfert molestiam. In parte ea quæ montem respicit, arx quædam munitissima, muris multoq; museaco sumptuosissima. Tam insignes in gypso atq; lignis sunt scripturæ summa elegantia summaque arte depictæ, vt multò pluris quàm ipsius muri structura constiterunt. Ciues habet ditissimos, qui Hispaniæ fines crebris indies molestiis vexare solent, idq; triremibus ad hoc instructissimis, quæ res oppidum ad excidium traxit. Eò namq; missus fuit Petrus Nauariensis cum quatuordecim tantum nauium classè. Ciues adeò delitiis dediti atque belli rumore exterriti, vt qui nunquàm in quen-

quam

quam bellum mouerant : mox ubi de Petri aduentu certiores sunt facti, Rex continuo se cum omnibus ciuibus in fugam coniecit, vrbeinque rebus omnibus atque diuitiis refertissimam Hispanis spoliandam reliquit, adeo vt vel minimo negotio capta fuerit, idq; anno Hegirę noningentesimo decimoseptimo, hoc est, post natum Christum, millesimo quingentesimo octauo. Mox Nauariensis expilata vrbe, arcem quandam in maris littore munitissimam exstruxit, alteram item quę neglecta in eum vsque tempus remanerat, reparauit, structura atq; militum numero munitissimam reddidit. Deinde post sex annos Barbarossa cupiens ciuitatem Christianis adimere, collecto mille tantum hominum satellitio, antiquam arcem expugnauit, fauerant enim Barbarossę omnes vicinorum motium incolę. Quam ubi pręsidio munitam effecisset, de altera quoque recipienda cogitare cępit: sed prima oppugnatione ę nobilibus, quos secum adduxerat, centum amisit: ex iis autem qui in subsidium venerant, quadringentos. quare Barbarossa inde fugatus, nunquam ab eo tempore huc redire voluit.

¶ *Gegel castrum.*

Gegel antiquissimum est castrum in altissima rupe, ad mare Mediterraneum ab Afris conditum, ę Bugia distat miliaribus plus minus sexaginta. Familias numerat ferę quingentas: ędificia hic sunt vilissima. Incolę liberali ingenio atque fidissimo sunt pręditi, agriculturam ferę omnes exercent: ager illis rigidus,

DESCRIPTIONIS AFRICÆ

dus, hordeo tantum, lino, atque canabe accommodus. Magna hic ficuum atque nucum copia, quas Tunetum cymbis quibuscumque deuenire solent. Remanserunt inuitis Bugiæ atque Tuneti Regibus ab omni tributo semper liberi: nullo enim modo nullave obsidione ab hostibus occupari potest mons ille loci natura munitissimus. Tandem tamen in Barbarossæ deditioem se ultro coniecerunt, qui nullum prorsus ab eis tributum exigit præter fructuum atque frugum quarundam decimas.

¶ *Mesila oppidum.*

A Romanis non procul à Numidiæ deserto conditum, distat à Bugia in centesimo ferè miliario: muros habet structura elegantissimos, domos autem vilissimas. Incolæ aut artifices aut agrorum cultores, vilissimo utuntur vestitu: crebris Arabum exactioibus Regisque Bugiæ quotidianis iniuriis miserrimi. Ego cum hac quodam die iter facerem, non tantum pabuli reperire potui, quantum duodecim equis satis erat.

¶ *Stefa.*

Romanos hæc quoque ædificatores habuit, distat à Bugia Meridiem versus sexaginta passuum milia, in planicie quadam amœnissima est sita, muris elegantissimis atque munitissimis cincta. Incolarum numero olim fuit copiosissima: sed ab eo tempore, quo à Mahumetanis fuit occupata, deinde etiam Arabum nequitia mirum in modum decrevit, qui bonam muri partem solo æquarunt, adeo ut in magno illo

illo antiquæ ciuitatis circuitu centum tantummodo relictæ sunt domus.

¶ *Necaus oppidum.*

IN loco Numidiæ confini à Romanis ædificatum, distat à mari Mediterraneo centum, à dicto verò oppido octuaginta ferè miliaribus: muro fortissimo atque antiquissimo cingitur. Flumine quodam alluitur, quod vtrinque iuglandes ac ficus producit, qui totius regni Tūneti præstantissimi habentur, solentq; Constantinam venales deuehi, quæ ciuitas in centesimo & octuagesimo inde distat miliario. Ager illis frugibus feracissimus. Inhabitatores ditissimi, liberales, ac circa vestitum satis curiosi. Communibus sumptibus xenodochium quoddam exteris illac iter facientib. fouetur. Est & hic collegium in quo literas addiscere volentibus victus datur atque amictus, Neque templum deest elegantissimum, optimeq; de omnibus rebus prouisum. Illorum fœminæ candidæ, nigro capillo, cute delicatissima, frequētissimè enim balnea accedunt. Domus ferè omnes vnicam habent contignationem, elegantes tamen sunt, habet enim quælibet suum hortum rosis damascenis, myrtis, camomillo, aliisque omnis generis floribus, necnon & fontium irrigatione amœnissimū. Hic pergulæ reperiuntur elegantissimæ, quæ æstiuis temporibus vmbra præbent gratissimam: & vt semel dicam, tam hic omnia rident, oculos pascūt, miraque amœnitate alliciunt, vt ægrè aliquis inde diuelli possit.

¶ *Chollo oppidum.*

Chollo

DESCRIPTIONIS AFRICÆ

C Hollo oppidum amplissimum ad mare Mediterraneum, & ad radices altissimi cuiusdam montis à Romanis exstructū, nullis omnino cingitur muris, fuerunt namque à Gothis solo æquati: deinde postquam Mahometani receperunt in deditiōem, nihilo meliorem muri munitionem reddiderūt. Egregia tamen hic est Resp. incolarum maxima frequentia, hi liberali omnes sunt ingenio, atque humanissimi. Maximè semper cum Genuensibus negotiantur, colliguntq; maximam ceræ atque coriorum copiam. Ager illis in monte feracissimus est: adeoque Tuneti atque Constantinæ principibus resistunt, vt in hunc vsque diem ab omni tributo liberi remanserunt. A Constantinētium iniuria facillimè liberantur, cū propter arduos montes interiectos, tum propter maximum itineris intervallum: distat enim à Constantina centum & viginti fere miliaria. Neque vlla ciuitas est in vniuerso Tuneti Regno, quæ cum hac omnium rerum opulentia, lociq; munitissimi natura vllō modo sit conferenda.

¶ *Sucaicada.*

A Ntiquissima hæc ciuitas ad mare Mediterraneum à Romanis exstructa, distat à Constantina trigintaquinque fere passuum miliaria, à Gothis vastata fuit atq; propemodum deleta: verū propter portum frequentissimum, & Genuensib. mercatoribus notissimum, Constantinæ princeps ædificia quædam amplissima Genuensibus in his regionibus negotiantib. exstruxit, in quibus se suaq; bona recipiant: deinde

in

in monte viciniore arcem quandam munitissimā edificauit, vt mercatorib. ab omni hostium impetu securus pateret accessus. Inter portum & Constantinam interiecta est via quædam nigris lapidibus strata, quales nonnullæ in Italia reperiuntur, quæ Romanæ appellantur, vnde certissimum colligi potest, Sucaicadam à Romanis fuisse conditam.

¶ *Constantinæ descriptio.*

H Vius vrbs cōditores fuisse Romanos, nemo negare poterit, qui muros munitissimos, altissimos, antiquissimos, nigris atq; elaboratissimis lapidib. compositos animaduertit. In monte quodam altissimo ea facie posita est, quæ Meridiem respicit. Rupibus altissimis cingitur: huic fluuius Sufegmare subterfluit, qui & rupibus etiam clauditur, adeò vt fluuius profundissimus, vnà cum rupibus vtrinque positis, Constantinæ ceu fossam quandam præbent. Ad Septétrionale latus murum habet crassissimum. Suntque duæ tantum viæ arctissimæ, quæ in urbem ducunt: quarum hæc ex Oriente, illa verò ex Occidente patet. Portas quoque habet maximas, amplissimas, atque elegantes. Familiarum hic plus quàm octo millia numerantur. Edificia passim sumptuosissima videre licet: quale summum est templum, duo collegia, tria aut quatuor monasteria, aliaque id genus cumplura. Hic quodlibet exercitium suum habet locum ab aliis secretū: incolæ honestatis amantiissimi, armisq; belli exercitatissimi. Mercatorum quoque maxima hic est affluentia, quorum alij pannum

DESCRIP. AFRICÆ

atque lanam venalia habent, alij oleum atque ferricum ad Numidas mittunt, telam aliaq; quam plurima dactilis & mancipiis cōmutant. Neque villa est in tota Barbaria regio, vbi tam paruo dactili emūtur. Solet Tuneti Rex Constantinæ imperium filiorum natu maximo dare: at qui nunc Regem Tuneti agit, primogenito Constantinam in manum dederat: qui cū bellum contra Arabes mouere cōpisset, primo prælio periit. Deinde regnum ad secundum filium est deuolutum, qui propter nimiam vitæ intemperiem præmatura morte periit. Huic successit tertius atque minimus natu, iste propter nimiam insolentiam atq; impudentiam ab omnibus summo odio est habitus, adeò vt nonnulli Regem interficere decreuerant: quod postquā pater intellexit, filium per aliquot annos captiuum Tuneti seruauit. Post hæc & alio cuidam, qui à fide Christiana ad Mahumeticam legem desciuerat, Constantinæ imperium tradidit: huic enim non aliter ac proprio fratri fidebat, cuius etiam fidei sapissimè periculum fecerat: hic per aliquot annos Rem. pub. summa cum tranquillitate administrauit. Est in hac vrbe in Septétrione arx quædam munitissima, eodem fere tempore ædificata, quo ciuitas ipsa exstructa fuit: hæc multò quàm antea inexpugnabilior est facta, per quendam Elcaid Nabil, qui tum Regis vicē gerebat: maximè autem semper ea arx ciuitatem vicinosque omnes Arabes coarctauit, quorum ducem potentissimū captiuum seruabat, neque prius dimisit quàm treis filios obsides reliquisset. Tandem verò eò
su

superbiæ peruenit, vt monetam propriam cuderit, maximo interim Regis ac Principis contemptu, quem crebris tamen donis atque muneribus sibi conciliare studebat. Postquam igitur regni successus à primo principio maxime differre viderunt, qui antea amauerant, summoq; honore habuerant, cōtinuò animum omnem exuerunt, atque principem deseruerunt. Et cū in Numidia ciuitatem quandam obsideret, quā Pescaram appellabant, sensit à nōnullis sibi insidias parari: quare mox Constantinam redire cū vellet, reperit occlusas portas: vnde statim ad Tuneti Regem profectus, ab eodem in vinculis asseruatus fuit, neq; prius in pristinam restitutus est libertatem, quā centum millium aureorum summam Regi numerasset. Postea Regiis adiutus copiis in regnum fuit restitutus: deinde cū in vrbe quosdam primarios sæuire cœpisset, rursus ciues ad arma vocauit, qui mox arcem eam ad quā confugerat obsidione cinxerūt, quæ res tantam principi adtulit mœstitiam, vt intra paucos dies animi dolore interierit. Populus autem vbi in gratiam cū Rege rediisset, nullum ab eo tempore extraneum principem recipere voluerunt: quare iterum Tuneti Rex filios suos misit, quēadmodum antea dictum est. Ager illis est frugibus omnibus feracissimus. Habet fluuius qui in ea planicie præterfluit hortos vtrinque feracissimos, si rectè colerentur. Extra hanc ciuitatem egregia visuntur ædificia, atq; antiquissima. Distat ab vrbe in sesquimiliario arcus quidam triumphalis, quales Romæ nōnullos videre licet:

Dd ij. vul-

DESCRIPTIONIS AFRICÆ

vulgus arcem fuisse putat, in qua infiniti se continebant dæmones, vnde à Mahumetanis eiectos dicunt, cùm illi Constantinam inhabitarent. Ad flumē quibusdam gradibus descenditur rupi incis: in ipso autem flumine domus quædam est rupi quoque sic incita, vt tectum, columnæ, & muri vnā tantum efficiant partem, hic Constantinæ mulieres panniculos abluere solent. Est quoq; huic oppido vicinū quoddam balneū aquæ calidæ, quæ inter rupes fluendo diffunditur: hic maxima est testudinum copia, quas eius ciuitatis mulieres dæmones dicunt: & quoties contingit aliquem corripī febre, aut alio quouis morbo, illud mox à testudinibus profectum putant. Huic autem rei huiusmodi repertū est remedium: Gallinam quandam albam mactant, & adhuc plumis vestitam in lance quadam reponunt, quam cereis circumcinctam ardentibus ad fontem deferunt: qua re à nonnullis animaduersa, mox ad fontem taciti sequuntur, ac gallinas inde in suam culinam conferunt. Distat aliquantò longius ab vrbe, Orientem versus, fons quidam aquæ frigidissimæ, cui ædificiū marmoreum vicinū est, figuris quibusdam hieroglyphicis insignitum, quales Romæ aliisque permultis Europæ locis vidi. Illi verò putant aliquando ludum fuisse literarium, cuius quoniam tam professores quàm discipuli vitiosissimi erāt, in marmor mutatos dicunt. Incolæ bis in anno maximā in Numidiam solent mittere mercium copiam: & quoniam iter à latronibus Arabibus nō admodum securum sciunt, Turcas quosdam

sclo

sclopetarios grandi pecunia cōductos secum ducunt. Constantinæ autem mercatores Tunetum proficiscentes nullum omnino tributum persolunt, nisi quod fortasse ad Constantinæ egressum pro centum aureorum mercatura, duorum aureorum cum vnus aurei dimidio tributum persoluant.

¶ *Mela oppidum.*

A Romanis in duodecimo à Constantina miliario exstructū, munitissimisq; muris cinctum, familiarum numerauit tria ferè millia: rara autem hodie hic sunt ædificia, idque propter belli iniuriam. Est hic artificum sic satis copiosus numerus: horum maxima pars pannum texunt, vnde lodices conficiuntur. Est hic in foro fons quidam limpidissimus, Citesvæ lidissimi, verū rudiori ingenio præditi. Maxima hic est non fructuum modò, vnde deductum nomen putant, verū & carnum frugumque copia. Ad hanc ciuitatem Constantinæ princeps iudicē quendam singulis annis mittere solet, qui apud hos lites definiat, vrbisq; redditus annuos recipiat: sitq; sæper numero vt huiusmodi iudex à populo interficiatur.

¶ *Bona oppidum antiquissimum.*

A Mari Mediterraneo in centesimo ferè & vigesimo miliario à Romanis fuit conditum, Hypponem antiqui vocauerunt, vbi Diuus ille Augustinus Episcopum egit. Perit primò Gothorū imperio, deinde à quodam Hutmemo tertio post Mahumetē Pontifice occupatum atq; incendio deletum fuit. Post mul-

DESCRIPTIONIS AFRICÆ

tos deinde annos nouam quandam urbem in se-
 cundo ab hac miliario iisdem ferè lapidibus ex-
 struxerunt, qui Bonæ ciuitati detracti fuerant :
 noua autem Beld Elhuneb, hoc est, Ziziphorum
 ciuitas est appellata, propter magnâ eius fructus
 copiam: hunc autem fructum Sole exsiccatum,
 in hyemem seruant. Trecentesima ferè nume-
 ratur familia, domus omnes atq; alia ædificia vi-
 lissima sunt, nisi quòd ad mare templum quod-
 dam elegantissimum visitur. Incolæ omnes inge-
 nio sunt liberali, horum nonnulli mercaturam,
 alij artem aliquam exercēt. Bona apud hos telæ
 conficitur copia, quæ apud Numidas vt plurimū
 deferri solet. Huius oppidi ciues interfectis ali-
 quando rectoribus, auli sunt & Tuneti Regem
 minitari: atque ipsam urbem proculdubio Chri-
 stianis tradidissent, nisi à Tuneti Rege optimè
 cautum fuisset. Inuenias in hac ciuitate scelestis-
 simos quosdam homines, qui cū vestitu vtan-
 tur abiectissimo, ab huius ciuitatis incolis sum-
 mo habentur in honore. Nulli hic fontes; nulla
 aqua illis est præterquam pluuialis, quam illi
 cisternis quibusdam asseruare solent. Ad Orien-
 tale latus arx quædam est munitissima à Tuneti
 Rege ædificata, hic se urbis præfectus à Rege cō-
 stitutus continere solet. Huic oppido spatiosis-
 sima quædam est planicies, cuius longitudo qua-
 draginta, latitudo autem vigintiquinque conti-
 net miliaria: hæc frugibus ferendis est fœlicissi-
 ma, ab Arabibus quibusdam colitur, quos Mer-
 dez appellant: maxima his est armentorum atq;
 pecudum affluentia, pecuniæ verò summa pe-
 nuria

nuria: hi bonā butyri copiam Bonam quotidie
 ceferunt. Solent in hanc ciuitatem quotannis
 Tunetani, Gerbenfes, atq; Genuenfes confluere,
 maximamq; frugum atq; butyri copiam emere.
 Singulis diebus Veneris extra urbem nō procul
 à muris mercatum habent, qui in vefperam vſq;
 frequentiffimus eſt. Non procul hinc locus qui-
 dam eſt in mari, in quo eſt maxima corallij co-
 pia: & quoniam illud expiſcandi artem non no-
 uerunt, Tuneti Rex Genuenſib. quibuſdam mer-
 catoribus eius rei copiam fecit: qui quum pro-
 pter pyratarū crebras iniurias nihil efficere poſ-
 ſent, rurſum à Rege impetrarunt vt arcem in vi-
 cino loco exſtruerēt: verū huius vrbiſ incolæ
 id nullo modo permittere voluerunt, affirmātes
 tali aſtutia oppidū aliquādo à Genuenſib. fuiſſe
 occupatum, ac poſtea à Tuneti Rege recuperatū.

¶ *Tefas.*

Tefas oppidum ab Afris in coſta cuiuſdam
 montis cōditum, diſtat à Bona Meridiem
 verſus centum ferè & quinquaginta mi-
 liaria. Incolis olim fuit frequentiffimum, & dif-
 ciorum ſtructura ornatiffimū, verum poſtea ab
 Arabibus deletum. Tandem nouis receptis in-
 colis, remanſit per aliquot menſes à bello ſecurū
 deinde rurſum ab Arabibus fuit deſtructum. Po-
 ſtremo omnium (quoniam frumēti erat copio-
 ſiffimum) à quibuſdam Afris, qui Haoaroa dicti
 ſunt, receptum fuit, idq; auxilio cuiuſdam prin-
 cipis eius fratris qui Conſtantine principem E-
 uaſiri Tuneti Regis filium interfecerat: nunc au-
 tem à Tuneti Rege funditus deſtructū eſt quid-

DESCRIPTIONIS AFRICÆ

quid in oppido integri remanserat.

¶ *Tebeſſa ciuitas.*

MAxima hæc atque munitiſſima ciuitas à Romanis in Numidię loco cõfini ex-
ſtructa, diſtat à mari Mediterraneo me-
ridiem verſus ducenta ferè miliaria, huius murus
altiſſimus atque huiusmodi ferè lapidibus con-
ſtructus, quales in Coliſeo Romano videre licet:
neque vſpiam in tota Africa aut Europa tales vi-
diſſe muros memini. Domus tamen, reliquaque
ædificia viliſſima ſunt: latiſſimus per huius ciui-
tatis partem præterfluit fluuius: reperiuntur in
foro aliisq; cum pluribus in locis columnę quæ-
dam marmoreæ, quibus epigrammata atque ſen-
tentię quædam Latinis ſunt characterib. inſclu-
ptæ: ſunt & alię quædam marmoreæ columnę
quadratę tecto quodam coopertę. Huius plani-
cies etſi aridiuſcula, frugibus tamen eſt copioſiſ-
ſima. Eſt in loco quodam in quinto ab hinc mi-
liario ſito, tanta iuglandiũ copia, vt ſyluam den-
ſiſſimam eſſe dicas. Eſt huic oppido mons qui-
dam vicinus, antris profundiffimis reſertus, in
quibus gigantes aliquãdo inhabitare putantur:
verũ multis argumentis conuincitur à Roma-
nis iis temporib. incifa fuiſſe, cum illi urbem ædi-
ficaret: deſumpta enim faxa ex iſdem rupibus,
vnde compoſiti ſunt muri, quis non certiſſimũ
videret? Incolę auaritię, inhumanitati, mori-
buſque agreſtibus ſunt addictiſſimi, perpetuum
gerunt cum Tuneti Rege, nec non & cum vrbis
reſtoribus bellum: quare cum quodam die Rex
illac in Numidiam iter faceret, legatos in urbem
mi-

misit, vt quis esset ciuium erga principē animus
sciscitarentur: his responsum est, Viuant huius
ciuitatis muri. quare Rex indignatus, mox expu-
gnata vrbe capite nonnullos truncauit, adeoque
multis affecit incōmodis, vt ab eo tempore inco-
lis nuda remanserit: hæc autē anno Hegiræ acta
sunt noningentesimo decimoquinto, hoc est, à
Christo nato millesimo quingentesimo sexto.

¶ *Vrbs.*

LOci nomē satis indicat à Romanis exstru-
ctum fuisse oppidū, in amœnissima totius
Africæ planiciæ positum, quæ assidua forti-
tium irrigatione tam est frugibus omnibus co-
piosissima, vt inde satis frumenti Tunetū (quod
centum & nonaginta Meridiem versus distat mi-
liaribus) atque ad alias circumiacentes regiones
deuehatur. Reperias in eo oppido infinita pro-
pemodum monumenta Romanorū, vt sunt sta-
tuæ marmoreæ, Latinis literis sententiæ muris
vbique insculptæ: muri summa elegantia sum-
moque artificio sumptuosissimi. Fuit autem A-
frorum auxilio à Gothis occupatum, cū in eo
adhuc esset quicqd Romani sumptuosissimi aut
diuitiarum in Africa habebant. Post hæc per ali-
quot annos incultum remāsit, deinde nouos re-
cepit incolas, sic tamē vt pagus potius quàm op-
pidum haberi posset. Huic vicinus quidam præ-
terfluit fluius, cuius aqua limpidissima molas
aliquot agit, sumitque suum ferè initium à col-
liculo quodam in dimidio miliari ab vrbe pos-
ito. Incolæ omnes aut telam texunt, aut agros co-
lunt, maximisq; indies à Tuneti Rege afficiun-
tur

DESCRIPTIONIS AFRICÆ

tur incommodis. Verùm si tam illi quàm mihi nota esset huius regionis summa fertilitas, loci amenitas, aërisque salubritas, non dubito quin statim relicto Tuneto ad hanc migraret regionem. Optimè Arabes illam nouerunt, qui maximam quotannis frumenti copiam hinc in sua conuehant deserta.

¶ Beggia.

Beggia oppidum in monte quodam à Romanis conditum distat à mari Mediterraneo viginti fere passuum milibus, à Tuneto autem Occidentem versus plus minus octuaginta, ea via quæ Constantina Tunetum ducit. Verùm quandoquidem vox ea non sit Arabica, satis verisimile est primum nomen variis ab eo tempore mutationibus corruptum fuisse. Seruauit in hunc vsq; diem primos muros, oppidum munitissimum, atque de omnibus optimè prouisum. Frequentissima hic est textorum atque agricolarum turba, ager illis amplissimus omnisq; generis frugibus adeo fecundus, vt non illius regiones coloni sufficere possent, nisi vicinos Arabes ad id operis sibi adiungerent comites: remanet tamen satis ampla agrorum pars inculta: ita vt plurimum quotannis frumenti Tunetum mittant: maximis indies Regis Tuneti vexantur exactionibus, quæ res facit vt paulatim indies illorum respub. minuatur.

¶ Hain Samit.

Fuit hoc oppidum nostro æuo à Tuneti Rege conditum: distat à Beggia triginta fere miliaria: eam autem ob causam extru-

structum fuisse dicunt, ne quod adhuc agrorum incultum remanserat, vacuum foret. Deinde ab Arabibus, iubente interim Tuneti Rege, deletum fuit: nunc tantum turris aliaque quædam reperiuntur ædificia, quorû nonnulla tectum adhuc habent, reliqua verò non.

¶ *Casba.*

A Romanis in amplissima quadam planicie, quæ in circuitu duodecim continet miliaria, exstructa fuit, distat à Tuneto in vigesimoquarto miliario. Murus illi adhuc est munitissimus, cæterum oppidum ab Arabibus deletum, ager ubiq; incultus negligitur, idq; Tuneti Regis atq; illius regionis incolarû incuria.

¶ *Choros castellum.*

A B Afris non multis ab hinc annis ad flumen Magridan conditum, à Tuneto octo ferè distat miliaria: agris feracissimis est cinctû. Estque huic sylua quædam vicina oliuis refertissima: tandem ab Arabibus quibusdam destructû fuit, qui Beni Heli appellati sunt: hi perpetuum cum Tuneti Rege gerunt bellum, neque aliunde sibi victum q̃ furtis atq; direptionib. quærunt.

¶ *Biserta.*

B iserta ciuitas antiquissima ad mare Mediterraneum in trigesimo quinto à Tuneto sita miliario, conditores habuit Afros, exiguæ est magnitudinis: incolæ miserrimi sunt. Est huic quidâ fluuiolus vicinus, qui principio arctissimus deinde paulatim fluendo mirum in modum augetur. Vtrinque magna habitat piscatorum atq; agricolarum frequentia. In Occidentali

DESCRIPTIONIS AFRICÆ

tali autem fluminis parte spatiosissima quædam planicies, Mater vocant, frugibus ferendis feracissima, verum Tuneti Regis atque Arabum molestius plus satis vexata. Maxima in hoc flumine capitur piscium copia: post mensem Octobrem genus quoddam piscis capitur quod apud Afros Giarapha appellatur, eundem piscem esse crediderim, qui Romanis Laccia appellatur: tum. n. pluvialis aquæ accessiōe, huius fluminis aqua dulcis efficitur, qualem maximè huiusmodi pisces amare dicunt. Altiss. est flumē, capiunturq; in eo pisces ad finē vsq; mensis Maij: sed ab eo tempore pisces minuuntur multoq; aridiores efficiuntur, quæadmodū qui in flumine Fessæ vicino inveniuntur.

¶ *Cartago oppidum maximum.*

Notissimū hoc atque antiquissimū oppidum à quodam populo exstructum fuit, qui ex Syria huc venerant. Alij verò à Regina quadam conditum malunt. Ibnu Rachich historiographus à quodam populo exstructum putat, qui Barca huc venerat, ab Ægypti Rege regno expulsus: Quare nihil est in præsentia quod de huius conditorib. affirmem: nam præterquam quod variè Afri atq; Historiographi inter se dissentiunt, nemo est illorum qui inde aliquid scriptū reliquerit, nisi post Romani imperij decrementum: quo tempore quotquot Romanorum in Africa reperti sunt, à Gothis regno fuerunt eiekti. Postremò autem Tripoli Barbariæ atq; Capis à Mahumetanis occupatis, duarum illarum vrbium incolæ Cartagine veniunt, quò se nobiles Romanorum atque Gotho-

rum

rum receperant, qui Mahumetanis resistere conati sunt: verum post multa prælia, Romani Bonam profecti, Gothi verò Cartaginem Mahumetanis spoliandam atque delendam reliquerunt; quæ postea per aliquot annos inculta remansit; donec Pôtifex quidam Elmahdi nouas colonias introduxisset: vigesima tamen vix sui parte habitatores habuit. Visuntur in hunc diem aliquot tantum muri reliquæ idque vsque ad quandam cisternam latissimam atq; altissimam. remansit quoq; quidam aquæductus, qui aquam è montè quodam triginta inde distante miliaribus in urbem ducebat, illi propemodum aquæductui similis qui & nunc Romæ visitur. Reperies quoque non procul à Cartagine antiquissima quædam ædificia, quorum descriptio memoriæ prorsus excidit. Habet autem Cartago tam in Occidente quàm Meridie hortos omni fructuum genere copiosissimos, adeò vt inde ad Tuneti Regnum satis fructuum reportetur. Quæ huic loco vicina est planicies feracissima est, verum non admodum spatiosa. Habet enim in Septentrione montem, mare, atque iam dictum flumen: in Oriente atque Meridie Bensart planiciei adiungitur, nunc autem ciuitas ad extremum miseriarum atq; calamitatum est redacta; viginti tantum aut vigintiquinque in ea reperiuntur mercatorum officinæ, domus autem vilissimæ numerum vix attingunt quingentesimum. Nostris temporibus ornatissimum hic fuit exstructum templum, necnon & collegium amplissimum, quanquam nemo adhuc est qui in eo literis det operam. Ciues omnes etsi miser

DESCRIPTIONIS AFRICÆ

ferrimi sint, multa tamen superbia inflantur. Videnturque magnam præ se ferre religionem. Horum maxima pars aut hortos aut agros colit, verum Regiis exactionibus miserrime quotidie vexantur.

¶ *Maximæ Tuneti ciuitatis exactissima descriptio.*

TVnetum ab Arabibus Tunus appellatur, quanquā illi corruptum esse vocabulum putent, eò quòd nihil ea vox apud illos significet: apud antiquos Tharsis est appellata, qualis ea quæ in Asia est. Principiò angustissimum fuit oppidulum ab Afris ad lacum quandam exstructum, quod à mari Mediterraneo circiter duodecim distabat miliaria. Deleta verò Caragine, cœpit Tunetum cū edificiis tum & incolis mirum in modum augeri. Nam qui tum temporis Cartaginem incolebant, nullo modo illic remanere voluerūt, timebant enim ne quid auxiliij ex Europa mitteretur: quare Tunetum profecti sunt, quā urbem ædificiis maximè tum locupletarunt. Venit postea quidam Hucba Vtmenus Pontifex quartus, hic persuasit nullum exercitum debere in maritimis ciuitatibus morari, quare aliam quandam ciuitatem ædificauit, Cairaoan appellauerunt, distabat autem à mari Mediterraneo triginta, à Tuneto centū ferè miliaria: huc se exercitus relicto Tuneto contulit, atque eius loco alius quidam populus Tunetum est introductus. Post hæc annis circiter centum & quinquaginta Cairaoan oppidum ab Arabibus occupatū fuit, huius princeps inde expulsus

Bugie regno imperauit: Tuneti autē affines quosdam habuit, penes quos totius ciuitatis erat imperium. Decem deinde annis Bugia à Iosepho Teflini filio occupata fuit, qui postquam huius principis humanitatem intellexit, regno illum expellere noluit: sed quandiu penes suos posteror imperium remaneret, Bugiæ regnū ab omni iniuria liberum esse voluit. Deinde postquā Abdul Mumen Marocci Rex Mahdian Christianis ademisset, Tuneto iter faciens id sibi imperium usurpauit. Tranquillissimè igitur Tunetum Marocci Regis imperio paruit, tantisper dum penes Abdul, eius filium Iosephum, ac deinceps eorum successores Iacobum & Mansorem stetit imperium. Post mortē verò Mansoris eius filius Mahumetes Emafir cōtra Hispaniæ Regem bellum mouere cœpit, vnde superatus Maroccum fugit, vixitq; deinde non multis annis. Fratri mortuo successit Iosephus, qui à quibusdam Regis Telenini militibus interfectus fuit. Statim post Mahumetis excidium, Arabes Tuneti territorium rursus inhabitare, vrbemque crebris obsidionibus vexare cœperunt: quare Tuneti princeps Marocci Regi per Legatos nunciauit, nisi statim auxiliares mitteret copias, ipse Tunetum Arabibus relinquere cogeretur: quare Rex ducē quendam (Habduluaiddi nominabāt, è Sicilia natum) cum viginti nauium classe Tunetum misit, quam iam ab Arabibus occupatā inuenit: verū tanta huic fuit eloquentia, vt omnia suo consilio in pristinum statum restituerit, atque prouētus annuos receperit. Patri successit Abu Zacharias, qui patrē

eru

DESCRIPTIONIS AFRICÆ

eruditione ingenijque dexteritate superauit. Arcem quandam in Tuneti partem: Occidentalem loco eminentiori condidit, quam maximis ædificiis temploq; sumptuosissimo ornauit. Deinde ad Tripolitanum Regnum profectus atque per regiones Meridiones rediens, annuos omnes illarum regionum prouetus sibi recepit: adeo vt ab obitu maximam reliquerit pecuniarum copiam. Huic successit filius, qui cum multa esset superbia tumidus, Marocci regi parere noluit, eo quod iam id regnum decrescere cœperat: tum quoque sibi Marinorum genus, regnum Fessæ, Beni Zeyeni Telenfini atque Granatę occupauerant. Deinde variis inter regiones illas ortis dissidiis, Tuneti imperium maximè augeri cœpit. Rex cum exercitu Telenfinum profectus, tributum sibi numerari voluit. Quare Marinorum Rex, qui per id tempus Maroccum obsidione vexabat, Tuneti Regis amicitiam per legatos petiuit, quam & impetrauit, amplissimis interim missis munerib. Rediit igitur Rex Tunetum victor, vbi maximo cum triumpho exceptus totius Africę Regem appellauerunt, quandoquidem nō erat eo tempore in tota Africa princeps qui cum eo erat conferendus. Regiam igitur instituere cœpit, duces, consules, aliasq; omnes dignitates elegit, quæ ad Regiam pertinere videbātur: iisdemq; prorsus usus est ritibus, quæ in Marocci Regis aula obseruari consueuerant. Ab hoc igitur principe ad nostra vsque tempora adeo Tuneti accreuit Respub. vt totius Africę opulentissima sit appellata. Huius filius quum post obitum patris ad Regnum per-

uenis-

uenisset, amplissimis ædificiis suburbium locu-
pletauit. Vicum quendam ad portā Beb Suuaica
ædificauit, qui trecētas ferē numerabat familias:
Alterū ad portā Beb el Manera exstruxit, qui
plus minus mille familiarū fuit capax. Frequen-
tissima in vtroq; est artificum multitudo, in po-
steriori omnes Tuneti Christiani habitant, qui
in regis custodiam electi sunt: adiunctus est ab
eo tempore & tectius quidam vicus ad Mariti-
mam portam Beb el Bahar dictam, quæ à sinu in
dimidio tantum abest miliario. Huc se Genuen-
ses, Veneti, reliquique oēs mercatores Christiani
conferunt, habentque sua extra Maurorum tu-
multum hospitia secretiora: est autem hic vicus
tantę amplitudinis, vt tam Christianorū quā
Maurorum familias trecentas numeret, domus
autem humiles sunt atq; aliquantulum arctio-
res. Huius ciuitatis domus, cum iis quæ in sub-
urbis sunt additæ, numerū attingunt decies ferē
millesimum. Ornatissimum hoc oppidum atq;
incolis frequentissimum, singulis habet artibus
suum assignatū locum. Infinitus propemodum
hic est telæ textorum numerus, tela autem sub-
tilissima per totā Africam distrahitur, maximoq;
venditur. Est huius oppidi fœminis mirus qui-
dam nendi modus: eminentiori enim quodam
loco sedentes, aut in superiori domus parte, fu-
sum aut per fenestrā, aut per foramen quoddam
tabulati, in subiectam demittunt contignationē,
adeo vt fusi pondus filum maximè æquale atq;
politum reddat. Habent autem telæ mercatores
complures hic officinas, atque pro ditissimis to-
Eo tius

DESCRIPT. AFRICÆ

tius Tuneti habentur ciuibus: non hic aromatariorum, non sartorum, omniumque deniq; exercitiorum maximā desiderabis copiam: innumer hic laniones in macello frequentissimo, qui ouil las carnes ut plurimum venales habent, idque Veris atque æstatis præsertim tempore: reperitur & hic omnis generis infinitus propemodum artificum numerus, quorum enumeratio non tam prolixa quàm tædiosa esset. Ingenium omnibus est liberale: vestitus mercatoribus, sacerdotibus ac doctoribus, fatis est decorus. Dulipanum in capite gerūt, quod prolixo admodum linteo tegitur: dulipanum quoq; aulici omnes atque milites gerunt, verū non eodem modo linteo tectum. Diuitum non admodum copiosus est numerus, idq; fortasse propter frumenti omniumq; adeo frugum summam caritatem: non enim illis licet agrum vel minimo intervallo ab vrbe situm colere, propter crebras Arabum incursiones. Frumentum illis ex aliis aduehitur regionibus atq; ciuitatibus, quales sunt Vrbs, Beggia, & Bona. Huius oppidi ciues nonnulli agros in suburbio muris cinctos habent, vbi nonnihil hordei atque frumenti ferunt, solum tamen adeo est aridum, ut frequentissima egeat irrigatione: quare & singulis suis est puteus, vnde aquam rota quadam, quam mulus aut camelus agit exhaustiunt, atque ductibus quibusdam ad id paratis totam irrigāt agri superficiē: nunc mihi quæso supputa, quantum frumenti ex tantillo campo muris incluso summoq; artificio irrigato colligi possit: panem pinsunt optimū, fursure tamen seruato vnā cum fru

frumēto, massam pistillis quibusdam pinfitant, quibus in contundendo lino Ægyptij vti solent. Mercatores & reliqui ferè ciues pulte quadam vilissima ex hordei farina in massam propemodū reducta vescuntur, huic aut oleum, aut malorum citreorum ius infundunt, pultem vulgò Besis appellitant. Est hic locus quidam, vbi nihil aliud quàm hordeum huic pulti paratum venale reperias: vescuntur & alio quodam non admodum honestiori cibo: farinę massam aqua optimè coctam alio quodam vase pistillo quodam agunt atq; oleo aut carniū iure madidam vorant potius quàm edunt: cibum hunc Besin vocant: vescuntur quidem ditiores cibis aliquantulo delicatioribus. Nulla illis est mola (nisi fortasse ad riuum quendam non procul ab vrbe sitū) quæ non aut mulo, aut alino agatur: nullus hic fons, nullum flumē, nullusue putens est: aquā omnes pluuialem ē cisternis quibusdā petunt, nisi quòd in suburbio putens est, vnde aquā salsam exhauriunt, atq; baiulis quibusdam in vrbe venalem conuehant, salubriorem enim potuiq; commodiorē putant quàm pluuialem. Est quidem puteus qui aliquantulo tolerabiliorē præbet aquā, verū ea principi eiusque aulicis seruator. Est in hoc oppido amplissimū quoddam templum, sacerdotum numero atque annuis prouentibus opulentissimum. Reperiuntur & alia ubiq; templa, sed quæ non adeò amplam habent prouentuum copiam: non hic collegia desunt, neq; ad illorum ritum exstructa monasteria, quę omnia communi ciuium fouentur eleemosyna. Repe-

DESCRIPTIONIS AFRICÆ

riuntur in hac vrbe nonnulli, quos insanire planè dixeris, hi lapides semper circumferunt, nudis pedibus apertoque capite incedunt, atque à populo ceu eximie sanctitatis viri venerantur. Adde quod Tuneti Rex cuidam ex his monasteriū exstruxit, ei que cum omnibus affinibus amplissimam legauit prouentuū copiam, Sidi el Dahi vocabant. Domus omnes sic satis ornatae, lapidibus elegantissimis multoque museaco elegantissimæ. Miro quodam artificio gypsum incidunt, coloribusque elegantissimis depingunt: est enim hic lignorum maxima inopia, in quibus egregij quiddam insculpi posset. Cubiculorum solum lapidibus quibusdam pellucidis atque elegantissimis sternitur: suntque omnes ferè domus vnius dumtaxat contignationis: his autem singulis ferè duæ sunt portæ, quarum prior plateam respicit, posterior in culmam reliquamque domus partem ducit. Solent autem atrium inter vtramque portam elegantissimum exornare, vbi cum amicis confabulari possint. Balnea hic multò commodiora quàm Fessæ reperiās, quanquā non tam ampla atque sumptuosa. In suburbiis frequentissimi atque amœnissimi sunt horti, qui fructum, etsi non magna copia, præstantissimum tamen producant: satis bona hic malorum citreorum, rosarum, omnisque generis florum prouenit copia, eo præsertim loco qui Bardo illis appellatur, vbi regium visitur palacium hortis vndique amœnissimis cinctum. Habet quoque hæc ciuitas ab omni parte in quarto aut quinto miliario campos oliuis copiosissimos, vnde tantum olei conficiunt

ficiunt, vt nō ciuitati solūm satis sit, verū & ad Ægyptum quoque bonam inde mittant quantitatē: ligna autem ex oliuis decisa igni committere solent, indeq; carbones conficere: neq; putō vspiam maiorem esse lignorum inopiam. Nonnullarum fœminarum inopia frequentissimē in causa est quō minus integram seruent castitatē: ornate quidem vestiuntur, domūque egressę ad Fessanarū morem faciem tegunt: pannus enim latus frontem tegit, cui & alter quidam subiungitur, quem Setfari appellant: caput autem tam multis obuoluunt panniculis, vt ea parte gigantes referant. Omnē ferē substantiam omnemq; adeo curam perfumis atque huiusmodi deliciis insumūt. Est apud hos cibus quidam sumptuosissimus, qui illis vulgo Lhasis vocatur, cuius quicquid vnciam vnā sumplerit, perinde atque si ebrius esset ridere, iocari atque ineptire incipit: maximeque ad libidinem prouocatur.

¶ *De Tuneti Regis aula, deq; variis in ea ritibus atque ceremoniis.*

T Vneti Regi hereditario iure regnum adeptus, nobiles omnes, doctores, sacerdotes, atque iudices iuramento se astringunt. Patri mortuo statim in regnum succedit filius: mox qui summam habet inter aulicos dignitatem (Munafid dicunt, eō quod Regis vicem suppleat) se continuo nouo Regi offert, omniumq; earum rerum rationem exhibet, quæ ab eo dum adhuc pater viueret, gesta sunt: deinde iubente Rege nobiles pro sua quisque autoritate dignitates atq; officia à Munafid accipiunt. Est & alius

Ee iij

qui-

DE S C R I P T I O N I S A F R I C Æ

quidam, quem Mesnare vocant, hoc est, militum præfectus primarius: ille militum numerum augendi, diminuendi, stipendia numerandi, exercitum mouendi, atq; quocunque velit ducendi potestatem habet. Castellanus tertiam habet dignitatem, hic cum suis militibus tantum castræ Regisq; custodiæ curam gerit: hic quoq; in captiuos animaduertere solet qui in castrum ad ducti sunt, non aliter ac si Rex ipse esset. Quartum locum obtinet vrbis præfectus, huius est Remp. administrare, atque in malos animaduertere. Quintum ordinem occupat qui Regi est à secretis, huic scribendi atque respondendi Regis nomine potestas data est: huic etiã literas omnes, iis tantum exceptis qui ad Castellanum atq; vrbis præfectum missæ sunt, aperire & legere licet. Sextus in ordine est, qui auditorio Regio præficitur: hic muros tapetis ornare, omnib; suum assignare locum solet, per Legatum quendam Senatû conuocat, estq; illi maxima cum Rege familiaritas, quo cum quoties lubitum est confabulari licet. Septimus in honore est, qui Regi est à thesauris: hic redditus omnes, tributa, annuosq; census recipit, atq; Munafido, Regis tamen subscriptione, enumerat. Octauus earum mercium tributum recipit quæ terrestri itinere huc aduehuntur, nec non & exterorum mercatorû tributum, qui pro centum aureis, duos cum vnus dimidio persolvere coguntur: huic aliquot sunt exploratores, qui quoties aliquem mercatorẽ aduenisse sciunt, continuò ad herum adducunt, quo absente captiuum tantisper detinent, donec præfeto

fecto omnium illorum tributum numerauerit
 quæ secū adduxit, ac sic tandem multis astrictus
 iuramentis dimittitur. Nonus autē earum tan-
 tū mercium tributa recipit, quæ per mare huc
 aduehuntur, continetq; se in domo quadam ad
 maris sinum exstructa. Decimum locum habet
 Architriclinus, qui panes, carnes, aliaq; suppedi-
 tare solet, quæ ad victum necessaria sunt, tēmi-
 nas omnes regiasq; vxores, necnon & eunuchos
 vestit, atq; mancipia ex Nigritarū solo aduecta,
 quæ Regi ministrat. Hic quoque Regis filiorum
 eorumq; nutricum curam gerit, officia quoque
 inter Christianorum mancipia disponit. Habes
 hic præcipua huius Regiæ officia, reliqua quoniā
 lectorem tædio afficerent, consultò omisimus.
 Habet Tuneti Rex mille & quingentos milites
 expeditissimos, quorum pars maxima à Christi
 lege desoiuerunt: his satis amplum numeratur
 stipendium. habent autem & suum ducem, qui
 numerum eum augendi ac diminuendi potesta-
 tem habet. Sunt & alij numero centum & quin-
 quaginta milites Mauri, penes hos castra mouēdi
 atque remouendi potestas est. Habet præterea &
 balistarios aliquot, qui quocunque equitantem
 Regem semper comitantur: Regi tamē omnium
 proxima illorum Christianorū est custodia, quos
 in suburbio habitare antea diximus. Regem cu-
 stodia quædam peditum præcedit, hi oēs Turcæ
 balistarij atq; ferentarij. Regem immediatè præ-
 cedunt præcursores, vulgò à pedibus appellati:
 præfectus à latere altero equo insidet qui Regis
 iaculum, ab altero verò qui eiusdem fert scutū.

DESCRIPTIONIS AFRICÆ

à tergo sequitur qui Regiam vehit balistam. Sunt & alij quidam qui Regem comitantur, quorum enumerationē ne prolixi essemus, hoc loco annectere non libuit. Habes hic ritus præcipuos priscorum Tuneti Regum, maximē ab iis differentes, quibus utitur qui nūc Regem agit. Multa hoc loco occurrunt, quæ de huius Regis viciis recensere possem, à quo amplissima me recepisse beneficia fateor, verū id huius iam non est instituti: hoc saltim affirmare possim, cum in exigendis à subditis maximis pecuniis, mirum esse artificem. Ipse verò inter mulieres, cantores, histriones, aliasq; id genus delicias, nūc in palacio, nunc in hortis sese continet. Quoties autē Musicum aliquem ad se accersi iubet, is non nisi obductis oculis ad falconum morem introducitur. Tuneti aureum vigintiquatuor carata, ut vocant monetarij, continet, hoc est, aureum vnum Europæ cū vnus aurei parte tertia: cudit & argenteam quandam monetam figura quadratā, quæ sex caratis pendet, huius .xxx. aut .xxxij. aureo æquivalent, Nasari appellant: Itali Tuneti aureum Doble vocant. Hęc autem de Tuneti Rege, de eiusq; ritibus annotasse sufficiat.

¶ *Neapolis.*

ANtiquissimū oppidulum à Romanis ad mare Mediterraneum exstructum, distat Orientē versus à Tuneto in duodecimo ferē miliario, in quo Mauri quidam Nabel appellati inhabitant. Incolis quondam fuit copiosiss. nunc autem rustici quidam inhabitant, qui agrū lino tantū accommodum colunt.

¶ *Cama*

¶ *Cammer.*

Eiusdem ferè antiquitatis oppidum Cartagini vicinum, à Tuneto autem in octauo miliario positum Septentrionem versus. Incolarum numero frequētissimum est, olitores sunt omnes, qui olera fructusq; Tunetum venalia conferūt. Hic maxima saccareorum calamorū prouenit copia, quæ & Tunetum deuehi solet: verū quandoquidem saccarum extrahendi artem non nouerunt, in secundis tantū mensis succum sugendo eliciunt.

¶ *Marfa.*

Antiquissimum quoque est oppidulum ad mare Mediterraneum eodem loco positum, vbi Cartaginensium portus fuit, per aliquot annos desertum remansit, nunc autem quibusdam piscatoribus agrorumq; cultoribus tantū incolitur: solent hic telam quoque candicare. Reperias non procul hinc castra aliquot, in quibus se Tuneti Rex æstate continere solet.

¶ *Ariana.*

ARiana oppidulum vetustum à Gothis in octauo ferè miliario à Tuneto Septentrionem versus conditum. Hortis amœnissimis maximeq; fructiferis cingitur, murum habet munitissimum, agricolarū maximam frequentiam. Reperiuntur præterea & alia quædam non procul à Cartagine oppidula, quorum nonnulla incolas habent, reliqua habitatoribus sunt destituta, nomina prorsus memoriæ exciderunt.

¶ *Hammamet.*

Ham

DESCRIPTIONIS AFRICÆ

H Ammamet oppidum ante paucos annos à Mahumetanis exstructum, muris cingitur munitissimis, distat à Tuneto quinquaginta fere passuum milibus. Huius incolæ miserimi, crebrisq; exactionib. infelicissimi, piscatores fere omnes aut carbonatij.

¶ *Eraclia.*

O Ppidulum vetustissimū à Romanis in monte quodam exstructum, ab Arabibus postea deletum fuit.

¶ *Susa oppidum.*

M Aximum quoque atq; vetustissimum est oppidum, à Romanis ad mare Mediterraneum conditū, à Tuneto in centesimo fere distat miliario. Campos habet oliui et ficibus copiosissimos: ager illis hordeo est fecundissimus, si modò coli posset, verum Arabum frequētes incursiones in causa sunt quò minus exerceantur. Incolæ liberalissimi, humanissimi, atq; erga externos fautores candidissimi, maxima illorum pars nauigio ad regiones Orientales atque Turciam proficiscuntur: nonnulli etiam oppida Siciliae atque Italiae viciniora inuisunt. Reliqua ciuium pars aut telae sunt textores, aut armentarij, aut torno vasa cōficiunt lignea, quibus totam Tuneti implent regionem. Cū sibi Mahumetani eam deuicissent prouinciā, in hac ciuitate se continebat, qui Regis vicem gerebat, cuius & in hunc vsque diem visitur palacium. Elegantissimum oppidum munitissimis muris cinctum in planicie quadam amœnissima situm est. Incolas olim habuit infinitos, ædificiorum ele-

elegantia celeberrimū, quorum hodie nonnulla cū templo quodam amplissimo visuntur. Nunc autem vix inhabitatores vltos habet: quinque tantū aut sex in eo sunt officinæ, idq; propter frequētissimas Regis exactiones. Ego in hoc oppido propter temporis sæuitiam quatrīdium latitare coactus sum.

¶ *Monaster.*

Monaster antiqua ciuitas à Romanis ad Mediterraneum exstructa, distat à Susa duodecim ferè passuum milia: fortissimis atque elegantissimis est cincta muris, domos habet elegantissimas, incolas verò miserrimos ac mendiciss. calceos gerunt iuncis marinis compositos: bona illorū pars telæ textores, aut pisces: pane vescuntur hordeaceo, alioq; quodam oleo cocto, quē Bezzin aliàs appellauimus, quo etiam pane vicinæ omnes vescuntur ciuitates: nihil enim hic aliud quàm hordeum prouenit. Huius ager chrisomelis, ficubus, pyris, malis aureis, atque oliuis est copiosiss. nisi quòd crebris infestetur hostium incurſionibus.

¶ *Tobulla.*

Tobulla oppidum à Romanis ad mare Mediterraneum cōditum, distat à Monaster Orientem versùs circiter duodecim miliaribus: per aliquot annos incolis copiosissimū & ficubus ditissimum remansit: postea verò Arabum iniuria effectum, vt rariores hic reperiantur domus, in quibus religiosi quidam viri inhabitant: hi amplissimum quoddam illac iter facientibus fouent xenodochium, Arabes quoque hu-

DESCRIPTIONIS AFRICÆ

humanissimè excipiunt.

¶ *El Mahdia oppidum.*

NOstris ferè temporibus à Mahdi primo Cairaoan pontifice conditum, ad mare Mediterraneum exstructum, muris, turribus atque portis munitissimis ornatum, portum habet frequentissimum. Mahdi cum primum hanc ingressus fuisset regionem, incognito habitu se à Mahumete originem duxisse finxit, quare adeo populi sibi conciliauit beneuolentiã, vt illorum auxilio Cairaoan princeps effectus, el Mahdi Califa fuit appellatus: postea cum Occidentem versus per quadraginta miliaria Numidiam ingressus esset, vt debita sibi reciperet tributa, à Segelmesse principe captus, atque in carcere asseruatus fuit: mox tamè Segelmessenus misericordia ductus in pristinam illum restituit libertatem, atque mox ab eodem interfectus fuit. Deinde cum in populum tyrannidè exercere cœpisset, atq; nonnullos se cõiuratores habere intellexisset, hoc oppidum construere cœpit, ad quod quoties opus esset, tutò se recipere posset. Tandè quidam Beiezid cõcionator, quem asininũ equitè appellabant, eò quòd asino perpetuò insidens quadraginta milium exercitum secum ducebat, Cairaoan venit: Mahdi verò ad nouum à se conditum oppidũ fugit, vbi triginta nauium classè quæ à principe Cordouæ Mahumetano missæ fuerunt, ita contra hostes dimicauit, vt Beiezid atq; eius filius in eo prælio sint interfecti: post hæc Cairaoan rediens cum ciuibus pacè fecit, remansitque imperium penes huius successores in annos

nos permultos. Ab hinc verò annis centū & triginta à Christianis receptū fuit oppidum, deinde rursus à quodam Marocci pontifice Abdul Mumeno recuperatum fuit, nunc autem Tuneti Regis imperio paret, à quo grauissimis indies vexatur exactionibus. Incolæ ad regiones transmarinas negociantur: maximas alunt cum Arabibus inimicitias, adeo vt vix agrū illis exercere liceat: non multis ab hinc annis Petrus Nauariensis no- uem tantū nauium classe oppidum aggredi conatus est, verū ingenti suorum iactura re infecta redire coactus fuit, idq; anno à Christo nato millesimo quingentesimo decimonono.

¶ Affacus ciuitas.

AB Afris ad mare Mediterraneum iis temporibus exstructa fuit, quibus cum Romanis gerebāt bellum. Muris altissimis atque munitissimis cingitur, incolis olim fuit ditissima, nunc autem trecentas tantū aut quadringentas numerat familias, officinas numero perpaucas: tam Arabum quā Tuneti Regis vexatur molestiis: omnes hic aut textores, nautæ, aut piscatores sunt. Maxima hic eorum piscium colligitur copia, qui Spares illis appellari consuevit, quæ vox neq; Arabibus neq; Barbaris, multo minus latinis quicq; sonat. Vescuntur & hi pane hordeaceo atq; Befin: vestitus his est vilissimus, nonnulli apud Ægyptios ac Turcas negociantur.

Cairaoan olim oppidum amplissimum.

CAiraoan siue alio nomine Caroen nobilissimum oppidum conditorem habuit Hucba, qui vniuersi exercitus dux ex Arabia

DESCRIPTIONIS AFRICÆ

rabia deserta ab Hutmeno Pontifice tertio missus fuerat: à Mediterraneo mari. xxxvi. à Tunto verò centum ferè abest miliaribus, neque aliam ob causam conditum fuisse dicunt, quàm vt in eo exercitus cū omni præda Barbaris atq; Numidis adempta, securè se continere possent. Muris illud cinxit munitissimis, elegatissimūq; in eo cōstruxit templum artificiosissimis columnis sumptuosissimū. Hic post mortem Hutmeni Muchauix princeps est constitutus, rexitq; imperium ad tempora vsque Qualidi Califæ, Habdulmalic filij, qui tum Damascum inhabitabat: hic ducem quendā (Muse Noair vocabant) cum exercitu ingenti Cairaoan misit: qui postquam per aliquot dies cum exercitu nō procū à Cairaoan confedisset, Occidentem versus pergendo multas cepit atque depopulatus est ciuitates, donec tandem ad Oceani littora peruenisset, ac postea Cairaoan redit. Deinde ducem quendā cum aliquot militibus in Mauritaniā misit, vbi & multas sibi quoque deuicit regiones atque ciuitates. Huius inuidia motus Muse tantisper expectare iussit, donec ipse quoq; adueniret. Taric igitur nō longè ab Andologia confedit, quò intra quatuor mēses maximo exercitu Muse peruenit. deinde vterq; exercitus transmissō mari Granatā venit, atq; terrestri itinere ad Gothos pfecti sunt. His se Theodoricus Gothorum princeps opposuit, atque cōmissō prælio miserè superatus fuit: deinde duo illi Duces fælici rerū omniū euentu elati, in Castiliā vsque venerunt, Toletum occupauerunt, vbi inter cæteras opes, infinitas inue-

uenerunt Diuorum reliquias, atque inter eas eadem reperta est mensa, ad quam Christus cum Apostolis charissimis accubuit, hæc purissimo erat auro cooperta atque infinitis propemodum gemmis ornatissima, hanc Musæ cum omni fere Hispaniæ opibus secum reportauit. Interea autem literis Pontificis Qualid reuocatus, in Ægyptum nauigauit: atque postquam in Alexandriam uenisset, per Helcian Pontificis fratrem ei renunciatum est, Pontificem grauissimo laborare morbo: proinde non statim Damascum ueniret, periculum enim erat, ne mortuo Pontifice sumptuosissima illa præda facile huc atque illuc dispergeretur. Hæc omnia Musæ paruifaciens, Damascum venit, omniaq; à se recuperata Pontifici obtulit, qui quinto post mortuus est die. Deinde postquam frater fratri in Pontificatum successisset, Musæ dignitate adempta in eius locum quidam Iesul constitutus fuit, cuius filius, frater atq; successiuè omnes eius cognati oppidum rexerunt. Tandem ea familia expulsa fuit, eique successit Elagleb, hic non ut Pontifex oppido præfuit: ab eo enim tempore Pontifices Mahumetani relicto Damasco Bagadedam migrarunt, uti & quoddam Chronicorum scriptum reperies libro. Huic vita defuncto successit filius, remansitque ei familiæ Regnum annis centum & septuaginta, donec tandem à quodam Mahdi Califa Regno fuit destituta. Eo igitur tempore quo Elagleb Regno potitus est, Cairaoan tam incolis quam ædificiis aucta est, adeo ut vicinum quoddam conditum fuerit oppidum, cui Recheda nomen impositum est: hic

DESCRIPTIONIS AFRICÆ

se princeps cum nobilibus continere consuevit. Huius tempore deuicta fuit Sicilia, Elagleb enim Ducem quendam Halcama eò misit, qui in ea Insula oppidulum quoddam ceu munimentū condidit, atq; suo nomine Halcama appellauit, quod nomen in hunc vsq; diem apud Siculos remansit. Deinde nouum hoc oppidum à quibusdam obsidione cinctum est, qui Siculis in auxilium venerant. Post hæc missus etiam cōtra eos Ased, atque ita reparatis Afrorum copiis, quod reliquū fuit Siciliæ occupauerunt, cœpitque hoc modo miris modis Cairaoanorū augeri imperium. Est autē Cairaoan in planicie quadam arenosa atq; deserta exstructum oppidum, in qua neq; arbor ulla, neque vllum prouenit frugum genus. Frumentum illuc à Susa, à Monaster, atque etiam à Magdia deportatur, quæ omnes ciuitates circiter in quadragesimo distant miliario. Abest ab hoc oppido mons quidam Gueslet, in quo nōnulla adhuc visuntur Romanorum ædificia: est autem mons ille fontibus atq; siliquis frequentissimus, fontes autē inde ad Cairaoan defluunt, vbi nulla alioquin esset aqua, nisi quæ cisternis quibusdam seruatur. Extra huius vrbis mœnia pluuialis aqua in cisternis solū ante initium mensis Iunij reperiri potest. Æstiuo tempore Arabes ad campos huic oppido vicinos confluere solent, qui maximam secum frumēti atque aquæ caritatem adferunt, dactilorum autem & carniū ingentem copiam, idq; è Numidia, quæ regio centum fere & septuaginta isthinc distat miliaria. Hic per aliquot annos maximè floruit Iuris prudētia, adeo

et hic totius Africę celeberrimi fuerint Legū professors. Deletum tandem nouos recepit incolas, sed nunquam potuit ad pristinum redire statū. Nunc nihil hic præter coriarios quosdam reperias, qui coria ad Numidię ciuitates mittūt, atq; Europeis pannis commutant. Tuneti Regis maximis indies molestiis affecti, ad summam nunc inopiam sunt redacti.

¶ *Capes ciuitas.*

CApes amplissima ciuitas à Romanis ad mare Mediterraneum cōdita, altissimis, vetustissimisque muris, necnon & arce quadam est munitissima. Huic fluuius quidam aquę calidę atq; salę præterfluit. Crebris semper Arabum iniuriis adeo fuit vexata, vt incolę relicta vrbe in campos quosdam se contulerunt, in quibus maxima prouenit dactylorum copia, qui arte quadam per totum seruantur annum. Effoditur & hic fructus quidam fabę magnitudinis, qui sapore amigdalum refert: hunc per vniuersum Tuneti regnum notissimum Arabes Habhasis appellant. Incolę nigri sunt, piscatores, atque agrorum cultores.

¶ *El Hamina oppidum.*

Vetustissimum hoc oppidum à Romanis conditum, distat à Capes quindecim ferè miliaria, muris elegantissimis atque munitissimis cingitur: reperias & hodie in marmoribus quibusdam insculpta quędam antiquitatis monumenta. Huius oppidi plateę atq; ædificia sunt vilissima: incolę miseri, furtisq; addictissimi. Ager illis aridus atque incultus: nihil

DESCRIP. AFRICÆ

hic præter dactilos sapore minimè gratos reperire poteris. In selquimiliario Meridiem verius ab hoc oppido originem habet fluuius quidam aquæ calidissimæ, qui per ciuitatis medium præterfluit, idque per ductus quosdam siue canales latissimos, eiusque profunditatis, vt ingressis ad vmbilicū pertingat: quanquam propter nimiam aquæ caliditatem rariores sint qui se huic committere audeant. potabilem tamē ciues reddunt per integrū ferè diem refrigeratā. Tandem hæc aqua non procul ab eo oppido lacum efficit, qui leproforum appellari consuevit: habet enim sanandi huiusmodi morbū atq; vulnera solidandi miram naturam: quare frequentissimas hic leproforum reperies casulas, quorum permulti restituntur sanitati. Aqua autem eius est naturæ, vt sulphur propemodum odore referat, adeò vt sitim nullo modo sedare possit, quod quidem sæpenumero ipse expertus sum.

¶ *Macbrès castellum.*

M Achres castellum nostris temporib. ab Afris eam ob causam ad fretum Cabes conditum, vt regionē illam ab hostium incursionibus tutam seruaret. Distat à Lotophagitis Insula quinquaginta ferè passuum millia. Incolę omnes aut textores, nauium fabricatores, aut etiam piscatores sunt, qui per totam eam Insulam negotiantur. Ad eundem modum Africē loquuntur, vt illi qui prædictam inhabitant Insulam: & quoniam agros omnino nullos habēt, textoribus tantū exceptis, reliqui omnes ciues prædis atque direptionibus viuunt.

¶ *Lotophagites Insula.*

D Istat à continenti non multis passuum milibus: perpetua est planicies, atq; arenosa, in qua copiosissima prouenit dactylorum, vuarum, oliuarum, aliorumq; fructuum copia: cōtinet in ambitu circiter octo & decem miliaria. Rura aliquot habet, separatim tamen posita omnia, adeo vt rarius duo aut tria in eadem reperiās vicinia: ager illis aridus, fragosus, atque diligentissima vix opera atque irrigatione vel paululum proferre potest hordei. Maxima hic semper est hordei atque carniū caritas. Reperiās ad maris littus arcem quandam munitissimam, in qua totius Insulæ princeps cū suis se cōtinere solet. Non procul hinc vicus quidam abest, ad quem mercatores Christiani, Mauri, atq; Turcæ hospitio excipiuntur, estq; in eodem hoc loco singulis quibuscq; septimanis mercatus frequentissimus, nundinas esse dicas, ad quas totius Insulæ mercatores multiq; Arabes à continente magnam pecudum atque lanæ copiam adferūt. Insulæ autem inhabitatores, pannum qui apud illos conficitur, venalem habet, qui & Tunetum atque ad Alexandriam vnà cū magna vuarum passarum copia deferri solet. Vix quinquaginta iam præteriere Anni, à quo Insula à Christianis fuit oppugnata, atque ab iisdem recepta: verū statim à Tuneti Rege recuperata. Deinde statim post nouas huc introductas colonias, hæc arx de qua iam locuti sumus, ædificari cœpit: quā semper Tunetani principes occupauerunt. Rege autē Hutmeno vita defuncto, intulares ad pristinam

DESCRIPTIONIS AFRICÆ

redierunt libertatem: mox pontem illum fregerunt, qui à cōtinente ad Insulam ducebat, timentes ne terrestri aliquo exercitu vexarentur. Deinde paucis post hæc diebus insulares interfectis omnibus alterius partis ducibus, in hunc vsque diem totius eius regni imperium penes se seruauerunt. Colligitur ex hac Insula singulis annis prouentus octuaginta illius regionis aureorum millia, idq; propter maximā in ea mercatorum Alexandrinorum, Turcarum, atq; Tunetanorum frequētiā. Nunc autem quoniam crebris inter se vexantur dissidiis atque cōtentionibus, cœpit illorum Resp. multis partibus diminui. Nostro tempore Ferdinandus Hispaniarum Rex ingentem exercitum eō misit, cui Albensē præfecit Ducem: hic quoniam Insulæ naturam non satis nouerat, milites cū adhuc procul ab Insula essent, naues exire voluit: Mauris autem tam strenue Insulam defendentibus, Hispani loco cedere coacti sunt: accessit & ad illorum infortunium, quòd tantum aquæ reperire non potuerūt, vnde ingentem quā sibi contraxerant sitim sedare potuissent: huc adde quòd cū primū Christiani huc aduenerāt, mare iam multò accreuerat, cū autē ad naues redire voluerunt, propter nimium maris decremētum, naues ne in arena hære cogerentur, aliquantò longius à littore sese receperant: remanserat autem arena per quatuor ferè miliaria aquis nuda, adeò vt maximis laboribus atque fatigationib. milites eò peruenire vix potuerunt. Insequentibus verò à tergo Mauris, tantum Christianorum fuit infortunium, vt illorū

pars

pars maxima aut interfecta fuit, aut à Mauris capta, reliqui nauigio in Siciliam peruenerunt. Postea interiectis aliquot annis, Carolus Quintus instructissimam eò classem misit, cui Rhodiensem quèdam ducem præfecit, ordinis Sancti Ioannis Mescine: hic tanta in eo prælio usus est prudentia, quòd Mauri promisso tributo quinque millium illius regionis aureorum inducias imperauerunt, quæ & in hunc usque diem durant.

¶ *Soara oppidum.*

Soara oppidulum ab Afris ad mare Mediterraneum conditum, distat à Lotophagiti insula quinquaginta ferè Orientem versus passuum milia. Huius murus vilissimus est, inhabitatores miserrimi, nihil aliud quàm calcem aut gypsum conficiunt, quæ ad Regnum Tripolitanum venalia conferuntur. Ager his infelicissimus est: incolæ perpetuis Christianorum incursionibus infestantur, ab eo præsertim tempore, quo ab eis expugnata fuit Tripolis.

¶ *Lepida.*

Vetustissima ciuitas à Romanis ædificata, muris altissimis munitissimisque cincta, bis à Mahumetanis occupata fuit, è cuius lapidibus postea exstructa fuit Tripolis.

¶ *Tripolis antiqua.*

Tripolis à Romanis exstructa, deinde à Gothis, postremò à Mahumetanis eo tempore fuit occupata, quo Homar Califa secundus imperauit. Hi postquam Tripolitanum ducem per sex menses obsedissent, tandem Cartaginem fugere coegerunt. Incolæ partim inter-

DESCRIPTIONIS AFRICÆ

fecti, partim in Ægyptum atque Arabiam capti fuerunt abducti, teste Ibnu Rachich apud Afros historiographo celeberrimo.

¶ *Tripolis Barbaria.*

Post excidium antiquæ Tripolis, condita est altera eodē nomine appellata: hæc muris altissimis atq; elegantissimis quanquā non admodum munitis cingitur, in campo quodam arenoso sita est, in quo dactilorū satis bona provenit copia. Huius domus ad Tuneti domos collatę elegātissimæ sunt, deinde & hic artes suis omnes sunt locis distinctæ. Magna hic reperitur telę textorum copia. Nullus hic puteus nullusq; omnino fons est: aquam omnes ē cisternis quibusdam petunt. Magna hic semper frumenti caritas, omnes enim Tripolis agri perinde atq; Numidiæ arenosi sunt atq; aridi. Huius rei ratio est quod qui pinguiores huius regionis essent agri, frequentissimis maris vndis teguntur. Huius regionis incolę maximam hodie agrorum partem in Septentrione à Mari occupatam dicunt, quod & facile in regionib⁹ Monaster, Magdia, Asfacos, Capes, atque in Lotophagiti insula cognosci potest, necnon in aliis quoque partibus Orientalibus, vbi ad miliare vnum aut alterū mare ingressis vix aqua ad vmbilicum pertingit. Neque desunt qui eam ciuitatē magis in Septentrione positam fuisse opinentur, verū crebris indies maris inundationibus, paulatim Meridiem versus ædificatam fuisse, cuius rei testimonium præbēt integra adhuc quibusdam locis ædificiorum, monumenta, quæ maris fluctibus fuerunt demersa.

Fre-

Frequentissima hic exstructa fuerunt templa atque collegia: xenodochium habuit quod pauperes atque externos recipiebat: parcissime victitant. Besis tantum hordeaceo vescuntur: in hac enim regione vel minimū prouenit hordei, adeo ut ditissimus hic censeatur, qui vnum aut alterum possidet frumenti modium, mercaturam tamen terè exercent omnes: est enim ea ciuitas Numidiæ atque Tuneto vicina, neque inde Alexandriam usque; vllum aliud reperitur oppidum: non etiam procul à Sicilia atque Maltha abest: solentque quotannis ad eorum portum Venetorum naues confluere, maximamque eò aduehere mercium copiam. Semper Tuneti Regis imperio paruerunt. Eo autem tempore, quo Abulhasen Fessæ rex Tunetum obsedit, Regem cum Arabibus ad desertum fugere coegit. Deinde victo Abulhaseno Tuneti Rex in regnum rediit: tum se ciues Regi opponere ceperunt: fuitque illorum Respub. maximis semper dissidiis bellisque intestinis vexata. Quod ubi Fessæ Rex intellexisset, quinto belli civilis anno rursum cum exercitu Tunetum profectus est, ipsam Regem prælio superatum atque Constantinam fugatum tam acriter obsedit, ut Constantinenses cum se Fessæ Regis vim non posse ferre viderent, cum omni exercitu intromiserint. Tuneti Rex Fessam captiuus primò adducitur, deinde in Septæ arce aliquādiu asseruatus est. Interea autem Tripolis viginti nauium Genuensium classe expugnata atque depopulata fuit, habitatores verò captiui. Quod postquam Fessæ Rex intellexisset, ea conditione cum Genuensibus egit, ut ipse nu-

DESCRIPTIONIS AFRICÆ

meratis quinquaginta aureorū millibus, ipse in pace oppidū possideret. Genuenses postea inde profecti, maximam aureorum partem adulterinam intellexerunt. Posthæc Tuneti Rex à Fessæ Rege Abuselimo libertati restitutus fuit, quo tandem ad regnum reuerso, remansit penes successores imperiū, donec Abubar Hutmeni filius in Tripolitana arce vnā cum filiolo à nepote interfectus fuit, qui & postea sibi id Regni viurpauit: idem postea prælio quodam perit, quod contra Hubdul Mumenum gessit, qui statim Tripolitanum regnum assumpsit. Huic successit filius Zacharias, qui post mēses aliquot peste interit. Post hunc in Regem electus fuit Mucamen Hefeni filius Zachariæ cognatus, qui postquam tyrannidem inter ciues exercere cœpisset, à populo regno expulsus est: ad regnum postea quidam e ciuibz successit, qui modestissime imperauit. Qui verò antea expulsus fuerat, aliquot militum exercitum misit qui Tripolitanum vexarent imperium, hi statim amisso prælio fugerunt. Post hæc qui humanissime regnare cœperat, in tyrannum versus est, quo à cognato interfecto, populus nobilem quendam virum, qui tum temporis Eremitam agebat, coacto fere animo regere voluerunt, remansitque penes illum huius vrbs imperium, donec Ferdinandus Petrum quendam Nariensem eò misisset: qui cum improuiso aduentu suo vrbe occupasset, captiuos plurimos secum duxit. Tripolis præfectus vnā cum genere Messinam captiui missi sunt. Vbi per aliquot annos detenti, tandem à Carolo Imperatore pristina

nae libertati restituti, Tripolim redierunt, quod oppidum postea à Christianis fuit deletum. Huius oppidi arx munitissimis muris cincta est, & quantum intelligere potui, nouos cœpit recipere incolas: habes igitur hic quæ de Tuneti ciuitatibus memoratu digna occurrere potuerunt.

¶ *De Bugiæ montibus.*

Bugia montibus asperis, altissimis, atq; nemorosissimis est refertissima: incolæ ditissimi, nobiles & liberalissimi, maximam habent caprarum, bouum ac equorum copiam, ferè semper liberè vixerunt, ab eo præsertim tēpore, quo Bugia à Christianis fuit occupata. Hi semper in altera maxilla nigram crucem gerunt, desumpto ab antiquis more, quemadmodū & ante diximus. Pane vescuntur hordeaceo, his maxima est nucum atque ficuum copia, in iis præsertim montibus, qui Zoaoe viciniore sunt: hic quibusdam in locis nonnullæ reperiuntur ferri fodinæ, ex quo sibi semissem quādam monetam cudunt. Reperitur & alia quoque apud hos moneta argentea, quæ grana quatuor pender: prouenit in his montibus magna admodum vini atq; canabis abundantia, telam vilissimam texūt. Zecolopia maximè cruciantur, vestitu vilissimo vtuntur. Patent autē Bugiæ montes ad mare Mediterraneum in longum centū ferè & quinquaginta miliaribus, in latum verò quadraginta: habet autem quilibet mons suos ab aliis nationibus diuersos incolas, qui quoniam vno eodemque viuunt ritu, silentio præterminimus.

¶ *Auraz mons.*

Al-

DESCRIPTIONIS AFRICÆ

ALtissimus atq; frequentissimus hic mons incolas habet rudissimos, prædis atque rapinis addictissimos. Distat à Bugia in octuagesimo, à Cōstantina verò in sexagesimo fere miliario. Ab aliis montibus separatus, extenditur in longū per sexaginta propemodum miliaria. In Meridie Numidiæ deserto iungitur, in Septentrione regionibus Mesinæ, Stefæ, Nicaus, atq; Constantinæ terminatur. Ex huius vertice summo frequentissimi defluunt riuuli, qui per subiectos campos fluentes, tandē lacum efficiūt, aqua autem æstiuo tempore salsa est. Arabum quorundam iniuria facit, vt difficillimus ad hūc montem pateat accessus.

De Constantina montibus.

OMnis ea Constantina pars quæ Septentrionem atque Occidentem respicit, altissimis est montibus plena, qui à Bugiæ finibus initium habent, atq; extendunt se ad mare Mediterraneum Bonam vsque, hoc est per centum fere & triginta miliaria. Horum ager in planicie est oliuis, ficubus, aliisq; omnis generis fructibus feracissimus, adeò vt eorum maxima copia ad proximas deferatur ciuitates: accolæ omnes Bugiæ ciues morum ciuilitate antecellunt, varias inter se exercent artes, textiturque apud hos magna admodum telæ copia. Frequentissima inter eos nascuntur dissidia idq; propter illorum mulieres ad alios subinde maritos transmigrantes. Ditissimi sunt, atque ab omni tributo liberi: vix agros cūm propter Arabes tum propter nobiles colere audent. Est hic singulis quibusque septi-

manis

manis, diuersis tamen diebus, mercatus Constantinorum aliorumque locorum mercatoribus frequentissimus: Quod nisi amicū quendam in eo monte habeas, periculum est ne miserrimè ab eis decipiaris. Nullus in montibus illis iudex, sacerdos, aut literatus reperiri potest: si quis autē epistolam ad amicū scriptam cupiat, huic per duodecim aut etiam interdum quindecim miliaria scriba est quærendus. Peditum quadraginta ferè numerant millia, necnon & quatuor equitum millia. Incolæ viribus adeo præstantissimi, vt si inter eos rectè conueniret, totam facillimè Africam sibi subigere possent.

¶ *Bonæ montes.*

Habet Bona ad latus Septentrionale Mediterraneum mare, ad Meridiem & Occidentem montes nonnullos, qui Constantinæ ferè mōtibus connexi sunt, in Oriente agros habet felicissimos, camposque spatiosissimos, in quibus olim permulta fuerunt oppida atq; castella à Romanis exstructa: nunc tantum eorum vestigia quædam remanserunt, quorum ne nomina quidem sunt nota. Omnes hæ Regionēs propter Arabum iniurias adeo sunt incultæ, vt rarioribus tantūmodo locis incolas habeant, qui armis belli inuitisque Arabibus regnum sibi occupant. Extendunt sese montes ab Occidente Orientem versus in longum per octuaginta ferè miliaria, in latum autē plus minus triginta. Frequentissimi hīc sunt fontes, vnde riuuli aliquot oriuntur, qui per planicies illas præterfluentes, tandem in mare Mediterraneum labuntur.

Mon-

DESCRIPTIONIS AERICÆ

¶ *Montes qui Tuneto sunt viciniore.*

T Vnetum in planicie quadā conditū nullos omnino montes habet vicinos, præterquam in Occidente ad mare Mediterraneum, vbi montem habet illi per similem qui Carthaginem amplectitur. Adiacet quoque Tuneto & alius quidam mons altissimus ac frigidissimus, quem Sagoan dicunt: hic incolas nullos reperies, præter quosdam qui alueariorū curam gerunt, hi aliquantulū hordei colligunt. In huius mōtis summitate Romani aliquot sibi arces extruxerunt, quorum hodie tantū visuntur ruinae, epitaphia marmorib. Latinis literis insculpta. Ab hoc monte Carthaginē vsque ductibus quibusdam aqua defluere solet.

¶ *Beni Tefreni atque Nufusa montes.*

S Vnt hi mōtes à deserto semoti, à Lotophagiti atq; Sfacos triginta ferè absunt miliaria, altissimi ac frigidissimi, hordei vel minimam producunt copiā. Incolæ valentissimi atq; à Mahumetica lege maximè abhorrētes, opinionem vt plurimum Pontificis Cairaoan sequuntur, neque alia est Gens inter Arabes, quæ eam legem sibi seruarunt. Apud Tunetum aliasq; ciuitates vilissimis quibusdam artibus sibi victum quæerunt: neq; vsquam eorū fidem publicè profiteri audent.

¶ *Gariani mons.*

A Ltissimus hic atque frigidissimus mons, longitudine quadraginta, latitudine verò quindecim est miliarium, deserto areoso à reliquis montibus separatur, distat à Tripoli quinquaginta ferè miliaria. Maximam producit hor-

hordei atque daſtilorum copiam, qui niſi receiſtes edantur, facile viciantur. Oliuarū hic quoq; magna prouenit affluentia, quare ab hoc monte ad Alexandriam vicinasque ciuitates plurimum olei conuehitur. Nuſquam in toto orbe præſtantiore crocum reperiſ, quare & cariffimo apud omnes diuendi ſolet. Colligitur ex hoc monte ſexaginta millium aureorum prouentus, croci autem quantum quindecim muli ferre poſſent. Perpetuis ſemper Arabum Regisque Tuneti exactionibus vexantur. Pagos hic atq; vicos nonnullos reperiſ viliffimos.

¶ *Beni Gnarid.*

D iſtat hic mons à Tripoli in centefimo ferè miliario: huius accola validiffimi atque potentiffimi in libertate conſtituti, perpetuas habent cum montibus vicinioribus atq; cum Numidix deſerto inimicitias.

¶ *Cafſtellaſtrum.*

A Duce quodam ædificatū, qui cum exercitu in Africam ad mare Mediterraneum venerat: non procul à Tripoli diſtat, tandem verò ab Arabibus deletum fuit.

¶ *Subeica.*

S Vbeica caſtrum iis ferè temporibus conditū, quibus Mahumetani in Africam venerunt. Incolis olim fuit frequentiff. poſtea ab Arabibus deletum, nunc piſcatores aliquot inhabitant.

¶ *Cair Heſſin caſtrum.*

A D mare Mediterraneum à Mahumetanis conditum, poſtea ab Arabibus deletum fuit.

FINIS LIBRI V.

Ioannis Leonis Africani

descriptionum Africae, rerumq; in
ea memorabilium,

LIBER SEXTVS.

¶ *Gar.*



Numeratis haecenus montibus, superest nunc ut de pagis atque vicis nonnihil dicamus, tum & de regibus aliis: postea Numidiae quoque ciuitates recto ordine describemus. Qua in re nunc se mihi Gar primo offert, pagus ad mare Mediterraneum dactylorum copia opulentissimus: ager aridiusculus, paululum tantum profert hordei copiam, quo huius inhabitatores vesci solent.

¶ *Gar & Gare.*

Terrenum est in quo antra stupendae sunt profunditatis, unde lapides extractos dicunt, quibus condita fuit Tripolis antiqua, quandoquidem non procul inde distat.

¶ *Sarman.*

RVS est amplissimum, non longo à Tripoli antiqua interuallo situm, dactylis copiosissimum cum praeterea nihil omnino frugum producat.

¶ *Zaniat Ben Iarbut.*

P Agus est non longè à mari Mediterraneo situs, dactylis affluentissimus, ceterum frugibus omnibus infelicissimus: hunc religiosi quidam viri inhabitant. ¶ *Zanzor.*

Est & hic quoque pagus Mediterraneo mari vicinus, distat à Tripoli duodecim fere miliaribus: artificum hic maxima est frequentia,

tia, dactylorum, malorum puniceorum atque cotoneorum summa profluentia. Incolæ miserrimi, ab eo præsertim tempore, quo à Christianis occupata fuit Tripolis, & tamen apud Tripolitanos negotiantur, dactylosque huc venales adferunt.

¶ *Hamrozus.*

Vicus est in sexto à Tripoli miliario, quorum horti dactylis atq; omnis generis fructibus sunt feracissimi. ¶ *Tagiora.*

Planicies est in secundo à Tripoli miliario Orientē versus situs, in qua nonnulla sunt rura, dactylis aliisque fructibus mirè copiosa. Huic felicissima Tripolitana expeditio fuit, tum enim perinulti huc confugerunt. Incolæ ignari, rudes, furtis atque rapinis addictissimi, tuguria sibi ex palmorum ramis componunt. Pane vescuntur hordeaceo atque Bezin: omnes Regis Tuneti atq; Arabum imperio parent, præterquā qui in hac morantur planicie.

¶ *Mesellata prouincia.*

A D mare Mediterraneū à Tripoli triginta quinque distat miliaria, pagis, castris atq; inhabitatorib. ditissimis est refertissima, prouenit & hic summa oliuarum ac dactylorum copia. Incolæ liberi, ducem quendam inter se habent, qui Rempub. administrat, quique bella pro suis contra Arabes gerit: militum quinque ferè enumerat millia. ¶ *Mesrata prouincia.*

A D mare Mediterraneū in centesimo ferè à Tripoli miliario sita, pagos complures cum in planicie tum in montibus habet. Inhabitatores ditissimi, nullum omnino tributum

DESCRIPTIONIS AFRICÆ

tum perfoluunt, cum Venetis qui triremibus huc veniunt negotiantur, easdemque merces apud Numidas mancipii, mulco atque ciueto (vt vocant) commutant, quod illuc ex Æthiopia aduehitur.

¶ *Barcæ desertum.*

A Finibus Mesuratæ initium habet, extenditq; se Orientē versus ad confinia vsq; Alexandriæ loca, sic vt longitudine mille & trecenta, latitudine verò ducenta fere capiat miliaria. Desertum est asperum, aqua atque frugibus infelicissimū. Anteq̃ Arabes Africam inhabitare cœpissent, nullos adhuc in hoc deserto repperisses inhabitatores: Verū nunc miseram quidam hīc degunt vitam, maximeq; famelicam: distat enim ab omni habitatione longissima admodum intercapedine: neque apud illos quicquam frumenti prouenit. Frumentum autem aliaque ad vitam necessaria huc nauigio ē Sicilia aduehuntur, tum statim quisque vt inde sibi aliquid desumat, filios dat pignori, interea huc atq; illuc furantur ac in viatores grassantur vt filios repignerare possint. Nusquam atrociores reperiās prædatores, postquam enim mercatores bonis omnibus ac vestibus exuerunt, lactepidum vi infundunt, ac pedibus in arborem suspendunt, adeo vt omnia euomere cogantur, tum sedulo in sordibus quærūt, num quid auri inuenire possint, suspicantur nanque scelestissimi homines mercatores aureos omnes ingurgitare, priusquam desertum ingrediantur.

¶ *Tessetum Numidiæ oppidum.*

Dixi-

Diximus primo huius operis libro Numidiam à Cosmographis Africanis infimo loco esse habitam, rationes quoq; eo loco adiecimus: huius ciuitates aliquot Athlanti viciniore sunt, quemadmodum libro secundo, cum de Heha scriberemus, abundè dictum est. Sus verò, Gusula, Helchemma, atq; Capes in Tuneti sunt Regno, & tamen in Numidia sitas esse has ciuitates nonnulli dicunt. Ego verò Ptolemæi sententiam secutus, Tuneti regnum Barbariæ esse partem existimauerim. Numidiæ igitur ciuitates omnes atque oppida depicturus, initium à Tefseto sumam: quod oppidulum vetustissimum à Numidis non procul à Lybiæ deserto conditum, muris ex crudis lapidibus compositis cingitur, & tamen vix oppidum esse dicas: familias numerat quadringentas. Campis tantum arenosis cinctum est, nisi quod locis quibusdam oppido vicinioribus dactylorum, millij, atq; hordei aliqua prouenit copia, quibus miserrimi victitare solent. Amplissimum coguntur tributum enumerare Arabibus, qui in vicino habitant deserto. Apud Nigritas atque Gusulanos negociantur, adeò vt maximam temporis partem domo absint. Colore subnigri sunt, atque ab omni literarum cognitione alienissimi. Mulieres in ludis literariis primæ ætatis puellononniliterarum doceant, qui degustatis vix primis elementis ad laborem atque agrorum culturam compelluntur. Huiusmodi aut mulieres reliquis sunt candidiores: aliæ aut nendo, aut lanificio victum quærunt, reliquæ ociosæ prorsus desident. Qui in hac regione

DESCRIP. AFRICÆ

ditissimi habentur, vel minimam possident pecudum copiam. Terram equo simul & camelo exercent, qui arandi mos per totam Numidiam obseruari solet.

¶ *Guadenum.*

G Vadenum vicus quidam in Numidiæ deserto, nō procul à Lybia situs. Incolæ miserimi, vilissimoque ingenio præditi. Nihil hic præter dactylos prouenit: tanta his est cum vicinis inimicitia, vt domū vix exire liceat. Venationib. sese exercent, atq; syluaticas quasdam feras, Elamth atq; Strutiones captant, neq; aliis vix carnibus vescuntur. Si quid caprarum habent, propter lac asseruare solent. Sunt & hi colore omnes subfusci.

¶ *Ifran.*

Q Vatuor eo nomine appellata sunt castella, à Numidis in tertio ab inuicem miliario ad fluuiolum quendam exstructa, qui semper æstatis æstu aquis destituitur. Reperias inter hæc castra agros quosdam dactylis copiosissimos. Huius incolæ aliquantò ditiores sunt, negociantur enim cum Lusitanis ad portum Garet Guessem, quorum merces Gualitam atque Tumbutum conferunt. Habēt hæc castra satis magnam incolarum frequentiam, qui vasa quædam ænea apud Nigritas vendenda conficiunt: æs enim in locis quibusdam vicinis effoditur. Habet quodlibet castrum suum singulis septimanis mercatum, maxima semper illis est frumenti caritas. Vestitu vtuntur honestissimo: templum habent ornatissimum: iudicem quoque qui res tantum
cui

ciuiles curat: in rebus autem capitalibus, exilio tantum punire solent.

¶ *Accha.*

TRia item castella sunt in Numidiæ deserto non procul à Lybia ædificata: incolis quondam fuerunt frequētissima: tandem verò belli ciuilis iniuria, incolis remanserunt destituta. Tandem cōpositis rebus omnib. religiosi cuiusdam viri opera, qui postea huic populo imperauit, nouæ huc sunt introductæ colonix. Miserimi homūtionēs, nihil quod colligāt habent, præter dactylorum certam copiam.

¶ *Dara.*

AB Atlante initium sumens extendit se Meridiem versus per Lybiæ desertum ad ducenta & quinquaginta ferè miliaria: est autem strictissima hæc prouincia. Incolæ omnes ad fluuium quendā habitant, qui à regione nomen habet. Excrescit interdum hunc in modum, vt mare videatur, æstate autem tam est minutū, vt pedes facillimè transire possis. quòd si excreuerit circa Aprilis initium, fœcundissima sua irrigatione maximā huic regioni adfert vber tatem: sin minus, actum est de illius anni frugum prouentibus. Infinitos reperias ad huius fluminis ripam vicos atque pagos, castra quoq; quamplurima muris ex lapide crudo atque ereta cōpositis cincta. Trabes omnes atque contignationes ex palmis conficiuntur, quanquam huic rei non admodum quadrent, nō enim illud lignum solidum est sed fibrosum admodum. Visuntur præterea ad vtrumque fluminis latus in quinto,

Gg ij

aut

DESCRIPTIONIS AFRICÆ

aut sexto miliario agri dactylis copiosissimi, qui in multos si probe seruarietur, durare possent annos: & quemadmodum varia hic sunt dactylorum genera, ita & varium eorum est precium: quorundam enim modius aureo venditur, aliorum quarta vix auri parte, utpote quibus equi vescuntur atque cameli. Dactylorum alij sunt masculi, aliae feminae, masculi flores tantum producant, feminae fructum: Verum feminarum flores non aperiantur, nisi quis masculi ramum cum floribus adiungat, alioqui dactyli vilissimi maximisque nucleis proueniunt. Hordeo aliisque cibus vilissimis vescuntur: panem autem non nisi festiuius gustant diebus. Caltra aurifabris aliisque artificibus occupantur, uti & omnes ille regiones, quae à Tumbuto Fessam ducunt: reperiuntur in hac regione tria aut quatuor oppida satis ampla, mercatoribus, exteris, officinis, atque templis frequentissima. Oppidorum autem celeberrimum Beni Sabih appellatur, incolis validissimis atque liberalibus occupatur, in duas diuisum est partes, quarum quaelibet suum habet principem: hi frequentissime inter se belligerantur, eo praesertim tempore, quo solum irrigant, idque propter maximam aquae penuriam. Mercatorem per integrum annum aut etiam plus humanissime exceptum ita dimittunt, ut nihil omnino ab eo exigant, quam quod ille pro sua liberalitate persolvere velit. Hi quoties inter se bellum gerunt, vicinos Arabes in auxilium vocant, atque cuilibet stipendium unius semiaurei singulis diebus persolunt, interdum etiam plus, numerantque singulis diebus.

Pacis temporibus sclopeta aliaque bellica instrumenta adornant, neque me vnquam peritiores sclopentarios vidisse memini. Prouenit in hac regione herba quædã Gualto syluestri non admodum dissimilis, hanc inter Fessanos atque Telenos allis cõmutant mercibus. Mira his frumeti caritas, quod huc à Fessa aliisque regionibus aduehitur, caprarum atque equorum non magna hic reperitur copia, his frumenti loco dactylos apponunt, atq; huiusmodi pabulum quod apud Neapolitanos farfar appellari consuevit. Capris dactylorum nucleos antea contritos porrigunt, qui cibis maximè pingues atque lacte grauissimas reddit: carnibus vescuntur caprinis atque camelinis, quæ ingratissimi sunt saporis. tum & strutiones quoque à se educatos mañtant atque edunt, horum carnes galli gallinacei carnibus gustu non admodum sunt dissimiles, nisi quòd multo durior est atque foetida, eaque præsertim, quæ iuxta coxam est, hæc plus satis est viscosa. Horum mulieres elegantissimæ sunt, pinguiusculæ atque humanissimæ: mancipia è Nigritarum solo aduecta alunt.

¶ *Segelmessa.*

Segelmessa à præcipuo huius regionis oppido sic appellata initium habet non procul ab oppido Garfeluino, ac Meridiem versus ad flumen Ziz per centum & viginti miliaria vsq; ad Lybiæ ferè desertum extenditur. Hanc regionem Barbari nonnulli inhabitant, olim cuiusdam principis imperio paruit qui per se illud sibi regnum occupabat. Deinde à Iosepho Luntunensium Rege, postea à quodam Muhaidin, tandem

DESCRIPTIONIS AFRICÆ

& à Marinorum Regis filio fuit recuperata. Post hæc cōmota erga Principem dissentione Regeq; interfecto, oppidum Segelmessa destructum, remansitque in hunc vsque diem incolis vacuum. Incolæ postea sibi castra quædam condiderunt, quorum nonnulla in libertate remanserunt, alia Arabum imperio parent.

¶ *Cheneg.*

EXtendit se ea Regio ad flumen Ziz, atque Atlante monte terminatur, castris atque dactyliferis regionibus est copiosissima, quanquam dactyli minimi sint valoris, horum agri aridiores sunt atque angustissimi, nisi quòd in quibusdam, qui à flumine ad montes radices extenduntur, nonnihil hordei proueniat. Incolarum alij aut Arabibus parent, aut Garseluinis: alij omnino liberi sunt. His tota ea via subiecta est, quæ à Segelmessa Fessam ducit, atq; tributum amplissimū à mercatoribus illac iter facientibus exigunt. In hoc itinere tria præcipua reperies castra, quorum primum in rupe quadam altissima nubes attingere videtur. Huic subiecta quædam domus est, in qua perpetuò milites quosdam inuenias, qui pro cameli sarcina quartâ aurei partem postulant: secundum inde in decimoquinto distat miliario, nō in monte sed in ipsa planicie positum, multis partibus copiosius atque opulentius est. Tertium Tamracostum appellant, distat à secundo viginti ferè miliariorū spatio Meridiem versus, in publica cōditum via. Reperiuntur præterea & pagi nonnulli, aliaque quædam castella minus frequentia. Mira illis est frumētis ino-

inopia: caprarum autē copia maxima, quas hyeme in antris quibusdā spaciosissimis ceu in suis munimētis seruant, ad quæ strictissima quadam via ingreditur. Est quoq; ad hanc regionem ingressus per quadraginta ferè miliaria adeò angustus, vt duo vel tres armati maximos hic sustinere possent hostium impetus.

¶ *Matgara Regio.*

I Nitium habet in Meridie à prædicta regione: frequentissima hic sunt castella ad flumē Ziz ædificata, horum præcipuum est Helel, in quo totius regionis princeps natione Arabs se continere solet. Huius milites tentoriis quibusdam campos occupant: habet & alios quoq; milites secum, adeò vt neminem nisi fide publica exhibita præterire sinant, quem non continuo bonis omnibus exuant. Sunt & alia hic passim mapalia atque castella, quæ quoniam memoratu vix digna erant, consultò omisimus.

¶ *Retel.*

I Amdictæ Regioni contigua est Retel, quæ & ad flumē Ziz Meridiem versus per quinquaginta miliaria ad Segelmessæ territorium se extendit. Regio castellis agrisque dactyliferis copiosissima. Incolæ Arabibus parent, vltra modū auari atque pusillanimes sunt, adeò vt illorū centum vix se decem Arabibus opponere auderent; agrum ferè Arabibus colunt, perinde ac si illorū essent mancipia: in Oriente mōte quodam incolis vacuo, in Occidēte verò planicie quadam deserta atque arenosa clauditur, ad quam Arabes à deserto redeuntes se recipere solent.

DESCRIPTIONIS AFRICÆ

¶ *Segelmesse territorium.*

EXtendit se Segelmessæ territorium ad flumen Ziz à Septentrione Meridiem versus per viginti ferè miliaria: sunt in eo treceta ferè & quinquaginta castra, præter pagos & vicos, quorum tres omnium sunt celeberrimi. Primum Tenegent vocant, numeratq; mille, aut etiam plus familias: est autè oppido Segelmessæ vicinus, quare in eo artificum magna reperitur copia. Secundum Thebuhasant appellant, distat à priori Meridiem versus in octauo ferè miliario: aliquantò maior est incolarum numero, atque adeò mercatorum frequentia copiosior, vt in reliquis huius regionis partibus vix plures reperiri posse crediderim. Tertium Mamun dicunt, in quo magna quoque reperitur mercatorum, Iudæorum, atque Maurorum affluentia. Habent autem singuli suum principem, maximaq; inter se alunt dissidia. Sexnumero aquæductus illos vastant, quibus illorum agri adaquantur, qui postea non nisi maximis sumptibus restaurari possunt. Palmos quoque ad truncum decidunt: atq; vndique Arabes quidam scelestissimi se intermiserunt. Argenteam atque auream cudunt monetâ: nisi quod aurû habent non vsqueadeo præstans. Argètei numuli singuli quatuor pendent grana, illorum autè octuaginta vni aureo æquiualent. Maximum hic Iudæi atq; Arabes tributum persoluunt. Reperias hic aliquot nobiles ditissimos, qui maximè apud Nigritas negotiantur: quò merces Barbaricas deuehunt, auroq; atque mancipiis commutant. Dactylis ferè vescuntur oēs,
nisi

nisi quòd quibusdam locis nonnihil frumenti habeant. Infiniti hic reperiuntur scorpiones, pu-
lices autè nulli. Maximus huic regioni per æsta-
tem est æstus, quo tempore flumina adeò aquis
destituuntur, vt falsam è puteis quibusdam hau-
rire cogantur. Habet hoc territorium in circuitu
octuaginta ferè miliaria, quod incolæ post Segel-
messæ excidium minimis sumptibus muris cin-
xerunt, ne quid equitum quotidianis vexaren-
tur incursionib. Hi quandiu pacem inter se ser-
uauerunt, liberi remanserunt: verum postquam
dissidiis inter se distrahi cœperunt, destructis mu-
ris quælibet pars Arabum implorauit auxilium,
quibus paulatim parère coacti sunt.

¶ *Segelmessa oppidum.*

Nonnulli à quodam Romanorum Duce
conditum volunt, qui postquam suos
milites è Mauritania duxisset, totâ sibi
recuperauit Numidiam, atque tandem in Occi-
dentem veniens, vbi oppidum cōdidit, quod Si-
gillummessa appellauit, eò quòd esset in finibus
Messæ positum, atq; omnium victoriarum ceu
sigillum, deinde corrupto vocabulo Segelmessa
appellari cœpit. Vulgus vnà cum quodam Becro-
Cosinographo ab Alexandro Magno exstructam
esse ciuitatem arbitrati sunt, vt in ea ægros sau-
ciosq; milites seruarentur. quæ quidem opinio
nullo modo mihi arridere potest: nusquā enim
legitur Alexandrum Magnum vnq̃ in his fuisse
regionibus. Situm autem est oppidum in plani-
cie quadam ad flumē Ziz, murisq; elegantissimis
atque altissimis cinctum fuit, vti & multis in lo-

DESCRIPTIONIS AFRICÆ

cis adhuc videre licet. Postquam Mahumetani Africa fines ingressi fuerunt, cœperunt huius oppidi ciues Zenetorū parere imperio: qui tandem à quodam Iosepho Teffini Luntunorum Regis filio regno expulsi sunt. Domorum atque ædificiorum elegatia ornatissimum fuit oppidum: incolæ ditissimi, maximè apud Nigritas negociati sunt. Ornatissima hic templa atque collegia fuerunt, necnon & fontium quoq; maxima copia, quorum aqua rotis quibusdam è flumine vicino exhauriebatur. Felicissima hic aëris temperies, nisi quòd hyeme nimia laborauerunt humiditate, quæ morbos nōnullos inter ciues procreabat. Nunc autem deleta oppido, incolæ, ut iam diximus, castra pagosq; vicinos inhabitare cœperunt. Ego in his regionibus septem ferè egimentibus, in quodam castello quod apud eos Memun appellabatur.

¶ *Esnoaibila castellum.*

IN duodecimo ab vrbe miliario Meridiem versus, loco quodam deserto ab Arabibus conditum fuit. Hic merces atque frumenta ab hostium iniuria tuta reſeruarunt. Nullum in vicina neque hortum, neque agrum, neque deniq; quicquam boni reperies, præter petras quasdam nigras atque arenam.

¶ *Humeledegi.*

CAstrum in decimo octauo à Segelmessa miliario ab Arabibus loco quodam deserto exstructū, eadem ratione qua iam dictum castrum ædificatum diximus. Huic vicina est aspera quædam planicies, fructibus quibus-

busdam adeò copiosa, vt si quis à longè videat, malis citreis sparsam esse putet.

¶ *Vmmelhefen.*

Villissimum est castellum in vigesimoquinto à Segelmessa miliario, loco quodam deserto, eaque ipsa via quæ à Segelmessa Daram ducit, ab Arabibus exstructum. Muris nigrissimis cingitur, atq; cōtinuo Arabum præsidio munitur. Quotquot hâc prætereunt mercatores, pro cameli sarcina, quartam vnius aurei partem persoluunt. Ego cū quodam die illâc præterirem, comitati sunt quatuordecim Budeitæ, atque numerum rogati, tredecim tantum esse diximus: quare postquam numerare cœpisssem, decimumquartum ac decimumquintum captiuos retinere voluerunt, nisi Mahumetanos esse dixissemus: verum, quoniam non satis verbis nostris fidebant, Mahumeticam legem protulerunt, quam postquam hos intelligere viderunt, liberos abire siuerunt.

¶ *Tebelbeltum.*

Pagus est in Numidiæ deserto, ab Athlante distat miliaribus plus minus ducentis, à Segelmessa verò centum Meridiem versus. Tria habet castra vicina, incolarum numero atq; dactylorum profluentia copiosissima. Ingens hic est aquæ atque carniū penuria. Strutionibus insidiantur, quorum carnibus vtplurimum vescuntur: & quamuis apud Nigritas negociantur, miserimi tamen sunt summaque inopia coacti, Arabum imperio parent.

¶ *Togda.*

Regi-

DESCRIPTIONIS AFRICÆ

REgiuncula est ad flumen eiusdem nominis sita: dactylis, malis perficis, vuis, atq; ficibus copiosissima. Quatuor in ea reperiuntur castra, pagi verò decem, quorum incolæ aut agrum colunt, aut corium parant. Distat à Segelmessa Occidentē versus quadraginta ferè miliaria.

¶ *Farcala.*

REgiuncula quoque ad fluuiolum sita, dactylis etiam aliisque fructibus abundat. Frumenti verò maxima hic est penuria. Tria hic castra, pagi verò quinque reperiuntur. Distat ab Atlante Meridiem versus centū, à Segelmessa sexaginta ferè miliaribus. Incolæ mendicissimi Arabum imperio parent.

¶ *Teserin.*

AMoenissima hæc Regio ad fluuiolū quendam distat à Farcala triginta, ab Atlante verò sexaginta ferè miliaria. Dactylis est copiosissima, complectitur pagos quindecim, castella verò sex, vnā cum duorum oppidorum vestigiis, quorum nomina nusquā reperire potui. Teserin autem Afris perinde sonat atque latinis oppidum.

¶ *Beni Gumi.*

HÆC Regio flumini Ghir adiacet, dactylis quoque abundat. Huius incolæ miserimi, equos Fessæ emunt quos postea mercatoribus reuendunt, qui ad Nigritas proficiscuntur: numerantur in hac octo castella, vici verò quindecim: distat à Segelmessa Euroaustri versus in cētesimo ferè & quinquagesimo miliario.

¶ *Masalig & Abuginan castra.*

In

IN Numidiæ deserto à Segelmessa in quinquagesimo ferè miliario ad flumē Ghir sita. Horum incolæ Arabes mendicissimi, nihil enim hic frugum prouenit; dactylorum autem exigua prouenit copia.

¶ *Casair.*

Oppidulum in Numidiæ deserto, distat ab Atlante viginti miliaribus: hic plumbum atque antimonium effodiunt, unde huius incolæ victum sibi parant, neque aliud quicquam hic boni prouenit.

¶ *Beni Besseri.*

REgiuncula ad Atlantis radices omni genere fructuum copiosissima, nihil autem neque frugum, neque dactylorum profert. Tria sub se castra habet, deinde & quandam ferrifodinam, quæ omnibus Segelmessæ regionibus satis facit. Pagi hic rariores, principi Dubdu atque Arabibus parent, incolæ omnes ferrum effodiendi artem exercent.

¶ *Guachde.*

REgio est in Meridie septuaginta miliaribus à Segelmessa sita: Tres sub se castra, pagos quamplurimos ad flumen Ghir habet: magna hic prouenit dactylorum, frugum autem minima copia. Inhabitatores apud Nigritas negotiantur: parentque omnes Arabum imperio, quibus & tributum persolunt.

¶ *Trighig.*

TRia sunt in deserto quodam posita castra, dactylorum copia felicissima. Huius loci mulieres pannum ad culcitæ modum texunt.

DESCRIPTIONIS AFRICÆ

xunt, adeò subtilem tamen, vt fericum esse dicas, qui maximo apud Barbaros, Fessanos, atque Telenfinos vendi solet. Incolæ maximo sunt ingenio præditi: partim apud Nigritas negotiantur, partim Fessæ literis incumbunt: vbi simulatque Doctoris titulum sunt adepti, ad Numidiam redeunt, vbi aut Sacerdotes, aut Senatores efficiuntur, adeò vt omnes ferè sint opulentissimi. Distant autè à Segelmessâ in centesimo ferè & quinquagesimo miliario Orientem versus.

¶ Tesebit.

Tesebit Regio in deserto Numidiæ à Segelmessâ in ducentesimo & quinquagesimo Orientem versus, ab Atlante autè in centesimo posita miliario: quatuor sub se habet castella, vicos complures in Lybiæ cõfinibus ea viasitos, qua Fessa aut Telenfino ad Agades Nigritarum Regionem itur: incolæ non admodum diuites, nihil enim apud hos prouenit, præter dactylos, præterque frumenti exiguam quantitatem: viri subnigri, fœminæ formosiores, colore tamen subfusca sunt.

¶ Tegorarin.

Tegorarin Regio amplissima Numidiæ deserti distat à Tesebit Orientem versus centum ferè & viginti miliaria, castella circiter quinquaginta, pagos autem plusquàm centum numerat: estque dactylorû copia opulentissima. Incolas habet ditissimos, qui inter Nigritas negotiantur. Illorum ager frugibus ferendis aptissimus, assidua tamen propter nimiam ariditatem eget irrigatione, atque stercoratione. Exteris domos

mos inhabitandas præbent, nulla interim numerata pecunia, tantum ut stercus inde recipiant, quod illi curiosissime asseruare solent: quin & ægre admodum ferunt, si quis hospes extra domum alium exoneret. Ingens hic carniū caritas est: tanta enim soli est ariditas, ut neq; armenta, neque pecudes vix alere possit; capras aliquot propter lac alunt: carnibus camelinis vescuntur quam ab Arabibus emunt qui illuc ad mercatum veniunt: seuum falsum cibis admiscunt, quod à Fessanis atq; Telenisinis huc conuehi solet. Fuerunt quondam hic permulti Iudei, ditissimi, qui tandem propter concionatorē quendam expulsi fuerunt, bonaque eorum pars interfecta fuit populi seditione: idque eodem ipso anno, quo Budeitæ Hispania atq; Sicilia expulsi sunt. Principem quendā proprium habent, frequentissime inter se belligerantur, nullis tamē exteris nocent: vicinis quoq; Arabibus nonnihil tributi persolunt.

¶ *Mesrad.*

Regio in Numidiæ deserto Orientem versus, in trecentesimo à Tegerarin miliario posita, à mari Mediterraneo totidem distat miliaribus. Sex in hac regione sunt castra, pagi complures: incolæ ditissimi, maxime apud Nigritas negotiantur. Nigritæ quoque vñ cum Bugiæ atque Ghier mercatoribus huc confluere solent. Arabum imperio parent, quibus & tributum enumerant. *Tegart.*

Vetustiss. oppidum à Numidis in monte quodam conditū, ad cuius radices fluuius præterfluit, hic pons quidam qui eleuatur atque demit-

DESCRIPTIONIS AFRICÆ

demittitur. Huius oppidi murus ex lapide viuo atq; creta est exstructus, ea tamē parte qua montem respicit, muri vice rupem habet munitissimam: distat à mari Mediterraneo Meridiem versus quingentis, à Tegerarin trecentis fere miliaribus. Familiarum duo millia & quingenta numerat: domus autem ex lapide crudo sunt fabricatę, præterquam templum, quod aliquanto elegantius est. Maxima hic incolarū tam artificum quam nobilium multitudo: & quoniam summa est his dactylorum copia, frumenti verò ingens penuria, Constantinę mercatores apud hos frumentum dactylis commutant: exteris omnibus maximē fauent, quos humanissimē exceptos a symbolos dimittunt. Exteris filias despondere malunt quàm propriis ciuibus: pro dote autem agrum quendam dant, quemadmodū & in plurimis Europę partibus. Aduenas multis onerant muneribus, etsi tamen nunquā redituros sciant: tanta his est liberalitas. Primo Maroccorū Regi paruerunt, deinde Telenfino, nunc tandem Tunetano subiecti sunt Regnō, cui singulis annis quinquaginta millium aureorum enumerāt tributum, ea tamen conditione, vt Rex ipse tributa receptum veniat. Qui nunc Tuneti Regem agit, secundum tributum ab his exegit. Multa habet castra atque pagos, nonnullas item regiunculas, quę omnes huius ciuitatis principi parent: ille singulis annis centum & triginta millia aureorū prouentū colligit: numerosissimo semper est satellitio munitus, numeratq; stipendium amplissimum. Qui nunc Regē agit, iuuenili ætate princeps

ceps est, Habdulla vulgò nominant, exterisque omnib. humaniss. est, id quod ego certissimū per aliquot dies expertus sum, quib. apud eum egi.

¶ *Gnargala.*

Est hæc quoque ciuitas antiquissima, à Numidis in Numidiæ deserto munitissimis muris cincta. Ædificiorum structura hic summa est elegantia: dactylorum autem vbertas maxima. Castella aliquot sub se habet, pagos propemodum innumeros. Huius incolæ, quoniam Agades regno adiacent, ditissimi sunt. Ingens hic est Constantinétium ac Tunetanorum mercatorum affluentia, qui merces ex Barbaria aduectas apud Nigritas vendunt. Et quoniam magna his est frugum atq; carniū inopia, strutionum carnibus vescuntur, atq; camelinis. Sunt autem omnes colore nigri, habentque mancipia nigra: ingenium eis humanissimum, liberale, ac in exteros amicissimum est, maximeque muniticum. Principem habent, quem ceu Regem venerantur: hic perpetuò duo ferè equitum millia secum ducit, colligitq; quotannis centum ferè & quinquaginta millium aureorum prouentum.

¶ *Zeb regio.*

Est hæc regio in Numidiæ quoque deserto posita: principium Occidentale à Melisa sumit, terminaturque in Septentrione ad montem Bugiæ: in Oriente dactylifera illa regione quæ Tunetum respicit, in Meridie deniq; deserto quodam clauditur, per quod à Gnargala Tschortū proficiscitur. Ingens hic semper æstus atque arena est, aquæ verò atq; frumenti summa

H h

inq-

DESCRIPT. AFRICÆ

inopia: verum id dactylorū abundantia optimē pensatur. Habet hæc regio sub se quinque oppida, pagos verò quamplurimos: quæ omnia à nobis suo quoque ordine describentur.

¶ *Pescara.*

ANtiquissimum est oppidum à Romanis eodem tempore conditum quo illi Barbariam occupauerunt, deinde excisum à Mahumetanis Africam ingressis restauratum fuit: nunc incolarū numero sic satis copiosum, muris elegantissimis cinctum: incolæ etsi non diuites, ciuitatis tamen sunt amatores. Nihil hic præter dactylos prouenit. Varios habuerunt Principes. per aliquot enim annos Tunetani imperio paruerunt, idque in obitum vsque Regis Hutmeni, cui eiusdem ciuitatis sacerdos successit: neque vnquam ab eo tempore Tuneti Reges id sibi imperium recuperare potuerūt. Maxima hic scorpionum est copia, à quibus ic̃ti cōtinuò moriuntur: quamobrem ciues ferè omnes æstatis tempore relicta vrbe rus commigrant, vbi inensem vsque Nouembrem remanent.

¶ *Bargi.*

Aliud quoddam oppidum est quod Bargi vulgò appellatur: distat Orientē versus à Pescara quatuordecim ferè passuum millia. Magna hic est omnium generum artificum, maxima verò agricolarum frequentia. Et quoniam ingens hic est aquæ penuria, cū tamen agri assidua egeant irrigatione, quodam aqueductu cuique in suum agrum aquam introducere licet, idque per vnā aut alteram horam,

secun

secundum agri latitudinem aut longitudinem :
deinde vicinus quoq; ager ad clepsidras adaqua-
tur, ita tamen vt frequentissimè inter se rixetur,
atque pro aquæductu digladiantur.

¶ *Nefra.*

Nefra oppidum, ac eodem nomine appel-
lata regio, quæ tria sub se castra habet,
quorum maximum à Romanis, quan-
tum ex structura colligere possum, fuit ædifica-
tum. Ciuium hic maxima est frequentia, quos
rusticitati natos dicas: olim ditissimi fuerunt, non
enim procul à Libya aberant, eadem ipsa via qua
ad Nigritas itur: verum propter còtinuum cum
Tuneti Rege gestum bellum, qui nunc Regem
agit, oppidum deleuit: incolas partim interfecit,
partim fugauit. Muros reliquaq; omnia ædificia
ita destruxit, vt iam pagum esse credideris. Non
procul hinc fluuius quidam aquæ calidæ præter-
fluit, cuius aqua cùm eorum potui, tum & agro-
rum quoque irrigationi feruit.

¶ *Teolaca.*

Oppidum est à Numidis ædificatum, mu-
risque vilissimis cinctum, cui etiam vi-
cinus est fluuius quidam aquæ calidæ.
Horum ager dactylis copiosissimus, frugibus verò
infelicissimus est. Miserrimi huius oppidi ciues
maximis indies cùm ab Arabibus, tum à Tuneti
Rege exactionib. discruciantur: auari tamè sunt,
atq; vltra modum superbi, ac exteris inuidissimi.

¶ *Deusen.*

Deusen vetustissimū oppidum à Romanis
eodem loco còditum, quo Bugiæ regnum
Hb ij cum

DESCRIPTIONIS AFRICÆ

cum Numidia iungitur: à Mahumetanis simul
atque in Africam venerunt deletum fuit, idque
propter quendam ducem Romanū, qui per in-
tegrum annum Saracenorum obsidionem susti-
nuerat: hic tandem capto oppido cum omnibus
suis interfectus est, mulieres omnes cum pueris
captivæ abductæ fuerunt. Post excilum tamen
oppidum remansit murus integer, quandoqui-
dem durissimo lapide ingentiq; crassitudine in-
nitissimus erat, etsi quibusdam in locis præru-
ptus videatur, id facile aliquo terramotu acci-
disse crediderim. Reperiuntur adhuc non procul
ab hoc oppido nonnulla antiquitatum monu-
menta, quæ sepulcra esse dicas, in quibus argen-
tea quædam numismata reperiuntur, literis qui-
busdam atq; hieroglyphicis insignita figuris, qua-
rum interpretationē nunq̃ à quoquā percipere
potui.

¶ *Biledulgerida regio.*

Extendit se à Pescaræ territorio ad Insu-
lam vsq; Lotophagitem, altera eius parte,
hoc est, in qua sita sunt Caphsa atq; Teu-
sar, distat à mari Mediterraneo trecentorum fere
miliariū intervallo. Calidissima atq; aridissima
regio, nihil prorsus frumenti, dactylorum autem
maximā producit copiam, qui quoniam optimi
sunt, ad Tuneti regnum cōuehi solent. Frequen-
tissimæ hic sunt ciuitates, quæ omnes à nobis
suo quæque explicabuntur loco.

¶ *Teusar.*

Teusar antiquissimum quoque oppidum
à Romanis in Numidiæ deserto ad flumē
quoddam, quod ex montibus Meridiona-
libus

ibus effluit, ædificatum. Muros habuit elegantissimos atque munitissimos, territorium quoque amplissimum, verum adeo à Mahumetanis desertum, ut nunc pro sumptuosissimis palaciis turguriola quædam vilissima reperiatur. Incolæ cum mercibus tum & pecuniis opulētissimi sunt, frequentes enim quotannis nundinas habent, ad quas infiniti propemodum Numidæ atque Barbari confluere solent: flumen oppidum in duas diuidit partes, quarum alteram nobiles inhabitant, hanc Fatnafa appellant: in altera, quâ Merdes dicunt, Arabes quidam morantur, qui exciso à Mahumetanis oppido superfuerunt. Variè inter se temper belligerantur, ægréque admodum Tuneti Regis imperio parēt: quare & ab eodem indignissimis semper tractantur modis.

¶ *Cassa oppidum.*

Cassa oppidum antiquissimū à Romanis ædificatum per aliquot annos proprium habuit ducem, postea à quodam Huchahutmeno Califa occupatum: muri verò solo fuerunt æquati: arx interim remansit, quæ sanè munitissima est, huius enim murus longitudine viginti quinque est cubitorum, in crassitudine autem quinque habet cubitus, lapidibus elaboratis, atque eiusdem ferè artificij, cuius sunt lapides Amphiteatri Vespasiani. Posthæc ciuitatis murus restitutus fuit, atque tandem rursus à Masore destructus, ciuitatis principe cum omnibus suis interfecto, Masor alium quendam ei Regno præfecit. Nunc oppidum incolis refertissimum, domus omnes templo tantū excepto cum aliis

DESCRIPTIONIS AFRICÆ

quibusdam ædificiis vilissimæ sunt, plateæ spatiosissimæ nigrisq; lapidibus strata, quales Neapolitanæ atque Florentinæ sunt plateæ. Incolæ non admodû diuites frequentissimis Tuneti Regis exactionib. vexantur. Huius oppidi medio quadrati quidam profundi atque latissimi sunt fontes, muris vndique circumcincti. Aqua calida est potuiq; minus apta, nisi prius per horam vnâ aut alteram refrigerata: summa hic aëris est intemperies, bona semper incolarum pars febribus detinetur. Ingenium illis est rude, illiberale, ac exteris omnibus minimè fauent: quamobrem & ab omnibus Afris mirè cōtemnuntur. Nō procul ab hoc oppido agri sunt dactylis, oliuis, malisq; citreis fœcundissimi: dactyli autem atq; oliuæ, totius Regionis præstantissima sunt: oleum quoq; optimum colligunt: inhabitatores ex ceruino corio sibi calceos cōsuunt maximos.

¶ *Neffaoa.*

Tria sunt castra eo nomine appellata, incolis referta, structurisq; vilissima, crebris exactionibus à Tuneti Rege vexantur, distant à mari Mediterraneo circiter quindecim miliaribus.

¶ *Teorregu.*

REgiuncula est Regni Tripolitani, Barcæ deserto adiacens, suntque tria castra hoc nomine dicta dactylis copiosissima, cum nihil hic omnino frumenti proueniat. Incolæ quia maximo distât à reliquis vrbibus interuallo, miserrimam agunt vitam.

¶ *Iasiten.*

Re.

R Egio est ad mare Mediterraneū frequen-
tissimis pagis, dactylisque copiosissima.
Incolæ quoniam mari adiacent, maxime
cum Siculis atque Ægyptiis negociantur.

¶ *Gademes.*

R Egio est amplissima frequentissimis ca-
stris pagisque copiosissimis plena, distat
à mari Mediterraneo Meridiem versus in
trecentesimo ferè miliario. Incolæ cū dactylis
tum & omnis generis mercaturis ditissimi sunt,
apud Nigritas negociantur atq; Arabibus tribu-
tum perfoluūt, quanquam per aliquod tempus
Tuneti Regi atque Tripolitano principi parue-
runt. Maxima hic est frumenti atq; carniū pe-
nuria.

¶ *Fezzen.*

F Ezzen Regio amplissima munitissimis ca-
stris pagisque frequentissimis copiosissi-
ma, inhabitatores ditissimos habet, regno
Agades, Libyæ deserto necnon & Ægypto adia-
cet: distat à Cairo sexaginta ferè itinere dierum,
neque in toto eo deserto alius pagus reperitur,
præterquam Angela, quæ in Libyæ deserto sita
est. Habet Fezzen proprium quendam principē,
qui omnes regionis prouetus in singulos pro ar-
bitrio diuidit, atque Arabibus vicinioribus non-
nihil tributi enumerat. Maxima hic est frugum
carniūque penuria: camelinis enim duntaxat
carnibus vescuntur.

De Libyæ deserto, ac primum Zanhagæ descriptio.

E Numeratis hætenus Numidiæ regionib.
sequitur nunc vt & de Libya nonnihil di-
camus, quæ in quinque diuiditur partes,

DESCRIPTIONIS AFRICÆ

vti in principio huius operis dictū est . Initium igitur sumemus à Zanhagæ deserto arido atque fragoso, quod initiū habet in Occidēte ad mare Mediterraneū, deinde Orientem versus sese extendit ad Salinas vsque Tegasa, in Septentrione Sus, Haccha atq; Dare Numidiæ regionibus adiacet. Deinde Meridiem versus ad Nigritarū vsq; regionem protenditur, vbi Gnalata atque Tumbuto Regnis terminatur. Aqua hic in centesimo tantū reperitur miliario, eaq; salsa, maximeq; insipida à puteis quibusdam profundissimis petitur, idque ea præsertim via quæ à Segelmessa Tumbutum ducit : maxima hic ferarum reptiliumq; copia est, vti & suo dicetur loco: in hac regione desertum est asperum, quod eis Asanad appellatur, in quo neque aquam, neq; habitationes in centesimo vix reperiās miliario : initium sumendo à puteo Asanad, ad puteum vsq; Araoan, qui à Tumbuto circiter centū & quinquaginta miliaribus abest: hīc cū propter aque penuriam tum & caloris nimiam vehementiam, multi quotidie homines multaq; armenta intereunt.

¶ *De quodam deserto quod Zuensiga populus inhabitat.*

EST & in hac Regione desertū quoddam quod in Occidente à Tegasa initium habet, extenditurq; Orientem versus ad desertum vsque Hair, quod Targa populus incolit: in Septentrione Segelmessæ, Tebelbeli, atq; Benigorai desertis adiungitur, in Meridie autē Ghir deserto clauditur, quod Gubero regno adiacet: aridissimum, maximeque horrendum est desertum

tum: illac tamē mercatores à Telenfino ad Tumbutum proficiscuntur: reperiuntur autem frequentissimi in eo itinere extrema siti exstinēti. Includitur in hoc deserto & aliud quoddā, quod Goeten appellāt, vbi nouem dierum itinere ne guttula quidem aquæ reperitur, nisi fortassē pluvia nonnihil aquæ præbeat: quamobrem mercatores camelis aquam circumferre solent.

¶ *Eius deserti descriptio quod à Targa populo occupatur.*

Habet hoc desertum suum in Occidente principium ad confinia Hairi loca, vergitq; Orientem versus ad desertum vsq; Ighidi, in Septentrione desertis Tuath, Tegorarin atque Mesabe terminatur: in Meridie verò deserto quodam Agadez clauditur. Multis partibus clementius minusque asperum quàm duoiā ante à nobis descripta: aquæ hic satis bona reperitur copia, vicinis præsertim Hairi locis. Mira hic est aëris temperies, nullum herbæ genus hic desiderari potest. Non procul ab Agades reperitur manna copiosissimum, hoc incolæ mane semper quibusdam vasculis colligunt, ac recens Agades ad mercatum ferunt: solet autem aqua commixtum pro deliciis epotari. Deinde & iuri addunt, quo modo sumptum maximam habet refrigerandi facultatem, quamobrem hic rariores esse morbos credibile est, quanquā Tumbuti atque Agades sit aër corruptissimus: patet hæc solitudo à Septentrione Meridiem versus per trecenta ferè passuum millia.

¶ *De eo deserto quod Lemta populus inhabitat.*

Quar

DESCRIPTIONIS AFRICÆ

Q Vartum desertum à territorio Igidi initium habet, extēditurq; ad aliud quoddam desertum, quod à Berdoa populo colitur. in Septentrione desertis Techort, Gnargalæ atque Gademiti adiungitur: in Meridie eo deserto clauditur quod ad Cano Nigritarum regnum ducit. Aridissimum est, necnon & mercatoribus Constantinam proficiscentibus periculosissimū. Huius enim incolæ sibi Gnargalæ imperium ascribunt, quare dum contra Gnargalæ Principem bellum gerunt, mercatores ut plurimum bonis exuunt: Gnargalitas verò, quotquot in eorum manus incidunt, confestim iugulant.

¶ *De alio quodam deserto quod à Berdoa populo tenetur.*

Q Vintum desertum in Occidēte initium habet à iam dicto deserto, extenditque sese Orientem versus ad Augelē vsque desertum. In Septentrione Fessen atque Barcæ solitudinib. adiacet, vergitque Meridiem versus ad desertum vsque Bornon. Maxima hic quoque ariditas est, neque cuiquam tutus illac transitus patet, præterquam Gademitis, qui Berdoa populo sunt amicissimi: Fezzenitis verò, quoties in manus hostium incidunt, merces omnes adimuntur. Reliquum Libyæ deserti, hoc est, ab Augela ad Nilum vsque ab Arabibus quibusdam atque Africanis occupatur, quos vulgò Leuata vocat: estq; hic Libyæ deserti finis. ¶ *Nun regio.*

N Un regio maritima, pagos atque vicos complures habet, incolas verò mendicissimos: inter Numidiam atq; Lybiam po-

posita est, sic tamen vt Libyæ sit vicinior. Nihil hic neque frumenti neque hordei prouenit. Hic dactyli reperiuntur sapore nō admodum grati. Incolæ frequentissimis Arabum grauantur incursionibus: horum verò nonnulli apud Gnatas negotiantur.

¶ *Tegaza.*

Tegaza regio, vnde maxima effoditur salis copia, quod marmor candore superat. Extrahitur autem è quibusdam antris, ad quorū ingressum tuguriola aliquot reperias eorum qui in eo exercitio suam insumūt operam. Hi autem exteri omnes sunt, atque effossum sal mercatoribus quibusdam vendunt, à quibus camelis ad Tumbuti regnum deuehitur, vbi summa est alioqui salis inopia. Neque quicquam ciborum salis effosiores habent, præterquam quod à mercatoribus illuc adportatur: sunt enim ab omni hominum commercio viginti ferè itinere dierum semoti, adeò vt sæpenumero multa fame mortui reperiuntur, quoties nō satis tempore venire potuerūt mercatores: accedit ad illorum calamitatem, quòd ventus interdum ex Euroaustro miseros excæcat, ita vt non sine maximo periculo hic habitare queant. Ego totū triduum apud hos victitavi, quo aquam falsissimam è puteis quibusdam non longè ab antris positis desumptam potandum fuit.

¶ *Angela.*

Avgela regio Libyæ deserti, distat à Nilo in quadringentesimo quinguequasimo miliario: tria his castra cum aliquot pagis re-

DESCRIPTIONIS AFRICÆ

reperias. Satis bona hic daëtylorum copia, frumenti autem summa est inopia, nisi huc à quibusdam mercatorib. ex Ægypto adferatur. Sita est hæc Regio ea via publica, quæ à Mauritania per Libyæ desertum ad Ægyptum ducit.

¶ *Serte.*

Oppidum antiquissimum ab Ægyptiis ut nonnulli volunt, à Romanis ut aliis placet, ædificatum: neque defunt qui ab Afris conditum esse malunt. tandem à Mahumetanis excisum fuit, quanquam Ibnu Racih Historiographus à Romanis destructum affirmet. Nunc nihil omnino relictum reperias, præter exigua admodum muri monumenta.

¶ *Bardeoa regio.*

Bardeoa medio Libyæ deserto posita, distat à Nilo quingentis ferè miliaribus: tria hic sunt castra, quinque aut sex pagi daëtylis optimis copiosissimi. Triaverò castra octodecim ab hinc annis à quodā Hamar reperta sunt, idq; hunc in modum: Mercatores quidam à recta aberrantes via, cæcū habebant qui regiones omnes nouerat: hic camelo insidens præcedebat, atque singulis miliaribus arenam sibi dari iubebat, ad cuius odorem regionis situm dicebat: quum autem in quadragésimo tantum ab hac regione abessent miliario, assumpta arena nō procul eos esse à regione quadam pronunciauit: quod tamen aliis credibile non videbatur, sciebant enim se ab Ægypto ad quadringenta & octuaginta miliaria processisse, adeò ut se Augelæ viciniore arbitrati sint. Tercio tamen die tria castra inueniunt,

runt, quorum incolæ exterorum aduentum admirantes, maximeque sibi metuentes, mox portas omnes occluserunt, neque mercatoribus extremum sitientibus aquam dare voluerunt. Illi tamen vi illata intrò tandem sese coniecerunt, atq; vbi iam satis aquæ sumpfissent, rursus itineri se commiserunt.

¶ *Alguechet.*

Regio est Libyæ quoque deserti, in centesimo & vigesimo ab Ægypto miliario posita. Tria hic castra, rura frequentissima, dactylis copiosissima. Incolæ subnigri, viliores, atq; auarissimi, ditissimi tamen: sunt enim medij inter Ægyptum & Gaogam siti. Principem habent proprium, & tamen Arabibus vicinis tributum persoluunt.

Ioannis Leonis Africani descriptionum Africæ, rerumq; in ea memorabilium,

LIBER SEPTIMVS.

¶ *Nigritarum regionis in suas partes diuisio.*



Etustissimi rerum Africanarum scriptores, quales fuerunt Bicri atque Meshudi, nihil in Nigritarum regione præter Gueget atque Canouuerunt: nam antea adhuc incognita erant reliqua omnia loca. Hegiræ autem Anno trecētesimo octuagesimo, opera cuiusdam Mahūmetani, qui ad Barbariam venerat, reliqua
hu-

DESCRIPTIONIS AFRICÆ

huius regionis pars inuēta est, cum maxima incolarum copia, qui beluinam prorsus ducunt vitam, nullum neque Regem, neque Principem, nullamq; adeò Remp. habent, vix agriculturam nouerunt, pellibus quibusdam vestiuntur, proprias verò mulieres non habent: interdum pecus cogunt: sub noctē in tuguriolis quibusdam deni aut duodeni tam viri quàm fœminæ cōueniunt, pellibus lecti vice vtuntur, sibiq; eam sumit quisq; mulierem, quæ magis arridet. Nulli bellum inferunt, nec extra limites aliud regnū quærunt. Horum nonnulli Solem simulatque exortus est, summè venerantur: alij ignem adorant, cuiusmodi sunt Gnalitæ populi: reliqui Ægyptiorum more ad Christianā fidem propius accedunt, quales sunt qui Gaogam incolunt. Paruerunt Nigritæ primò Iosephi Regis imperio, qui Maroccum edificauerat, deinde quinque Libyæ populis subiecti fuerunt, a quibus Mahumetanam legem aliasq; ad victum necessarias artes edocti sunt: postea cū Barbariæ mercatores suas merces in has regiones conuehere cœperūt, tum etiam linguam Barbaram introduxerunt. Quinque autem populi Libyæ hanc inter se regionem partiti sunt, adeò vt eorū quælibet pars tertia regionem vnā possideret. Qui nunc Regem agit Tumbuti (Abubacr Izchia vocant) natione Nigrita est: hic post Regis præcedētis obitum, qui ex Libya ortus erat, interfectis Regiis filiis in regnum successerat, estq; tum ad Nigritas deuolutum imperium. Hic post quā per quindecim annos bellum gerens amplissima sibi regna

gna deuicisset, composita cum omnibus pace ad Mecca proficisci voluit, quo in itinere omnia sua bona ita consumpsit, vt & ab aliis quibuscumque principibus aliquot aureorum millia sit mutuatus. Quindecim igitur hæc Regna nobis cognita ad Nigrum aliosque fluuiolos qui in Nigrum fluunt sunt posita. Est autem media inter duo vastissima quædam deserta, ex altera enim parte desertum habet quod à Numidia ad hanc usque se extendit regionem: ex Meridie verò ei deserto adijcitur, quod inde ad mare Oceanum protrahitur: in qua solitudine infinite propemodum sunt regiones nobis incognitæ, idque cum propter nimiam locorum distantiam, tum propter linguarum Religionisque diuersitatem. Nihil omnino commercij nobiscum habent, verum eos cum maris Oceani accolis negociari sæpenumero intelleximus.

¶ *Gualatæ Regni descriptio.*

EST sane hoc regnum, si alia respicias, angustissimum: pagos enim tantum tres cum aliquot vicis campisque daëtyliferis complectitur: distat à Nun Meridiem versus trecentis fere, à Tumbuto Septentrionem versus quingentis, à mari Oceano circiter centum miliaribus. In hac Libye populi, dum adhuc eo Regno poterant, regiam constituerunt, quo tempore ingens mercatorum Barbarorum huc confluebat copia: postea verò regnante Heli principe opulentissimo mercatores relicta Gualata ad Tumbutum atque Gago proficisci cœperunt, quæ res summam attulit in regione rerum omnium penuriam. Horum lingua Sungai appellatur, nigerrimi sunt atque;

DESCRIPTIONIS AFRICÆ

atq; erga exteros amicissimi. Nostreis temporib. fuit hæc Regio à Tumbuti Rege deuicta, fugatus inde princeps deserta petiit, quod vbi Tumbuti Rex animaduertisset, metuens ne cum omnibus deserti incolis rediret, iis conditionib. pacem dedit, vt singulis annis ingens quoddam numeraret tributum, remansitque igitur in hunc vsque diem hic princeps Tumbuti Regi tributarius. Hi moribus ritibusq; cum adiacentis deserti incolis cōueniunt. Prouenit hic minima tantummodo millij, necnon & cuiusdam leguminis rotundi copia, cuiusmodi nunquam in Europa vidisse memini, carniū verò summa hic est penuria. Tam viri quàm fœminæ caput hunc in modum obuoluunt, vt totam ferè tegant faciem. Nulla hic est Reipub. administratio, nulli nobiles aut iudices, quin miserrimam omnes hic viuunt vitam.

¶ *Gineæ regni descriptio.*

Hoc Regnum est à nostræ gentis mercatoribus Gheneoa, à propriis incolis Genni, à Lusitanis verò aliisq; Europæ populis Ginea appellatum: est aut medium inter Gnalatam ad Septentrionē ac inter Tumbutum ad Orientem, habetq; Meridiem versus coniunctū Melli Regnum. Longitudine quingentorum ferè est miliarium: extendit se ad fluuium Nigrum per quingenta ferè passuum milia, mari Oceano adiicitur, eodem loco quo Niger in mare dilabatur. Regio est hordei, orizæ, pecudum, piscium, atque gossypij copia opulentissima: gossypium autem Barbariæ mercatoribus vendunt, aut pan
nis

is ex Europa aduectis, æneis vasis, armis, aliisq; cuiusmodi rebus commutant. Horum moneta aurea est, nulla inscriptione insignita: est & alia quedam moneta ferrea, qua in rebus minutioribus vti solent, huius quædam libram vnâ, alia semissem, alia etiam quadrantem pendet. Nihil in hac regione fructuum, præter dactylos reperias, qui huc aut ex Gualata aut Numidia adferuntur. Nullum omnino neque oppidum est, neque castrum: pagus tantum quidam reperitur amplissimus, in quo Gineæ princeps, sacerdotes, doctores, mercatores, omnesq; adeo regionis nobiles inhabitât. Huius domus cretaceæ tecto stramineo coopertæ, incolæ gossypio nigro aut caruleo vestiuntur, quo & caput tegere solent: sacerdotes legisq; doctores candidum gestant gossypium. Remanet autem hæc regio tribus Annimensibus, Iulio, Augusto, atq; Septembri, Nigri inundationibus ad Insulæ modum cincta: quo tempore Tumbuti mercatores lignis quibusdam ad scaphæ instar cauatis huc suas merces conuehere solent, interdum nauigâtes, sub noctem verò lintrem littori alligant, ac in terram pernoctant. Paruit quondam hoc regnum cuiusdam populi Libyæ imperio, postea Regi Sono Heli tributa persoluit, cui Soni Heli Izchia successit, qui huius regionis principem captiuum apud Gagum seruauit, vbi miserrimus vnâ cum alio quodam viro nobili miserrimè vitam finiuit.

¶ *Melli regio.*

Extendit se ad flumen quoddam, quod ex Nigro effluit per trecenta ferè passuum milia,

DESCRIPT. AFRICÆ

In Septentrione iamdicto adiacet Regno, ad Meridiem deserta montesque aridissimos habet, in Occidente vastissimis quibusdam sylvis iungitur, quæ ad mare vsq; Oceanum extenduntur: in Oriente verò Gago territorio confinis est. Reperitur in hoc regno amplissimus quidam pagus, qui sex millia, aut etiam plus familias continet, Melli appellant, unde & regnum nomen habet. Hic se Rex cum omnibus suis continere solet. Regnum est frumento, carnibus, atque gossypio opulentissimum. Maxima hic ubique artificum ac mercatorum copia; exteri tamen maximo semper apud Regem sunt in honore. Inhabitatores ditissimi, mercibusque copiosissimi. Frequentia hic templa, sacerdotes, atque prælectores, qui in templis tantum prælegunt, quandoquidem collegia non habent. Nigritas omnes ingenio, ciuitate, atq; industria antecedunt; primi omnium Mahumeticam assumpserunt legem, eo tempore quo Principem habuerunt Iosephi Regis Marocci auunculum, remansitq; penes huius successores imperium: tandem Izchia deuictum huius regni Principem sibi tributarium reddidit, adeoq; ingentibus vexauit exactionibus, vt vix tantum sit vnde familiam alere possit.

¶ *Tumbutum regnum.*

H Vius Regni nomen nostris ferè temporibus ab eiusdem nominis oppido desumptum volunt, cuius conditorẽ fuisse dicunt quendam Mense Suleiman, Hegiræ anno sexcentesimo decimo: in duodecimo miliario à quodam fluuiolo situm fuit, quod è Nigro flumine

offluebat, cuius domus omnes in tuguriola cre-
tacea stramineis tectis sunt mutata. Visitur ta-
men elegantissimum quoddam templum, cuius
murus ex lapidibus atque calce viuo est fabrica-
tus: deinde & palaciũ quoddam Regium à quo-
dam Granata viro artificissimo conditum. Fre-
quentissimæ hic sunt artificũ, mercatorũ, præci-
puè autem telæ atq; gossypij textorum officinæ.
Huc mercatores Barbari pannum ex Europa ad-
ferunt. Huius quoque regionis mulieres faciem
tegunt, ancillis tamen exceptis, iisq; quæ omnia
ad victum necessaria vendunt. Incolæ, ac inter
hos exteri præsertim sunt ditissimi, adeò vt qui
iam Regem agit, vtramque filiam duobus mer-
catoribus ditissimis in vxores dederit. Frequen-
tissimi hic putei, qui aquam præbent dulcissimã,
ac quoties Niger flumen excrefcit, eius aquam
ductibus quibusdam in vrbem trahunt. Regio
est frumentis, pecudibus, lacte, atque butyro co-
piofissima: salis verò summa est penuria. huc e-
nim à Tegasa, quod oppidum in quingentesimo
abest miliario, adferri solet. Ego cùm hic essem,
vidi salis sarcinam vnã, quantum camelus fer-
re potuit, octuaginta emi aureis. Tumbuti Rex
opulentissimus bracteas aliquot atq; scepra ha-
bet, quorum nonnulla mille & trecentarum sunt
librarum: magnificam optimeq; instructam alit
aulam. quoties aliquò proficiscitur, camelo in-
fidet, qui à nobilib. duci solet: idem euenit quo-
ties ad bellum proficiscitur, milites verò omnes
equites sunt. Hunc si quis Regem alloqui velit,
ad pedes primũ procidit, deinde terram sumēs

DESCRIPTIONIS AFRICÆ

in caput atque humeros sternit: soletq; hic ferē-
 mos ab illis seruari, qui nunquā antea Regi sunt
 locuti, aut qui ab alio Principe huc Legati sunt
 missi. Equitum semper tria millia habet, pedites
 propemodum innumeros, qui arcubus sagittas
 emittunt veneno infectas. Frequentissime cum
 his belligerantur, qui tributum persolvere recu-
 sant, & quotquot prælio capere possunt, Tum-
 buti mercatorib. vendunt. Magna hic est equo-
 rum paucitas, mercatores atque aulici pulillos
 quosdam alunt, quibus in itinere peragendo uti
 solent: præstantissimi autem equi ē Barbaria ad-
 ducuntur. Rex verò simulatque audit mercatores
 cum equis appulisse, mox numerum sibi adferri
 iubet, deinde omnium præstantissimum sibi de-
 ligat, preciumq; liberalissimè persolvit. Iudæis
 omnibus adeò se hostem atrocem præbet, ut nul-
 los omnino in ea ciuitate admittat: si quos Bar-
 baros aliquid cum Iudæis commercij habere in-
 telligit, statim illorum bona proscribere iubet.
 Magna hic est iudicum, doctorum, sacerdotum,
 atque virorum doctissimorum copia, qui libera-
 lissimis Regiis aluntur stipendiis. Infiniti hic li-
 bri manuscripti ex Barbaria adferuntur, ē quibus
 multò plures pecuniæ, quàm ex reliquis omnib.
 mereibus colliguntur. Horum moneta aurea est,
 nullis figuris insignita: in rebus autem minutio-
 ribus cochleis quibusdam utuntur, quæ huc ex
 Persarū regione conuehi solent, harum quadrin-
 gentæ aureo æquivalent: aureorum autem sex
 cum duabus vnius aurei tertiis vnciam vnā pen-
 dent. Homines natura sunt mites atque placidi,

à vigesima quarta in primam vsq; noctis horam cantando atq; saltando omnes ferè ciuitatis partes ambiunt: mancipia vtriusq; sexus quamplurima alunt, estq; oppidum ignis iniuriæ maximè obnoxium: vbi iam secundum ad hos venissem, dimidia ferè oppidi pars quinque horarum spatio igni deleta fuit. Nullum in suburbio hortum aut fructibus consitum locum reperiens.

¶ *Cabra oppidum.*

Cabra sic satis amplum absque muris ad pagi modum compositum oppidum, distat à Tumbuto ad flumē Nigrū in duodecimo ferè miliario: hic mercatores ad Ginez aut Melli regnum nauigare cupientes, naues conscendunt. Huius tam ciues quàm ædificia Tumbuti ædificiis atque ciuibus nō admodum sunt inferiora: huc Nigritæ nauigio vndiq; confluere solent: in hac ciuitate Tumbuti Rex iudicem quendam constituit, qui lites inter eos componeret: molestum enim erat toties in anno eam ob causam eò proficisci. Ego hic Regis fratrem Abu Bacr cognomine Pargama noui hominem colore quidem nigrum, cæterum animo atq; ingenio candidissimum. Frequentissimi hic exoriantur morbi, qui Remp. mirum in modum minuunt. Idq; propter ciborum ineptissimā commixtionem: pisces enim lacte, butyro, atque carnibus commiscent. Estque hic præcipuus ferè Tumbuti cibus.

¶ *De Gago oppido atque regno.*

Gago oppidum amplissimū nullis quoque cingitur muris: distat à Tumbuto

DESCRIPTIONIS AFRICÆ

Mèridiem versus quadringētis fere passuum milibus, inclinaturque fere ad Euroaustrum. Viliſſimas habet domos, præter eas quas Rex cum suis nobilibus occupat. Mercatores hîc ditissimi reperiuntur: magna quoque semper affluere solet Maurorum copia, qui hic pannum emunt è Barbaria atque Europa aduectum. Maxima in vrbe opulentissima reperitur frumenti atq; carniū abundantia: vini verò, arborum, atque fructuum summa inopia. Non hic melones, citreolos, neque orizam desiderabis: frequentissimi hic quoq; putei, è quibus aqua hauritur dulcissima. Est & hîc locus quidam ad quem mancipia venalia adducuntur, idq; iis præsertim diebus, quibus mercatores conuenire solent: quindecim annorum iuuenis sex aureis vendi solet, tantidem etiam & pueri emuntur. Habet Rex quoddam ab aliis semotum palatium, in quo maximam alit foeminarum atque mancipiorū copiam, quæ & à quibusdam seruantur Eunuchis: & quò omnia sint tutiora, equitum atq; peditum satis bonam alit custodiam. Inter portam priorem atq; interiorē palacij partem, locus est muris cinctus in quo Rex omniū lites diffinire solet: & quauis ipse diligentissimus omnia prope modū perficiat quæ ad hanc rem pertinere videntur, habet tamen & suos conciliarios, aliosque quos habet à secretis, à thesauris, à negociis atque rationibus. Nō dictū facile quantum hic mercium quotidie adferatur, quamque præciosa atq; sumptuosa sint omnia. Equi in Europa decem aureis empti, hic quadraginta, interdum etiam & quinquaginta emun-

emittitur aureis. Nullus est tam vilis Europæ pannus, cuius vlna quattior non hic ematur aureis, qui verò aliquantulum subtilior est, quindecim: Venetus autem pannus, ostrinus, aut è Turcia aduectus, triginta ferè apud illos emitur aureis: ensis hic tribus aut quatuor valet coronatis, quod & de calcaribus, frenis, aliisque omnibus rebus, item & de aromatibus dici possent: omnium denique carissimum sal est. Reliqua huius regni pars nihil aliud quam pagos atque vicos continet: hæc ab Agricolis & pastoribus occupatur, qui hyeme pellibus quibuldam membra tegunt, æstatis vero tempore adeò nudi incedunt, vt minimo tantum panniculo pudenda tegant: gestant & interdum ad pedis plantam soleas quasdam ex camellicorrio consutas. Ignari sunt atque rudes, neque vix in centesimo miliario quenquã reperias, qui literas nouit. Maximis indies grauantur exactionibus, ita vt vix tantum his relinquatur, quo sibi victum parent.

Guber regnum.

Distat à Gago Orientem versus trecentis ferè miliaribus, estque inter duas has regiones desertum quoddam, quod maxima laborat aquæ penuria, distat enim à Nigro circiter quadraginta miliaribus: cingitur hoc altissimis montibus, pagos complures habet, in quibus pastores atque bubulci quamplurimi. Maxima hic est pecudum atque armentorum copia: verum multo humiliori statura, quam aliis locis. Infiniti propemodum hic artifices atque tele textores reperiuntur: calcei hic inueniuntur, quales Ro-

DESCRIPTIONIS AFRICÆ

mani priscis illis temporibus gestare solent: horum maxima pars ad Tumbutum atque Gagum confertur. Est & hic magna quoque oryze, aliorumque quorundam leguminum copia, qualia nunquam in Italia vidisse memini. Verum quibusdam locis apud Hispanos reperiri puto. Ex crescente Nigro flumine sua inundatione agros omnes huius regionis tegit, quo tempore semen tantummodo in aquam projiciunt. Est in hac regione copiosissimus quidam pagus, qui sex fere millia familiarum numerat, hic omnis generis mercatores inhabitant, fuitque quondam hic Regis cuiusdam aula, qui nostris temporibus ab Ischia Tumbuti Rege interfectus fuit, filioli captiui atque castrati inter Regios Eunuchos fuerunt constituti. Deinde rectores huc misit, qui ciues antea ditissimos frequentissimis vexarent exactionibus: incolarum aut bona pars ab Ischia captiua atque mancipiorum loco seruata fuit.

Agades ciuitas atque regnum.

A Gades oppidum in Libyæ loco viciniore paucis ab hinc annis à quodam Rege muris cinctum. Huius incolæ inter omnes fere Nigritas sunt candidissimi: domus omnes elegantissimæ ad Barbarorum modum ædificatæ. Maxima incolarum pars exteri sunt mercaturam exercentes, reliqui omnes aut artifices sunt, aut apud Regem stipendia merent. Mercatorum singuli complures alunt seruos atque mancipia, qui à Cano Bornum proficiscentes comitentur: in eo enim itinere à prædatorib. quibusdam Zinganis admodum incommodantur, adeo ut non audent

se

se itineri committere, nisi optimè ad iter instru-
ti: nostro tempore balistis vti ceperūt: mox vbi
mercatores in oppidum aliquot appulerunt, ser-
uos omnes variis exercent modis, ne quid ociosi
desideant: decem autē aut duodecim secum ser-
uant, qui inferuiant, quique merces obseruent.
Habet huius oppidi Rex egregium satellitium,
estque ferè semper in quodam palacio medio ci-
uitatis posito. Ille vtplurimū eorum curam ge-
rit, qui in campis atque desertis habitant: credi-
tur enim à Libyæ populo traxisse originem. Illi
verò nonnunquam post expulsam regem alium
quendam sibi assumunt: adeò vt qui deserti in-
colis magis arridet, totius Agades princeps con-
stituatur. Reliqua huius regni pars quæ Meridiē
spectat, pastores atque bubulcos habet, hi in tu-
guriolis quibusdam ex frondibus compositis ha-
bitant, quæ ferè bobus circumferuntur, quoties
est aliquò migrandum. Casulas semper eodem
campo statuunt, in quo pecus pascere decreue-
runt: quod & Arabibus quoq; in vsu est. Ingens
quotannis Regi enumerant tributum, qui mer-
ces ex alieno orbe huc conuehant: sumit autem
Tumbuti Rex ex hoc regno tributum nomine cen-
tum ferè & quinquaginta aureorum millia.

¶ *Cano.*

Cano prouincia amplissima distat à flu-
mine Nigro Orientē versus in quingen-
tesimo ferè miliario. Maxima incolarum
pars pagos inhabitant, alij pecus cogunt, alij agri-
cultura sese exercēt. Nascitur hic satis bona fru-
menti, oryze atq; gossypij copia. Frequentissima
hic

DESCRIPTIONIS AFRICÆ

hic sunt deferta montesque maxime nemorosi, multisque fontibus irrigui. prouenit in iis nemoribus satis bona malorum citreorum atque limonium syluestrium copia, qui sapore non multum a fatiuis differunt. Medio autem regionis oppidum est eodem nomine appellatum, huius murus atque domus ex creta ferè sunt fabricata. Inhabitatores sunt mercatores ditissimi, ciuilitatis amantissimi. Illorum Rex fuit quondam potentissimus, maximoque equitum numero munitissimis, tandem Regi Zegzege Regique Cassenge tributum numerare coepit. Deinde Ischia Tumbuti Rex amicitiam cum duobus his Regibus simulans, per insidias vtrunque interfecit. Deinde Regi Cano bellum mouere coepit, quem tandem longa obsidione victum filiam quandam quam habebat, in vxorem ducere coegit, iisque conditionibus in regnum restituit, vt tertiam semper reciperet prouentuum partem: hic perpetuo aulicos quosdam habet, qui debitam sibi partem recipiant.

● *Casena regnum.*

I Amdicto Regno in Oriente coniunctum est, frequentissimis repletur montibus, agrum habet asperum, hordeo tamen atque millio fecundissimum. Colore omnes sunt nigerrimi, maxime nasuti, labra autem prominentiora habet: vilissimis quibusdam tuguriolis atque casulis se continent: neque vix pagum reperias, qui plusquam trecentas numeret familias. Horum animi vilitate inedia quædam sese adiungit: Regem quondam habuerunt, qui ab Ischia quoque interfectus fuit,

fuit, ex quo tempore tributarij eiusdem Ischia
sunt effecti. ¶ *Zegzeg Regnum.*

AD Euroaustrum regione Cano est con-
tiguum, distat à Calena centum ferè &
quingenta miliaria. Huius inhabi-
tatores ditissimi, maximè apud alias nationes
negociantur: quædam huius Regni pars in pla-
nicie, reliqua in montibus est sita, quarum hæc
frigidissima, illa verò calidissima est. Et quoniã
hyemis sæuitiam egrè admodum ferre possunt,
in mediis ædibus focum exstruunt luculentis-
simum, prunas deinde sub lecticis eminentiori-
bus locant, atque hoc modo se somno compo-
nunt. Horum ager maximè irriguus, frugibus
omnibus est felicissimus: domorum hic eadem
est structura qualis in ante descripto regno. Pro-
prium aliquândo habuerunt Regem, quem ab Is-
chia interfectum antea diximus, cœpitque ab eo
tempore hoc Regnum Ischiæ parere imperio.

¶ *Zanfara.*

ZAnfara Regio Zegzeg in Oriente coniun-
gitur, huius populus vilissimus, atq; rusti-
citati addictissimus. Ager frumento, ory-
za, millio, atq; gossypio copiosissimus. Incolæ sta-
tura proceriores, colore nigerrimi sunt, faciem
habent latissimam, estq; ingenium illis prorsus
beluinû. Eorum Rege ab Ischio veneno necato,
illi iam tributarij fuerunt effecti.

¶ *Gnangara.*

Coniungitur hæc Regio ad Euroaustrum
cum Zanfara: incolarum multitudine di-
tissima, proprium habet regem, qui septē
mi-

DESCRIPTIONIS AFRICÆ

miliū peditū sagittariorū, quingentorū
verò equitū satellitū alit: amplissimos sibi
quotannis recipit prouentus. Nihil hic præter
vicos quosdam vilissimos reperiās, vno tantū
excepto, qui magnitudine atque elegantia cæte-
ros antecellit. Huius inhabitatores ditissimi fe-
rè semper cum vicinis negociantur. In Meridie
regioni cuidam coniungitur, in qua maxima re-
peritur auri cōpia. Nunc autem mercaturam
nullo modo cum exteris exercere possunt, vtrin-
que enim hostem habent infestissimum. In Oc-
cidente Ischia sæuit, in Oriente verò Rex Borni
miserrimè excruciat. Ego cū quodam die in
Borno essem, Rex Abraham copiosissimo col-
lecto exercitu Gnangaræ principem regno ex-
pellere decreuerat, nisi ab Homar Gaogæ prin-
cipe impeditus fuisset, qui iam Borni regnum
oppugnare cōperat. Quare Borni Rex in patriā
reuocatus, coactus est Gnangaræ regno cedere.
Quoties Gnangare mercatores ad auriferam il-
lam regionem proficiscuntur, quoniam viæ sa-
lebrofiores sint, quā vt cameli introduci pos-
sint, merces mancipiis imponere solent. confi-
ciunt autem grauissima tamen sarcina onerati,
iter decem aut duodecim miliarium. Quin &
quosdam vidi, qui vno die idem bis conficerent
iter: incredibile dictū quātō miserrimi sint pon-
dere pressi, nam præter merces cibum quoque
pro dominis, deinde & pro militibus quoque,
qui mercatores armati comitantur, circumfer-
re solent.

¶ *Bornum regnum.*

Bor-

BOrnum amplissima prouincia Gnangaræ regioni in Occidente est contigua, extenditq; se Orientem versus ad quingēta ferè miliaria: distat ab eo loco vbi. Niger fluius originem habet, centum ferè & quinquaginta miliaribus: in Meridie deserto Set adiacet, in Septentrione verò illi ferè deserto coniungitur, quod Barca respicit. Inæqualis est huius regni situs, aliqua enim pars in montibus, reliqua in planicie est. Planicies autem pagos complures habet, mercatoribus, incolis ditissimis, atqui frumēti copia felicissimos. Totius huius regionis Rex maximū quendam cum suis occupat pagum. In montibus bubulci habitant, pecudumq; pastores frequentissimi: hic millium, aliaq; quædam frugum genera nobis incognita proueniunt. Accolę per totam æstatem nudi incedūt, nisi quòd corio quoddam pudenda tegant: hyeme verò pellibus vestiuntur, pelliceosque sibi sternunt lectos. Nullam omnino neque Mahumeticam neque Iudaicam neq; aliam denique fidem habent, quin beluino prorsus more viuentes, mulieres atq; proles communes habent: & quātum à quodam mercatore intelligere potui, qui longam cum his habuerat consuetudinem, nullum hic proprium nomen audias, sed omnes vel à longitudine, vel pinguedine, aut alio quouis accidente nomen habent. Horum Princeps potētissimus originem à quodam Libyæ populo traxit, Bardoa nuncupato, alit equitum plus minus tria millia, peditū verò numerum reperit infinitum, quandoquidem omnes sibi adeo subditos habet, vt quoties impe-

rat

DESCRIPTIONIS AFRICÆ

rat, mox ad arma profiliant, ducemq; quocunq;
velit sequuntur. Nullum omnino tributū præ-
ter decimas frugum persoluunt: neq; alium ha-
bet hic Rex prouentum, q̄ quod frequentissimis
incurſionibus atque prædationib. vicinis adimit
hoſtibus. Perpetuas alit cum populo quodam
inimicitias, qui vltra deſertum ſeu habitant. Hi
aliquando expeditiſſimo peditum exercitu per
deſertum ad Bornum venerant, bonamq; regni
partem depopulati fuerant. Quare Borni Prin-
ceps Barbariæ mercatores ad ſe euocauit, manda-
uitq; vt maximam adducerēt equorum copiam;
ſolent enim illi equos mancipiis cōmutare, atq;
pro quouis equo quindecim aut viginti interdū
mancia recipere. Hac via inuenta eſt infinita
propemodum equorum multitudo, mercatorib.
verò tantisper expectandum fuit, donec è bello
Princeps victor rediens captiuos ſecum adduce-
ret, ac creditoribus de equis ſatiſfaceret. Euenit
autem ſæpenumerò vt mercatores totum expe-
ctent trimēſtrem, priuſquā Princeps redeat, in-
terea Regiſ viuunt ſumptibus. Nonnunquam
non ſatis mancipiorum ſecum adducit Princeps
vt mercatorib. ſatiſfiat; aliquando etiam in pro-
ximum illis eſt expectandum annū, ſemel enim
duntaxat in anno incurſiones facere licet, idquo
ſtatuto quodam anni tempore. Quin & complu-
res hic repperi mercatores, qui de Rege omnino
deſperantes, eò quòd in annum integrum cre-
diderant, apud ſe conſtituerant nunquam cum
equis redire. Rex tamē opulentiſſimus videtur,
ſtapedes enim, calcaria, frena, lances, patinæ, po-
cula,

cula, aliaq; quibus cibus aut potus ad eius mensam adferuntur, aurea sunt omnia: huiusmodi etiam sunt catenę omnes quibus venatici alligantur canes. Rex tamen supra modum avarus est, adeo ut multo malit mancipiis quam auro debitum soluere. Infinita propemodum in hoc regno inveniuntur Nigritarum aliorumque incolarum genera, quorum nomina (quandoquidem vnu tantum hic egi mensum) adnotare non potui.

¶ *Gaogæ regni descriptio.*

G Aoga in Occidente Borno regno confinis est, extenditur Orientem versus ad confinia usque; Nubię regni loca: in Meridie deserto cuidam adiacet, quod ad Nili gyrum quendam situm est: in Septentrione deserto Serta atque Ægypti terminis clauditur. Patet in longum ex Occidente in Orientem quingentis, in latum vero totidem fere miliaribus. Nulla hic humanitas, literarumque cognitio, habitatores agrestissimi, iique præsertim qui in montibus habitant, hi nudi incedunt, nisi quod pellicula quadam pudenda tegant; horum domus ramulis atque frondibus sunt compositę, quę facillimè igne consumuntur, copiosissimum habent gregem, cuius etiam maximam gerunt curam. Per multos annos in libertate vixerunt, quę sibi à quodam Nigrita eiusdem regionis adempta fuit. hic cum quodam die domino mercatori ditissimo concuberet, videretque se non procul abesse à patria, herum iugulavit, omnia illius bona sibi occupavit, atque ad suos rediit. Vbi postquam equos aliquot sibi emisisset, crebris incursionibus vicinos

po-

DESCRIPTIONIS AFRICÆ

populos vexare cœpit, ac ferè semper victor euasit: ille enim equites ad bellū instructissimos secum habebat, hostes verò inermes ferè pugnabant. Hunc in modum captiuos ferè innumeros habuit, hos equis commutauit, qui ex Ægypto huc adducti fuerant: ac sic tandem crescente in dies militum numero, ab omnibus tanquā Rex ac totius regni princeps habitus fuit. Huic filius successit, patri viribus animique audacia nequaquam postponendus: hic quadraginta annis regnum administravit. Post hunc frater Moyses, postremo omnium huius nepos Homara regnum suscepit, qui & in hunc vsque diem imperat. hic regnum multis partibus auxit, amicitiam cum Cairi Soldano iniit, à quo sæpenumero amplissima recipit munera, quæ maxima liberalitate pensat: permulti Ægyptij mercatores, alijque Cairi inhabitatores res quasdam preciosissimas, ac rariores huic Principi dono afferunt, maximamque illius liberalitatem laudant. Habet hic Princeps literatos omnes summo honore, eosque præsertim qui à Mahumete originem traxerunt. Ego eodem tempore in huius aulâ fui, cùm nobilis quidam à Damiata elegatissima offerret munera, equum elegantissimum, ensen, paludamentum, aliaque quædam, quæ Cairæ centum & quinquaginta ad plurimū aureis fuerant emptæ: pro his à Rege quinque recepit mancipia, totidemque camelos, cum quingentis illius regionis aureis: deinde & centum ferè mirandæ magnitudinis elephantorum dentes.

¶ *Nubia regnum.*

Nu-

Nubia iam dicto regno in Occidente cōiungitur, extenditq; sese ad Nilum vsq;, in Meridie Goraniæ deserto, in Septentrione verò Ægypti finibus terminatur. Non tamen ex hoc regno ad Ægyptū nauigari potest: nō enim quibuldam hic locis Nilus profundior est, quā vt quis pedes faciliē transire possit. Præcipuum regni oppidum Dangala vocant, incolarum frequentia est copiosissimum, familiarum numerat plus minus decem millia. Domus ferē omnes cretaceæ, tectum habēt stramineum. Ciues ditissimi, ciuilitatisq; amantissimi, maxime cum Cairæ ac Ægypti mercatoribus negociantur. In reliqua huius regni parte, pagos tantum ac vicos reperies ad Nilum fluuium sitos. Incolæ omnes agriculturam exercent. Est autem Nubiæ regnum frumento, saccaro, quo tamen vt nesciunt, opulentissimum. Reperitur & in Dangala maxima ciueti (vt vocant) ac ligni sandalici copia. Regio est multo ebore ditissima, eò quod multi hic capiuntur elephantes. Reperitur & hic venenum præsentissimū, cuius si granum vnum inter decē homines fuerit diuisum, ante quartam horæ partem omnes necat: si verò vni detur, confestim eodemq; instante interficit. Huius vncia centum aureis emitur, neq; cuiquā præterquam exteris huiusmodi venenum venditur, deinde emptorem iuramento astringunt, se eo in Nubiæ regno non esse vsurum. Qui autem venenum hic emere velit, tantum Regi quantū mercatori persolvere cogitur: quod si quis venenum Principe nesciente vendiderit, cōtinuò capite

DESCRIPT. AFRICÆ

pite plectitur. Rex perpetuum ferè gerit bellum
 nunc cum Gonaritis (hi ex Sindanorum familia
 orti deserta inhabitât, neque quisquam illorum
 potest intelligere idioma) nunc cum aliis qui-
 busdam populis, qui in eo deserto habitât, quod
 vltra Nilum Orientem versus ad mare vsque ru-
 brum extenditur, non procul à finibus Suachin.
 Horum (quantû conicere possum) idioma mix-
 tum est, maximamq; habet affinitatem cum lin-
 gua eorum qui Suachin, aut eam Æthiopix par-
 tem inhabitant, vbi Prætum Ioannem habitare
 dicunt: hunc populum Bugiha vocant: vilissimi
 sunt homines, atq; miserimi, lacte, carnibus ca-
 melinis, atque ferarum vescuntur, quæ in iis de-
 sertis capiuntur. Aliquando nōnihil tributi aut
 à Suachin, aut à Dangalæ Principe recipiunt.
 Oppidum quondam habuerunt opulentissimū
 ad mare rubrum positum, Zibid vocabant, vbi
 portus erat frequentissimus, qui ex opposito por-
 tum Zidem habuit, in quadragesimo à Mecca mi-
 liario positū. Ab hinc verò centum annis à Sol-
 dano deletum fuit, eò quòd huius incolæ quas-
 dam sibi merces receperant, quæ Meccam ad-
 uectæ fuerant, quo etiam tempore Zibid portus
 frequentissimus deletus fuit, vnde maximum ta-
 men quotannis colligebatur tributum. Incolæ
 inde fugati Dangalam atq; Suachin pfecti sunt,
 atque tandem à Suachin Principe ingenti præ-
 lio victi sunt, interfectis vno die plus quam qua-
 tuor millibus, mille captiuis Suachin introdu-
 ctis, qui à ciuitatis mulieribus atq; pueris occisi
 fuerunt. Hæc sunt Amice Lector quæ de Ni-
 gri-

gritarum regione dicenda habui: cuius quinde-
cim illa regna, ritibus atque moribus inter se si-
millima, imperio quatuor tantum Principum
parent. Nunc ad Ægyptum pergamus.

Ioannis Leonis Africani descriptionum Africae, rerumq; in ea memorabilium,

LIBER OCTAVVS.

¶ Ægyptus.



Ægyptus clarissima Regio, ab Occi-
dente desertis Barca, Libya, ac Nu-
midia clauditur: ab Oriente desertis
quæ Ægypto & mari rubro interia-
cent: à Septentrione mari Mediter-

raneo: à Meridie agro Bugiensi & Nilo termina-
tur. Patet in longitudinem à Mediterraneo ad-
usq; Bugiæ provinciam, circiter femiquingentis
passuum milib. tam angustæ latitudinis, vt præ-
ter exiguum solum ad vtranque Nili ripam ste-
riles inter mōtes prædictis desertis confines flu-
entem, nihil habeat interstitij, eo saltem loco ex-
culta & inhabitata, quo Nilus à supradictis mon-
tibus distat: tamentli aliquatenus se extēdat ver-
sus mare Mediterraneū. Nilus enim octuaginta
ab Alcairo passuum milibus in duas secatur par-
tes, alueumque efficit, qui in Occidentem defle-
ctens, redit vnde prius emanauerat, & Alcairo cir-
citer sexaginta passuum milib. præterlapsedus, ite-
rum in duos secatur ramos: quarum alter Pelu-
sium quæ Damiata, alter Rosetum fertur. Ex eo

DESCRIPTIONIS AFRICÆ

porro quod Pelusium præterfluit, alius deriuatur alueus, qui in lacum cōuersus angustis faucibus mari coniungitur, ad cuius ripam Tenesse antiquissima ciuitas est condita: quæ Nili in diuersas partes sectio, exiguam, vt diximus, Ægypto latitudinē præbet. Vniuersa hæc prouincia plana est, omniq; granorum, ac leguminum genere fertilis. Latissima vbique sunt palea: pulli & anseres innumeri. Rustici potiori ex parte fuscū referunt colorem; ciuitatum incolæ candidum. Angusta veste ad pectus consuta, atq; hinc in pedes diffuente vestiuntur, manicis pari ratione angustis. Caput rotundo & fastigiato tegminē, Dulipanum Itali vocant, operiunt. Calceamenti quodam genere vetustatē referente vtuntur, Æstate gossypinā telam variis coloribus intertextā gestant: hyeme verò pannum gossypio suffultū, quē Chebre vocant; at ciues opulentiores quem admodum & mercatores Europæis pannis vestiuntur. Incolæ probi sunt, festiui ac liberales. Frequentissime in cibariis caseo recenti & large salito, lacte item acido & certo artificio indurato vescuntur: quem tametsi in deliciis habeant, exterius gustare non possunt, fereque singulis ferculis nonnihil acidi lactis commiscent.

Ægypti diuisio.

QUO tempore Machumetani Regionis principatum occuparunt, Ægyptus trifariam diuisa est. Ab Alcairo Rosetum, oram vocāt Errisiam; Ab Alcairo ad Bugiæ confinia Sahid, id est, terrestrem. Solum vero fluminis alueo qui Pelusum ac Tenescam fertur adiacens

cens

ens, Bechriam seu Maremmā nuncupant. Tota Egyptus cū sit fertilissima, Sahidica tamē provincia reliquas partes, omnis generis leguminū, animalium, pullorum, linique copia antecellit. Errisīa fructibus & oryza : Maremma gossypio, & saccharo fœcundior. Errisīæ & Maremmæ habitatores, Sahidicos vrbānitate superant : quod duæ hæ partes mari vicinæ ab Europæis, Barbaricis & Assyriis amplius frequententur : verū Sahidici in Mediterraneis vltra Alcairum habitantes externos nullos vident, præter raros quosdam Æthiopes.

¶ *Ægyptiorum genus & origo.*

Ægyptij, vt scribit Moses, à Mesraim filio Chus, filij Cham, filij Noæ, originem ducunt. Hebrei regionem & incolas pari vocabulo Mesraim appellant. Arabes Mesre: verū incolas Chibith nominant. Chibithi verò aiunt primum Regionis dominium vsurpasse, ac domos cœpisse cōstruere. Incolę autem seiplos huiusmodi vocabulo compellant: neque alij remanserunt veri Ægyptij, præter Christianos pauculos, qui hodie istic visuntur : reliqui Machumetano dogmati adhærētes, Arabibus & Africanis se commiscuere. Mansit huius regni principatus multis annis penes Ægyptios, nempe Pharaones; quos potentissimos extitisse, mirabilium ædificiorum vestigia testantur, præter luculenta Historicorum scripta, in quibus celeberrima fit Ptolemæorum regum mentio. Exinde in Romanorum potestatem redacta, post Christi natiuitatē Christianū dogma percepit Romano

DESCRIPTIONIS AFRICÆ

subdita imperio: à cuius declinatione, ad Constantinopolitanos imperatores translata est, quibus magna cura hoc Regnum tueri studentibus, à Machumetanis tandem occupatum est, Hamro duce Hasij filio exercitus Arabici Homar eius nominis secundi Pótificis summo præfecto: qui in sua religione quenq; dimittens, ab iis præter tributū nihil petiit. Is porro ad Nili ripam exiguum oppidulum Arabibus Fustato dictum cōdidit, quod eorum lingua tabernaculum significat: cum enim huic se expeditioni pararet, loca inuenit omnino inculta & habitatoribus vacua, adeo ut illi sub pellibus exercitum continere necessum fuerit. Vulgus Mesre Hatichi hoc est vetus oppidum appellare consuevit, quod ad Alcairum collatum, nouum dici potest. Plurimi nostra tempestate viri præcellentes, tam Christiani quàm Iudæi & Machumetani sua opinione falluntur. Mesre enim putāt eo loco situm, in quo Moses & Iosephi Pharaones habitarunt: quod Pharaonis oppidū ea in Africæ parte existimēt, qua Nilus ad Occidentem in Africam flectitur, vbi quoque visuntur Pyramides: quod & sacra scriptura innuere videtur in libro Geneseos, vbi Iudæos Fabricationi Apthun oppidi à Pharone conditi, occupatos Moſis tempore fuisse meminit: ea nempe Africæ parte qua Nilus in Africam eursum flectit, ab Alcairo in Meridiem circiter. L. pass. milib., ad Nili alueum quem in Occidentē vergere suprā diximus. Aliud quoque proferūt indicium, Pharaonis oppidum eo loco fuisse cōstructum, quod ad confluentiam Nili alueorum,

stru-

structura antiquissima sit, quæ Iosephi sepulchrum nominatur, in quo repositus fuerit Ioseph priusquam ab Hebræis ad Patrum sepulturam transferretur. Denique, nec Alcaïrum, nec vicina loca habent, quòd se Pharaonum regionem inhabitare contendant: hoc tamen loco sciendū est, nobilitatem priscorū Ægyptiorum, olim in Sahidica Regione supra Alcaïrum constitisse in oppidis Fium, Manichmin, atque id genus cæteris celebrioribus. Verū occupata à Romanis Ægypto, præstantiores in Errisiam se reduxere, nempe ad oram maritimam, vbi Alexandria, Rosetum, aliæq; celebres vrbes Latinam appellationem hæcenus retinentes, visuntur. Quin & Romano imperio in Græciam trās lato, nobilitas in maritima loca se recepit, Cæsaris oratore Alexandria residente: cæterum Machumetanis in Ægyptum perrumpentibus, in Mediterranea se reducere, duplicem fructum eodem tempore parituros existimantes. Alterum regni vtrinque pacificandi: alterum se tuendi à Christianorum incursionibus, à quibus metuendum illis fuisset, si in maritimis diutius constitissent.

¶ *Ægypti temperies.*

Ægypti aer calidus est ac nociuus: neq; in ea regione vnquam vel raro admodum pluit. Pluuiæ autem causam frequentib. morbis præbent: alij nanq; catharro ac febribus obnexij sunt: aliis mirum in modū tument testiculi: cuius tumoris occasionem medici caseo salito & bubulæ, qua vesci consuevere, ascribunt. Æstate immenso feruore solum exu-

DESCRIPTIONIS AFRICÆ

ritur, in cuius remedium per singula oppida excelsas turres construunt, quæ in superiori ac infima parte ostium ex aduerso ædium habent, per quarum fastigia dimissus ad infimam partem ventus, incolis nonnihil auræ exhibet: alioquin ob intolerabilem Solis æstum non liceret istic vitam agere. Sæuiente nonnunquam peste, ingenti hominum clade, præcipuè circa Alcaïrum afficiuntur, qua inualescente singulis diebus plerunque duodecim hominum milia occumbunt. Morbi verò Gallici nullam existimo regionem tanto affectam incommodo, & nusquam tot homines ea infectos lue datur cōspicere. Sub Aprilis initium segetes succidunt, succisas confestim triturant: neque spicam ad vigesimum Maij secandam relinquunt. Nili inundatio Idibus Iunij incipit, diebus excrescit quadraginta, totidemque decrescit: quo temporis interuallo, omnes Ægypti ciuitates & vici insulas representat, quas accedere non licet, præterquā nauigio. Cæterum nauibus onerariis ferendis Nilus tū temporis est percommodus, quarum nonnullæ sex modiorum frumenti millia simul ac centum pecora capiunt: quibus ad hunc modum onustæ, secundo saltem flumine nauigant: aduerso siquidem vix redirēt vacuæ. Ægyptij iuxta Nili incrementum præuident eius anni caritatē: velut latius dicturi sumus, cum de Nili insula è regione Ciuitatis veteris in qua Nili mēsurā cernitur, sermo inciderit. Tametsi nostri non sit instituti omnes Ægypti ciuitates describere, quod nostri scriptores inter seipso discrepent, alij siquidem Ægyptum Afri-

cæ negant annumerandam, alij contrariam tuetur sententiam. Plurimi eam Ægypti partē, quæ ad Barbariæ, Numidiæ, ac Libyæ desertum tendit, Africæ esse contendunt. Nonnulli quicquid ad præcipuū Nili alueum excultum est, Africæ tribuunt: quod verò ad alium, velut Manf, Fium, Semmenud, Damanhore, Berelles, Tenesse, ac Damiatia, minimè: quam quidem opinionem multis rationibus fultus sustineo. quare præter ciuitates ad præcipuum Nili alueum sitas, nullas describam.

¶ *Bosiri ciuitas.*

BOsiri antiquissima ciuitas ab Ægyptiis ad mare Mediterraneum condita, distat ab Alexandria Occidentem versus viginti circiter passuum milibus. Fortissimis olim cincta mœnibus, pulcherrimisq; ædificiis exornata exstitit. Plurimis hodie cingitur daëtylorum possessionibus: cæterum nullus eorum curam gerit: nam Alexandria à Christianis occupata, derelicta ciuitate, incolæ ad lacum Buchaira profugerunt.

¶ *Alexandria magna Ægypti ciuitas.*

Alexandria ampla Ægypti ciuitas, ab Alexandro Magno non absq; consilio nobilium & peritorum Architectorū, pulcherrimo loco ac situ in extremitate maris Mediterranei cōdita, distat à Nilo Occidentē versus quadraginta passuum milibus: quam ædificiorū structura & munitione nobilem exstitisse, donec in Machumetanorum potestatem venit, plurimorum Authorum testimonio constat: exinde multorum annorum spacio collapsa, vetusta cel-

DESCRIPTIONIS AFRICÆ

lebritas intercidit, quòd nullus ferè vel Græciæ
vel Europæ mercatorû in ea mercimonium ex-
erceret, velut inculta remansit. Verùm astutus
quidam Machumetanorum Pontifex ex Machu-
metis vaticinio amplissimas indulgentias con-
cessas rudi populo cõfinxit, iis qui ciuitatem in-
colerèt, vel certis diebus præsidio firmarèt, quiq;
eleemosynam in publicû vsum conferrent: quo
stratagemate breui tempore ciuitatē exteris ho-
minibus vndiquaque conuenientibus oppleuit:
à quibus plurimę domus ad ciuitatis mœnia ex-
structæ sunt, multaq; studiosorum collegia, &
monasteria, in gratiam peregrinorum isthic reli-
giõis ergò confluentium. Sita est forma qua-
drangulari. Portæ sunt quatuor: prima quæ O-
rientem spectat ad Nilum cõstructa, altera quæ
Meridiem ad lacum Buchiara, tertia versùs Bar-
cæ solitudinem ad Occidentem, quarta ad mare
Mediterraneum, vbi est portus: cui adstant ex-
ploratores, & ministri telonij, qui exactissimè
viatores ad ipsas vsq; vestes perscrutâtur: quan-
doquidem non pro mercibus saltem, verùm pro
numinis quoque quippiam in singulum cente-
narium vectigalis loco persoluitur. Sunt & aliæ
duæ iuxta mœnia portæ, ab inuicem ambulacro
munitissimaq; arce distinctæ, quæ ad ripam por-
tus Marfa el Bõrgi vulgò nuncupati, hoc est tur-
ris portus, sita est. In hunc se nobiliores ac cele-
briores naues recipiunt, cuiusmodi sunt Vene-
torum, Genuensium, Epidaurentium, ceteræque
Europæorum naues. Eò namque Belgæ, Angli,
Cantabri, Lusitani, omnisque generis Europæ
ho-

homines mercaturæ gratia nauigare solent: verum maiori frequētia visuntur Appuliæ, Siciliæ, & Græciæ, hoc est Turcica nauigia, quæ in hunc se recipiunt portum, à piratarum incursionibus & auræ intemperie tutiorem. Est & alius portus quem Marfa Essil Sela vocât, hoc est, catenæ portum, in quo Barbariæ naues, veluti Tunetanorū & Geluiensium, stationem habent. Christiani circiter decimâ pro mercibus quas vel inuehant vel euehant persolvere coguntur, Machumetani vicesimam: tamen quicquid terrestri itinere Alcaïrum defertur, nullum pendit vectigal. Hæc est nostra tempestate ciuitatis pars celebrior, vtpote Alcaïro vicina, ad quam omnis generis mercibus refertissimam, negotiatores ex toto orbe conueniunt: reliquis partibus ciuilitatis expers, incolisque destituta: nam excepto vico longissimo, quo ab Orientali porta ad Occidentalem itur, eaque ciuitatis portione, iuxta maritimam portam mercatorum tabernis referta, atq; Christianis inhabitata, reliquum vacuum est & euastatū. Quod per ea tempora accidit, cū Ludouico eius nominis quarto Gallorum Rege à Sultano in libertatem restituto, Cypri Rex classe partim Veneta partim Gallica instructus, ex improviso Alexandriam adortus, magna hominum edita strage, cepisset ac depopulatus esset. Verū Sultano adueniente, qui magnū exercitum recuperandæ Alexandriæ gratia conscripserat, Cyprij de tuitione desperantes, domibus incendio absumptis discessere. Sultanus mœnia, vt potuit, restaurauit: arceq; ad portum edificata, paulatim in eum quem

DESCRIPTIONIS AFRICÆ

quē videmus statum reduxit. Alexandria montis spectatur altissimus, ad similitudinē testacei, qui Romæ visitur, in quo, tametsi non habeat sicut naturalem, antiquissima vasa testacea reperiuntur. In montis fastigio turricula exstructa est, in qua perpetuò agit navium aduentantium explorator, cui de singulis navibus quarum telonij ministros admonuerit, certū præmium assignatur: & si forte fortuna dum vel dormit, vel visquā inambulatur, navis appulerit, cuius publicanos prius certiores non fecerit, duplum luit: quæ multa ad Sultani fiscum refertur. Cuiq; ferè civitatis domui, ingens cisterna concamerata, crassisque innitens columnis & fornicibus substructa est: in quas exundans Nilus per aquæductum in planicie magno artificio extra Alexandriam constructum deductus, sub eius mœnibus demittitur. Cisterne porò successu temporis turbidæ ac cœnosæ redditæ, plurimis æstivo tempore languoribus occasionem præbent. Quod ad agri fertilitatem spectat, civitas in medio arenacei deserti condita, hortis caret ac vitibus, solum habens seminari capiendū incōmodum. Frumentum à quadraginta passuum milib. inuehitur. Iuxta aquæductum tamen per quem Nilus in civitatem transmittitur, exigui visuntur horti, sed quorum fructus ad maturitatem peruenti, aecolas noxiis febribus, aliisq; morbis afficiunt. Sexto ferè ab Alexandria miliari ad Occidentem, inter vetusta ædificia columna visitur spectandæ altitudinis & crassitudinis, quā Arabes Hemadullaoar, hoc est, Arborum columnam, vocitant. De hac fabula recens

cenfetur, quendam ex Ptolemæis Alexâdriæ Regibus, columnam in portus extremitate cōftrui iuſſiſſe, qua ciuitatem ab hoſtium incurſionibus tutam, ac proinde inexpugnabilem redderet, atque in eius faſtigio ingens ex chalybe ſpeculum appoſuiſſe, cuius abdita virtute quotquot reſecto ſpeculo iuxta columnam præterueherentur naues, euſſigio mirabiliter conflagraret : ſed à Machumetanis vaſtato ſpeculo, eius quoque virtutem euaniſſe, atque illinc aſportatam exſtitſſe. Ridicula proſectò narratio, & quæ infantibus perſuaderi debeat. Sunt & hodie inter antiquos Alexandriæ habitatores, plurimi Chriſtiani quos Iacobitas vocant, mœchanici omnes, & mercatores : qui propriam habent eccleſiam, in qua D. Marci Euangeliftæ corpus olim requieuit, à Venetis clam ſublato, & Venetias importatum. Iacobitæ porrò Alcairi Principi tributum pendunt. Neque prætermittendum videtur, in medio Alexandriæ ruderum, ædiculam inſtar ſacelli conſtructam adhuc ſuperſeſſe, inſigni ſepulchro, magno à Machumetanis honore affecto memorabilem, quo Alexâdri Magni corpus ſummi Prophetæ ac Regis, velut in Alcarano legunt, aſſeruari contendunt. Concurrit autem ingens eò peregrinorum vulgus à longinquis etiam regionibus, colendi ac reuerendi ſepulchri gratia, cui quoque magnas frequenter largiuntur eleemoſynas. Alia præmitto notatu digna, ne in immenſum excreſcat volumē lectorum faſtidio.

¶ *Bochyris.*

Enit

DESCRIPTIONIS AFRICÆ

Fuit vetusta hæc & exigua ciuitas quondam ad maris Mediterranei oram edificata, octo ab Alexandria in Orientem passuum milibus: verū nostro seculo destructa, mœnium saltē vestigia reſeruat. Hodie daſtylis fere confita eſt, quibus inopes coloni nutriuntur, exigua deſertaque tuguriola inhabitantes. Ciuitati imminet turris in periculoſo ſcopulo ædificata in quē plurimæ Syriacæ naues noctu impingentes, naufragium faciunt, quòd huc noctu appellant, dum Alexandrinum portum capere nullus aſſequitur, prædicto ſcopulo illidāt. Circum ciuitatem nihil agrorum videas, præter campos arenaceos ad Nilum vique fluuium.

¶ *Rasid quæ Roſetum Latinis.*

Roſetum ciuitas ad Nili ripam à parte Aſiæ tribus à Mediterraneo paſſuum milibus, vbi Nilus in Oceanū effunditur ſita, ædificata eſt à mancipio cuiuſdam Pontificis Aegypti præfecti. Pulcherrimas ædes habet, & palatia ad Nilum exſtructa, forumque ampliſſimū mœchanicis operis & mercatoribus vndiquaque reſertum: deinde & templum perelegās & amœnum, portis aliquot ad forū & Nilum, in quem pulcherrimis gradibus deſcenditur, ædificatis. Sub templo portus viſitur in quem naues onerariæ merces Alcairum deuehentes ſe recipiunt: ciuitas enim nullis cinctā mœnibus, vici potius quàm ciuitatis formam reſentat. Ciuitatem cingunt plurimę caſulæ, in quibus oryzam certis ex ligno inſtrumētis triturare conſueuerunt: cuius in ſingulos menſes apparantur tria amplius
mo-

modiorū millia. Paulo vltius est locus pagum referens, in quo frequens alitur mulorum aliorūq; copia in eorum vsum qui Alexandria ire cupiunt : viatoribus autem hos conducentibus, nihil reliquum est laboris, quā bestias iter suum prosequi desinere, quod ad eam vsq; domum vehantur in qua relinqui debent : perpetuoq; tam veloci ferantur gressu, vt à matutino tempore ad vesperam quadraginta passuum millia emetiantur : semper oram obseruantes maritimam, adeo vt maris vnde nonnunquam animalis pedes feriant. Plurimæ sunt circum ciuitatem dactylorum possessiones. Solum oryzæ producēdæ percommodum. Incolæ festiui sunt & comes erga externos, eos præsertim qui genio libenter indulgent. Visitur isthic splendidi operis hypocaustū, diuersis fontibus tam calidis q̄ frigidis irriguum : quod sui elegantia & cōmoditate, reliqua totius Egypti facile antecellit : velut ego obseruaui, quum Selymus Turcarū Imperator, Alexandria rediens illac iter faceret : qui spectato cum priuis & familiarib. aliquot suis hypocausto, sui cōmoditate plurimum oblectari visus est.

¶ *Antbius ciuitas.*

Hanc Romanos ad Nili ripam ab Asiæ parte condidisse, argumēto sunt plurimæ Latinz inscriptiones, quæ tabulis marmoris insculptæ in hodiernum vsque diem visuntur. Ciuitas est pulchra & vrbana, mœchanicisq; opificibus referta. Solum habet oryzæ & frumēto ferendo percommodum, multasq; dactylorū possessiones. Incolæ mirum in modum festiui sunt

DESCRIPTIONIS AFRICÆ

sunt & comes, atque ex oryza quam Alcairum deuehunt, opimum quæstum faciunt.

¶ *Barnabal.*

Cum primum Ægyptus Christianum dogma suscepit, ædificari cœpta est hæc ciuitas, ad Nili oram quæ Asiam spectat, pulcherrimo & fœcundissimo loco sita. Oryza hic tanta prouenit abundantia, vt quadringentę amplius in ea ciuitate sint domus, in quibus trituretur. Qui hanc verò operā incolis locant, exterius sunt homines, potissimū Barbaria oriundi, mollietiei & lasciuiæ adeò dediti, vt omnes ferè Ægypti meretrices eò conueniant, quæ absque forficibus & nouaculis crines illis incidunt, raduntque ad ossa.

¶ *Thebæ Ægyptiæ.*

Quis Thebas vetustam ciuitatē ad Nilū qua Barbariam spectat condiderit, discerpāt nostrates Chronographi. Aliqui ab Ægyptiis, nonnulli à Romanis, reliqui à Græcis ædificatā contendunt, quòd permulta in hodiernū etiam diem visentur antiquitatis monumēta, partim Latinis, partim Græcis, Ægyptiisq; incisa characteribus. Nostro tamen sæculo, non amplius quàm trecentas familias numerat, pulcherrimis alioqui ornata edificiis. Frumento, oryza & saccharo abundat, tum & fructibus quos Musas vocant, absolutissimi saporis. Plurimi in ea degunt mercatores ac mœchanici: ceterū pars potissima ciuium solum excolit: & qui interdum ciuitatem inambulat, nil ferè præter mulieres videt, non minus festinas quàm forma venustas.

Eius

Eius territorium dactylis abundat, quorum frequentia adeò confita est, vt eminus donec propinqua quispiam sit, cōspici nequeat. Vuas producit, ficus, & persica, quæ magna copia isthine Alcairum deferuntur. Multa apparent extra ciuitatem antiquitatis vestigia, columnæ, inscriptiones, & muri crassissimis atque elaboratis lapidibus constructi, tamque frequentia rudera, vt maximam olim urbem existisse appareat.

¶ *Fuaa ciuitas.*

D Istat à Roseto quadragintaquinque plus minus passuum milibus, à priscis Ægyptiis ad Nilum qua parte Asiam spectat Meridiem versus condita. Angustos habet calles, urbana alioquin, & populo frequens, rerumque omnium copia referta. Pulcherrimæ mercatorum & artificum officinæ, tametsi incolæ quietis ac voluptatis sint studiosiores. Mulieribus tanta libertas permittitur, vt quò velint se interdum conferant, vesperi domum reuertētes absq; vlla maritorum contentione. Solum ferè dactylis vndiq; excultum, cui planicies adiacet saccharo & frumento accommoda; calami tamen præstans non exhibent saccharum, cuius loco mellis genus ceu sapam producūt, quo per vniuersam Ægyptū vtī consueuerunt, quòd parū mellis in ea reperiatur.

¶ *Gezirat Eddeheb, hoc est, Insula aurea.*

E X aduerso prædictæ ciuitatis, Insulam Nilus efficit, quæ eminētiori loco sita, omnis generis fructiferas arbores præter oliuas, profert. Frequentia sunt in ea palatia, ædesque pulcherrimæ, in quas tamen ob arborum densi-

DESCRIPT. AFRICÆ

tatem nullus patet prospectus. Ager saccharo & oryzæ accōmodus, cui excolendo incolæ ferè oēs vacant, reliqui suis mercibus Alcairū deferendis.

¶ *Mechella.*

M Achumetani nostro sæculo hanc ciuitatem ad Nilum ab Asiæ parte humili muro cinctam cōdiderunt. Ciuium in ea magnus numerus, sed quorum pars potior vel texturam, vel agriculturam exerceat, humanitatis & urbanitatis expers. Anserum ingentē alupt copiam, quos apud Alcairum diuendunt. Ager frumentum ac linum producit.

¶ *Derottis ciuitas.*

R Omanis Ægypto imperantibus, condita est hæc ad Nilum ab Asiæ latere ciuitas; quæ vt bene exculta, ita pulchris quoque ædificiis, latis plateis, vtrinque mercatorū officinis refertis, exornata est. Templum habet elegantia conspicuum, ciues ditissimos; nam saccharum ager magna copia producit, cui apparando Respublica centum milia aureorum (Saraffios vocant) Sultano in singulos annos enumerat. Maximæ visuntur ædes ad arcis similitudinem, in quibus torcularia reponuntur & caldaria, saccharum excoquendo, tum præparando accōmoda. Nusquam porro tantam eius artis opificum vidi copiam, in quorum stipendium intellexi ex cōmunitatis ministro, per singulos dies ducetos Saraffios numerari. ¶ *Mechellat Chais.*

M Achumetani occupata Ægypto hanc ciuitatem in sublimi colle ad Nili ripam qua parte Africam alluit, condidere.

Hu

Huius agri cū sint eminentiores, vitibus conferendis seruiunt, quas Nilus exundans nequit pertingere. Alcairo recentes vuas ferè dimidio anni tēpore suppeditat: vrbauitatis expers, cū incolæ potissima ex parte nauicularij sint.

¶ *Alcairi maximæ & admirandæ*

urbis descriptio.

Alcairum ē maximis ac memorandis totius orbis ciuitatibus, cōstanti fama omnes asserunt: verū ego postpositis mendaciis quæ diuersis in locis sparguntur, minutim formam quam nostro tempore habet, exactè describam: atq; vt à nominis etymo exordiar, Alcairum vocem Arabicam vulgari Europæorum idiomate corruptam dico: quod rectè el Chahira, quæ vox coactricem significat, nuncupetur. Fuit hæc porro ciuitas retroactis seculis à Gehoaro Chetibo Dalmata cōditione seruo exstructa, prout in huius operis initio me dixisse existimo, affirmans Alcairi ciuitatem mœnibus cinctam familiarum octo millia nō excedere, in qua tum nobiles, tum mercatores, merces vndique conuectas diuendenres, resident. Celeberrimum Alcairi templum vulgò Gemih Hashare, hoc est, illustre templum patria voce nuncupatum, idem seruus à quo ciuitatem conditam dixi, ædificari iussit, cui cognomen erat Hashare, hoc est, illustris, nomine à Pōtifice suo Principe illi indito. Ciuitas in pulcherrimam planiciem Muccatim montis exposita, duobus à Nilo passuum milib. distiti, perpetua mœnium serie, portisque ferreis cincta est: quarū quæ celebriores habentur, sunt

DESCRIPTIONIS AFRICÆ

Babe Nanfre, hoc est, porta victoriæ, quæ Orientem marisque Rubri desertum spectat: alterâ, quæ in veterem ciuitatem & Nilum vergit Bebel Zuailam: tertiam, quæ in lacum & campos excurrit Bebel Futuli, hoc est, triumphorum portam cognominant. Quamuis Alcairum omnis generis alat tum mercatores, tum artifices, is præcipue tamen vicus qui à porta Nanfre ad Zuailæ portam ducit, cæteris omnibus præstat, quod per eum structa sint admirandi operis palatia & collegia, templaque maxima & elegantissima, inter quæ templum est Gemith Elhecim Scismatici tertij Alcairi Pontificis. Sunt & alia insignis magnitudinis delubra, quæ sigillatim recensere superfluum duco. Plurima insunt hypocæusta, summo architecturæ studio elaborata. Deinde vicus Beinel casrain, in quo cibariorum tabernæ circiter sexaginta, vasis instructæ itanneis: tum aliæ in quibus omnis generis fructuum, aquæ venales, nobilium ob insignem earum præstantiam potus, quas elegantissimis vasis, partim vitreis, partim itanneis affabrè compositis, reconditas asservant: has alię insequuntur, ubi varię ex melle & saccharo confectioes, diuersę ab iis quę in Europa distrahuntur, prostant: deinde fructuariorum tabernę, qui exoticos è Syria fructus aduehunt, cuiusmodi cydonia, mala Punica, atque id genus cætera, quę in Ægypto non proueniunt. His alię tabernæ cõmixtæ sunt, eorum qui oleo frictum panem, oua, & caseum venum exponunt. Has verò tabernas subsequitur vicus nobiliorum artificum officinis refertus. Vtcrius collegium, recens

cens à Sultano Gaurio exstructum visitur, qui in bello contra Selymum Turcarum Imperatorem à se gesto periit. Huic succedunt pannariorum mercatorum diuersæ pergulæ, quarum singula tabernas exhibet innumeras. Primo ordine præstantissima exoticarum telarum genera venundantur, cuiusmodi sunt exquisitissimæ gossypinæ ex Balabach aduectæ, tum quas Molal vocat ex Ninonia, admirandæ vastitatis ac tenuitatis, è quibus nobiles indusia & sudaria, quæ dulipanis anilectunt, sibi conficiunt. Sunt præter has & sericariorum pergulæ, in quibus præstantiores Italiæ panni, sericei, damascenum, gausapinum, holochrysum, atque id genus reliquos, diuendunt, quibus nec in Italia, ubi conficiuntur, me æquales vidisse memini. Hos subsequitur pergula laneorum pannorum qui ex Europa, cuiusmodi sunt Florentini, Veneti, Belgici, atque id genus cæteri, aduehuntur. Vterius venundantur undulata: hinc ad Zuailæ portam deflectitur, apud quam permagnus artificum degit numerus. Circa hunc vicum est insignis Canel Halili pergula, quæ Persæ mercatores inhabitat. Est hæc quidem ad similitudinem regalis palatii constructa, ternisq; in sublime euecta cōtignationibus: inferius certæ sunt mansiones, ad quas mercatores magnis de rebus permutationes inituri, conueniunt: eod siquidem, qui opibus ac mercibus præpollent, se recipere consueverunt: quorum merces sunt aromata, gemmæ, telæ Indicæ, resque consimiles. Est huic proximus omnis generis suffumentorum vicus, cuiusmodi sunt Indicæ felis excrementa,

DESCRIPTIONIS AFRICÆ

Zibettum vocant, muschus, ambara: quæ tanta hic reperiuntur copia, vt si muschi libras vigin-
tiquinque petieris, centum tibi protinus exhibi-
turi sint. Subsequitur chartaceorum vicus, char-
ta pulcherrima egregieque læuigata refertus: in
quo rari valoris gemmæ venduntur, quas ex of-
ficina in aliam Proxenetæ auctiōando deferūt.
Hinc ad aurifabrorum itur vicum, maxima ex
parte Iudæis constantem, qui maximarū opum
negotiationes ineunt. Vltierius Interpolatorum
vici spectantur, qui nobilium ac ciuium pannos
preciosamq; supellectilem reuendunt, non qui-
dem penulas, tunicas, aut lintea, sed res ingentis
valoris ac precij: inter quas me olim vidisse me-
mini insigne tabernaculum acu pictum, perpe-
tuaque margaritarum serie ad pondus librarum
quadraginta quinque intextum, absque marga-
ritis aureorum (Saraffios vocant) decem mili-
bus distrahi. Est quoque in ciuitate amplum
xenodochium, à Pistore primo Mamaluchorum
Sultano constructum: quorum redditus ducenta
supputant Saraffiorum milia. Huc liberum est
valetudinario cuiq; sese recipere, summa & Me-
dicorum, & rerum omnium agris conducētium
affluentia, quorum, si hic mori contingat, facul-
tates ad xenodochium redeunt.

¶ *Beb Zuaila suburbium.*

Permagnum hoc suburbium Alcairo adia-
cet, domuum habet circiter duodecim mi-
lia: initium capit à Zuailæ porta, & in Oc-
cidentē ferè ad sesquimiliare protenditur: à Me-
ridie Sultani arcem contingit: à Septentrione ad
sub-

suburbium vsque Bebe Elloch vnus ferè miliaris spaciū patet. Tanta ferè hic procerū ac nobilium multitudo, atq; in vrbe agit: eius autem ciues & hic & in vrbe officinas instruunt, quemadmodum & plurimi hoc suburbium incolētes, familiam in vrbe alunt. Inter varias eius strūcturas, præcipuum obtinet locū celebre Hesen Sultani collegium, concamerationū altitudine, mœniumque vastitate adeò memorandum, vt rebellionem Sultano intentantes, se in eo contra urbem communire audeant, Sultaniq; arcem tormentis impetere, à qua saltem dimidio balistæ iactu distat.

¶ *Gemeß Tailon suburbium.*

Amplissimum hoc suburbium, superiori ab Oriente confine, versus Occidentem ad certas iuxta veterem ciuitatē ruinas protenditur. Ante cōditam Alcairum à quodam Tailone Pontificis Bagadedæ seruo Egypti Præfide, viro clarissimo ac prudētissimo, exstrūctum ferunt: qui ciuitate vetere derelicta, hoc suburbium incoluit, admirādīq; operis palatio ac templo amplissimo exornauit. Innumeri quoq; hic degunt mercatores & opifices, præcipue qui Barbaria oriundi in eo pedem fixere.

¶ *Beb Elloch suburbium.*

Spaciosum & hoc suburbium ab Alcairi mœnibus vno circiter miliari distās, ferè tria domuum millia conficit, varij generis vt cætera, tum mercatoribus, tum opificibus refertum. Amplo isthic loco maximum palatium, operisq; memorandi collegium visitur, Mamaluchi Iaz-

DESCRIPTIONIS AFRICÆ

bach, cuiusdam Sultani consiliarij, à quo locum Iazbachiam vocât, ædificium. Huc absoluta concione & precibus conuenire solet in singulos Veneris dies Alcairi vulgus, veluti caupones & meretriculæ. Multi præterea histriones, præcipuè qui camelos, asinos, & canes, saltare docent: quæ quidem saltatio res cum primis visu iucunda est. Plerumque enim histrionum quispiam, vbi non nihil præsumptauerit, ad asinû conuersus alta voce Sultanum magni operis ædificium meditari ait, proinde opus illi fore omnibus Alcairi asinis, calce, lapidibus, cæterisq; id genus necessariis rebus deferendis. Tum asinus repenti in solum prolapsus, pedes in aëra attollit, ventrem turgefascit, atque oculos non secus claudit quàm si exanimis esset. Interim astantibus histrio asini casum conqueritur, obnixæque rogat alio recuperando ipsum adiuuent. Coacta viritim qua potest pecunia, Ne existimetis, inquit, asinum mortuum: helluo enim paupertatis domini sui cōscius, hoc dedita opera confingit, vt munusculis illi collatis, pabulum sibi emere queat. Deinde ad asinum conuersus, vt confestim exurgat monet: ceterum non se loco dimouens asinus, frequentib. fustuariis vapulat: quibus nec dum excitatus, fabulam repetit histrio, iterumque plebem adortus, Scitote, inquit, Sultanû edictum tulisse, vt luce crastina populus omnis triumpho spectandi causa ciuitatem exeat: fœminæque omnes venustæ ac nobiles pulcherimos asinos inequent, atq; iis auenam & præstantē Nili aquam potandam exhibeant. Vix hæc verba absoluit histrio, quando

asinus

asinus in pedes erectus profilit fremēs & lætitia exultans: tum fabulam prosequens histrio, Vici, inquit, nostri præfectus, à me commodato petiit elegantem hunc meum asinum, deformi ac vetulæ vxori suæ vtendum. Ad hæc verba asinus, tanquā humanę mentis compos, auriculas complicit, & altero pede claudicans luxatum se fingit. Tum histrio: tibi itaque arrident iuenculę? Asinus caput inclinans annuere videtur. Agē, igitur, hic plurimæ sunt iuenculæ, indica quę tibi magis placeat? Asinus spectatorum coronam circundat, & fœminam honestiorē seligens, eò contendit, capiteque contingit: spectatores verò alta voce ridentes, exclamāt, Heus, inquiunt, asini fœmina. Posthæc asino insiliens histrio, ad alium se locum confert. Aliud porrò genus est histrionū, qui exiguas auiculas capsulæ in abaci formā constructæ annexas ostentant, quæ rostro sortium chartulas tam dextri quàm sinistri ominis extrahunt. Qui sortem suam optat scire, obulum auiculæ obijcit: quem rostro excipiēs, in capsulam deferit, deinde foras exiens eodem rostro respōsi chartulam profert. Mihi verò quondam sinistri ominis chartula obtigit, quam tametsi neglexerim, peius quàm inibi scriptum erat, euenit. Sūt & gladiatores, athletæ, & bellorum successus inter Arabes & Ægyptios gestorum incentores, qui quę id genus consimiles fabulas & ineptias vulgo præcinant.

¶ *Bulacum suburbium.*

Bulacum spaciosum ac vetustissimum Alcairi suburbium, à ciuitate murata duobus

DESCRIPTIONIS AFRICÆ

bus passuum milibus, ad ripam Nili situm, quatuor familiarum millia supputat. Iter quod suburbio ac ciuitati interiacet, frequentibus ædificiis, ac molis quas bestiarum ope agunt, constratum est. Varia in hoc suburbio exercentur tum artificia, tum mercimonia, præcipuè, grani, olei, & sacchari. Quin & pulcherrimis templis, ædibus, & studiosorum collegiis refertum est: quæ vero ad Nilum constructæ sunt domus, cæteras elegantia antecellunt, quòd per eas latissimus pateat in flumen prospectus, nauesque se eò recipiant quæ Nilo ad Alcairi stationem vehuntur hoc in suburbio sitam: in qua plerunque naues amplius mille, messis præsertim tempore, còspicias. Huc publicani mercibus Alexandria & Damiatina aduectis constituti, se recipiunt: quanquàm exiguum pro iisdem soluatur, vectigali prius in maritimo telonio exsoluto: tamen quæ ex Ægypto veniunt merces, integrum pendunt vectigal.

¶ Carafa suburbium.

Carafa suburbium ad oppiduli similitudinem exstructum à Muccatim monte lapidis iactu distat, à murata verò ciuitate circiter duobus passuum milibus, fereque bina domuum millia còtinet. Hodie potiori ex parte destructa est. Visuntur plurimæ hominùm sepulture, quas elegantissimis altissimisq; fornicibus exstructas, interiusque variis tum emblematis, tum coloribus exornatas, plebs stolidi ceu sanctorum monumenta colit, inuris ac pauimento sumptuosis tapetibus obducto. Huc plurimi singulis Veneris diebus ex Alcairo, reliquisque sub-

urbis matutina hora religionis ergo conueniunt,
multasque eleemosynas largiuntur.

¶ *Ciuitas vetus quæ Mifnulhetich.*

HAnc ciuitatū omnium in Ægypto Machumetanorū tempore conditarum, primam asserunt: quæ ab Homar præfecto, secundo Pontifice ad Nili ripam exstructa, nullis cincta mœnibus suburbij formā exhibet, atque familiarum quinque milia conficit. Celebrem reddunt frequentia palatia, nobiliumque structurae, præcipue quæ ad Nilum sunt expositæ: deinde nobile Hamri templum munitissimū, administrandæ tum amplitudinis, tum elegantiae. Varij generis opificibus mediocriter instructa est. Hic celeberrimum visitur Nasissæ (hanc Machumetani colunt) sepulchrum, quæ Zenulhebidin filia Machumetem tertio affinitatis gradu continebat. Hæc familiam suam Pontificatu destitutam percipiens, Cusa Arabiæ foelicis ciuitate excessit, atque in hac ciuitate moram traxit, cui partim quod ad Machumetē referret originem, partim quod moribus esset inculpatis, post mortem populus diuinos honores exhibuit. Quamobrem rerum potentibus apud Ægyptios hæreticis Pontificibus, qui cognatione hanc mulierem pertinebant, coëptum est Nasissæ fabricari pulcherrimum sepulchrum, quod etiamnum lampadibus argenteis, tapetibus sericeis, rebusque id genus preciosis adornatū visitur. Tanta vero est huius Nasissæ celebritas, ut nullus Machumetanus marito vel terrestri itinere Alcairum venturus huic sepulchro diuinos cultus non exhibeat, libationemque

DESCRIPTIONIS AFRICÆ

nemq; offerat, quemadmodum & circumuicini omnes accolæ: adeo vt eleemosynas centum Saraffiorum millia supputare asserant, quæ tum in pauperum vsus Machumeticę familiæ, tum in sacerdotum sepulchri curam gerentes distribuuntur: qui ementitis fictisque miraculis indies simplicium animos ad maiorem cultum, & liberatiorem in eorum comodum largitionem, accendunt. Deuicta à Selymo Turcarum imperatore Alcairo, Ianizari quos vocant, hoc sepulchrū depredati, aureorum Saraffiorum quingenta millia signatæ pecuniæ reppererunt, absque lampadibus argenteis, cathenis, & tapetibus: tametsi Selymus magnam illis partem abstulerit. Qui Machumetanarum vitę sanctimonia illustrium vitas cōscribere, raram huius Nasissæ mentionem facientes, dicunt ex Heli familia nobili loco ortam, vitæ honestate & castimonia illustrem extitisse: verum simplex popellus, & qui execrandi illius sepulchri curam gerunt, tot miracula commenti sunt. In hoc suburbio iuxta Nilum telonium visitur mercium quę ex prouincia Sahidica conuehuntur. Extra muratam ciuitatem magnifica Sultanorum sepulchra ingentibus fornicibus exstructa spectantur. Nostri verò memoria Sultanus quidam deambulacrum inter duos muros excelsos à ciuitatis porta adusque sepulchri locum construui iussit: inque muri vtriusq; terminis, geminas immensæ proceritatis speculas, in mercatorum gratiam qui ex portu montis Synai eò cōueniunt. Hinc sesqui plus minus miliario distat Amalthrię solum, in quo vnice arboris

ris balsamum ferentis hortus (in vniuerso siquidem orbe præter hanc solam nulla alia eius arboris planta existit) quæ in medio lati fontis insita, humilem truncum gerit, foliis vitem referens sed breuioribus: quam protinus exarituram ferunt, si fontis aqua diminui contingeret. Hortus perpetuo muro septus, nemini aditum præbet, absque præfecti licentia. E regione ciuitatis veteris in medio Nili Michias hoc est mensuræ videtur insula, ex qua pro ratione inundationis Nili, eius anni prouectum per totam Ægyptum certissima ratione à priscis Ægyptiis adinuenta colligunt. Insula utcumque habitata, mille circiter & quingentas domus continet: ad cuius finem, pulcherrimi operis Palatium à Sultano quodam nostra memoria ædificatum cernitur, vna cum templo spaciofo atque ob Nili irrigationem cum primis amœno. Alteram insule partem domus ab aliis seiuncta occupat, in cuius medio fossa quadrangularis decem & octo cubitos profunda per aquæductum subterraneum aquam ex Nilo porrigit. In fossæ meditullio columna totidem cubitis signata & diuisa spectatur: cumque Nilus ad. xvii. Iunij exundare incipit, subito per aquæductum aqua in fossam effunditur, plerumque vno die duobus digitis, plerumque tribus, aut dimidio cubito excrescens. Huc singulis diebus concedunt certi homines Nili incrementis à Senatu constituti, & fluminis accretionem obseruantes nonnullis pueris indicant, qui capite luteis mantilibus obuioluto, vicatim id ipsum tam in Alcairo quam eius vniuersis suburbis promulgant, ac donaria à mœ-

cha

DESCRIPTIONIS AFRICÆ

chanicis hominibus, mercatorib. & fœminis tantisper dum Nilus crescit, singulis diebus referūt. Nili porrò experimentum ita habet. Ad quintū decimum columnę cubitum vbi peruenerit, annum colligūt fertilissimum: si inter duodecimū & decimumquintū constiterit, mediocrem indicant eius anni prouentum: si inter decimum ac duodecimū, frumentum portendit aureis decem diuenditum iri in singula modia. Verūm si flumen in decimū octauum euadere contingat, cladem ex inundatione denunciat: si superare, periculum est ne tota absorbeatur Ægyptus. Præfetti igitur huiusmodi indicium declarant: pueri autem (vt dixi) vicatim populo Dei timorē inculcant, aquam aggerum summitatem transcendere diuulgantes. Populus prodigiosa Nili accretione expauesfactus orationi insistit & eleemosynis. Hac ratione Nilus dieb. quadraginta crescit, totidemque decrescit, quo temporis interuallo ob aquarum copiam nonnulla sentitur annonæ caritas, quod inter fluminis augmentationem & diminutionem eam pro cuiusque arbitrio vendere liceat: verūm octuagesimo die transacto cibariorū præfectus annonæ precium indicit, præcipuè frumento, quod varios regionis tractus iuxta fluminis incrementū, pro diuersitate altioris humiliorisq; soli parcè, mediocriter, & nimium irrigatos apprime dinoscāt: quibus rite peractis, maxima per totam Alcairū tanto tympanorū ac tubarū clangore celebrata inicitur, vt ciuitatē inuersam dixeris. Quæq; familia nauem exquisitis pannis ac tapetibus exornat, qua lautiss. cibariis,

con-

confectionib. & facibus instructa, populus oblectatur. Quin & ipse Sultanus cū vniuerso purpuratorū & satraparum cœtu ad aquæductū cognomento Maiorem cōtinuo muro septum contendit, & arrepta in manus securi murum perfringit, purpuratis id ipsum quoq; facientibus: adeo vt disiecta ea muri parte quæ aquam impediebat, subito Nilus magno impetu per aquæductū feratur, & per alios aquæductus tam ciuitatis q̄ suburbiorum effusus, Alcairum eo die Venetiarum ciuitati persimilē reddat, quod per singula Ægypti loca eo die nauigio iter pateat. Septem vero dierum spacio totidemque noctium durat hæc Ægyptiorum festiuitas, qua hebdomada facile mercatores vel opifices quicquid integro anno lucrifecerunt, facibus, suffimentis, confectionibus, musicisq; concentibus atque id genus cæteris deliciis, priscorum Ægyptiorum ritu decorant ac profundunt. Extra Alcairum in confinio suburbij Beb Zuailæ, Sultani castrum in montis dorso constructum visitur, quod eminentibus & vastis mœnibus cinctū, elegantissimisq; palatiis exornatum, vix perfectè describi potest. Pauimentatio marmorea tessellata, laquearia auro intexta, pulcherrimis variegata coloribus, fenestræ vitreæ versicolores, cuiusmodi plerisque locis in Europa vidimus: portæ ligno præstantissimo incisæ, variis emblematis, tum aureis, tum ceruleis exornatæ. Huiusmodi palatiorum nonnulla Sultani, nonnulla vxoris familiæ destinata erant: reliqua concubinis, eunuchis, & suæq; custodiæ. Publicis conuiuiis aliam habebat Sultanus

DESCRIPTIONIS AFRICÆ

nus Regiam, aliam in qua exterarum gentium legatis & responsa dabat, & suas opes magna pompa ceremoniisque ostentabat: aliam rursus aulae Regiæ satraparum domicilio constitutā: verū hæc omnia nostro tempore Selymus Ægypto deuicta ad nihilum redegit.

¶ Alcairi ciuium ritus, ac mores.

QVI Alcairū incolunt ciues, festiui cū primis sunt homines, iucūdi, geniales agentes vitā, multa promittentes, tametsi pauca admodum præstent. Mercaturæ ac mœchanicis artibus dant operam, non tamen solo natali excedunt. Plurimi studio legū incumbunt, artium paucissimi. Quamuis collegia perpetuò studiosis referta sint, exigui tamen ad frugem perueniūt. Ciues hyeme laneis pannis gossypio suffultis vestiuntur: æstate interulis telæ subtilioris, cui pleriq; lineam vestem sericeis coloribus variegatam, pleriq; vndulatam superinduunt, magno caput Indici veli tegminæ operientes. Fœminæ preciosas induunt vestes, frontem & collum sertis gemmeis ornantes superbæ prodeunt, caput magni precij calantica angusta & longa ceu tubo vnius palmi altitudine cōtegentes. Pallas gestant laneas segmentatas, perangustis manicis, artificiose acu insignitas, quibus obducunt linteola exquisitissimæ telæ gossypinæ Indicæ. Caput velant panniculo nigro ac subtili, atque nonnihil hirsuto, sub quo viros conspicientes, à viris ipsæ videri nequeant. Pedes ocreis vrbanis, pulcherrimisque crepidis Turcico more calceant. Tantū verò ambitionis & pom-

præ hæ mulieres præ se ferunt, vt nulla vel nere,
 vel coquinari dignetur: quare maritum ab obso-
 leis cibaria cocta emere conuenit: paucissimi
 enim præter eos qui numerosam alunt familiam,
 culinariam domi exercent. Plurimum quoque
 vxoribus facultatis permittunt ac licentiæ: ma-
 rito enim in tabernam cōcessio, vxor sumptuoso
 vestium apparatu exornata, preciosisque suffita
 odoribus, ciuitatem animi gratia obambulat, cū
 parentibus vel amicis confabulatura. Afinis li-
 bentius quàm equis vtuntur, qui molliter ince-
 dere edocti, gradarios equos incessu facilè ante-
 cedunt. Hos pannis elegantissimis conuestiunt,
 ac mulieribus in vecturam locant, vnà cum pue-
 ro ductore & plerisque cursoribus. Hanc ciui-
 tatem, velut alias plerasq; magna hominum vi-
 catim res esculentas venum portantium turbā
 obambulat. Plurimi item aquam venalementem
 lorum dorsis vttribus superimpositam circumfe-
 runt: ciuitas enim (vt dixi) duobus passuum mi-
 libus à Nilo dissidet. Alij vtrem perelegantem
 cum æreo ad foramen calamo gestant, & manu
 pateram murrhinam ferentes, aquam venalementem
 proclamant, quam potores in singulos hauustus
 terūcio exsoluunt. Alij pullos gallinaceos va-
 nales certis mensuris vicatim emetiuntur, quos
 admirando enasci procurāt in hunc modum ar-
 tificio. Ingentem ouerum numerum certis im-
 ponunt furnis per diuersa solaria exstructis, qui-
 bus modico igne calefactis, post diem septimum
 magna copia pulli enascuntur. Mensuræ porro
 fundis carent, quas in emptoris sporta positas,

M m

pul

DESCRIPT. AFRICÆ

pullisq; gallinaceis refertas, subleuant, pullis intra sportam remanentibus. Cæterum qui pullos emunt, vbi plusculis diebus aluerunt, pari modo vanales circumferunt. Opsopæorum tabernæ in multam vsque noctem apertæ sunt: reliqui verò artifices officinas ante horam vigesimam tertiam occludunt, atque ex suburbio in aliud animi gratia deambulant. Ciues vt plurimum in familiari colloquio verbis obscœnis ac fœdis gaudent: atq;, vt cætera silentio præteream, nō raro euenit vxorem coram Iudice de raris mariti congressibus expostulare, vnde persæpe & nasci diuortia, & aliis iungi maritis (quod Machumetano licet dogmate) vidimus. Inter manuarios artifices, si quis in suo opificio noui quidpiam ingeniosi primus adinuerit, casacco holochryseo vestitur, ac diuerso per singulas officinas tibicinum genere comitatus ceu triumphans deducitur, ab omnibus nōnihil pecuniæ gratis accipiens. Huiusmodi olim vidi magno instrumentorum musicorum apparatu ceu triumphantem deduci, quod pulicem quem in charta demonstrabat, catena vinxisset. Cæteris in rebus ciues ignauiss. sunt: nullum enim armorū genus domi habent, imò nec vix cultellum quo caseum discere queant. Quod si plerunq; rixari contingat, mutuò se pugnis adoriuntur, numerosa hominū turba eò accurrente conflictus videndi gratia, nō discessura priusquam recōciliati fuerint. Bubali carne, magnaq; leguminum copia vt plurimum vescuntur: conuiuium apparaturi si familia sit exigua, mantile breue ac rotundum distendunt:

si copiosa, longum, veluti in Principum aulis. Inter varia quę isthic profitentur dogmata, Maurorum secta viget, Chenesiam vocant: hi equina vescuntur, quorum lanij vbi equum claudicantem aut luxatum rescuerint, confestim emunt, & saginatum maciant, magnoq; vulgi concursu carnes distrahunt. Huiusmodi sectam Turcæ, Mamaluchi, maiorq; Asiæ pars sustinēt, & quantum eam ipsam rem Turcis impunē facere liceat, non tamen consueuerunt. Quatuor Ægyptus & Alcairum sectas ab inuicem tam in canonicis q̃ politicis legibus differentes, fouet, tametsi ex Machumetano dogmate trahant principium. Quatuor enim quondam fuere eruditione ac doctrina præstantes viri, qui ingenij acumine modum inuenerunt particularia determinandi sub vniuersalibus à Machumeto descriptis. Horum singulo pro arbitrio licuit Machumetanum dogma interpretari, atque ad propria sensa pertrahere, quare opinionib. inter se meritò dissident: qui propter eorum canones plurimū apud plebem existimationis nacti, initium quatuor prædictis sectis dedere: quarum vnā quisque Machumetanorum tuetur, quam postea deserere, alijq; insistere nequit, nisi vir fuerit doctrina cū primis præcellens, quiq; rationes & causas dinoscatur. Quatuor sunt item apud Alcairū Iudicum præfecti, qui de grauioribus saltem causis sententiam ferunt: his innumeri subsunt per omnes vrbes vicos Iudices, qui de leuiusculis contentionibus discernunt. Quod si litigatores diuersę religionis esse cōtingat, qui primus aduersarium

DESCRIPTIONIS AFRICÆ

coram sui vici Iudice in ius vocauerit, eò cōtēdunt: cæterum alteri de illius sententia ad quendam supra quatuoruiros cōstitutum, prouocare licet, Elfasichia (vt vocant) sectæ Prælidem: cui quatuoruirorum & inferiorum Iudicum placita pro sua in eos autoritate abolere permissum est. Verum si quispiam contra suæ religionis præceptiones quidpiam intentare audeat, à suæ religionis Iudice grauiter plectitur. Similiter & prædictarum sectarum sacerdotes, cum in orandi norma velut & in aliis ab inuicem differant, ob eam rituum discrepantiam, mutuo se odio non prosequuntur, nec fouet inimicitias incōdita vulgi multitudo: ast homines scientia & ratione præditi, quique studiis incubuere, persæpe sermones inter se conferunt, & priuatis in rebus quisque quam fouet sectam vt præstantiorem asserit, ita solidis quoq; argumentis confirmare audet, nemine quatuor præfatos doctores conuiciis lacrare, grauissima multa constituta, præsumente: tametsi eandem omnes fidem sustineant, nempe Hashari Machumeticorum Theologorum canones, qui vniuersa Africa, potioriꝫ Aliæ parte obseruatur, præterquam in Sophi Persarum Regis dominio, quem hos canones cōtemnentem hæreticum scismaticumque reputant. Vnde porro tanta opinionum differentia inter quatuor præfatos doctores dimanarit, tædiosum ac prolixum recensere esset: verum qui his afficitur, mea legat de Machumetis lege ac fide commentaria, iuxta Malichi disciplinam, magnæ eruditionis virum, Medina Talnabi, vbi Machumetis corpus visitur.

ori-

oriundum: quam quidem disciplinam vniuersa Syria, Ægyptus, & Arabia sustinet: qua si quis oblectabitur, abundè sibi satisfactum in iis comperiet. Sceleratis hominib. graua & crudelia infligunt, præcipuè in curia Regis, supplicia. Furem damnant suspendio. Homicidium proditoriè perpetratum, hunc in modum plectunt: Tortoris ministri reum alter pedibus, alter capite cõprehendunt, tortor vibrato ense corpus in duas partes dissecat, & partem capiti annexam cõfestim foco calce viua referto superimponit: res verò admiratione digna ac relatu cumprimis horrenda est, huiusmodi truncum ad quartum horæ spacium singulis tũ loquens, tum respõdens superuiuere. Grassatores verò ac seditiosos viuos excoriant, ac pellem fursure oppletam donec hominis formã referat consuunt, quam camelo impositam per singulos vrbis vicos flagitium ab eo commissum promulgantes circumducunt: quo supplicij genere nulquã gentium vllum vidi crudelius, quod difficulter spiritum effundere possit reus: verum si ferro carnifex umbilicum tangit, cõfestim exhalat animam: quod tamè absque præfecti iussu facere non potest. Qui in carcere ob as alienum seruantur, si minus sint soluendo, carceris præfectus creditoribus pro illis dissoluit, ac miseros ergastulo reclusos, singulis dieb. catenis vinctos, nonnullisq; pueris comitatos, eleemosynæ erogandæ gratia vicatim deduci iubet, quæ ad præfectum redit, tantum iis relinquens quantũ vitæ admodum tenuiter transigendæ vix sufficiat. Vrbem quoq; circumeunt nonnullæ vetulæ cla-

DESCRIPTIONIS AFRICÆ

mitantes, quibus, tametsi intelligi non possint, cura incumbit, mulieres iuxta Machumetis præscriptum incidere: quem ritum in Ægypto saltem & Syria obseruant.

¶ *Sultanum creandi ritus, deque eius magistratuum ratione.*

Sultani dignitas & potētia mirabilem olim in modum excelluit, verū à Selymo Turcarum Imperatore anno, ni fallor. M. D. **XVII.** euerfa est, immutatis Sultani vniuersis institutis ac legibus: at quoniam statim ab ea rerum & fortunæ vicissitudine ter mihi Ægyptū peragrarare contigit, non abs re facturus videor, si de Sultani aula quæ compertissima habui, non nihil dixero. Ad hunc dignitatis gradum eligi solebat nobiliorum Mamaluchorum vnus. Mamaluchi porrò oēs ex Christianis constabāt, in pueritia apud Circassiam Ponti Euxini prouinciā à Tartaris furto sublati, & Caphæ Tauricæ Chersonesi oppido diuēditis, vnde Alcairum à mercatoribus abducti, à Sultano emebātur, quos baptismo confestim abiurato, in Arabico ac Turcico idiomate militarique disciplina institui procurabat, vnde paulatim per singulos honorū gradus euehebantur, donec ad Sultani dignitatem pertingerent. Huiusmodi verò consuetudo, quæ Sultanum & Mamaluchū & conditione seruum esse cauetur, semitrecentis ab hinc annis initium cepit, nempe cū potentissimi illius Saladini familia, cuius nomen Christianis adeò formidolosum extitit, ad paucos iam redacta intermore retur. Cū vltimus Hierosolymorum Rex de Al
cairo

cairo occupanda cogitaret, quæ propter Califæ aut Pontificis qui solus præ erat ignauiam, ei se tributariam facere meditaretur, Legisperiti ac Iudices Pontificis consensu Azedudin principem Asiaticum ex Cordis gentibus, qui vt Arabes in tentoriis habitabant, cum Saladino filio & .L. equitum milibus euocarunt. Saladinum verò tamet si ætate inferiorem ob insignem eius fortitudinem, atque in re militari præstantiam, exercitus imperatorem crearunt: facultate permissa, vt cuncta Ægypti vectigalia & reciperet, & pro suo arbitrio expenderet. Facta tandem in Christianos expeditione, incruentam de iis victoriam adeptus, Hierosolyma, totaque Syria exegit. Saladino autem Alcairum reuerso in mentem subijt, eius dominium vsurpare: quamobrem trucidatis Pontificiæ custodiæ præfectis, penes quos rerum summa apud Ægyptios versabatur, Califam seu Pontificem e medio sustulit, quod is præsidio destitutus, venenum illi propinandum curasset, seque confestim in Califæ Bagaded legitimi Pontificis clientelam dedit: quo tempore Alcairi Califæ principatus, qui Pontificatû annis. CCXXX. perpetua successorum serie protraxerat, intercidit, ac penes Bagadedæ Califam legitimum Pontificem remansit. Sublato hoc Califarû aut Pontificum schismate, exorta est inter Bagadedæ Sultanum & Saladinum discordia, qui Alcairi principatû inuaserat, quod Bagadedæ Sultanus olim Mazandranicæ & Euarizinicæ prouinciarum ad Gangem princeps, Asiatica quadam gente ortû trahens ius in Alcairi dominium referret, qui Sa-

DESCRIPTIONIS AFRICÆ

ladino bellum inferre cogitans, à Tartaris in Corasana Regione excursions facientibus detinebatur. Saladinus vicissim veritus ne Christiani acceptam à se iniuriam ulturi, expeditionem in Syriam pararét, copias perpendens superiori bello magna parte tum occisas, tum pestifera lue præter nonnullos qui Regni gubernationi præerant sublatas, mancipiis in Circassia coemendis, quos Armeniæ Reges tum temporis rapiebant & Alcairû vendendos mittebant, intentus esse cœpit: quos abiurata fide, militari disciplina, Turcicoq; idiomate, nempe Saladini proprio, imbui faciebat: quæ quidē & fortitudine & numero in tantum excreuerunt, vt & strenui militis, & periti militiæ ductores, regniq; administri euaserint. Saladino in fata cōcesso, principatus penes suam familiam annis. CL. remansit, successoribus eandem emendorum mancipiorum cōsuetudinem obseruantibus: at collapsa Saladini familia, serui Piperem magnæ fortitudinis Mamaluchû consentientib. suffragiis in suum principem ac Sultanum cooptarunt: quam exinde consuetudinē adeo inuiolatē obseruarunt, vt nec Sultani filius nedum Mamaluchus eum dignitatis gradum cōsequi potuerit, nisi olim Christianus & fidem abiurasset, & linguas Circassiam ac Turcicam exactē loqui didicisset. Multi autem Sultani suos in pueritia filios in Circassiam morum rusticorum ac linguę perdiscendę gratia ablegarunt, vt principatui aliquādo forent accommodi, spe semper tamē sua Mamaluchis dissentientibus elusi. Hæc obiter de Mamaluchorum Regno, eorumq; principe

cipe Sultano patria voce ad hæc vsque tempora nuncupato, dicta sufficiant: de honorum ordinibus pauca compendiose dicturi.

¶ *Eddaguare.*

H Vius erat secunda post Sultanum dignitas, cuius partes erant Sultani vices gerere, & quemque in Magistratu vel intrudere, vel amouere. Familiam alebat ferè adeò numerosam, atque ipse Sultanus.

¶ *Amir Cabir.*

Tertium à Sultano honoris locum obtinens, summi exercitus imperatoris officio fungebatur. Copias in hostes & vicinos Arabes conscribebat, arces ac ciuitates præsidio firmans, cui liberum erat Regios thesauros necessariis in rebus pro arbitrio expendere.

¶ *Nai Bessan.*

SYriam quartus nomine Sultani administrabat, & Assyriæ vectigalia pro libito tum exigebat, tum necessariis in rebus impendebat, tametsi arcibus & propugnaculis ipse Sultanus præsidia imponeret. Hic Sultano singulis annis aureorum, quos Saraffios vocant, aliquot millia exoluere tenebatur.

¶ *Ostadar.*

QVintus erat Palatij magister, cui tum Sultano vestes curare, tum familiæ vniuersæ annonam resq; necessarias suppeditare incumbabat. Solebant porrò Sultani huic officio pro uectæ ætatis hominē ex magnificentiorib. suis virtuteq; excellentioribus præponere, sub cuius tutela ipse olim educatus fuisset.

Ami-

DESCRIPTIONIS AFRICÆ

¶ *Amiri Achor.*

S Extus curiæ tum equos & camelos, tum eorum phaleras & cōmeatum prouidebat; quos inter aulæ familias pro cuiusque dignitatis gradu partiebatur.

¶ *Amiralf.*

S Eptimus è certis cōstabat satrapis, cuiusmodi in Europa Tribunos, vulgo Colonellos vocamus. Quisq; mille Mamaluchis præficiebatur, quibus tum acies cum hostibus conficturas dirigere, tum Sultani armis præesse incumbibat.

¶ *Amirmia.*

O Ctauo honoris gradu cōstituebantur nonnulli Mamaluchorum Centuriones, qui Sultani tum equitante, tum aliquo armorum genere se exercentem, perpetuò comitarentur.

¶ *Chazendare.*

Q Væstor nonnum tenebat locum, qui vestigalium rationes ad calculū reuocabat, ac Sultano consignabat, & nummos in quotidianos sumptus necessarios, apud mensarios collocans, reliquum in Sultani arce reponebat.

¶ *Amirfileh.*

P Ræficiebatur decimus armorū Sultani custodiæ, quæ magno inclusa atrio tum expolienda, tum renouanda curabat, cui multi ob id officium suberant Mamaluchi.

¶ *Testecana.*

H Vic Sultani vestibis à magistro palatii consignatis præesse iuebatur, quas pro voluntate principis distribuebat, quod quē Sultanus dignitatis ornaret gradu, eum pariter

riter vestiret. Vestimēta porrò ex auro intextis
gausapinis vel sericeis constabant: & quocunq;
pedem ferret, magna Mamaluchorum turba co-
mitatus incedebat. Amplior erat magistratuum
numerus: veluti quē Serbedare nominabant, cui
Sultani potus cura deferebatur, perpetuò aquas
præstantissimas tum saccharo dilutas, tum ex a-
romatibus compositas, apud se habēs. Præterea
Farrasini, hoc est, diuersi cubicularij, qui Sultani
Regiam non minus pannis sericis ac tapetibus,
quàm necessariis facibus ac cereis exornatā con-
tinebat, qui ambra commixti tam odoriferis suf-
fitibus q̄ lumini edendo deferuiebant. Adhæc
quos Sebeathias, hoc est, præcursores, & Tabur-
chianas, nempe stipatores vocant, qui Sultano e-
quitanti & in foro causas dicenti assisiebant. Ad-
dauia, quos dicunt, impedimentis sicubi profi-
cisceretur Sultanus, præerant: è quibus tortore
eligebatur, & quoties de flagitiosis supplicium su-
mendum esset, oēs tortorem artificij condiscen-
di gratia comitabātur, partim homines viuos ex-
coriandi, partim torturam vt delictum fateretur
adinouendi gratia. E subæ, literis Alcairo in Sy-
riā deferendis vacabant, ac pedes in singulos dies
sexaginta passuū millia conficiebāt, quòd inter
Ægyptum & Syriam, nec montuosum, nec vli-
ginosum iter pateat, sed sabulo referta planicies:
at qui seriis de rebus literas deferebant, camelos
inequitabant. ¶ *Sultani militia.*

Sultani porro militum quatuor erant ordi-
nes. Primus ex equitibus viris bellica vir-
tute præstantibus constabat: è quibus ciui-
tatum

DESCRIPTIONIS AFRICÆ

tatum arciumque præfecti à Sultano creabatur. Stipendium plerisque ex Sultani ærario in prompta pecunia, plerisque in vicorum & arcium vectigalibus assignabatur. Secundus erat pedestris militiæ ordo, nulla præter ensen gerens arma, quibus pariter è Sultani fisco stipendium persoluebatur. Tertius ordo gratis militabat, nihil præter victum referens: verum concedente in fata Mamaluchis quoque, ex eorum munero quibus necessariis de rebus ad vitam prouisum esset, hi in eius locum succedebant. Ultimo ordini Mamaluchi tyrones inscribebantur, Turcici aut vernaculi idiomatis adhuc ignari, & qui nullum suæ dexteritatis adhuc specimen ediderant.

Magistratus præcipuis Regni curis constituti.

Nadheasse.
Huius erat ceu ærarij præfecti dignitas: nam totius Regni vectigalibus ac teloniis redimendis præerat, & census quaestori consignabat. Quin & ipse apud Alcairum Publicani officioungebatur, ex quo ingentem sibi vim pecuniarum conflagabat: tametsi hanc nemini functione administrare liceret, nisi Sultano centum prius aureorum Saraffiorum quos vocant milia persoluisset, quæ postea intra semestre recuperabat. *Chetebeeffer.*

Pæterquam quod Sultano hic à secretis foret, cuius partes erant Regis nomine literas dictare ac respondere, incumbere etiam censuum rationes omnium Ægypti agrorum subducere, eamque pecuniam à suis præfectis colligere. *Muachib.*

Erat

ERat hic pariter Regi à secretis, sed inferioris conditionis, tamen Sultano fidelior. Huic onus imponebatur alterius scripta, tum recognoscere, tum si iuxta Sultani mentem essent animadvertere, quibus Sultani nomine tandem subscribat. Verum alter tot amanuenses scribendi usu peritos habebat, ut raro Muachih quidpiam cancellandum contingeret.

Mubtesib.
Hic tum frumento, tum annonæ precium designare committebatur: quod partim pro Nili incremento, partim pro ratione nauigiorum ex Erriffia & Sahidica provincia aduentatum aut deprimebat, aut extollebat, præuaticatores multis à Sultano constitutis afficiens. Cum Alcairi agerem, intellexi per singulos dies hunc exigere circiter mille Saraffios: non solum ex Alcairo verum ab omnibus Ægypti ciuitatibus & locis, quibus suos præficit ad ministros sibi tributarios.

Amir el Cheggi.
Hunc non minoris oneris quam summæ dignitatis gradum, Sultanus in Mamaluchorum tum dexterrimum, tum potentissimum collocabat: cui præfectura dabatur protectionis, quæ singulis annis Alcairo Mecam fiebat, quam is absque magno Rei familiaris dispendio peragere nequibat, quod Mamaluchorum cohorte stipatus, solenni pompa incedens genio indulgeret, & trimestris spacio grauissimos sumptus absque villa Sultani & viatorum repensione toleraret. Aliis alij ornabatur dignitatibus, quas
 sigil

DESCRIPTIONIS AFRICÆ
figillatim recensere superuacaneum duxi.

Geza ciuitas.
GEza ciuitas ad Nili ripam è regionē Ciuitatis veteris exstructa, à qua per Nili Insulam separatur, populo tum frequētum urbano excolta est. Pulcherrimam reddunt crebra à Mamaluchis Alcairi turbam ac strepitū vitantibus fabricata palatia, artificum quoque & mercatorū copia, maximè pecoris ex Barca motibus acti, cuius ductores Arabes, ne flumen lintribus traiciant, mercatorib. & Alcairi laniis eam ob causam huc accurentibus, diuendunt. Ciuitatis delubrum & elegātiora ædificia ad Nili ripam constructa sunt. Circum horti patēt dactyliferi. Qui ex Alcairo mœchanici quæstus faciendi gratia matutino tempore adueniunt, sub vesperam domum reuertuntur. Hæc per desertum arenaceum itur ad Piramides, nempe ac priscorum Ægypti Regum sepulchra, quo in loco Memphin olim extitisse asserunt. Iter licet stagnis ac frequentibus puteis Nili incremento confectis sit permolestum, paruo tamen negotio experti ac fidi comitis auxilio superari potest.

Muhallaca.
Muhallaca exigua ad Nilum ciuitas, priscorum Ægyptiorū sæculo constructa, tribus distat à Ciuitate veteri passuum milibus. Visitur in ea prope Nili ripā templum structuræ magnificæ, & varia pulchri operis ædificia. Dactylis abundat & ficubus quas vocant Ægyptiis. Incolæ verò eisdem ferè seruant ritus, quos Alcairi ciues.

¶ *Chancha.*

CHancha ciuitas ampla in deserti initio, quā ad Synai montem itur, sexto ab Alcairo miliari constructa, pulcherrimis ædificiis, delubris, & collegiis referta est. Quicquid agri inter hanc & Alcairum interiaceret, creberrimis dactylorum possessionibus excultū est: cæterum à Chancha ad montem Synai, centum & quadraginta miliarium intercapedine, nulla reperitur habitatio. Incolæ mediocriter opib. polent: cū enim profectio in Syriam paratur, huc populi caterua ex Alcairo conuenit, res ad iter necessarias coemptura, quod in eius agro præter dactylos nil proueniat. Duæ hic viæ patent publicæ, quarum altera in Arabiā, altera in Syriam ducit. Aquam nō habet hæc ciuitas, præter eam quæ intra canales exundante Nilo remanet: qui si disrumpantur, aqua excurrēs in planiciem exiguos lacus efficit, quæ per certos aquæ ductus in ciuitatem fluens in cisternas effunditur.

¶ *Muhaisira.*

EXigua hæc ad Orientem supra Nilum trigelimo circiter ab Alcairo miliari exstructa ciuitas, magnam sesamæ producit copiam plurimis referta molis, quib. è sesamæ granis oleum exprimunt. Incolæ potissimum agri culturam exercent, præter nonnullos qui mercaturæ dant operam.

¶ *Benisuaif.*

Benisuaif angusta ciuitas, altera Nili parte quæ Africam spectat ædificata, centum viginti distat ab Alcairo passuum millibus.

Pla-

DESCRIPTIONIS AFRICÆ

Planiciem habet lino & cannabi cōserendo cū primis accommodam, quod isthic adeo præstans colligitur, vt Tunetum vsq; Barbariæ oppidum exportetur, Hęc ciuitas vniuersæ Ægypto linum suppeditat: ex quo telam exilem ac solidam conficiunt. Huius agrum Nilus exundationis tempore continuo arrodit & imminuit, nostra præcipue tempestate, qua agros dactyliferos dimidia sui amplius parte auullit. Incolæ vt plurimum variis lini operibus seipsos occupant. Vtius crocodili inueniuntur humanam carnem deuorantes, velut in nostra animalium historia tractabimus. ¶ *Munia.*

IN eadem Nili ripa spectatur Munia elegantissima ciuitas, Machumetanorum sæculo, à Chasib præfecto pontificis Bagadedæ domestico edito loco cōstructa. Vnis optimis omniq; fructuum genere abundat, qui tametsi Alcairum deferantur, recentes tamen propter loci distantiam peruenire nequeunt, quod hæc ciuitas. CLXXX. passuum millibus ab Alcairo sit dissita. Pulcherimis abundat ædificiorū structuris ac delubris: Visuntur in ea crebræ priscorum Ægyptiorum ruinæ. Incolæ opibus valent, nam quæstus gratia Goagam, vsque Nigritarum Regnum profiscuntur. ¶ *Bl Fijm.*

Hanc vetustam ciuitatem Pharaonum vnus ad exiguum Nili alueum sublimi loco condidit iis temporib. quibus Hebræi Ægypto excessere, quos lapidibus expoliendis aliisque seruitutibus misere affligebat. In hac sepultum ferunt Ioseph Israelis filium, atq; à Mose
fu

gentib. deinde Hebræis effossum. Magnam fructuum & oliuarum producit abundantiam, quæ eiui accommodæ, oleo exprimendo prorsus habentur inutiles. Ciuitas vrbana est & populo referta: plurimi in ea artifices, præcipuè verò textores agunt.

¶ *Manf Loth.*

Amplissimam hanc & vetustissimam ciuitatem, Ægyptij condidere, à Romanis verò destructa Machumetanorum tempestate restaurari cœpta est, verum ea neutiquam qua prius magnificentia. Visuntur in ea nostro sæculo crassæ & eminētes columnæ ac porticus, insculptis Ægyptia lingua versib. Iuxta Nilum rudera sunt insignis cuiusdam ædificij, quod olim delubrum fuisse constat, è quibus ciues nonnunquā aurea, argentea, & plumbea numismata effodiunt, altera parte hieroglyphicis notis, altera priscorum Regum effigiebus insignita. Ager cum sit fertilis, vehementi Solis æstu aduritur, & à crocodilis plurimum infestatur, cuius rei occasione ciuitatē à Romanis derelictam coniciunt. Incolæ porro mediocris sunt fortunæ, mercaturam enim in regione Nigritarum exercent.

¶ *Asioth.*

Vetustam hanc ciuitatē, Ægyptij ad Nilipam ducētis & quinquaginta passuum milibus ab Alcairo construxere. Admirandam reddit eius vastitas, & antiquorum ædificiorum & epitaphiorum notis Ægyptiis inscriptorum varietas, licet potiori ex parte euastata. Quo tempore Machumetani ciuitatis dominiū vsurparunt, plurimi eam heroes incolebant, nobili-

N n

bili-

DESCRIPT. AFRICÆ

bilitate & diuitiis ad nostra vsque tempora illustris. Centum fere in ea superiunt Christianorū Ægyptiorum familiæ, templa tria aut quatuor; extra ciuitatem verò vnū videtur monasterium, à centum amplius monachis inhabitatū, qui carne aut piscibus nequaquam vescuntur, sed ole-ribus, pane, & oliuis. Adipe quamuis nō vtantur, cibaria tamen satis lauta conficiunt. Monasteriū verò opibus pollet, exterisq; illac iter facientib. cibum & hospitium triduo suppeditat, magnā alens pro hospitibus columbarum, pullorum, animaliumque copiam.

¶ *Ichmin.*

IChmin vetustissimam totius Ægypti ciuitatem, Ichmin filius Misraim, qui à Chus filio Hen ortū duxit, ad Nilum qua parte Asiam irrigat, trecentis ad Orientē ab Alcairo passuum milibus condidit. Hanc Machumetani cū primū Ægypti dominium vsurpassent, propter causas in historia relatas adeò deuastarūt, vt præter fundamenta ac rudera nihil in ea reliquerint; nam columnis & præstantiorib. lapidibus ad alteram Nili partē asportatis, Munsiam, vt statim dicemus, ex eius reliquiis ædificarunt.

¶ *Munsia.*

Munsiam itaque ab altera Nili parte condidit cuiusdam Pontificis Præfectus, verū nulla nec venustate nec elegancia, nam vici omnes angusti sunt. Æstate verò tantum pulueris excitat solum, vt per eam ambulare non liceat. Frumento abundat & pecore. Huius dominium possidebat Princeps quidam Afri

Africanus ex Barbaris gentibus, cui nomen fuit Haoara, cuius antecessores Haoaræ principatū obtinuerunt. Quam ciuitatem consecutū ferunt ratione singularis beneficii, quo seruū Dalmatam Alcairi conditorem affecisset: non possum tamē adduci vt principatū credam penes eam familiam tam longo temporis spacio remansisse. Solimanus verò nonus Turcarū Imperator, nostra memoria ei hunc principatū eripuit.

¶ *Georgia.*

Georgia amplissimum olim fuit ac opulentissimum Christianorum monasterium, D. Georgij appellatione celebre, sexto à Munfia miliario distitum. Monachi inhabitabant amplius ducenti, qui innumeros agros & pascua possidentes, exteris pariter cibum præbebant, & quod è redditibus illis supererat, ad Alcairi Patriarchā trans mittebant, qui inter pauperes Christianos hæc distribui procurabat: verum anno abhinc circiter centesimo, pestifera quædam lues Ægyptū inuasit, eiusq; monasterii monachos omnes extinxit. Quamobrem Munfiæ Princeps monasterium perpetuo muro cinxit, domosq; fabricari instituit, quas diuersi generis tum artifices, tum mercatores inhabitauerunt. Ipse quoque pulcherrimorum hortorum collibus quibusdam adiacētium amœnitate tractus, eò habitaturus perrexit: verum Patriarcha Iacobitarum apud Sultanum querimoniam faciente, Sultanus aliud monasterium eo loco construi iussit, quo olim Ciuitas vetus ædificata fuerat, tantumque pensionis illi assignauit, qua facillimè

DESCRIPTIONIS AFRICÆ

triginta posset alere monachos.

¶ *Chian.*

C Hian exiguam ad Nilum ciuitatem Machumetani olim condidere, quam tamē nullus eorum inhabitat, sed Christiani Iacobitæ, qui vel agriculturam exercent, vel pul-
lorum, anserum, & columbarum nutritioni in-
tenti sunt. Superfunt in ea pleraque monasteria
Christianorum, qui exteris pariter ministrāt ali-
moniam. Ex Machumetanis verò præter præfe-
ctum, eiusq; familiam, nullum in ea reperire est.

¶ *Barbanda.*

B Arbandam prisçi Ægyptij supra Nilum
quadringentis circiter ab Alcairo passuum
milibus exstruxerunt. Hæc à Romanis va-
stata præter ruinas nihil exhibet, quæ potissimū
Asnā perlatae sunt, de qua nobis sermo erit pau-
lò inferius. Inter ruinas plurima reperire licet
auri argentiq; numismata, multa item Sma-
ragdi fragmina.

¶ *Chana.*

C Hana vetusta ciuitas ad Nili ripam ex
aduerso Barbandæ ab Ægyptiis condita,
mœnibus quidem cincta est, sed è crudo
lapide constructis. Incolæ vilis conditionis ho-
mines agriculturæ vacāt: ciuitas autem frumen-
to abundat. Huc merces conuehuntur, quæ Al-
cairo Mecam aduerso Nilo ferūtur: à mari enim
Rubro per desertum centum & viginti saltem
passuum milibus distat, qua locorum intercape-
dine nihil prorsus aquæ reperire licet. In maris
autem Rubri littore ad Chossir portum, frequen-
tia

tia sunt tuguria in quibus exonerantur merces: portus vero domunculæ storeis contectæ sunt. E regione Chossir ab Asiæ parte situs est Iambuli maris Rubri portus, ad quem viatoribus Medinæ sepulchro Machumetis nobilem iter faciētibus, conuenire oportet. Chana porrò frumentū supeditat Medinæ ac Mecæ, quibus in locis maximam perpetuò patiuntur inopiam.

¶ *Asna.*

Asnam antiquitus Senam vocitarūt: quæ nominis immutatio ab Arabibus dimanauit, quorū idiomate Sena rem fœdam ac turpem significat. Asnam igitur appellarunt, hoc est, pulchram & elegantem, quod situ peramœno iuxta Nilum ab Africæ parte constructa sit: quæ tametsi à Romanis propemodū vastata exstiterit, Machumetanorum tamen sæculo ita restaurata est, vt eius incolæ tam frumenti & pecoris, quàm nummorum ditissimi euaserint. In Regno siquidē Nubiæ partim aduerso Nilo, partim per deserta mercaturam exercent. In huius ciuitatis ambitu, maxima visuntur ædificia, operisque admirandi sepulturæ, cum epitaphiis tam Egyptiis notis quàm Latinis characterib. insculptis.

¶ *Asuan.*

Asuam amplam, vetustam, populoque refertam ciuitatem, Egyptij ad Nilum octuagesimo circiter ab Asna miliario Orientem versus condidere. Solum habet frumētum cumprimis accommodum. Ciues mercimoniis exercendis deditissimos facit Nubiæ Regni propinquitas, in cuius confinio hæc sita est ciuitas,

DESCRIPTIONIS AFRICÆ

ultra quam Nilus in exiguos lacus per subiectas planicies diffusus innauigabilis fertur. Est quoque deserto cōfinis, quo ad Suachin Rubri maris portum itur, & in limitibus Æthiopix sita: in qua teinpoꛛe æstiuo immenso Solis æstu torrent incolæ, fusci potissimum coloris, Nubiis hominib. & Æthiopibus commixti. Plurimas hic spectare liceat priscoreum Ægyptioꛛum structuras, altissimas item turres, quas patrio nomine Barba vocitant. Vltcrius nulla nec ciuitas, nec memoratu digna reperitur habitatio, præter exiguos aliquot hominum fuscorum vicos, quorum idioma Arabico, Ægyptio, ac Æthiopico permixtum est. Hi Bugis gentibus subditi, in campis ætatem degunt more Arabum, Sultani iugo liberi, apud quos eius finitur dominiũ. Hæ sunt præcipuæ vrbes ad magnum Nili alueum sitæ, quarũ nonnullas vidi, nonnullas ingressus sum, reliquas præterij: de quibus mihi semper ab incolis, & à nauis qui me Alcairo adusq; Asuan cōuexere, facta exstitit certa narratio, quibuscum Chanam reuersus, per desertum ad mare Rubrum perueni, quod ad Iambuh & Ziddem Arabiæ desertæ portus traieci, de quibus cum ad Asiam spectent, ne extra Africam nostram digrediar, loqui supersedeo: si Numine tamẽ aspirante vita mihi largior obtigerit, Asiæ regiones à me perlustratas descripturus sum, velut Arabiam Desertam, Fœlicem, ac Petream, Ægyptum Asiaticam, Babyloniam, Persiæ, Armeniæ, ac Tartariæ partẽ, quas in ætate iuuenili & vidi & percurri. Tum vltiniam quoque meam à Fessa Constantinopolim profectionem,


hinc

hinc in Ægyptum, atque inde in Italiam, in qua plurimas conspexi Insulas: quas omnes meas peregrinationes ab Europa fauente Domino in patriam reuersus particulariter describam: operis initio præstantiores Europæ & Asiæ à me lustratas regiones collocans, quas Africa hæc mea subsequetur, vt studiosos qui rerum cognitione oblectantur, meis peregrinationibus adiuuem.

Ioannis Leonis Africani

descriptionum Africæ, rerumq; in ea memorabilium,

LIBER NONVS.

 *In quo de præcipuis Africa fluminibus, animalibus, ac fruticibus agitur.*

Tensist flumen.



Ensit fluius, vt à Barbaria occidua Africę Regione sumamus exordium, ex Atlantis montibus qua Hannimeneq; ciuitati sunt proxime, hoc est in Marocci territorio versus Orientem exoritur, & in Septentrionem per planicies diffusus in Azafi Duccalę Regionis vico plurimis fluminibus auctior se in Oceanum effundit. In hunc Sifelmel & Nissis magna flumina confluunt, quorū alterum è Hanteta Marocci colle scaturit: alterum Atlante prope Maroccum exortum, per planiciem circum Maroccum fertur. Tensist autem licet profundum sit flumen, plerisque tamen in locis vado transmeari potest,

Nn iiij

quan

DESCRIPTIONIS AFRICÆ

quanuis aqua stapedes superet : at qui pedes est, nudus oportet trajiciat . Iuxta Maroccum pons cernitur à Rege Mansore cōstructus, & quindécim fornicibus distinctus : qui inter elegantiora totius Africæ ædificia recensetur. Tres porro arcus ab Abu Dubus ultimo Marocci Rege ac Pontifice, quò transitum Iacobo primo Marinæ stirpis Regi impediret, disrupti sunt : cuius tamē conatus inanes fuisse temporū successus ostendit.

¶ *Teseuhin.*

Teseuhin duo eiusdem nominis flumina, ex monte Gugigidemo scaturiunt ternis ab inuicem passuum milibus, & Hascoræ tractus planiciem irrigantes, in Lebich amnem se exonerant . Hæc flumina ex eodem monte, vt dixi, originem ducunt : quorum alterum singulari numero Teseut, vtrumque verò plurali Teseuhin appellantur.

¶ *Guadelhabit, hoc est servorum fluuius.*

Nascitur ex Atlante, inter excelsos ac gelidos montes, & per angustas ac scabras valles delabens Hascoræ ac Tedletis confinia præterfluit, deinde in planiciem versus Septentrionem extensus, in Ommirabih flumē collabitur . Mediocris est magnitudinis verno præsertim tempore, cum niues liquefieri solent.

¶ *Ommirabih.*

Ommirabih fluuius maximus, ex Atlante inter altissimos montes qua Tedles provincia Fessano Regno confinis est, scaturiens, per certas planicies Adachfun dictas fluit, deinde in angustas valles coartatus, pontem elegant

gantissimæ structuræ ab Ibulhasen quarto Marinorum stirpis Rege fabricatum alluit: hinc Meridiem versus planicies irrigat, quæ Regionibus Duccalæ ac Temesinæ interiacent, donec ad Azamuri mœnia in Oceanum se exoneret. Hyberno ac verno tempore transuadari non potest, verùm adiacentium locorum incolæ, merces ac viatores quibusdam ceu rastris, vtribus ad vtranq; ripam superimpositis traijciunt. Sub Maij finem, magnam copiam piscium quos Itali laschas vocât, in eo piscantur, quibus Azamuro satiata, naues plurimas salitis piscibus onustas in Lusitaniam abducunt.

¶ *Buragragus.*

N Ascitur Buragragus ex vno montium ab Atlante procedentiũ. Plurimas tum valles, tum syluas præterfluit, exinde certis è collibus prodiēs, in quandam planiciem extenditur, atque ad oppida Salam & Rabatum Fessani Regni terminos se in Oceanum exonerat. Hæ porrò ciuitates alium portum non habent, præterquã in eius fluminis faucibus, eumq; ingressu adeo difficilem, vt nisi loci qualitatem optimè sit edoctus nauta, facile in arena naufragium passurus sit: quod vtriusq; oppidi est valum & munitio aduersus classes Christianorum.

¶ *Bat.*

B At fluuius ex Atlante scaturiēs, in Septentrionem per syluas & montes extenditur, tum certis collibus egrediēs, in planiciem Azgaris prouinciæ se dispergit, atque hinc in paludes, lacus & valles aquaticas definit, in quibus anguillas innumeras, & maximas quas vocât laschas

DESCRIPTIONIS AFRICÆ

chas piscantur. Accolę pecuariam exercentes ex pecore & piscatione victum quærunt, atque ex magna lactis, piscis, ac butyri, quibus vescuntur copia, morphææ morbo plurimū sunt obnoxij. Perpetuò hic fluuius vadari potest, præterquam dum imbrium frequentia & liquefacta niue turgidior grandescit.

Subu
S Vbu fluuius in Selilgo monte Cheuz prouinciæ Regni Fessani exoritur. Scaturit ex maximo fonte in horrida sylua, plurimosq; montes & colles præterfluit: hinc in planum extensus, sex à Fessa miliaribus planiciem irrigans Habat & Azgar Regiones differtinat, tandem iuxta Mahmoram locum Salæ propinquum in Oceanum prouoluitur. In hunc plurimi fluuij se exonerant, inter quos Guarga & Ador ex Gu meræ montibus originē ducunt, reliqui ex montibus qui in Tezæ sunt principatu, proueniunt. Licet aquosus sit, multis tamen in locis vadari se permittit, verum Hyeme ac Vere transmitti nō potest nisi periculosis quibusdam linitibus. Qui porrò Fessanam urbem fluuius præterfluit, hunc pariter ingreditur, patrio vocabulo Margaritarū flumen appellatum. Subu autem piscium maximam præbet copiam, præsertim lascharum, quæ isthic vilissimæ sunt. Quâ in Oceanū sese exonerat lato simul ac profundo ostio diffusus, magnas etiam naues admittit, vt à Lusitanis & Hispanis comprobatum est: posset quoq; nauigari si accolarum inscitia id perciperet, quin si Fessani mercatores grana quæ per Azgaram Regionē

vehunt, nauigio deferenda curarent, Fessæ dimi-
diò minoris vanirent.

¶ *Luccus.*

Luccus ex Gumeræ montibus originē du-
cens ad Occidentem per planicies Habatæ
& Azgaræ Regionum diffunditur, deinde
Casarum El cabirum præterfluens, iuxta Harai-
dem Azgaræ ciuitatem ad Habatæ confinia in
Oceanū labitur: in cuius ostio est ciuitatis por-
tus ingressu difficillimus.

¶ *Mulullus.*

Mulullus flumen ex Atlante inter limites
Tezæ ac Dubdu scaturiens, per plani-
cies Terrestam & Tafratā asperas ac ste-
riles fluit, deinde in Muluam fluuium se exone-
rat.

¶ *Mulua.*

Mlua insignis fluuius, fontes habet in
Atlante, in Regione Cheuz, vigin-
que plus minus à Gerseluin oppido pas-
suum milibus, & asperas sterilesque planicies ir-
rigans, per medium deserti Angad & Gared la-
bitur, dein Beni Ieznatem môtis radices alluens,
in mare Mediterraneum non procul ab oppido
Chasafa sese effundit. Hic fluuius æstiuo tem-
pore semper transuadatur, in cuius ostio sele-
ctissimi capiuntur pisces.

¶ *Za.*

ZA fluuius in Atlante exortus, per cer-
tam planiciem in deserto Angad ad Fes-
sæ & Telenfin Regnorum limites diffun-
ditur: quæ licet maximè profundum, nunquam
tamen turgidum vidi. Piscibus abundat, verum

ac-

DESCRIPTIONIS AFRICÆ

accolæ piscandi apparatu destituti, iis insidiari non possunt, aquis lucidis existentibus iisque piscationi incommodis.

¶ Tefne.

Tefne amniculus in montibus ad limites Numidiæ exortus per desertum Angūd Septentrionem versus perpetuo cursu in Oceanum quindecim à Telenfino passuum milibus fertur, neque in eo quicquam præter exiguos pisciculos inuenitur.

¶ Mina.

Mina fluuius mediocris, ex vicinis Tegdent montibus labens, Bathæ ciuitatis campos irrigat, inde ad Septentrionem in Oceanum prouoluitur.

¶ Selef.

Selef magnus fluuius ex Guanferis montibus originem ducens, per incultas planicies ad confinia Regnorum Tenez ac Telenfin labitur, atque hinc Mezagranum à Mustugani disterrinans, mare Mediterraneum ingreditur, in cuius faucibus selecti omnis generis pisces capiuntur.

¶ Seffaia.

Seffaia amniculus ex Atlante proueniens ac Metegia planiciem Algeriæ vicinam alluens iuxta vetustum oppidum Temendefust in mare Mediterraneum fluit.

¶ Flumen quod Magnum dicitur.

Nascitur ex montibus prouinciā Zab attingentibus, & per montium præcipitia descendens, tertio à Bugia miliari in

in Oceanum fertur. Non exundat præterquam imbrium ac niuium tempore : neq; solent in eo piscari Bugienses, mari licet proximi.

¶ *Sufmare.*

N Ascitur in montibus Auras montē contingentibus, & per steriles cāpos labens in territorio Constantinæ ciuitatis egreditur, cuius ripam alluens, fluuiolum exiguum in se recipit, deinde Septentrionem versus, per colles & mōtes fertur in Oceanum, vbi rus Chollo oppidi à rure Gegel castri determinat.

¶ *Iadog.*

I Adog fluuiolus, ex montibus Constantinæ proximis scaturit, & per eosdem montes Orientem versus prolabens, iuxta Hipponam in Oceanum effunditur.

¶ *Guadilbarbar.*

I N montibus oritur, agrum Vrbs ciuitatis attingentibus, & per colles & montes labens, adeo flexuose fertur, vt iis qui Hippona Tunetum iter faciunt, amplius vigesies traijciendus sit, absque vlllo pontium aut lincium adminiculo. Tandem in Oceanū sese iuxta desertum Tabracæ portum, quindecim circiter à Bege ciuitate passuum milibus exonerat.

¶ *Megerada.*

M Egerada fluuius maximus in montibus Tebessæ ciuitati vicinis, ad cōfinia prouinciæ Zeb oritur, ac Septentrionē versus perpetuo fertur cursu, donec ad Garil Meleh locum à Tuneto quadraginta passuum milibus distantem in Oceanū se exoneret. Imbrium tem

pore

DESCRIPTIONIS AFRICÆ

pore adeò excrefcit, vt viatoribus nonnunquam biduo aut triduo ad eius ripam donec decreuerit exspectandum fit, quòd nec cymbarũ, nec pontium vsum habeant, præcipuè sexto à Tunetomiliari. Perfpice quantum & animi & ingenij vigore ab antiquis Afris degenerarint noſtri, qui toties populo Romano tremorem & pauorem incuſſerunt. ¶ *Capis.*

IN Meridionali quodam deferto exoritur, ac per certas planicies arenaceas currens, iuxta eiusdem nominis oppidum in Oceanum labitur. Aquam habet ſalſam adeoque calidam, vt qui ex ea potare voluerit, horæ ſpacio donec tepescat ſit abſtinendũ. Hæc ſunt inſigniora Barbariæ flumina, quare hinc ad Numidiæ deſcriptionem properandum eſt.

FLUMINA NUMIDIÆ.

¶ *Sus.*

SVs magnum flumen ex Atlantis montibus qui Heha à Sus terminant, ſcaturit: & Meridiem verſus inter eoſdem montes labitur in prædictæ Regionis campos prodiens, deinde in Occidentem effuſus, ad Gurtueſſen locum Oceano proximum ſe exonerat. Hyeme exundans plurimum agri euertit, æſtate alioquin exiguus.

¶ *Dara.*

DAra ad confinia Haſcore in Atlante exortus, in Meridiem fluēs Dara prouinciã alluit: hinc per defertum labens in certos campos & prata diſpergitur, in quibus propter herbæ copiam Arabes ſuos camelos pabulantur. Æſtate adeo exiccatur, vt neque calceos in eius tran-

transitu inadefacias: hyeme autem ita excrescit, vt nec lintribus traijci possit: feruente vero Solis æstu, eius aqua gustu amara est.

¶ *Zis.*

ZIs in Atlantis montibus à Zanaga populo habitatis nascitur, ac per montes plurimos in Meridiem labens, Gerseluin ciuitatem præterfluit, deinde rura Chenegæ Metgaræ & Retebæ irrigans, territorium Segelmessæ ciuitatis ingreditur, cuius quoque possessiones aluit: hinc in desertum iuxta Sugahila castrum profluit, atq; exinde lacum in medio arenæ format omni habitatione vacuum, quæ tamen obire solent Arabes venatores, quod hoc in loco maximam prædam agant.

¶ *Gir.*

GIR flumen in Atlante pariter exortum per deserta aliquot Meridiem versus labitur, & Benigumi populos irrigans, in medio deserti lacum pariter efficit.

In principio nostri operis, cum de Nigro flumine in Africæ diuisione mentionem habuerimus, superfluum erit hic repetere: quare ad Nili descriptionem transeamus.

¶ *Nilus.*

MIrabilis est præfectò Nili cursus, stupendis animalibus ac monstris refertus, cuiusmodi sunt equi & boues marini, crocodili, atque id genus aliæ crudeles feræ, vt inferius recensebimus, quæ nec Romanorū nec Ægyptiorum sæculo tam noxiæ erant vt hac tempestate: verum deteriores effectæ sunt, ex quò Machu-

DESCRIPTIONIS AFRICÆ

Chumetani Ægyptum occuparunt. Scribit Mef-
hudius in opusculo rerum memorabilium sui
temporis, inuētam esse Humethi Thanlonis filij
sæculo, qui Gifarisi Mutanichil Bagadedæ Pon-
tificis in Ægypto Suppræfectus Anno Hegiræ
CCLXX. exstitit, plumbeam statuam magnitu-
dinis crocodili, in ruderibus delubri Ægyptiaci,
notis hieroglyphicis insignitam, certisque con-
stellationibus aduersus crocodilum obnoxiam,
quam cum Suppræfectus dirumpi iussisset, cro-
codilos hominib. insidiari cœpisse. Verum qua
ratione crocodilos ab Alcairo ad mare vsq; Medi-
terraneum non esse perinde noxios eueniat, pe-
nitus ignoro: cum ij qui aduerso flumine ferun-
tur, plurimos homines occidunt ac deuorent.
Sed vt ad Nilum reuertamur, quadraginta dieb.
vt diximus, crescit, hoc est, ad decimumseptimū
mensis Iunij: ac totidem decrescit. Nam in su-
periori Æthiopia cum in Maij initio densissimè
pluat, aquę cursus per integrum Maium & Iunij
partem priusquam Ægyptum perueniat, retar-
datur. De origine verò huius fluuij variæ sunt
opinionēs, omnesq; incertæ. Nonnulli in Lunæ
montibus ortum ducere affirmant, alij ex incul-
tis planicieb. ad radices prædictorum montium,
ex plurimis fontibus magno interuallo ab inui-
cem diffitis seaturire. Cæterum priores affirmāt
Nilum maximo impetu ex montibus præcipi-
tem in subterraneos meatus ferri, eosque fontes
efficere. Vtraque harū opinionum falsa est: neq;
enim quisquam vidit vnde Nilus trahat originē.
Mercatores Æthiopes, qui in Dancala oppido

negotiantur,asserunt Nilum Meridiem versus in maximum lacum ita distendi, vt quâ cursum ferat, dinosci nequeat: atque hinc in plurimos ramos secari, qui per diuersos alueos discurrentes, ad Occidentē & Orientem extenduntur, & viatores ne varios flexus possint circumire, impediunt. Affirmant quoque multi Æthiopes planicies pariter vt Arabes incolentes, eorum plerosque nonnunquam camelos quo tempore in Venerem feruntur amissos, Meridiem versus circiter mille passuum milib. quæsiisse, perpetuôq; eodem modo Nilum vidisse, hoc est, in frequētes lacus ramosq; dispersum, atq; plurimos montes desertos ac steriles inuenisse, in quibus Meshudius reperiri smaragdos ait: quod mihi verisimilius habetur, quàm de syluestrib. hominibus, eodem teste, velut capreolis oberrantibus, atque in deserto herbis more ferarum vescentib. Quod si omnia referrem, quæ nostri Historici fabulosè de Nilo dictarunt, Lectori tædium incuterem.

DE ANIMALIBVS.

DE animalibus tractaturus, singularum historiam quæ in Africa habetur me recensiturum non polliceor, sed eorum saltem quæ vel non fert Europa, vel ab iisdem vlla ratione differunt: ex ordine descripturus tam terrestria quàm aquatica & volatilia, multa à Plinio raræ doctrinæ viro tradita prætermitturus, tamen in minutulis Africæ rebus, Authorū qui antea eum scripsere vitio, nonnihil errauerit: verūm exiguus nāuus omnem pulchritudinē elegantis ac venusti corporis tollere non potest.

¶ *Elephas.*

Elephas animal docile ac syluaticum, magna copia in syluis Nigritarum regionis inuenitur. Solent magno numero confer-
tim incedere, & si quenquam obuium habuerint, vel deuitant, vel illi cedunt: at si quenquam iniuria afficere velit, proboscide sublatum in terrā deiicit, pedibus deculeans donec mortuum reliquerit. Tametsi animal sit ingēs ac ferox, magno tamen numero à venatoribus Æthiopis in hunc ferè modū capiuntur. Hi in densis syluis vbi animalia quiescere norūt, inter multas arbores septū frequentium ac robustarū frondium conficiunt, parum interualli ab altera parte vacuum relinquentes, cui portam quæ tunc leuari potest in plano instar rastri distensam affigunt, paruoque negotio passum occludunt. Elephas itaque sub frondib. quietem capturus, septum ingreditur, quem attracto fune constrictum, venatores ex arboribus descendentes sagittis confodiunt, dentesque extrahunt ac vendunt. Cæterum si elephantem septum euadere contingat, quotquot reperit homines, interficit. Alio modo in Æthiopia superiori & India elephantibus insidiantur, quem, ne lectori tædium ingeram, prætermitto.

¶ *Giraffa.*

Animal est adeò syluaticum, vt rarò videri possit, nam inter syluas ac deserta, vbi alia non sunt animalia, se recondit, atque homines videns in fugam fertur, tametsi non sit multæ velocitatis. Capite camelum refert, auri-
bus bouem, pedibus : neq; à venatoribus
vlla

vlla capiuntur, præterq̃ parua ac recens nata.

Camelus.

Camelus animal blandum ac domesticum maxima copia in Africa inuenitur, præsertim in desertis Libyæ, Numidiæ, & Barbariæ, ex quibus Arabes suas diuitias ac possessiones æstimant: & siquando de diuitiis Principis aut nobilis cuiusquam sermo fiat, possidere aiunt tot camelorum, non aureorum milia. Qui porrò camelos possident Arabes, heriliter viuunt ac liberè, vtpote cū quibus in desertis agere possint, ad quæ propter ariditatem nec Reges nec Principes peruenire valent. Huius generis animalia in omnib. orbis partibus visuntur, nempe in Asia, Africa, & Europa. Iis in Asia vtuntur Tartari, Cordi, Dalemij, & Turcomani. In Europa Turcici Principes, clitellis ac sarcinis deferendis, quemadmodum & in Africa vniuersi Arabes, tū qui deserta Libyæ inhabitant, Regesq; omnes camelis annonā & impedimenta vehenda curant: verū Africi cameli Asiaticos excellūt, inædiam enim quadraginta vel quinquaginta diebus perferentes, pabulum serotino tempore non attingunt, verū exonerati in proximis campis herbam, vepretes, vel arborum frondes pabulantur, quod Asiatici præstare non valent, quos professionem quandam auspicaturos, obesos & saginatos esse conuenit. Experientia comprobatum est, camelos onustos iter quinquaginta dierum absque pabulo confecisse, quibus primò gibbi, deinde abdominis, postremò coxæ obesitate attrita, vix centum libris gestandis sunt accōmodi.

DESCRIPTIONIS AFRICÆ

Asiaticis verò camelis mercatores pabulum porrigunt, & singulis singulum pabulo onustum circumducunt, turmatim onusti euntes & redeuntes: qua ratione & pingues conseruant, & questum conduplicant. Verùm Africani mercatores in Æthiopiam nundinarum gratia proficiscētes, de reditu, quòd vacui reuertantur, neque res magni ponderis isthinc reportent, parum solliciti, ut camelos macilentos dorsumque vulneribus saucios in Æthiopiam perduxerunt, vili precio desertorum incolis saginādos diuendunt. At qui in Barbariam vel Numidiam reuertuntur, paucissimis egent camelis: vtpote quibus ad equitationem, annonam, aurum, resque saltem leuiiores perferendas vtantur. Camelorum tres sunt species, quarum primi Hugiun nuncupati, crassi sunt, ac proceræ staturæ, clitellisque gerendis aptissimi, verùm ante quadriennium inutiles: quo exacto, mediocris quisque camelus mille libras Italici ponderis gestat. Cùm sarcinis oneratur, genibus & collo virgula ictus in solum recubans, dum pondus sufficiens agnoscit, seipsum erigit. Solent porrò Africani castrare quos oneribus gestandis seruare cupiunt, decem fœminis masculum vnicum miscentes. Alterum camelorum genus (Bechetos vocant) duos habet gibbos, oneribus gestandis & equitationi pariter accommodos: cuiusmodi Asia saltem producit. Tertium genus, patria lingua Ragnahil dictum, gracilibus, exiguaque staturæ camelis constat, qui sarcinis gerendis inferiores, reliquos tanta sui pernecitate superant, ut diei vnus spacio amplius centum pas-

passuum milia conficiant, iter modico viatico ad dies octo vel decē per deserta perpetuantes, quibus nobiliores Numidiæ Arabes & Afri Libyci vti solent. Cū Rex Tombuti magna celeritate alicuius momenti negotium Numidis mercatoribus indicare cupit, nuntius camelo istiusmodi insidens, Tombuto Daram vel Segelmessam nōgentis passuum milib. distitam, octidui ad summum spacio procurrit: verū ea negotia obeuntes, viros itineris per deserta expertos esse cōuenit, qui infra quingētos aureos in singulas projectiones non exigent. Sub Veris initium in Venerem propensi, nō modō se mutuō offendunt, verū homines à quibus iniuria olim affectū fuisse, leuiorum etiam ictuum reminiscētes, capitaliter insectantur: & si quenquam dentibus arripere possint, in aērem erigunt, ac humi deiectū pedibus proculcant, atque in hoc furore diebus quadraginta permanent. Famis patientes, adeō sitim tolerant, vt potu absque incommodo diebus quindecim abstinere possint: nociturus alioquin si camelarius triduo absoluto aquā illis porrigat, quōd singulis quinīs aut nouenis diebus consueto more potentur, vel vrgente necessitate quindenīs. Sunt & cameli natura benigni, & hūmano sensui aliquatenus participant: nā si quando inter Æthiopiam & Barbariam diei iter solito diutius protrahatur, camelos defatigatos flagris incedere non vrgeant, verū certas cantilenas occinunt, quarū suauitate demulsi, iter tanta velocitate prosequuntur, vt nec illos cursu insequi valeant. Vidi ego in Alcairo camelum ad fontem

DESCRIPTIONIS AFRICÆ

pani saltare, quā artem à magistro edoctus paucis referre libet. Camelus seligitur iuuenculus, quem per horæ dimidium in loco instar hypocausti præparato, cuius pauimentum igne calefactum sit, constituunt: tum pulsante quodam foris tympano, camelus nō soni, sed ignis gratia, quo pedibus offenditur, tum crus vnum, tum alterum modo saltatorum erigit, cui exercitio per annum vel menses decem assuetus, in publicum deductus, audito tympano, temporis quo calorem sub pedibus sentiit reminiscens, confestim saltat, ac supra idem pauimentū consistere existimans se in pedes erigit, & saltare videtur: atque ex vsu naturā formans, perpetuò hoc obferuat. Alia pleraq; de hoc animale narrare possem, quæ breuitatis gratia omitto.

¶ *Equus Barbaricus.*

E Quis Barbaricis hæc appellatio per Italiam totamque Europam indita est, quòd ex Barbaria proueniant, sintq; cuiusdam equorum generis, qui in iis regionibus generantur: verum qui eam opinionem sustinent, falluntur: equi enim Barbarici ab aliis nullatenus differunt: sed equi tam pernices & agiles, Arabico idiomate per Ægyptū, Syriam, Asiam, Arabiam Desertam, ac Felicem, dicuntur equi Arabici: aiuntq; Historici hoc genus equorū syluestrium, per Arabiæ deserta oberrantium, ab Ismaelis tempore ab Arabibus perdomitū, tanto numero accreuisse, vt Africam ferè totam oppleuerint: quæ opinio vera dinoscitur, quum & nostro sæculo per plurimi syluestres equi in Africa, & Arabiæ de-

desertis reperiantur. Quin & ipse pullum equinum in deserto Numidię pili albi, crispisque supra collum crinibus vidi. Potissimum de eorum bonitate experimentũ capiunt, dum cursu Lantferam vel Struthium consequi valent: quò si superiores euaserint, mille aureis vel centum camelis æstimant. Paucissimos verò Barbaria producit, sed qui deserta incolunt Arabes, populiq; Libyci cum plurimos enutrient, non tamen ad iter vel militiam sed venationibus assuefaciunt, nec alium præter camelorum lac, noctu & interdiu binis vicibus cibum præbēt, quo agiles & elegantes, & potissimè macilentos conseruant, & graminis tempore herbam pascere sinunt: verum non inequitant. At quos alunt Barbariæ principes, non sunt eiusdem velocitatis, sed quod pabulo cibentur, elegantiores & corpulentiores, quibus vrgēte periculo, cum hostium furorem euadere conuenit, vtuntur. ¶ *Equus Syluaticus.*

Habetur inter feras equus syluaticus, qui rarò se conspiciendum præbet. Ab Arabibus desertum incolentibus capitur & comeditur, asserentes istiusmodi carnem eò præstantioris esse saporis, quò magis iuuenula est: verum rarò equis vel canibus cõprehendi potest. In aquis vbi animal versatur, certos nectunt laqueos, quibus arena obductis pede super imposito innexus capitur & occiditur.

¶ *Lant siue Dant.*

Lant similitudine bouem refert, minor tamen cruribus & cornibus elegantius. Colorem albũ gerit, vnguibus nigerrimis, tan

DESCRIPTIONIS AFRICÆ

tæq; velocitatis, vt à reliquis animalibus præterquam ab equo (vt diximus) Barbarico superari queat. Facilius æstate capitur, quod arenæ æstus cursus velocitate ungues dimoueantur, quo dolore affectus cursum remittit, quemadmodum cerui & capreoli. Huius tergore clypei fortissimi conficiuntur, quos nulla ratione præterquam sphaerulæ iestu trajcere licet, verum carò admodum distrahuntur.

¶ *Bos syluaticus.*

B Ouem refert domesticum tametsi statura minor, leucophæi coloris, ipseque velocissimus. In desertis saltem, vel desertorum confiniis reperitur. Carnem aiunt absoluti saporis esse.

¶ *Asinus syluaticus.*

R Eperiuntur in desertis vel desertorum confiniis maxima frequentia leucophæi pariter coloris. Velocitate equis tantum Barbaricis cedunt, atque hominem videntes, magnis clamoribus vlulantes recalcitrant, firmique donec illis adeò proximus sit, vt manibus attingi possint, persistunt, tum in fugam se coniiciunt. Ab Arabibus deserta incolentibus, decipulis, aliisque huiusmodi machinationibus capiuntur. Confertim incedunt cum vel pabulantur vel potant. Carnes calidæ fœtent, sapiuntque syluaticum: verum refrigeratæ ac biduò elixæ, absoluti sunt saporis.

¶ *Boues Africa montium.*

B Oues domestici quotquot in Africæ montibus nascuntur, adeò sunt exigui, vt aliis collati, vituli biennes appareant: monticolæ

colæ tamen illos aratro exercentes, tum robustos
tum laboris patientes asserunt.

¶ *Adimain.*

ADimain animal domesticum, arietem forma refert, statura asinū. Aures habet oblongas & pendulas. Libyci his animalibus pecoris vice vtuntur, quorum lacte maximā casei & butyri copiam cōficiunt. Lanam tametsi curtam gerant, habent mediocrem. Fœminæ saltem cornua gestant. Ego quondam iuuenili feruore ductus, horum animalium dorso insidens ad quartam miliarij partem delatus fui. In desertis Libyæ frequenter reperiuntur, alioquin rari: licet plerunq; in agris Numidię videantur, quod prodigij loco habent.

¶ *Aries.*

NEquæ his arietibus vllum ab aliis discrimen, præterquam in cauda, quam latissimam circumferunt: quæ cuiq; quò optimior est, eò crassior obtigit, adeò vt nonnullis libras decem aut viginti pendeat, cum sua sponte impinguantur: verum in Ægypto plurimi faciendis veruecibus intenti, fursure ordeoq; saginant: quibus adeò crassescit cauda, vt seiplos dimouere nō possint: verum qui eorum curam gerūt, caudam exiguis vehiculis alligantes gradum pmouere faciunt. Vidi in Afiota Ægypti ad Nilum ciuitate, centum & quinquaginta passuum milib. ab Alcairo sita, huiusmodi caudam libras octuaginta ponderare, aliis se vidisse affirmantibus quæ semiducenas libras expendissent. Omnis itaque horum animalium pinguedo in cauda

con-

DESCRIPTIONIS AFRICÆ

cōsistit, nec vsquā nisi Tuneti & in Ægypto reperiuntur.

¶ Leo.

LEo animal syluaticam, cæterisque animalibus noxium, robore, animo, & crudelitate omnibus antecellit, nec feras tantum, sed homines etiam deuorat. Nonnulli autē plerisque in locis ducentos equites inuadere audent: Armentorum greges intrepide aggreditur, & quos capit in proximum nemus suis catulis desert: equites verò, ut dixi, est qui quinos aut senos interficiat. At qui mōtes frigidos incolunt leones, minus habent atrocitatis & ferociæ: cōtrā quanto plus æstui participant, tanto sunt rabidiores & audaciores, velut in Temesne & Fessæ Regnorum confiniis, Angad deserto iuxta Telenfinum, quique inter Hipponam & Tunetum degunt, quos inter celebriores, ac truculentiores totius Africæ Leones referunt. Vere dum in venerem propēsi sunt, cruentam inter se exercent pugnam, octo aut duodecim vnā leonem insequentes. Ex multis intellexi tum viris tum mulieribus, si fœmina in leonem incidat, eiq; verenda monstret, magno clamore edito demissis oculis discedere. Credat qui volet. quicquid leo tamen prendit etiam si camelus foret, rostro aufert. Parū absuit quin binis vicibus à leonibus deuoratus fuerim, Dei tamen bonitate ambabus euasi.

¶ Leopardus.

DEgunt in syluis Barbariæ, neque homini cum robusti sint & crudeles, nocent, nisi (quod rarò contingit) in angusto calle obuij, illi aut cedere non possint, aut redarguantur,

tur, fastidioq; afficiantur: in quem irruentes vnguibus vultum comprehendunt, tantumq; carnis auferunt, quantum prendunt, & plerunque cerebrum homini perfringūt. Gregem inuadere non solent, canibus alioqui infestissimi quos occidunt ac deuorant. Monticolæ Constantinæ regionis equestrem venationem aduersus illos instruunt exitus viarum occludentes. Leopardus autem hac illac fugiēs dum via equitibus obsessa se nequaquam euasurum perspicit, in crebros flexus gyros confodiendum se præbet. At si leopardum effugere contingat, qui incautius eam partem obseruauit, conuiuium cæteris venatoribus recepta consuetudine præparare tenetur.

¶ *Dabuh.*

D Abuh Arabica appellatione Africanis Iesef dicitur: Animal & magnitudine, & forma lupum refert, pedes & crura homini similis. Reliquo bestiarum generi non est noxius, sed humana corpora sepulchris euellit ac deuorat, abiectum alioqui ac simplex animal. Venatores antrum in quo degit edocti, tympanum cantantes pulsant, cuius harmonia technas non animaduertens demulsus, solido fune crura constrictus extrahitur ac interficitur.

¶ *Felis excrementum emittens.*

S Vnt hi feles natura syluatici, atq; in Æthiopix syluis reperiuntur. Mercatores catulos saltem comparant, quos lacte, furfure & carne nutrientes in caueis alunt. Excrementū verò bis vel ter singulis diebus excipiunt, quod quidem animalculi sudor est: nam virgula crebris icti-

DESCRIPTIONIS AFRICÆ

ictibus percussum frequenter per caueam agitur donec erumpat sudor, quem sub coxis, brachiis, collo & cauda excipiunt: quod quidem excrementum vulgo zibettum dicitur.

¶ *Simia.*

Simiarum variae sunt species, quarum quæ caudam gerunt, Monæ dicuntur: aliae verò Babuini. Reperiuntur in Mauritaniæ syluis, Bugiæ & Constatinæ montibus. Humanam faciem non pedibus modò & manibus, sed vultu etiam referunt, admirando ingenio astutiaque à natura dotatæ. Herbis & grano nutriuntur, & spicas pasturæ magno comitatu incedunt, quarum vna ad limites campi excubans, si percepto agricolæ clamorem ediderit, reliquæ in fugam maximis saltibus in proximis arboribus insilientes, aguntur. Fœminæ catulos humeris gestant, cum quibus pariter ex arbore in aliam desiliunt. Quæ ex iis edoctæ sunt, res patrât incredibiles, verùm iracundæ sunt & crudeles, tametsi facile placetur.

¶ *Cuniculus.*

Cuniculorum syluestrium maxima est in Mauritania & Gumeræ montibus abundantia, qui licet sylvestres habeâtur, mea tamen sententia domesticorû speciem retinent: quod caro indicat, quæ neque sapore, neque colore differt à domesticis.



DE PISCIBVS.

¶ *Ambara piscis.*

Ambara piscis prodigiosæ formæ & magnitudinis, videri non potest, nisi cùm emoritur è mari in littus eiectus: quorum

rum sunt qui cubitos viginti quinque in longitudinem expleant. Capitis duritie saxum refert. Qui Oceani ripam inhabitant, hunc piscem Abram quam vocant effundere aiunt: cæterum an sperma vel excrementum sit, inter se dissident. Vtut sese res habeat, piscis portentosa sui magnitudine Balænx appellationem meretur.

¶ *Hippopotamus.*

Niger ac Nilus flumina hisce beluis refera sunt. Quæ forma equum, magnitudine asinum, depiles tamen representat. In aquis perinde ac in terra degit, nocturno saltem tempore in terrâ enatans. Cymbis insidiatur quæ mercibus onustæ secundo Nigro feruntur, quas dorsi frequentibus gyris agitata demergit.

¶ *Bos marinus.*

Durissima pelle circumdatur Bos marinus, terrestri omnino similis: cæterum statura inferior, vitulum semestrem refert. Reperitur in utroque flumine Nilo ac Nigro, & à piscatoribus captus diu extra aquam viuus permanet. Vidi in Alcairo catena publicè collo deductum, quem ad Asnam Nili ciuitatem quadringentis passuum milibus ab Alcairo distitam captum asserebant.

¶ *Tartaruca testudo.*

Poterat referri inter animalia terrestria, quod in desertis vitam degat. Plurimæ in desertis Libyæ reperiuntur, quæ ad magnitudinem dolij accedant. Tradit Bicris geographus in descriptionum Regionum & itinerum Africæ, hominem itineris tædio defatigatum, sub

DESCRIPTIONIS AFRICÆ

vesperam eminens in deserto saxum, ne à venenosis animalibus infestaretur conscendisse, qui ad lucem grauius dormiens, tribus ferè passuum milibus à quo reclinauerat loco traductus, intellexit quod subiisset saxum testudinē fuisse, quæ interdum firma, noctu rependo pabularetur, verū adeo lentē, vt vix præcipi posset. Huiusmodi testudines vidi quæ mediocris vasculi amplitudinem attingerent, nullas autem tam prodigiosæ magnitudinis. Carnes aiunt lepram curare, si septennium non excedant, quibus septem diebus continuo vescendum sit.

¶ *Crocodylus.*

Crocodylus animal malignum pariter ac noxium, abundè in Nigro ac Nilo præcipuè offenditur, longitudine duodecim cubitos & amplius excedit, cauda verò corporis residuum prolixitate adæquat, tametsi rari sint eius magnitudinis. Quatuor pedibus fertur læcæ per similes, neq; altitudine sesquicubitum excedit. Cauda multis ceu nodulis implicata, pelle verò adeò dura circumdatur, vt nec balista mediocri traici possit. Plerique piscibus saltem, nonnulli animalibus & hominibus vescuntur. Circum littora reconditi, magno astu homines vel propinqua animalia obseruant, quos subito cauda inuolutos in aquā pertrahunt ac deuorāt. Nonnulli tamen natura sunt mitiores: alioquin ad Nili vel Nigri ripam habitari non posset. Edentes maxillam tantummodo superiorem mouent, inferiori cum pectoris osse coniuncto. Superioribus annis ab Alcairo Ægypti superioris

Ca-

Canam quadringentis passuum milibus distantem, aduerso Nilo vectus, nocte quadam in medio itineris cursu, Luna nubibus obducta, nauis & viatoribus altum dormientibus, expansis velis nauigās, atq; in secretiori cubiculo ad lychnum studens, à probo sene vigiliis & orationib. incumbente vocatus, Excita, inquit, ex nostris aliquem, qui lignum annatans me in nauem trahere adiuet, quod cras coquinæ parandæ deseruiet. Libet ne, inquā, potius ipse veniam, quàm ex nostris aliquē nocte intempesta expergiscam? Ad quæ senex: Tentabo, inquit, num solus possim extrahere. Naui ligno vt existimabat propinqua, manu distenta funiculum in aquam iaciendum explicans, subito longa cauda profiliit, qua cinctus momēto temporis sub Nilum pertractus fuit. Repentē ad meos clamores omnes qui nauigio ferebantur subsilierunt, & demissis velis gradum sistentes, circiter horæ spacium cōstitimus, multis interim hominem inuestigaturis in aquam frustra desilientibus: omnes hunc affirmabant crocodilum exstitisse. Vterius nauigantes, quā plurimos ad Insularum ripas in medio Nili ad Solem aperto rictu apicantes conspeximus, quos auiculę turdi ferē magnitudinis inuolantes, post brēue temporis spacium euolabant. Mihi porrò eius rei occasionem, inquirenti responsum fuit, faucib. ac dentibus crocodili excontinua animalium ac piscium voratione perpetuò remanere defixæ carnis reliquias, quæ putrefacta vermiculos creat, à quibus magno cruciatu afficitur. Auiculæ autē vt inter volandum

ver-

DESCRIPTIONIS AFRICÆ

vermes conspiciunt, iis ventrem expleturæ rictū inuolitant. At crocodilus vt vermes exesos percipit, contracto rictu volucres absorbere nititur, sed acuta quam supra caput gerunt spina punctus, rictum diducit, simul ac dimittit. Crocodilus oua in ripam mittit, arenaq; cooperit: catuli confestim in flumen insiliunt. Nonnulli, sed venenati, à flumine aberrantes in desertis agunt: at Nilum habitantes veneno carent. Plurimi in Ægypto Crocodili carne vescuntur, bonique saporis asserunt. Adeps magno apud Alcairum venditur, quem aiunt vetustis vulneribus & carcinomate infectis cōducere. Crocodilum hoc modo capiunt: Piscatores crassum & prolixum funem altera parte validæ arbori vel columnæ ad Nili ripam ea de causa structæ, firmiter alligant: altera hamum ferreum cubitalis longitudinis, ac digitalis crassitudinis, cui vel arietem, vel capram nectunt, cuius balatu crocodilus inescatus, in ripam profiliens, hamū cum ariete absorbet, quo internè transfixus miris se modis agit, solumq; diuerberat, piscatoribus interim funem tum remittentibus, tum cōtrahentibus, donec tandem victus ceu exanimis concidat: tum certis hastis gula, lacertis, coxisque, qua pellem habet tenerriam perforatis, cōfodiunt. Dorsum habet adeò durum & crassum, vt minoris tormenti globo vix traici possit. Harum beluarum amplius trecenta capita Canē mœnibus diducto rictu affixa vidi, adeò magnæ ac stupendæ amplitudinis, vt vaccam integram capere potuissent, dentibus acutis & pręgrandibus. Solent autem Ægyptij

pisca-

piscatores Crocodilo caput præscindere, oppidorumque mœnibus, quemadmodum venatores ferarum capita, affigere.

¶ *Draco.*

IN Atlantis specubus crassissimi plurimique dracones reperiuntur, qui corpore grades difficulter mouetur, quod media sui parte sint densissimi, cauda verò & collo gracili. Sunt virulenti admodum, & si casu quenquam vel contingant, vel mordeant, carnem emolliunt ac debilitant, neque est qui mortem possit euadere.

¶ *Hydra.*

HYdra serpens curtus, cauda tenui, & circa collum gracili, in Libyæ desertis agit. Virus habet perniciosissimum, neque aliud morsui remedium ferunt, quàm eam membri partem excindere, priusquam virus in reliqua membra penetret.

¶ *Dub.*

DVB animal in desertis agens, formâ stellionem refert, aliquanto tamen densior, longitudine brachium, latitudine quatuor digitos explet. Aquam non potat, & si quis aquam in os infundat, euestigio moritur. Oua excludit ad modum testudinis, atq; veneno caret. Ab Arabibus in desertis capiuntur: Quin & ego à me comprehensum iugulaui, parum tamen emittit sanguinis. Assatus pelle detracta comeditur, saporem ac gustum ranunculæ exprimens. Lacertam velocitate representat, & si inter venandum, in specum subterraneum cauda foris remanente pellatur, nullis viribus ex-

DESCRIPT. AFRICÆ

trahi potest, verum ligonibus dilatato foramine à venatoribus capitur. Triduo maceratus dum igni apponitur, non secus mouetur ac si recens necatus foret.

¶ *Guarat.*

A Nimal prædicto simile, verum paulò grandius, in capite pariter & cauda venenum gerit, quibus partibus excisis Arabes eo vesci solent, alioquin deforme ac tætri coloris, cuius carnem eam ob causam gustare semper inhorruui.

¶ *Chamæleon.*

C Hamæleon animal figura & magnitudine lacertæ, deforme, gibbosum ac macilentum, cauda prælonga & instar muris tenui, lentè progreditur. Aëris alimento ac Solis radiis nutritur, ad quorum exortum rictu diducto se voluit, corpusq; ad Solem girat ac flectit. Colore pro loci quem videt varietate facile commutat, modò viridis, modò niger, quod & ipse vidi, effectus. Venenatis serpentibus admodum insidiatur, & si quem sub arbore dormientem conspiciat, eam subito conscendit, & locum capiti serpentis aduersum dispiciens, ex oris rictu mucoris filum cuius extremitati guttula margaritæ similis appendet, vibrat, quem si obliquè cadere animaduertat, loco pedes amouet, donec mucoris extremitas serpentis caput contingat, cuius virtute penetratus euestigio moritur. Nostri scriptores plurima de huius animalis proprietate occultisque virtutibus in scripta retulere, quæ memoria nobis exciderunt.

Stru

¶ *Struthiocamelus.*

DE auibus quoq; pauca dicturi, Struthiocamelus anserē forma refert, verū collo & cruribus adeò longis, vt nonnulli bicubitalem altitudinem excedant. Corpus habet densum, & in alis pennas grandes albi & nigri coloris, quibus volatu inutilis, ad cursum crebra alarum & caudæ agitatione iuuatur. Habitat in desertis inaquosis, atque oua numero decem aut duodecim in arena emittit, quarum singula tormentarij globi magnitudine plus minus quindecim libras pendent, ac breuissimæ cū sit memoriæ, loci confestim obliuiscitur. Quare fœmina in hæc oua incidens, siue propria, siue aliena, excubat & calefacit: pulli verò quamprimum nati sunt, per campum elscam quæsituri vagantur: & priusquam illis nascantur pennæ, cursu adeò valent vt consequi vix possint. Struthiocamelus animal est simplex & surdum, & quidquid inuenit, absque vllō delectu ad ferrum vsque deuorat. Carnes habet præcipuè circa coxam viscosas ac fœtidas: quibus vescuntur Numidæ, nam iuenculos capiunt & saginant. In aciem compositi deserta obambulant, quos qui eminus conspicit, totidem se equites videre existimat, quod persæpe fremitum ac timorem viatorum turbis incutit. Cū in Numidia degerem, eius carnibus vescebar, neque mihi harum gustus omnino displicuit.

¶ *Aquila.*

HArum diuersæ circa proprietatem, magnitudinem, & colorem, sunt species: maio-

DESCRIPTIONIS AFRICÆ

res Arabico idiomate Nesir vocantur. Aquilas docent Afri vulpibus ac lupis insidiari, quibus cum prælum ineunt: verùm edoctæ aquilæ vnguibus dorsum, & caput rostro compræhendunt, vt dentibus morderi nequeant. Cæterum si animal dorsum in terram voluat, aquila non desistit, donec vel interimat, vel oculos illi effodiat. Afferunt plurimi ex nostris Historicis masculum aquilam plerunque cum lupa coire, & gravidare, quo coitu mirum in modum tumefacta crepat, prodeunte hinc dracone, qui rostrum & alas volucris, caudam serpentis & pedes lupi, pellem verò serpentis versicolore gestat. Non potest supercilia erigere, atque in speluncis degit. Hoc monstrum tametsi non viderim, publica tamen fama certum est in Africa inueniri.

¶ *Nesir.*

Nesir maxima Africæ volucrum, corpore gruem excedit, rostro tamen, collo, & cruribus breuior. Inter volandum adeò excelsè in aërem se attollit, vt conspici nequeat, & si quod animal mortuum videat, subito se demittit. Longissimam ducit vitam, plurimosque vidimus propter senium implumes: quare pennis decidentibus, ad nidum tanquam recens nati redeunt, & à iunioribus aluntur. Itali vulturis appellatione nuncupandum censent, cuius tamen diuersum sentio. Habitant in altissimis rupibus & summitatibus incultorum montium, præcipuè in Atlante: capiuntur tamen ab iis qui locorum notitiam habent.

¶ *Bezi, seu Accipiter.*

Bezi

BEzi qui Latinis Accipiter, in Africa magno numero reperitur. Cæterum præstantiores sunt candidi, quos in certis montibus deserti Numidici capiunt, quibus gruibus insidiantur. Horum diuersæ sunt species: nam aliis perdices & coturnices, aliis lepores præhendunt.

¶ *Vespertilio.*

FOEdas has volucres, lucisque ofores per totum orbem inuenire licet: in certis tamen Atlantis specubus plurimos reperiatis, præcipuè in alis: quas licet ipse non viderim, audiui tamen ab innumeris isthic haberi.

¶ *Psittacus.*

IN Æthiopie syluis frequentes sunt Psittaci varij coloris: cæterum præstantiores & qui perfectius humanos accētus exprimūt, sunt virides. Qui columbæ magnitudinem referunt, diuersis coloribus vestiuntur: nempe rubro, nigro ac cinericio, sed ineptiores verbis exprimendis, licet vocem habeant suauem ac dulcem.

¶ *Locusta.*

LOcustarum plerunque tanta conspicitur in Africa frequentia, vt volantes instar nebulæ Solis radios operiant. Arbores ipsas pariter cum frondibus ac fructu esitant. Discessuræ oua relinquunt, quibus aliæ (tametsi non volent) pullulant, & quibus in locis offenduntur, omnia ad cortices arborum exedunt, magnamque annonæ caritatem præcipuè in Mauritania relinquunt. Verùm Arabiæ desertæ &

DESCRIPTIONIS AFRICÆ

Libyæ populi, locustarum aduentum pro fœlici habent omine: nam vel elixas, vel ad Solem de-
ficcatas, in farinam tundunt atque comedunt.

Hæc habui quæ de auibus & animalibus in Europa non existentibus, aut ab iis aliquatenus differentibus, in scripta referrem: quare vbi nonnihil de mineralibus, nonnullisq; Africæ arboribus & fructibus attigero, operi colophonem imponam.

DE MINERALIBVS.

Sal.

Africa potiori ex parte aliud sal nō habet, præter id quod ex specuum salinis, velut marmor aut gessum, candidi, rubei, & cinerici coloris, effoditur. Barbaria sale abundat: Numidia mediocriter: Nigritarum autem regio, præcipuè Æthiopia interior, vbi dimidio aureo libra venditur, sale caret. Harum autem regionum populi, sal supra mensam imponere non consueuerunt: sed frustulum salis manu continentes, in singulas panis buccellas, ne multū absumant, lingunt. In aliquot Barbariæ lacubus & paludibus æstiuo tempore sal congelatur, planum & candidum, velut in locis Fessanæ ciuitati vicinis.

Antimonium.

Nascitur plerisq; in Africæ locis, in plumbi fodinis, & sulfure à plumbo separatur. Maxima porro copia ad radices Athlantis effoditur, iis præcipuè vbi Numidia regno Fessano confinis est. Sulfur quoque aliis in locis magna prouenit abundantia.

¶ *Euphorbium.*

Euphorbium est cuiusdam herbæ liquor, quæ in modum capituli syluestris cardui nascitur, inter cuius ramos fructus quidam prodeunt, crassitudine viridis cucumeris: ad cuius etiam similitudinem grana quædam perparua emittunt, longitudine quidem alij vnam excedunt, alij paulo etiam amplius. Atque hi quidem fructus non oriuntur ex plantæ ramis, sed velut stipites ex humo procedunt, & ex vno cespite sæpè viginti, nonnunquam etiam triginta nascuntur. Agrestes eius regionis homines, vbi maturuerunt fructus cultello pungūt, vnde exit liquor lactis persimilis, qui sensim crassescit & viscosus efficitur. Hinc cultello ita crassum liquorem tollunt, & in vtres mittunt; atq; sic exsiccat. Planta est vndique spinosa.

¶ *Pix.*

Dvo sunt picis genera, alterum naturale, ex fontium aliquot lapidibus colligitur, quorum aqua plurimū foetet, eundemq; gustum retinet. Alterum artificiale, ex iunipero vel pino eruitur, quam in Athlantis montibus vidi confici. Fornacem construunt profundam ac rotundam, quæ foramen ab inferiori parte in fossam ceu vasculum stillantem habet: in hac virides arborū ramos minutim concisos iniiciunt, & fornace occlusa tepidum ignem substruunt, cuius calore distillans lignum in fossam per foramen manat: atque in hunc modum colligitur & vtribus imponitur.

¶ *Musa fructus.*

Pp iij

Nas-

DESCRIPTIONIS AFRICÆ

N Ascitur ex planta exigua, foliis magnis, latis, & cubitalis longitudinis. Amoenitate & suauitate præter modum excellit, ad magnitudinem paruorum cucumerorum assurgens. Ferunt Machumetani doctores huius fructus comestionem Deum primis parentibus interdixisse, quod ubi comedissent, resecta uerenda eius fructus foliis, ei rei inter plantas reliquas aptissimis, operuere. Magna copia Sele Felsani regni oppido proueniunt: verum in Ægypto, maiori: præcipuè Damiatæ.

¶ Cassia.

A Rbores Cassiam producentes sunt crassissime, habentq; folia Moro persimilia. Florem gestant latum & candidum, tantumque fructuum producunt, ut plurimos ante maturitatem, ne disrumpantur, tollere oporteat. In Ægypto saltem proueniunt.

¶ Terfez.

T Erfez, radice potius quam fructus appellatione dicenda venit, tuber similitudine refert, ceterum aliquantò crassior. Album gestat corticem, calidis arenosisque in locis proueniens. Quo in loco iaceat, ex tumore soli aliquantùm disrupti cognoscitur. Nonnulli magnitudine iuglandem, nonnulli malum citreum referunt. Medici, quibus camha nuncupatur, fructum refrigeratiuum affirmant. Prouenit abundè in desertis Numidiæ, quo Arabes æquè libenter vescuntur atque saccharo. Prunis assatam, deinde emundatam, pinguiq; iusculo decoctam, in deliciis ponunt. Arabes aqua aut lacte elixam

comedunt. Nascitur quoque vbertim in arena iuxta Selam oppidum. De dactylo cum affatim in Segelmessa Numidiæ dixerimus, nihil impræsentiarum tractaturi sumus.

Ficus Ægyptia, quæ Ægyptiis Giuners.

Cæteras refert ficulneas tum arbore, tum foliis, verum sunt procerae & altissimæ: fructus verò ramis inter folia non innascuntur, hoc est, in gemmarum extremitatibus, sed ipsius arboris trunco, ubi folia non nascuntur. Aliarum ficuum saporem retinent, multo crassiori cortice, & coloris punicei.

¶ Ettalches arbor.

Arbor est excelsa & spinosa, foliis iuniperum referens, liquorem emittit mastichæ persimilem, quo Africani pharmacopolæ mastichæ adulterare solent, nam colorem eundem habet, & nonnihil odoris. Reperitur quoque similis in desertis Libyæ, & Numidiæ, & Nigritarum regione: verum Numidiæ arbores cum secantur in medio, ligni eundem candelam quem cæteræ arbores referunt Libyæ, punicei: Nigritarum verò regionis arbores intus nigerrimæ sunt. Ea porro nigra medulla Italis Sangu appellatur, ex qua fiunt instrumenta Musica. Punicea Medici Africani in morbi Gallici curationibus vtuntur, vnde & Gallici morbi lignum vulgariter appellitant.

¶ Tanzarghenta radix.

Reperitur ad Occidentalem ripam Oceani. Odorem emittit odoriferum. Eam Mauritani mercatores in regionem Nigrita

DESCRIPTIONIS AFRICÆ

gritarum exportant, quæ cœu præstantissimo sustinimento vtuntur, quod nec deflagrare, nec igni adiuuere conuenit; nam in ædibus asseruata, spontaneum ex se ipsa reddit odorem. Eius radicis sarcinâ apud Mauritanos sesquiauxeo vendunt, quæ in regionem Nigritarum exportata, octoginta aut centum aureis, & pluris nonnunquam venundatur.

¶ *Addad radix.*

H Erba est amara, eiusque radix adeò venenata, vt vnica eius aquæ distillatæ drachma hominem intra horæ spacium necare possit, quod fœminis ipsis in Africa notiss. est.

¶ *Surnag radix.*

E St quoque & hæc radicis genus in Athlantis Occidentalib. locis proueniens, cui vires inesse aiunt earum regionum incolæ, membrum virile tum confortandi, tum qui ea in electuario vtatur, coitum augendi. Affirmant quoque si casu radici immeiere quenquam contingat, subito membrum erigi. Non prætermisurus sum hoc loco, quæ communi sententia omnes Athlantis incolæ asserunt, plurimas puellas ex earum numero, quæ animalia pèr eos montes pascunt, virginitatem alia occasione non amisisse, quàm quòd vrinam supra hanc radicem emisissent: quibus ego ioco respondebam, me probare quicquid de eius radicis occulta virtute euentus comprobasset. Aiebant quoq; inueniri nonnullas, quæ adeò infectæ essent, vt nò modò virginitatis florem amittere facerent, sed corpus vniuersum quoque turgere.


HÆC SVNT QVÆ MEMO-
 randa & cognitione digna, ego Ioannes Leo in
 vniuersa Africa tum vidi, tum obseruaui, quam
 penitus omni ex parte circumdedi : & quicquid
 in ea memoratu dignum obtigit, vt vidi, ita di-
 ligenter continuò in scripta retuli : & quæ non
 vidi, à viris fide dignissimis, qui ea con-
 spexerant, mihi ad plenum declaran-
 da procuraui, ac deinde occasio-
 nem nactus, has meas vigi-
 lias in vnum volu-
 men redegi.


Romæ, Anno restitutæ salutis
 M. D. XXVI. V. Idus Mart.


DESCRIPTIONIS AFRICÆ
*Ioannis Leonis Granata oriundi,
 & in Barbaria educati,*
 FINIS.




75-177
T. J. B. 1887
Box 90









1127

Str. Belg. 27.6.80

(copyist)

rec.

H 556

L 576 d

CD

